




বাংলা.

কিতাপতন্ত্র

গোপালচন্দ্র

ভট্টাচার্য

*If you want to download
a lot of ebook,
click the below link*



**Get *More*
Free
eBook**

**VISIT
WEBSITE**

www.banglabooks.in

Click here



১৯৭৪-৭৫ সালের বই-পুস্তক-প্রতি

বাংলার কিটপত্ৰ

গোপালচন্দ্র ভট্টাচার্য

প্রথম দে'জ সংস্করণ :

কলকাতা পুস্তকমেলা

জানুয়ারী ১৯৮৬

মাঘ ১৩২২

প্রকাশক :

শ্রীহাংলেশ্বর দে

দে'জ পাবলিশিং

১৩ বঙ্কিম চ্যাটার্জী স্ট্রীট

কলকাতা ৭০০০৭৩

মুদ্রক :

স্বপন কুমার দে

দে'জ অফসেট

১৩, বঙ্কিম চ্যাটার্জী স্ট্রীট

কলিকাতা-৭০০ ০৭৩

প্রচ্ছদ :

পৃথীল গঙ্গোপাধ্যায়

বস : নীহারকন ভট্টাচার্য

দাম : ৪৫ টাকা

BANGLAR KEET-PATANGA

Gopal Chandra Bhattacharya.

ভূমিকা

কয়েক মাস আগে জগদীশচন্দ্রের পুণ্যস্থতিবিজড়িত বহু বিজ্ঞান মন্দিরে শ্রীগোপাল-চন্দ্র ভট্টাচার্য মহাশয়ের যে সংবর্ধনার আয়োজন করা হয় তাতে অনেকে আগ্রহ প্রকাশ করেছিলেন, বিভিন্ন পত্রপত্রিকায় গোপালবাবুর যে সব মনোজ্ঞ প্রবন্ধ ছাপা হয়েছিল তার একটি সংকলন গ্রন্থাকারে প্রকাশ করলে ভাল হয়। সেই অমুখ্যায়ী গোপালবাবুর প্রবন্ধগুলির একটি সংকলন বর্তমানে প্রকাশিত হচ্ছে জেনে বিশেষ আনন্দিত হলাম।

মাকড়সা, পিঁপড়ে এবং কয়েকটি বিশেষ শ্রেণীর কীট-পতঙ্গের আচরণ ও তাদের শারীরবৃত্তীয় ধর্মাবলী সম্পর্কে গোপালবাবুর গবেষণালব্ধ তথ্যগুলি শুধু ভারতেরই নয়, বিদেশের বিজ্ঞানী মহলেও এক সময় যথেষ্ট সমাদর লাভ করেছিল বলে আমরা জানি। যে যুগে কেউই মাতৃভাষায় নিজের গবেষণালব্ধ তথ্য প্রকাশের কথা ভাবতেই পারতেন না, তখন গোপালবাবু বাংলাভাষায় তাঁর গবেষণার তথ্যাদি প্রকাশ করে সকলকে বিস্মিত করেছিলেন। তিনি অতি সহজ সাবলীল বোধগম্য ভাষায় তাঁর প্রবন্ধগুলি লিখতেন। এজন্তে ছোটবড় সকল শ্রেণীর পাঠকের কাছে তাঁর লেখাগুলি খুবই সমাদৃত হতো। জীববিজ্ঞা, রসায়ন, পদার্থবিজ্ঞা, জ্যোতির্বিজ্ঞান, নৃতত্ত্ব ইত্যাদি বিজ্ঞানের বিভিন্ন শাখার নানা বিষয়ে তিনি লিখেছেন, তবে সবচেয়ে উল্লেখযোগ্য হলো তাঁর জীববিজ্ঞা সম্পর্কিত রচনাগুলি। এই লেখাগুলি যেমন কোতুলোদ্দীপক তেমনি আকর্ষণীয়। তিনি যে পঞ্চাশ বছরেরও অধিককাল মাতৃভাষায় বিজ্ঞানসাহিত্যের সেবা করে আসছেন, তাতে তাঁকে এ যুগের অগ্রতম পথিকৃৎ বললে অত্যুক্তি হয় না।

গ্রন্থাকারে প্রকাশিত গোপালবাবুর রচনাগুলি প্রকৃতিবিজ্ঞানের নিগূঢ় রহস্যের দিকে ছেলেমেয়েদের যেমন আকৃষ্ট করবে, তেমনি বড়রাও এই লেখাগুলি পড়ে যথেষ্ট আনন্দ পাবেন। এই সংকলন গ্রন্থটি সকলের কাছে সমাদৃত হবে বলে আমি মনে করি।

প্রকাশকের নিবেদন

বর্তমান সংস্করণ প্রসঙ্গে কয়েকটি কথা বলবার আছে। ১৯৭৫-এ বাংলার কীট-পতঙ্গ যখন প্রথম প্রকাশিত হয়, সেই সংস্করণের প্রমুখ গোপালচন্দ্র ভট্টাচার্য দেখেছিলেন। কিন্তু পরের বিভিন্ন সংস্করণের প্রমুখ লেখক দেখেন নি। লেখক কর্তৃক মনোনীত ব্যক্তিও দেখেন নি। ফলে, বেশ কিছু প্রবন্ধে গুরুত্বপূর্ণ বহু ছত্র মুদ্রিত হয় নি। বর্তমান সংস্করণ ১ম সংস্করণের পাঠের সঙ্গে ও প্রবাসী পত্রিকার পাঠ মিলিয়ে মুদ্রিত হয়েছে।

পরিশিষ্ট অংশে ডঃ রতনলাল ব্রহ্মচারী ও ডঃ অজিতকুমার মেদার নতুন প্রবন্ধ ও বিস্তৃত গ্রন্থ পরিচয় সংযোজিত হয়েছে। সুতরাং বর্তমান সংস্করণটি জিজ্ঞাসু পাঠকদের বেশ কিছু কৌতুহল চরিতার্থ করবে।

প্রয়াত গোপালচন্দ্রের পুত্রদের সহযোগিতা এবং ডঃ রতনলাল ব্রহ্মচারী, ডঃ অজিতকুমার মেদা ও বঙ্গীয় বিজ্ঞান পরিষদের কর্তৃপক্ষের কাছে কৃতজ্ঞতা স্বীকার করছি। আশা করি বাংলা বিজ্ঞান সাহিত্যের সেবা দশটির একটি 'বাংলার কীট-পতঙ্গ'-র দে'জ সংস্করণও সমাদৃত হবে।

বিনীত

বইমেলা, ১৯৮৬

সুপ্রসন্ন সন্দর্ভ

পরিমল গোস্বামী
বঙ্কুবরেন্দ্র


সূচীপত্র

অমিক-পিঁপড়ের জন্ম-রহস্য	২
পিঁপড়ের বুদ্ধি	১৫
পিঁপড়ের লড়াই	২২
সুদে-পিঁপড়ের ব্লিংসক্রিগ	৩০
দুধলতা প্রজাপতির জন্মকথা	৪০
শোঁয়াপোকায় মৃত্যু-অভিযান	৪৩
মথ ও রেশম কীট	৪৬
নিশাচর প্রজাপতি	৫২
প্রজাপতির লুকোচুরি	৫৭
মোঁমাছির জীবন-রহস্য	৬১
বোলতার জীবন-রহস্য	৬৮
ভীমকলের রাহাজানি	৭৫
নেউলে পোকায় জন্মরহস্য	৮২
কুমোরে-পোকায় সম্ভানরক্ষার কৌশল	৮৬
পঙ্গপাল	৯৮
গঙ্গাফড়িং	১০৩
কানকোটীর জীবন-কথা	১০৭
কীট-পতঙ্গের বাজনা	১১৪
কীট-পতঙ্গের লুকোচুরি	১১৮
কীট-পতঙ্গের শিল্পনৈপুণ্য	১২৩
মাকড়সা	
গর্তবাসী মাকড়সা	১৩৩
তীতী-বোঁ মাকড়সা	১৪২
বাংলাদেশের মৎস্ত-শিকারী মাকড়সা	১৪৯
মাকড়সার নাচ	১৫০
চোর মাকড়সা	১৫১
মাকড়সার লড়াই	১৫২
প্যারাসুটিস্ট মাকড়সা	১৫৪
পিঁপড়ে-মাকড়সা	১৬০
পরিশিষ্ট	১৬৭

গোপালচন্দ্রের অন্ত্যন্ত বই :

করে দেখ তিন খণ্ড


গোপালচন্দ্র অমনিবাস




[1]




[2]




[7]




[8]




[9]



[6]





[9]




[4]

[5]






[50]




[55]




[52]




[59]



[58]



[57]




[56]




[59]



[45]



[46]



[47]

প্রাথমিক-পিঁপড়ের জন্ম-রহস্য

আমাদের আশেপাশে রকমারি পিঁপড়ে দেখতে পাই। এদের বাসস্থান অসুসন্ধান করলে দেখা যাবে— প্রায় অধিকাংশ ক্ষেত্রেই তাতে দুই, তিন বা ততোধিক বিভিন্ন আকৃতির পিঁপড়ে রয়েছে। একই জাতীয় পিঁপড়ের এই আকৃতি-বৈষম্য স্বভাবতই বিস্ময়ের উদ্রেক করে। খুঁটিনাটি বৈষম্য থাকলেও সন্তান, মাতা অথবা পিতার মতো আকৃতি পরিগ্রহ করে থাকে। জীবজগতের এটাই অতি পরিচিত ঘটনা। কদাচিৎ কখনও দু-এক ক্ষেত্রে নিয়মের ব্যতিক্রম ঘটতে দেখা যায়, কিন্তু তার কারণও সুস্পষ্ট। পিঁপড়াদের ক্ষেত্রে কিন্তু মাতা অথবা পিতা থেকে সম্পূর্ণ ভিন্ন আকৃতির সন্তান জন্মগ্রহণ করাটাই স্বাভাবিক নিয়ম। মাতা বা পিতার অসুস্থরূপ সন্তান জন্মগ্রহণ করাটা কতকটা সাময়িক এবং অনেকটা আকস্মিক ব্যাপারের মতো। এক একটা পিঁপড়ের বাসায় সাধারণত চার-পাঁচ রকমের পিঁপড়ে থাকে— কয়েক শত পুরুষ, কয়েক শত রানী এবং কয়েক হাজার কর্মী বা শ্রমিক। আমরা সচরাচর শ্রমিক-পিঁপড়েই দেখে থাকি এবং এদের দেখেই জাতি নির্ণীত হয়। শ্রমিকদের মধ্যে কতকগুলি থাকে মাথা মোটা সৈন্ম এবং বাকিগুলি ছোট, বড় ও মাঝারি— এই তিন শ্রেণীতে বিভক্ত। রানীর আকৃতি সাধারণ পিঁপড়াদের তুলনায় অনন্তব বড়। পুরুষের আকৃতি মাঝারি গোছের। কিন্তু কর্মীরা সর্বাপেক্ষা ছোট এবং পিতা বা মাতার সঙ্গে আকৃতিগত কোনও সামঞ্জস্য দেখা যায় না। পুরুষ বা রানী পিঁপড়াদের প্রত্যেকেরই ডানা আছে; কিন্তু কর্মীদের কারও ডানা নেই, অথচ বিস্ময়ের বিষয় এই যে, পুরুষ ও রানীর মধ্যে মিলন সংঘটিত হবার পর রানীর ডিম থেকে কেবল এই কর্মী শ্রেণীর পিঁপড়েরাই জন্মগ্রহণ করে থাকে। কী উপায়ে এরূপ অদ্ভুত ব্যাপার সংঘটিত হয়ে থাকে, প্রত্যেকেরই তা জানবার আগ্রহ হওয়া স্বাভাবিক। বিভিন্ন জাতীয় কয়েক প্রকার পিঁপড়ের মধ্যে এরূপ আকৃতিগত বৈষম্য দেখে এক সময় আমরাও কৌতূহল অদম্য হয়ে উঠেছিল। ইতিপূর্বে বৈজ্ঞানিকেরা এ সম্বন্ধে অনেক প্রকার গবেষণা করেছেন বটে, কিন্তু কোনও স্থির সিদ্ধান্তে উপনীত হতে পারেন নি।

কিছুকাল যাবৎ পিঁপড়াদের এই অদ্ভুত প্রজনন-রহস্য উদ্ঘাটনের নিমিত্ত পরীক্ষায় প্রবৃত্ত হয়েছিলাম। পরীক্ষার ফলে এই রহস্য সম্বন্ধে যতটুকু জানতে পেরেছি, তা মোটামুটিভাবে আলোচনা করবো। প্রথমত কাঠ-পিঁপড়ে নিয়ে কাজ আরম্ভ করেছিলাম। তার পর ক্রমাগত ডেঁয়ো-পিঁপড়ে, বিষ-পিঁপড়ে, হুড়হুড়ে-পিঁপড়ে নিয়ে পরীক্ষা করেও বিশেষ কোন স্মৃতি করতে পারি নি। কারণ এই পিঁপড়েরা প্রত্যেকেই মাটির নিচে গর্ত খুঁড়ে বাস করে। বাচ্চা প্রভৃতি মাটির নিচে অন্ধকারেই প্রতিপালিত হয়, বাইরে থেকে দেখবার কোনও উপায় নেই। কৃত্রিম বাসা তৈরি করে তাতে হাজার হাজার পিঁপড়ে প্রতিপালন করে দেখেছি, তারা— রানী, বাচ্চা, ডিম প্রভৃতি অন্ধকারে অথবা কোনও কিছুই আড়ালে অতি সংগোপনে রক্ষা করে। কাজেই এদের স্বাভাবিক কার্যপ্রণালী প্রত্যক্ষ করা অতি দুষ্কর ব্যাপার। অবশেষে এ বিষয়ে অহুসঙ্কান করবার নিমিত্ত লাল-পিঁপড়ে পুষতে আরম্ভ করি। লাল-পিঁপড়েরা গাছের ডালের পাতা পরস্পর জুড়ে গোলাকার বাসা নির্মাণ করে। পাতার ভিতর দিয়ে বাসার ভিতরের অবস্থা দেখা যায় না; কাজেই কৃত্রিম বাসার সাহায্য নিতে হয়েছিল। অনেক কিছু বার্থ চেষ্টার পর অবশেষে পাতলা সেলোফিন মুড়ে বাসা তৈরি করতে সক্ষম হলাম। পুরুষ, রানী, ডিম ও বাচ্চা সমেত হাজার হাজার পিঁপড়ে বাসায় ছেড়ে দিলাম। তারা সেলোফিনে-আবৃত্ত বাসায় উপস্থিত হয়ে ফাটা এবং ফুটা স্থানগুলি বন্ধ করে দিল এবং বিভিন্ন কুঠি নির্মাণ করে বেশ সহজভাবেই বসবাস করতে লাগলো। পাতলা সেলোফিনের পর্দার ভিতর দিয়ে পিঁপড়েগুলির কার্যকলাপ প্রত্যক্ষ করতে কোনই অসুবিধা হয় না। বিভিন্ন জাতীয় পিঁপড়াদের আকৃতি এবং প্রকৃতি বিভিন্ন হলেও তাদের সমাজ-ব্যবস্থা এবং প্রজনন ব্যাপারে মোটামুটি একটা সামঞ্জস্য দেখা যায়। কাজেই লাল-পিঁপড়ের সম্বন্ধে আলোচনা করলেই সাধারণভাবে পিঁপড়াদের সামাজিক বিধি-ব্যবস্থার বিষয় অবগত হওয়া যাবে।

মাছ সমাজিক প্রাণী। অপেক্ষাকৃত উন্নত জেগীর জীবের মধ্যে মাছের মতো সমাজ-ব্যবস্থা না থাকলেও মোঁমাছি পিঁপড়ে প্রভৃতি নিম্নস্তরের কীট-পতঙ্গের মধ্যে একরূপ সমাজ-ব্যবস্থা প্রচলিত রয়েছে। তাঁদের সমাজের রীতিনীতি যাতে অক্ষুণ্ণভাবে নিরূপভাবে চলতে পারে, তার জন্তেও একটা স্বাভাবিক অবস্থা অবলম্বিত হয়েছে। মাছেরা বুদ্ধিমান এবং কৌশলী হলেও পিঁপড়ে অথবা মোঁমাছির মতো স্থানিয়ত্রিত একটা পাকাপোক্ত সমাজ-ব্যবস্থা গড়ে তুলতে পারে নি। প্রচলিত সমাজ-ব্যবস্থায় মাছের ব্যক্তিগত স্বার্থসিদ্ধি এবং ব্যক্তিগত প্রাধান্য

প্রতিষ্ঠার যথেষ্ট স্বযোগ রয়েছে। প্রত্যেকেই সুবিধামত সেই স্বযোগের সদ্ব্যবহার করে থাকে। তার ফলেই দাসত্ব প্রথা, বাধ্যতামূলক বেগার খাটা এবং অস্বাভাবিক দানীতিমূলক প্রথার উদ্ভব ঘটেছিল। স্বার্থাশ্রমী ও প্রভুত্ব-প্রয়োগী ব্যক্তির অস্ব-প্রয়োগে মানুষের প্রজননশক্তি নষ্ট করে নিজেদের স্বত্বস্ববিধা বিধানের নিমিত্ত কায়মীভাবে এক ধরনের শ্রমিকশ্রেণী উৎপাদনে অগ্রসর হচ্ছিল। কিন্তু যে কারণেই হোক তাদের এই প্রচেষ্টা অধিক দূর প্রসার লাভে সক্ষম হয় নি। যা হোক, মানুষের প্রয়োজনে আজ পর্যন্তও গৃহপালিত পশুপক্ষীর উপর এ ব্যবস্থা অব্যাহত প্রযুক্ত হচ্ছে। উদ্দেশ্য যাই হোক, উপায়টা যে সম্পূর্ণ নির্ভরতার পরিচায়ক, সে বিষয়ে কোনই সন্দেহ নেই। শ্রমসাধ্য যাবতীয় কার্যনির্বাহের জন্তে পিঁপড়েরা কিন্তু অতি সহজ উপায়ে একরূপ একপ্রকার শ্রমিক শ্রেণী উৎপাদন করার উপায় আয়ত্ত্ব করে নিয়েছে। মনুষ্য কর্তৃক অবলম্বিত উপায় অপেক্ষা তাদের উপায় যে সহস্র গুণে শ্রেষ্ঠ, এ কথা অস্বীকার করার উপায় নেই। স্বার্থাশ্রমী, পুঁজিবাদী, প্রভুত্বপ্রয়োগী মানুষেরা যদি পিঁপড়ের অবলম্বিত কৌশলের মতো এমন কোনও সহজসাধ্য উপায় আবিষ্কারে সক্ষম হতো, তবে তার প্রভাবে পৃথিবীর অধিকাংশ মানুষই হয়তো বাৎসরিক্রমে কায়মী শ্রমিকশ্রেণীতে পরিণত হতো।—প্রভুর তুষ্টিবিধান ও স্বার্থ রক্ষা ছাড়া তাদের ব্যক্তিগত স্বার্থ বলে কোনও কিছুই অস্তিত্ব থাকতো না। কৃত্রিম বাসার মধ্যে হাজার হাজার পিঁপড়ে প্রতিপালন করে বছরের পর বছর তাদের আচার-ব্যবহার যা প্রত্যক্ষ করেছি, তা থেকে এই ধারণাই বহুমূল্য হয়।

আগেই বলেছি, এক-একটা পিঁপড়ের বাসায় কয়েক শত রানী, কয়েক শত পুরুষ এবং হাজার হাজার কর্মী বা শ্রমিক পিঁপড়ে দেখা যায়। রানী এবং পুরুষ পিঁপড়েরা কোনও কাজই করে না, কেবল অলসভাবে বাসার মধ্যে এদিক-ওদিক ঘুরে বেড়ায় মাত্র। শ্রমিকরা রানী ও পুরুষকে সর্বপ্রকার সেবা-যত্ন করে থাকে। শ্রমিকেরা খাবার সংগ্রহ করে পুরুষ ও রানীদের মুখের কাছে তুলে ধরে। আহারান্তে একাধিক শ্রমিক মিলে গাত্র মার্জনা করে দেয় এবং অবসরমত তাদের প্রশোধনে ব্যাপৃত হয়। ডিম পাড়বার সময় হলেই হাজার হাজার কর্মী-পিঁপড়ে তার অপাদমস্তক আড়াল করে অপেক্ষা করতে থাকে। সে সময় শ্রমিকেরা রানীর যেকোন সেবাযত্ন করে থাকে, তা দেখলে বিশ্ময়ে অবাক হতে হয়। একটির পর একটি করে ডিম বেরিয়ে আসতে আরম্ভ করলেই শ্রমিকেরা সেগুলিকে অতি যত্ন সহকারে মুখে তুলে নিয়ে একটা নির্দিষ্ট কুঠুরিতে সাজিয়ে রাখে। অন্য এক দল শ্রমিক তখন ডিমের তদারকি নিযুক্ত হয়। তারা ডিম ছেড়ে কোথাও নড়ে

না। দু-এক দিনের মধ্যেই ডিম ফুটে বাচ্চা বের হয়। এক-একটি কর্মী এক-একটি বাচ্চা প্রতিপালনের ভার গ্রহণ করে। এগুলিকে খাওয়ানো, পরিষ্কার করা, উন্মুক্ত স্থানে বেড়িয়ে আনা প্রভৃতি যাবতীয় কাজ শ্রমিকেরাই করে থাকে। পুরুষ বা রানীরা কোনও কাজেই বিন্দুমাত্র অংশ গ্রহণ করে না। এরা বহু দূর দূরান্তর থেকে খাণ্ড সংগ্রহ করে বাসায় নিয়ে আসে এবং পুরুষ ও রানীকে শ্রেষ্ঠাংশ খাওয়ানোর পর অবশিষ্ট অংশ সকলে মিলে ভাগাভাগী করে খায়। এদের সঞ্চয়ের অভ্যাস নেই। যা সংগৃহীত হয়, তাই খেতে শুরু করে দেয়। যদি খাণ্ডের অনটন ঘটে তবে যৎসামান্য যা সংগৃহীত হয়, তা থেকে প্রথমে বাচ্চাগুলিকে খাওয়ানো এবং পরে পুরুষ ও রানীকে খাইয়ে যা অবশিষ্ট থাকে তা নিজেরা ভাগা-ভাগী করে খায়, নচেৎ অনাহারে থেকেই প্রয়োজনীয় কাজকর্ম চালিয়ে যায়। অনাহার সহ্য করে মৃত্যু বরণ না করা পর্যন্ত এরা নিজের কর্তব্যকর্মে বিন্দুমাত্র শৈথিল্য প্রকাশ করে না। শত্রুর আক্রমণে ভীত হয়ে হয়তো বাচ্চা মুখে করে কোনো নিরাপদ স্থানে আশ্রয় গ্রহণ করতে ছুটছে, সেই সময়ে দেহের অঙ্গ-প্রত্যঙ্গ— এমন কী, অর্ধাংশে দ্বিখণ্ডিত করে দিলেও বাচ্চাকে মুখ থেকে ফেলে দিয়ে নিজের প্রাণ বাঁচানোর চেষ্টা করে না। শত্রু-কবলিত বাচ্চা, রানী অথবা পুরুষ পিঁপড়েকে উদ্ধার করবার জন্যে নিষ্ফল প্রচেষ্টায়ও কেউ জীবন দিতে কিছুমাত্র ইতস্তত করে না। দু-একটি ব্যতীত অধিকাংশ ঘটনা দেখে জীবনের প্রতি এদের সত্য-সত্যই কোনো মমত্ববোধ আছে কিনা সন্দেহ হয়। এদের কোনও চালকও নেই বা কার্য-বটনও কেউ করে দেয় না। যখন যার প্রয়োজন উপস্থিত হয়, সংস্কারবশেই যেন সে কার্যে আত্মনিয়োগ করে এবং সুশৃঙ্খলার সঙ্গে তা সম্পন্ন করে। এদের মধ্যে কঠিন বা সহজ বলে কোনও কাজের বিচার নেই। কঠিনই হোক, কী সহজই হোক প্রয়োজন উপস্থিত হওয়া মাত্র এরা নির্বিচারে সমস্ত শক্তি প্রয়োগ করে। শত্রু প্রবলই হোক, কী দুর্বলই হোক, নাগালের মধ্যে আসামাত্রই সমস্ত শক্তি দিয়ে নির্বিচারে তাকে আক্রমণ করবে। একটা কাঠি বা এক টুকরো ইট কাছে আনামাত্রই তাকে প্রাণপণে কামড়ে ধরবে এবং ভারী হলে তা টেনে ছুলতে না পারলেও সেই নিরীহ ইটের টুকরোটা মুখে করে সারা দিন ঝুলে থাকবে— এমনই কর্তব্যপরায়ণ এবং বিশ্বস্ত এরা।

বাসা বাঁধবার সময় কর্মীদের অক্লান্ত পরিশ্রম করতে দেখে বিশ্বাসে অবাক হয়ে থাকতে হয়। লাল-পিঁপড়েরা একটির পর একটি পাতা জুড়ে গাছের ডালে গোলাকার বাসা নির্মাণ করে। শত শত কর্মী একযোগে কাছাকাছি অবস্থিত ছটি পাতা টেনে ধরে পরস্পর সংলগ্ন করে রাখে। আর এক দল কর্মী বাচ্চা

মুখে করে সে স্থানে উপস্থিত হয় এবং বাচ্চার মুখনিঃসৃত স্ত্যতার সাহায্যে পরস্পর সংলগ্ন পাতা দুটিকে জুড়ে দেয়। এভাবে অনেক পাতা জুড়ে ক্রমশ একটি বড় বাসা গড়ে তোলে। অনেক সময় দেখেছি— হাজার হাজার পিঁপড়ে একত্রিত হয়ে এক সঙ্গে গাছের পাতা জুড়ে টেনে ধরে রয়েছে। স্ত্যতা বোনা শেষ হলে কর্মীরা একে একে সেই টানা ছেড়ে দিতে থাকে। কিন্তু পরীক্ষার উদ্দেশ্যে একবার স্ত্যতা-বোনা পিঁপড়েগুলিকে অগ্রসর হতে দেওয়া হলো না। কোঁশলে তাদের গতিরোধ করা হলো। এদিকে কর্মীরা পাতা টেনে ধরেই আছে। এক দিন, দু'দিন করে ক্রমাগত কয়েক দিন অতিক্রান্ত হয়ে গেল, তথাপি পাতার টানা ছাড়বার কোনই লক্ষণ দেখা গেল না। অনাহারজনিত দুর্বলতায় দু'একটা করে পিঁপড়ে কামড় ছেড়ে নিচে পড়ে যেতে লাগলো। কিন্তু অল্প পিঁপড়ে এসে তৎক্ষণাৎ তাদের স্থান পূরণ করতে লাগতে লাগলো। কিন্তু স্ত্যতা বোনবার স্ত্যযোগ আর এলো না। এথেকেই পিঁপড়াদের স্ত্যতাবের দৃঢ়তার এবং কর্তব্য-নিষ্ঠার পরিচয় পাওয়া যায়।

একই জাতীয় দুই দল পিঁপড়ের মধ্যে সময় সময় লড়াই বাধতে দেখা যায়। পরস্পরকে কামড়ে ধরে হয় উভয়ে টানাটানি নতুবা গড়াগড়ি দিতে থাকে। বিজ্ঞতা পরাজিতকে টুকরো টুকরো করে ফেলে। অনেক সময় দেখা যায়— বিজ্ঞতার পায়ে অথবা শুঁড়ে পরাজিতের মস্তক অথবা দেহের প্রথমার্ধ স্থলে রয়েছে। পরাজিত যে মরণ-কামড় দিয়েছিল, স্ত্যতার পরেও তা ছাড়ে নি। তাছাড়া দেখা যায়, শরীরের কতকাংশ সমেত তা বিজ্ঞতার শরীরে ঝাঁকড়ে রয়েছে। বিজ্ঞতাকে আমরণ এভাবে শত্রুর দেহাংশ বয়ে নিয়ে বেড়াতে হবে। কর্মীদের এই যে কর্তব্যপরায়ণতা, দৃঢ়তা এবং পুরুষ ও রানীর প্রতি সেবাপরায়ণতা — এই সকল প্রবৃত্তির বিকাশ হলো কেমন করে? অথচ এরা নিজের স্ত্যত্বঃখ সম্বন্ধে অনেকটা উদাসীন— এটাই বা সম্ভব হলো কিরূপে? তাছাড়া আর একটা বিষয়ের বিষয় এই যে, এদের প্রজননক্ষমতা নেই কিন্তু কোনও কারণে বাসার শ্রমিকের সংখ্যা হ্রাস পেতে থাকলে অথবা রানীর অভাব ঘটলে এই শ্রমিক দলের মধ্যে থেকে দু'একটি, যৌনসম্পর্ক ব্যতীতই ডিম পাড়তে আরম্ভ করে এবং এই প্রকার ডিম থেকে কেবলমাত্র শ্রমিকই জন্মগ্রহণ করে। একটি কথা জানা দরকার যে পিঁপড়াদের শ্রমিকেরা সকলেই স্ত্রী-জাতীয়, কিন্তু অপরিপুষ্ট অর্থাৎ এদের প্রজননযন্ত্র মোটেই পরিপুষ্ট লাভ করে না। তথাপি প্রয়োজনবোধে যৌন-সংসর্গ ব্যতিরেকেই ডিম পাড়তে পারে।

কিন্তু কেমন করে রানীর ডিম থেকে নির্দিষ্ট আকৃতিবিশিষ্ট লক্ষ লক্ষ শ্রমিক

পিঁপড়ে জন্মগ্রহণ করে? পর্যবেক্ষণের ফলে যতদূর জানা গেছে, তাতে দেখা যায় — সাধারণত ফাল্গুন মাসের প্রথম দিক থেকে বাসার মধ্যে রানী এবং পুরুষ-দেব অপরিণত বাচ্চার আবির্ভাব ঘটে। এর পর আষাঢ়-শ্রাবণ মাস থেকে আবার পুরুষ এবং রানী পরিণত অবস্থায় উপনীত হবার পর বৈশাখ-জ্যৈষ্ঠ মাসে ডানায় ভর করে আকাশে উড়ে যায়। উড়তে উড়তে পুরুষ ও রানীর মিলন সংঘটিত হয়। পুরুষ পিঁপড়েরা আর বাসায় ফিরে আসে না। রানী যে কোনও একটা বাসায় এসে আশ্রয় গ্রহণ করে। তার পরেই তার ডানা খসে যায় এবং কিছুকাল বাদেই ডিম পাড়তে আরম্ভ করে। এই ডিম থেকে যে সকল বাচ্চা হয় তারা সকলেই শ্রমিক শ্রেণীর। পরীক্ষার ফলে দেখা গেছে— রানীর সঙ্গে পুরুষ পিঁপড়ের মিলন ঘটতে না দিলেও রানী ডিম পেড়ে থাকে। কিন্তু সে সকল ডিম থেকে কেবল পুরুষ পিঁপড়েই জন্মগ্রহণ করে। কিন্তু কোনও অবস্থাতেই ডিম থেকে সরাসরি রানী জন্মগ্রহণ করে না। আবার এও দেখা গেছে, বাসা থেকে রানীদের সরিয়ে নিলে কিছু পরেই শ্রমিকদের মধ্যে থেকে দু-একটি বেশ কিছু সংখ্যক ডিম পাড়তে শুরু করে এবং সেই ডিম থেকে শ্রমিক পিঁপড়ে জন্মগ্রহণ করছে। সমস্ত এতে বড়ই জটিল বোধ হলো, কারণ জীব-জগতের প্রজনন-প্রক্রিয়ার সাধারণ নিয়মের মধ্যে এদের আনা চলে না।

বিবিধ পরীক্ষার পরে অবশেষে দেখা গেল যে, পিঁপড়ের ডিম পর্যন্ত আদিম জৈব-বস্তুর বংশানুবর্তী একটা ধারাবাহিকতা আছে বটে, কিন্তু ডিম ফোটবার পর থেকেই একটা বিশেষ খাণ্ডবস্তুর প্রভাবে বাচ্চার আকৃতি এবং প্রকৃতি পরিবর্তিত হতে থাকে। এই খাণ্ডবস্তুর পরিমাণের উপর আকৃতি এবং প্রকৃতিগত পরিবর্তন নির্ভর করে। অবশ্য এরও একটা নির্দিষ্ট সীমা আছে। ব্যাপারটা আরও একটু পরিষ্কার ভাবে বুঝিয়ে বলছি। বছরের অধিকাংশ সময়েই বাসার মধ্যে কেবল হাজার হাজার শ্রমিক-পিঁপড়ে দেখতে পাওয়া যায়। শ্রমিকদের দু-একটার ডিম থেকে সেই সময়ে আরও কিছু কিছু শ্রমিক পিঁপড়ে জন্মগ্রহণ করে। পূর্বেই বলেছি, এই পিঁপড়েরা গাছের উপর বাসা বাঁধে এবং সাধারণত গাছের উপরেই ঘোরাফেরা করে থাকে এবং মৃত কীট-পতঙ্গ, পাখির পালক, মাছের কাঁটা প্রভৃতি সংগ্রহ করে জীবনযাত্রা নির্বাহ করে। শীত ঋতুর অবসানে ফাল্গুনের প্রারম্ভে গাছে গাছে নতুন পত্র-পল্লব এবং মুকুল বেরতে শুরু করে। বিশেষভাবে লক্ষ করলে দেখা যাবে— এই সময় নতুন নতুন পত্র-পল্লব এবং মুকুলের মধ্যে কয়েক প্রকারের অজস্র গাছ-উকুন আত্মপ্রকাশ করে থাকে। এই সব মুকুল এবং গাছ-উকুনের শরীর থেকে অতি অল্প পরিমাণে মধুর মতো এক প্রকার পদার্থ

নিঃসৃত হয়ে থাকে। এই সময়ে পিপড়াদের মধু সংগ্রহ করবার মরসুম। তারা গ্রায় সকল কাজ পরিত্যাগ করে এই মধুর লোভেই দিনরাত্রি পত্র-পল্লব এবং গাছ-উকুনের মধ্যে অবস্থান করে। এই মধুর মধ্যে ভিটামিন-বি-১ নামক এক প্রকার খাদ্যপ্রাণের অস্তিত্ব আছে। এই মধু খাবার পর শ্রমিক-পিপড়েরা বাসায় এসে তা উদ্‌গীরণ করে বাচ্চাগুলিকে খাওয়ায়। শ্রমিক-পিপড়ের অনেকেই পরপর বাচ্চাগুলিকে উদ্‌গীরণ মধু খাওয়াতে থাকে। এক-একটা বাসায় হাজার হাজার বাচ্চা থাকে এবং শ্রমিকদের সংখ্যাও অগণিত; কাজেই কোন্ কোন্ বাচ্চাকে কতবার খাওয়ানো হলো, তার কোনো হিসাব ঠিক রাখতে পারে না। এর ফলে কোনো কোনো বাচ্চা প্রচুর পরিমাণে এই খাদ্য পায় আবার অনেকে অতি সামান্য মাত্র পেয়ে থাকে। যারা এই খাদ্য বেশি পরিমাণে পায় তারা অতি দ্রুতগতিতে বর্ধিত হয়ে রাণীর আকৃতি পরিগ্রহ করে। যারা মাঝামাঝি পরিমাণে মধু খেতে পায়, তারা পুরুষ-পিপড়েতে পরিণত হয়। যারা অতি সামান্য পায় অথবা মোটেই পায় না তারাই বড় এবং ছোট বিভিন্ন রকমের কর্মী বা শ্রমিক রূপে আত্মপ্রকাশ করে। ঘোনমিলন বাতিরেকে উৎপন্ন পুরুষ এবং মধুর প্রভাবে উৎপন্ন পুরুষ পিপড়ের মধ্যে হয়তো কোনও প্রকৃতিগত পার্থক্য বিদ্যমান থাকতে পারে, তবে তা এখনও পরীক্ষাসাপেক্ষ বলে নিশ্চিতরূপে কোনও কথা বলা যায় না। তবে একথা ঠিক যে পত্র-পল্লব এবং গাছ-উকুনের দেহনিঃসৃত রস পরিবেশনের তারতম্যাহুসারে প্রয়োজনমত রানী এবং কর্মী-পিপড়ে উৎপাদন করা যেতে পারে। মোটের উপর খাদ্য পদার্থের মধ্যে ভিটামিন-বি এবং সেই জাতীয় অগাণ্ড কোন পদার্থের অভাবের ফলেই শ্রমিক পিপড়ের উৎপত্তি ঘটে থাকে।

পিপড়ের বৃদ্ধি

নিম্নশ্রেণীর প্রাণীদের মধ্যে পিপড়াদের বৃদ্ধিগতি সম্বন্ধে অনেকেই অনেক কিছু শুনে থাকবেন। কিন্তু অনেকের ধারণা—যতই কৌতূহলোদ্দীপক হোক না কেন, এরা প্রত্যেকটি কাজই স্বাভাবিক প্রেরণা বা সংস্কারবশেই করে থাকে। আমাদের দেশে বিভিন্ন শ্রেণীর বহু জাতীয় পিপড়ে দেখা যায়। এদের বিচিত্র জীবনযাত্রা প্রণালীর মধ্যে এমন কোনো কোনো ঘটনা ঘটে, যাতে এরা যে প্রত্যেকটি

কাজই সংস্কারবশে করে থাকে, এমন কথা বলা যায় না। বিভিন্ন জাতীয় পিঁপড়ের বাসস্থান নির্মাণ ও সন্তানপালনের কৌশল, শৃঙ্খলা ও বিবেচনা; শক্তি স্বাভাবিক প্রেরণার দ্বারা নিয়ন্ত্রিত হতে পারে; কিন্তু যুদ্ধবিগ্রহ, আত্মরক্ষা এবং খাদ্য সংগ্রহ প্রভৃতি ব্যাপারে সময়ে সময়ে এমন দু-একটি কৌশল অবলম্বন করতে দেখা যায়, যা স্বাধীন বুদ্ধিবৃত্তি সম্পন্ন প্রাণীর পক্ষেই সম্ভব। এস্থলে আমাদের দেশের বিভিন্ন জাতীয় পিঁপড়ে সম্বন্ধে নিজের অভিজ্ঞতালব্ধ কয়েকটি ঘটনার বিষয় উল্লেখ করছি। এ কি অন্ধসংস্কার না স্বাধীন বিচারবুদ্ধির ফল, তা পাঠকবর্গই বিবেচনা করবেন।

এক দিন সকাল নটা সাড়ে-নটার সময় পল্লীঅঞ্চলের রাস্তা দিয়ে চলেছি। সকাল থেকেই শিশিরবিন্দুর মতো গুড়ি গুড়ি বৃষ্টি পড়ছিল। কিছু দূর অগ্রগর হতেই রাস্তার এক পাশে পরিষ্কার স্থানেই একটা স্থপারি গাছের উপর নজর পড়লো। কতকগুলি নালসো (লাল পিঁপড়ে) সার বেঁধে গাছটার উপরের দিক থেকে নিচের দিকে ছুটে আসছিল। অবশ্য দু-চারটা পিঁপড়ে উপরের দিকেও উঠছিল। নালসোরা সাধারণত গাছের উপরেই চলাফেরা করে, নেহাৎ প্রয়োজন না হলে মাটিতে বা নিচু জায়গায় বড় একটা নামতে চায় না। তাছাড়া স্থপারি গাছের উপর এদের সাধারণত দেখতে পাওয়া যায় না। কাজেই ব্যাপারটা কী দেখবার জন্তে কৌতূহল হলো। কাছে গিয়ে দেখলাম— গাছটার এক পাশে মাটি থেকে প্রায় এক ফুট উপরে, কালো রঙের একদল ক্ষুদ্র পিঁপড়ে ছোট্ট একটা গুবরে পোকাকে আক্রমণ করে নিচে নামাবার জন্যে তার ঠ্যাং ধরে প্রাণপণে টানটানি করছে। উপর দিক থেকে আবার পাঁচ-ছয়টা নালসো তার সামনে ছুটা পা ও ঘাড় ধরে এমন ভাবে টান হয়ে রয়েছে যেন আর একটু হলেই ছিঁড়ে যাবে। গুবরে পোকাটার কাছ থেকে নিচের দিকে গাছটার গোড়ার উপর এখানে-সেখানে আরও অসংখ্য ক্ষুদ্র পিঁপড়ে ইতস্তত ঘোরাঘুরি করছিল। স্থপারি গাছটা প্রকাণ্ড একটা আমগাছের উপর হলে পড়েছিল। আমগাছটাতেই ছিল নালসোদের বাসা। সেখান থেকে স্থপারি গাছটার উপর দিয়ে দু-একটা টহলদার পিঁপড়ে নিচের অবস্থা তদারক করতে আসায় হয়তো শিকারটা নজরে পড়ে যায়। তার ফলেই খুব সম্ভব উভয় দলে শক্তি পরীক্ষা চলেছে। লক্ষণ দেখে বোধ হলো— ক্ষুদ্ররাই প্রথম শিকারটাকে আক্রমণ করে তাকে অনেকটা কাবু করে এনেছিল— তারপর এসেছে এই নালসোর দল। বেশ কিছুক্ষণ ধরেই যে এই কাণ্ডটা চলছিল, তাতে সন্দেহ নেই, কিন্তু উভয় পক্ষের ট্যাং-অব-ওয়ারটা চলছে অলক্ষণ ধরে। কারণ জায়গাটার তখনও অধিক সংখ্যক নালসো জমায়েত হয় নি। তারা

এদিকে-ওদিকে দুচারটা খাড়া পাহারা মোতায়ন করেছে মাত্র। এই পাহারাদার শাস্ত্রীরা শুঁড় উচিয়ে, মুখ হাঁ করে, নিশ্চল ভাবে অপর পক্ষের গতিবিধির দিকে লক্ষ রেখেছে। পূর্বের অভিজ্ঞতা থেকে বুঝতে বাকী রইলো না না যে, শীঘ্রই একটা গুরুতর 'পরিস্থিতি'র উদ্ভব হবে।

প্রায় আধ ঘণ্টার মধ্যেই অবস্থা সঙ্কট হয়ে উঠলো। ইতিমধ্যে আরও অনেক নালসো এসে পোকাটাকে ক্ষুদে-পিঁপড়ের কবল থেকে ছিনিয়ে নেবার চেষ্টা করছিল এবং প্রায় এক ইঞ্চি উপরে শিকারটাকে টেনে নিয়ে যেতে সক্ষম হয়েছিল। শিকার হাতছাড়া হয় দেখে ক্ষুদে-রা এবার সার বেঁধে দলে দলে অগ্রসর হতে লাগলো। সংখ্যাধিক্যের জোরে পরক্ষণেই তারা পোকাটাকে প্রায় তিন-চার ইঞ্চি নিচে টেনে আনলো। সঙ্গে সঙ্গেই উভয় দলের মধ্যে 'হাতাহাতি লড়াই' শুরু হয়ে গেল। সে এক ভীষণ কাণ্ড, এক-একটা লাল পিঁপড়েকে প্রায় দশ-বারোটা ক্ষুদে-পিঁপড়ে এক সঙ্গে আক্রমণ করে কাবু করার চেষ্টা করছিল। পায়ের, শুঁড়ের, চোখের-মুখের সর্বত্র এতগুলি পিঁপড়ে একটা লাল পিঁপড়েকে কামড়ে ধরলে সে আর কতক্ষণ টিকতে পারে? দু-চারটা মাত্র কালো পিঁপড়েকে ছিন্ন-ভিন্ন করে এক-এক করে লাল-পিঁপড়েরা পিঠের দিকে উল্টোভাবে ধলুকের মত বেঁকে গিয়ে জীবনলীলা শেষ করতে লাগলো। কিছুক্ষণ এভাবে চলবার পর লাল-পিঁপড়েরা বেগতিক দেখে শিকার ছেড়ে দিল, কিন্তু লড়াই থামলো না। গাছটার গোড়ার উপর এখানে-সেখানে ভূমূল লড়াই চলছিল। অসংখ্য ক্ষুদে-পিঁপড়ের আক্রমণে লাল-পিঁপড়গুলির পরাজয় যে আসন্ন সে বিষয়ে কোন সন্দেহ রইলো না। কিন্তু অনেক সৈন্ত ক্ষয়ের পর তারা বোধহয় বুঝতে পেরেছিল যে, এভাবে আর চলবে না। তারা যেন নতুন 'প্লানে' অগ্রসর হবার ব্যবস্থা করছিল। এতক্ষণ নালসোরা ফুঁক করেছিল একক ভাবে, এখানে-সেখানে। কাজেই এক-একটা নালসো ক্ষুদে-পিঁপড়ে অপেক্ষা পাঁচ-সাত গুণ বড় এবং শক্তিশালী হলেও দশ বারোটা ক্ষুদে-র বিষাক্ত দংশনে 'সঙ্গে সঙ্গে'ই মৃত্যু বরণ করছিল। এবার নালসোরা আক্রমণ ক্ষান্ত করে দলে দলে সে স্থানটায় সমবেত হতে লাগলো। অবশ্য এই সমবেত হওয়াটা খুব অশুভল না হলেও সম্পূর্ণ বিশৃঙ্খল ছিল না। এ অবস্থায় দু-একটি ক্ষুদে পিঁপড়ে দল ছেড়ে তাদের লাইনের নিকট উপস্থিত হওয়া মাত্রই সেগুলিকে ধরে সাঁড়াশির মতো ধারালো চোয়ালের সাহায্যে খণ্ড খণ্ড করে ফেলতে লাগলো। এই নতুন কৌশলে ক্ষুদে-রা ক্রমশই নিচের দিকে হটতে বাধ্য হচ্ছিল। ইতিমধ্যে এক দল ক্ষুদে-পিঁপড়ে শিকারটাকে টেনে নিয়ে অনেক নিচে চলে গিয়েছিল এবং বাসার ভিতরকার অম্লিক পিঁপড়েরা

গাছের গোড়ার একাংশে চার-পাঁচ ইঞ্চি স্থান জুড়ে প্রায় ঠুঁ ইঞ্চি খাড়াই একটা মাটির দেয়াল গেঁথে তুলেছিল। এই জাতীয় পিঁপড়েরা কিন্তু সাধারণত মাটির দেয়াল নির্মাণ করে না। এরা মাটির নিচে গর্তের মধ্যে বিভিন্ন কুঠরি নির্মাণ করেই বসবাস করে। বাইরে ক্ষুদ্র একটি মুখ ছাড়া আর কিছুই দেখা যায় না। যাহোক লাল পিঁপড়াদের ধারালো সাঁড়াশি ও বিষাক্ত গ্যাসের আক্রমণে ক্ষুদ্রেরা ক্রমশ হটে গিয়ে সেই নবনির্মিত দেয়ালের আড়ালে আত্মগোপন করে অবস্থান করতে লাগলো। এদিকে শ্রমিকেরা দেয়ালটাকে ক্রমশ উপরের দিকে গেঁথেই তুলেছিল। ভিজা মাটির জন্তে দেয়াল গেঁথে তুলতে তাদের বিশেষ স্রবিধাই হয়েছিল। প্রকৃত প্রস্তাবে ব্যাপারটা তখন ট্রেক লড়াইয়ের আকার ধারণ করলো। দেয়াল গাঁথবার সময় মাঝে মাঝে দু-চারটা শ্রমিক-পিঁপড়েকে নালসোরা ছৌঁ মেরে ধরে নিয়ে যাচ্ছিল বটে, কিন্তু তার সংখ্যা খুবই কম। বলা বাহুল্য, দেয়াল গেঁথে অগ্রসর হবার পরে নালসোরা শত্রুপক্ষের আর তেমন কোনও অস্রবিধা সৃষ্টি করতে পারে নি। এ পর্যন্ত দেখে চলে যেতে বাধ্য হয়েছিলাম। প্রায় সাড়ে বারোটার সময় ফিরে গিয়ে দেখি— নালসোরা অনেকেই তখন বাসায় ফিরে গেছে। যদিও কিছু কিছু লাল-পিঁপড়ে দলছাড়া ভাবে এদিক ওদিক ঘোরাফেরা করছিল, তথাপি, তাদের সেই লড়াইয়ের ‘মুভ’টা যেন আর ছিল না। ক্ষুদ্র পিঁপড়েরা ইতিমধ্যে স্রপারি গাছের গোড়াটার অনেকটা স্থান জুড়ে ছয়-সাত ইঞ্চি উপর অবধি লম্বা দেয়াল তুলে গুবরে পোকাটাকে সেই দেয়ালের নিচে ঢেকে ফেলেছে।

একবার আঠার শিশির মধ্যে একটা আরম্ভলা পড়ে মরেছিল। আরম্ভলাসম্মত আঠাগুলিকে এক স্থানে টেলে ফেলে দিয়েছিলাম। কিছুকাল পর দেখলাম আরম্ভলার মৃতদেহ সংগ্রহের নিমিত্ত লাল রঙের এক প্রকার ক্ষুদ্র বিষ-পিঁপড়ে আঠার চতুর্দিক ঘেরাও করেছে। কলকাতার সর্বত্র এই জাতীয় বিষ-পিঁপড়ে সর্বদাই দেখা যায়। দেখা গেল দু-চারটে পিঁপড়ে আরম্ভলার নিকট যাবার চেষ্টা করায় তরল আঠার মধ্যে বন্দী হয়ে তখনও হাবুডুবু থাকে। পাশ কাটিয়ে যাবার সময় এই দৃশ্য দেখে মনে মনে আবলাম বেশ হয়েছে— এবার আর আরম্ভলার দেহ উদরসাৎ করতে হবে না। প্রায় আধ ঘণ্টা পরে ফিরে এসে দেখলাম, তখনও তারা মৃত আরম্ভলার দেহটাকে উদরসাৎ করবার আশা পরিত্যাগ করে নি— বরং সেস্থানে পিঁপড়ের সংখ্যা পূর্বাপেক্ষা বেশি হয়েছে বলে মনে হলো। একটু মনোযোগের সঙ্গে লক্ষ্য করতেই একটা অদ্ভুত ব্যাপার দেখে অবাক হয়ে গেলাম। পিঁপড়েগুলি ক্ষুদ্র ক্ষুদ্র কঁকর মুখে করে আঠার উপর

জড়ো করছে। আঠার উপর দিয়ে এইরূপ কাঁকরের পথ প্রস্তুত করতে তাদের প্রায় আরও দু-ঘণ্টা সময় অতিবাহিত হয়ে গেল। কিন্তু সময়ের দিকে জরাজীর্ণ নেই। কোনো রকমে আরম্ভলাটা পর্যন্ত পথ নির্মিত হওয়া মাত্রই দলে দলে পিঁপড়েরা তার উপর দিয়ে অগ্রসর হতে লাগলো। প্রায় ঘণ্টাখানেক বাদেই আরম্ভলার ক্ষুদ্র ক্ষুদ্র দেহ-খণ্ড মুখে করে সার বেঁধে মহোজ্ঞাসে বাসার দিকে অগ্রসর হতে দেখা গেল।

এই ঘটনার পর এক দিন মেঝেতে বসে কাজ করছি। কতকগুলি কালো রঙের স্বরস্বর-পিঁপড়ে এদিক-ওদিক ছুটাছুটি করছিল। মেঝের উপর এক স্থানে অল্প খানিকটা জল পড়েছিল। তিন-চারটা স্বরস্বর-পিঁপড়ে প্রায় একসঙ্গে ঐ জলটার পাশ দিয়ে কয়েকবার ছুটে গেল। আবার এসে জলটার পাশেই ঘোরাফেরা করতে লাগলো। এদের স্বভাব অদ্ভুত—চলতে চলতে খানিকক্ষণ থমকে দাঁড়ায়—কিছুক্ষণ হাত-পা আর শুঁড় পরিষ্কার করে—পরমুহূর্তেই আবার দ্রুতগতিতে ছুটেতে থাকে। মেঝের উপর জলটুকুর পাশ দিয়ে দুটি একসঙ্গে ছুটে যাবার সময় অকস্মাৎ একটা পিঁপড়ে জলের সঙ্গে আটকে গেল। পিঁপড়েটা জল থেকে সরে আসবার জন্তে যতই চেষ্টা করে, জলটাও সঙ্গে সঙ্গে ততটা ছড়িয়ে পড়ে। মোটের উপর জলটা যেন তরল আঠার মতো তার দেহের সঙ্গে জড়িয়ে গিয়েছিল। পিঁপড়াদের দলের মধ্যে কেউ সরে গেলে অথবা চলচ্ছক্তিহীন হলে তাকে অল্প পিঁপড়েরা অনেক সময়ই খাণ্ড হিসাবে মুখে করে নিয়ে যায়; কিন্তু এরূপ ভাবে বিপন্ন হলে এক অগ্ৰকে বড় একটা সাহায্য করতে দেখা যায় না। হয় তারা ব্যক্তিগত বিপদ সম্পর্কে উদাসীন নয়তো ব্যাপারটা বুঝতে পারে না। যাহোক এ ক্ষেত্রে সম্পূর্ণ বিপরীত ঘটনাই লক্ষ্য করলাম। অপর পিঁপড়েটা কিছুক্ষণ ইতস্তত করে অবশেষে জলময় পিঁপড়েরা শুঁড় ধরে তাকে জল থেকে অনেকটা দূরে টেনে নিয়ে গেল এবং একটা শুকনো জায়গায় রেখে এক দিকে ছুটে চলে গেল। জলময় পিঁপড়েটা অনেকক্ষণ সেই স্থানে নির্জীবের মত পড়ে রইলো এবং শরীরের জল শুকাবার পর ধীরে ধীরে চাঞ্চা হয়ে পা, চোখ, মুখ, পরিষ্কার করবার পর ছুটে পালালো। ঘটনাটা তুচ্ছ হলেও এটা যে পিঁপড়ের মতো নিম্নস্তরের প্রাণীর পক্ষে বিশেষ বুদ্ধিবৃত্তি ও সহায়ত্বের পরিচায়ক, সে সন্দ্বিধে বোধ হয় কেউ দ্বিষিত হবেন না।

লাল-পিঁপড়াদের বাসা নির্মাণ সন্তান পালন, যুদ্ধ-বিগ্রহ এবং খাণ্ডনগ্রহ প্রভৃতি ব্যাপারে অনেক কিছু অদ্ভুত ব্যাপারে লক্ষ্য করেছি; কিন্তু সেগুলি কোম্পানীদ্বীপক হলেও স্বাভাবিক সংস্কারের দ্বারাই নিয়ন্ত্রিত হয় বলেই উল্লেখ

করবার প্রয়োজন নেই। কিন্তু যাকে নিছক সংস্কারমূলক বলে উড়িয়ে দেওয়া যায় না একপ দু-একটা ঘটনার বিষয় বলছি।

শিবপুরের বাগানে কীট-পতঙ্গ সংগ্রহ করবার সময় একদিন দেখলাম— মাটির উপরে কতকগুলি উইয়ের হুড়ঙ্গ প্রকাণ্ড একটা গাছের গুড়ি অবধি বরাবর চলে গেছে। গাছটার লম্বা গুড়ির এখানে-সেখানে অনেকগুলি নালসোকে এদিক-ওদিক ইতস্তত ঘোরাফেরা করতে দেখলাম। তাদের গতিবিধি অত্মসম্মত করে দেখা গেল, অনেক পিঁপড়ে মাটিতে নেমে উইপোকাকার হুড়ঙ্গের আশে-পাশে প্রায় নিশ্চলভাবে দাঁড়িয়ে আছে। ব্যাপারটা কী বুঝতে না পেরে অপেক্ষা করতে লাগলাম। প্রায় আধ ঘণ্টা অপেক্ষা করবার পর ওঠবার উপক্রম করছি, এমন সময় একটু দূরে একটা লাল-পিঁপড়ে যেন কিছু খুঁটে খাচ্ছে বলে মনে হলো। কাছে গিয়ে দেখি— প্রায় তিন ইঞ্চি লম্বা একটা ছোট্ট উইয়ের হুড়ঙ্গের উপর নালসোটা হুড়ঙ্গের মাটি সরিয়ে গর্ত করবার চেষ্টা করছে। পাঁচ-সাত মিনিটের মধ্যেই দু-এক টুকরো মাটি সরিয়ে হুড়ঙ্গের উপরের দিকে সে ছোট্ট একটা গর্ত করতে সক্ষম হলো। গর্ত হবার পর প্রায় পঁচিশ-ত্রিশ সেকেন্ড পরেই হুড়ঙ্গের ভল্ল স্থানের মধ্যে দিয়ে একটা উইপোকাকে মুখ বাড়াতে দেখা গেল। উইপোকাটা অমিক জেগীর, গর্ত বোজাবার জন্তেই এসেছিল। এদিকে নালসোটা গুঁড় উচু করে গর্তের মুখে নিশ্চলভাবে দাঁড়িয়েছিল। উইপোকাটাকে নজরে পড়বামাত্রই তাকে শক্ত চোয়ালের সাহায্যে ধরে গাছের দিকে ছুটে চললো। এই ঘটনার পর আরও অনেক ক্ষেত্রে একপ ব্যাপার লক্ষ্য করেছি। উইপোকা নালসোদের অতি উপাদেয় খাদ্য।

এই ঘটনার কিছুদিন আগে ঐ বাগানেই একদিন দেখলাম— একটা ফলস গাছের কচি ডালের ডগার পাতাগুলি মুড়ে নালসোরা একটা বাসা নির্মাণ করেছে। বাসাটাকে আরও বড় করবার জন্তে তারা বোধহয় অনেক চেষ্টা করেছিল— কিছু সুবিধা করতে পারে নি, কারণ পরস্পর সন্নিহিত পাতাগুলি সবই ইতিপূর্বে মুড়ে ফেলেছে। কাছাকাছি হলেও খানিকটা কৌকড়ানো একটা মাত্র পাতা বাকি ছিল। সেটাকে বাসার সঙ্গে জুড়ে দেবার জন্তে অনেকগুলি পিঁপড়ে মিলে প্রাণ-পণে চেষ্টা করছিল। সে পাতাটাকে ছিঁড়ে ফেলে অপেক্ষা করতে লাগলাম। প্রায় তিন ঘণ্টা অতিবাহিত হয়ে গেল— নতুন কিছুই দেখা গেল না। আরও কিছুকাল অপেক্ষা করবার পর দেখা গেল— পিঁপড়েরা ডালটার নিচের দিকে কৃপাকারে একত্রিত হয়ে বুলে পড়বার চেষ্টা করছে। উপরের ডালটার সমান্তরালে নিচের দিকে আর একটা সরু ডাল ছিল। বাসা থেকে তার পাতাগুলির ব্যবধান

ছিল প্রায় আট-দশ ইঞ্চির মতো। ঐ পাতাগুলিকে কাছে টেনে বাসায় সঙ্গে জোড়বার উদ্দেশ্যেই তারা শিকল গাঁথবার মতলব করছিল। প্রায় আধ ঘণ্টার মধ্যেই শত শত পিঁপড়ে পরস্পর জড়াজড়ি করে প্রায় ঠু ইঞ্চি মোটা ও ফুটখানেক লম্বা একটা শিকল তৈরি করে নিচের ভাল পর্যন্ত ঝুলে পড়লো এবং সঙ্গে সঙ্গেই নিচের ভালের একটা পাতার প্রান্তভাগ কামড়ে ধরে পুনরায় ক্রমশ শিকলের দৈর্ঘ্য কমাতে লাগলো। প্রায় ঘণ্টা দেড়েকের প্রাণপণ চেষ্টার ফলে তারা নিচের পাতাটাকে বাসায় উপরে টেনে আনতে সক্ষম হয়েছিল। তারপর পাতাটাকে বাসায় সঙ্গে জুড়ে দেবার পালা। বয়নকারী শ্রমিক পিঁপড়েরা তখন শূককীট অর্থাৎ লার্ভা মুখে করে তাদের সাহায্যে বয়নকার্য শুরু করে দিল।

পরীক্ষার উদ্দেশ্যে ল্যাবরেটরিতে কৃত্রিম বাসায় লাল-পিঁপড়ে পুষ্টিছিলাম। হলুদ রঙের ক্ষুদে-পিঁপড়েরা এদের ভীষণ শত্রু। স্তব্ধতা পেলেই এরা লাল-পিঁপড়ের ডিম, কীড়া, পুস্তলী, পুরুষ ও রানী পিঁপড়েগুলিকে উদরসাৎ করবার চেষ্টা করে। কৃত্রিম বাসার চতুর্দিকে প্রশস্তভাবে জলের বেটনী দেওয়া ছিল। একবার দেখলাম—ক্ষুদে পিঁপড়েরা জলের উপর দিয়ে অতি সন্তর্পণে হেঁটে গিয়ে লাল-পিঁপড়ের বাসায় ঘাবার চেষ্টা করছে। সাত-আট দিনের চেষ্টায় তারা জলের উপর দিয়ে লাইন করে যেতে সক্ষম হয়েছিল। এই বেটনীর জল সর্বদাই স্থিরভাবে থাকে বলে আর একবার পিঁপড়েগুলিকে অভিনব উপায়ে পার হতে দেখেছিলাম। প্রথমবার জল অতিক্রম করতে গিয়ে কতকগুলি ক্ষুদে পিঁপড়ে জলে ডুবে মারা যায়। তাদের মৃতদেহগুলি সেই স্থানেই ভাসতে থাকে; আবার কতকগুলি অগ্রসর হয়। তাদেরও অনেকেই মারা যায় এবং বাকিগুলি ফিরে আসে। এইভাবে ক্রমশ মৃতদেহের একটা লাইন অগ্রসর হতে থাকে। এই মৃতদেহের ফাঁকে ফাঁকে ক্ষুদ্র ক্ষুদ্র শুকনো ঘাসের টুকরো এনে তারা স্বন্দর একটি ভাসমান রাস্তা তৈরি করেছিল। এই রাস্তার উপর দিয়েই ক্ষুদে পিঁপড়েরা ডিম, বাচ্চা, পুস্তলিগুলিকে অপহরণ তো করলোই, অধিকন্তু পিঁপড়েগুলিকে মেরে ফেলে মৃতদেহগুলি খণ্ড খণ্ড করে নিজেদের বাসায় নিয়ে গেল।

আমাদের দেশের সোলেনপ্‌সিস্ জাতীয় লাল রঙের এক প্রকার ক্ষুদে-পিঁপড়ে মাঠে-ঘাটে মাটির নিচে গর্ত খুঁড়ে বাস করে। সময়ে সময়ে এরা গর্তের চারদিকে বেশ উঁচু মাটির স্তূপ সাজিয়ে রাখে। বর্ষার সময় অতি বৃষ্টিতে মাঠ-ঘাট জলে ডুবে গেলে এদের দুর্দশার সীমা থাকে না। দুর্দশা যতই হোক—জলমগ্ন হয়ে মৃত্যুর হাত থেকে রক্ষা পাওয়াটাই প্রধান সমস্যা। এই সমস্যা সমাধানের জন্যে তারা এক অদ্ভুত উপায় অবলম্বন করে থাকে। গর্তে জল চোকবার সঙ্গে

সঙ্গেই সকলে মিলে জড়াজড়ি করে এক-একটা ডেলা পাকিয়ে জলের উপর ভেসে বেড়ায়। ডেলার নিচের দিকে যারা থাকে, তারা যাতে শ্বাসরুদ্ধ না হয়, সে জন্তে প্রত্যেকেই ডেলাটাকে আঁকড়ে উপরের দিকে উঠতে চেষ্টা করে। ফলে ডেলাটা জলের উপর ধীরে ধীরে গড়াতে থাকে। এতে একটি পিঁপড়েরও প্রাণ-হানি ঘটে না। জল নেমে গেলেই আবার পুরাতন বাসায় ফিরে যেতে পারে। স্থানভ্রষ্ট হলে নতুন বাসার পতন করে। উটপাখিরা তাড়া খেলে যেমন বালিতে মুখ গুঁজে আত্মগোপন করেছে বলে নিশ্চিন্ত মনে অবস্থান করে—আমাদের দেশীয় কাঠ-পিঁপড়াদের মধ্যেও এক্ষণ ব্যাপার দেখতে পাওয়া যায়। শত্রুর আগমন টের পেলেই তারা এমন নিশ্চলভাবে অবস্থান করে যে, সহজে খুঁজে বের করা যায় না। কিন্তু শত্রু অসুসরণ করলে এরা ছুটতে ছুটতে কোনও কিছুর আড়ালে গিয়ে আশ্রয় গ্রহণ করে। শুধু মুখটা আড়ালে পড়লেই মনে করে — সে যেমন কাকেও দেখতে পাচ্ছে না, শত্রুও বোধ হয় সেক্ষণ তাকে দেখতে পাচ্ছে না। কাজেই সেই অবস্থায় সে নিশ্চল ভাবে অবস্থান করে। উপরের আবরণটি সরিয়ে নিলেও সে নিশ্চিন্ত মনেই চূপ করে থাকে।

আত্মরক্ষার উদ্দেশ্যে উপরিউক্ত কৌশল দুটি কৌতূহলোদ্দীপক হলেও নিঃসন্দেহেই তা সংস্কারমূলক। কিন্তু অজ্ঞাত ঘটনাগুলি বুদ্ধিবৃত্তির পরিচায়ক কিনা তাই বিবেচ্য।

পিঁপড়ে-সমাজে খাচ্-সংগ্রহ, সন্তানপালন, যুদ্ধ-বিগ্রহ প্রভৃতি যাবতীয় কাজ কর্মীরাই করে থাকে। উল্লিখিত ঘটনাগুলিতে কর্মীদের কথাই বলা হয়েছে। আকৃতি, প্রকৃতিতে কর্মীরা পুরুষ ও স্ত্রী-পিঁপড়ে থেকে সম্পূর্ণ পৃথক। স্ত্রী ও পুরুষের ডানা গজায়, কিন্তু কর্মীদের ডানা নেই। আবার এমন এক সময় আসে যখন স্ত্রীদেরও ডানা থাকে না। যারা এ বিষয়ে পর্যবেক্ষণে আগ্রহী তাঁদের পক্ষে এদের স্ত্রী, পুরুষ, কর্মী, ডিম, বাচ্চা ও পুতুলী সম্বন্ধে ধারণা থাকা প্রয়োজন।

পিঁপড়ের জড়াই

কীট-পতঙ্গের মধ্যে পিঁপড়াদের জীবনকাহিনী খুবই কৌতূহলোদ্দীপক। এরা সামাজিক প্রাণী এবং দলবদ্ধভাবে বাস করে থাকে। পৃথিবীর বিভিন্ন স্থানে এ পর্যন্ত বিভিন্ন জৈবীর বহু পিঁপড়ের সন্ধান পাওয়া গেছে। বিভিন্ন জাতের

অধিকাংশ দলেই সাধারণত স্ত্রী, পুরুষ ও কর্মী— এই তিন শ্রেণীর পিঁপড়ে দেখতে পাওয়া যায়। কোনও কোনও জাতের কর্মীদের মধ্যে আবার ছোট কর্মী, বড় কর্মী ও ঘোঁকা এই তিন রকমের বিভিন্ন আকৃতিবিশিষ্ট পিঁপড়ে দেখা যায়। বাসগৃহ নির্মাণ, খাদ্যসংগ্রহ, সন্তানপালন— এমন কী, যুদ্ধবিগ্রহ পর্যন্ত যাবতীয় কাজ ক্রীতদাসের মতো এই কর্মীদেরই করতে হয়। স্ত্রী ও পুরুষ পিঁপড়ের একমাত্র কাজ বসে বসে খাওয়া এবং বংশবৃদ্ধি করা। আমাদের দেশেও বিভিন্ন জাতীয় বহুবিধ পিঁপড়ে দেখতে পাওয়া যায়। কোনো কোনো জাতের পিঁপড়ের দলে হাজার হাজার কর্মী থাকে; আবার কোনো কোনো জাতের পিঁপড়ের দলে কর্মীর সংখ্যা ত্রিশ-চল্লিশটি মাত্র। অধিকাংশ পিঁপড়েই গর্তের মধ্যে অথবা বৃক্ষ-কোটরে বাস করে থাকে। আবার কেউ কেউ বড় গাছের উপরে সবুজ পত্র-পল্লবের সাহায্যে বাসগৃহ নির্মাণ করে বসবাস করে। উগ্র প্রকৃতি ও বিষাক্ত দংশনের জন্তে নালসো নামে এক জাতীয় লাল রঙের পিঁপড়ে আমাদের দেশে সর্বজন পরিচিত। হাজার হাজার নালসো এক বাসার মধ্যে একসঙ্গে বাস করে। বাসস্থান নির্মাণ, খাদ্য-সংগ্রহ ও যুদ্ধবিগ্রহের সময় এরা যেকোন বুদ্ধিবৃত্তির পরিচয় দেয়, তা কতকটা সংস্কারমূলক হলেও এতে সহজেই তাদের প্রতি দৃষ্টি আকৃষ্ট হয়।

নালসো-পিঁপড়েরা গাছের উঁচু ডালে অনেকগুলি সবুজ পাতা একসঙ্গে জুড়ে বড় বড় গোলাকার বাসা নির্মাণ করে এবং তার মধ্যে শত শত পিঁপড়ে একসঙ্গে বসবাস করে থাকে। এদের বাসা নির্মাণপ্রণালী অতি অদ্ভুত। কতকগুলি নালসো কর্মী একসঙ্গে পাশাপাশি ভাবে সার বৈধে দাঁড়িয়ে পরস্পর সন্নিহিত দুটি পাতাকে একত্রিত করে টেনে ধরে রাখে। তখন অপর কর্মীরা তাদের কীড়া মুখে করে উপস্থিত হয়। শুঁড়ের সাহায্যে এই কীড়াগুলির মুখের কাছে হুড়হুড়ি দিলেই তারা এক প্রকার আঠালো স্ততা বের করতে থাকে। কাপড় বোনবার সময় তাঁতিরা যেমন একবার এদিকে আবার ওদিকে মাকু চালায়, কতকটা সেই কায়দায় কর্মীরা কীড়াগুলির মুখ একবার এ-পাতায় আবার ও-পাতায় ঠেকিয়ে স্ততা স্ততার সাহায্যে পাতার ধারগুলি জুড়ে দেয়। এইরূপে বুনন শেষ হলে বড় বড় ফাঁকগুলিকে বারবার স্ততা বুনো সাদা কাগজের মতো পাতলা পর্দায় ঢেকে দেয়। বাইরে বেরোবার জন্তে একটি কীড়া দুটি মাত্র পথ রাখে। পাতার পর পাতা জুড়ে ক্রমশ বাসা বড় করে তোলে। বাসা বড় করবার জন্তে যদি কোনও সময়ে একটু দুর্বর্তী নিচের ডাল থেকে পাতা নেবার প্রয়োজন হয়, তখন এরা দলে দলে বাসার নিচের দিকে জড়ো হতে হতে পরস্পর

একে অন্তকে আঁকড়ে ধরে শিকলের মতো নিচের দিকে ঝুলে পড়ে। ক্রমে ক্রমে অপর্যাপক কর্মীরা এসে সেই শিকল বাড়াতে বাড়াতে সর্বশেষ পাতার নাগাল পেলেই কয়েকজন সেটাকে কামড়ে ধরে থাকে। অপর কর্মীরা তাদের পা কামড়ে ধরে। তখন উপর দিক থেকে শিকল ক্রমশ খাটো করতে করতে নিচের পাতাকে টেনে কাছে এনে কীড়ার সাহায্যে মূল বাসার সঙ্গে শক্ত করে গেঁথে দেয়।

এরা মাংসাশী প্রাণী। মৃত কীট-পতঙ্গ, মাছের কাঁটা, পাখির পালক প্রভৃতি সংগ্রহ করে বাসায় নিয়ে যায় এবং অবসর মতো সকলে মিলে সেগুলি চেষ্টা খায়। অন্তান্ত পিঁপড়ের ডিম ও উই এদের উপাদেয় খাদ্য। নালসোরা স্বকোশলে উই ধরে থাকে। উইয়েরা কখনও অনাবৃত স্থানে যাতায়াত করে না, সর্বদাই অন্ধকারে থাকতে ভালবাসে। এই জন্তই মাটির স্বড়ঙ্গ গাঁথতে গাঁথতে অগ্রসর হয়ে থাকে।

জীবন্ত ফড়িং বা ঐ জাতীয় কোনো পতঙ্গকে একবার ধরতে পারলে আর রক্ষা নেই। একটা পিঁপড়ে কোনো রকমে একবার শিকার কামড়ে ধরলেই হলো— দেখতে দেখতে দলের অন্তান্ত পিঁপড়েরা এসে চতুর্দিক থেকে তাকে ঘিরে ফেলবার চেষ্টা করতে থাকে। দংশন-যন্ত্রণায় অস্থির হয়ে শিকার উড়ে পালাবার ক্ষেত্রে প্রাণপণে ধস্তাধস্তি করে; কিন্তু পিঁপড়েরাও তাকে কাবু করার ক্ষেত্রে দ্বিগুণ উৎসাহে বলপ্রয়োগ করতে থাকে। ভানা চেপে ধরতে না পারলে শিকার সহজেই উড়ে যেতে সক্ষম হয়; সে অবস্থায় কিন্তু পিঁপড়েরাও কামড় ছাড়ে না। অন্তান্ত পিঁপড়ে এসে তখন সে পিঁপড়ের পা অথবা কোমর কামড়ে ধরে টেনে রাখতে চেষ্টা করে। এই অবস্থায় ক্রমশ পিঁপড়ের একটা শিকল গেঁথে ওঠে। অনেক সময় দেখা যায়, ফড়িং উড়ে যাচ্ছে আর তার লেজ অথবা পা কামড়ে ধরে দু-তিনটা নালসো শিকলের মতো ঝুলছে।

নালসো-পিঁপড়ের প্রকৃতি এতই উগ্র যে, শত্রু হোক কী মিত্রই হোক বাসার কাছে এলে কারও নিস্তার নেই। প্রবল-দুর্বল নির্বিশেষে দলে দলে ছুটে এসে আক্রমণ করবে। প্রাণের ভয় যেন এদের মোটেই নেই। একবার আক্রমণ করলে কিছুতেই পিছু হটেবে না। শত্রুর আক্রমণে সঙ্গীরা দলে দলে প্রাণ হারাচ্ছে দেখেও এরা যেন মোটেই বিচলিত হয় না বরং চতুর্গুণ উত্তেজনার সঙ্গে মরণপণ লড়াই শুরু করে দেয়। একবার শত্রুকে কামড়ে ধরতে পারলেই হয়— কিছুতেই আর কামড় ছাড়বে না। মস্তক থেকে দেহ বিচ্ছিন্ন হয়ে গেলেও মস্তকটি সেই একই ভাবে মরণ-কামড় দিয়ে শত্রুর দেহসংলগ্ন হয়ে

থাকে। শত্রুর আগমনের আশঙ্কা হলেই দেহের প্রান্তদেশ থেকে এক প্রকার বিষাক্ত রস পিচকিরির মতো ছুড়ে মারতে থাকে। এই রসের বিষাক্ত উগ্র গন্ধে এরা অনেক দূর থেকেই পৃষ্ঠপ্রদর্শন করে। লড়াই শুরু হবার মুখে এরা শরীরের পশ্চাদ্দেশ উল্লেখ্য ভুলে সম্মুখের পা উঁচু করে এমন উত্তেজিত অবস্থায় মুখ হাঁ করে ছুটে এসে দলে দলে বাসার উপর সার বেঁধে দাঁড়ায় যে, অতি বড় শত্রুও অগ্রসর হতে ইতস্তত করতে বাধ্য হয়। উত্তেজিত জনতা যেমন জিগির তুলে সকলের প্রাণে উৎসাহের সঞ্চার করে, প্রবল উত্তেজনার সময় এরাও তেমনই শরীরের পশ্চাদ্দেশ পাতার উপর ঠুকে ঠুকে এক প্রকার অদ্ভুত শব্দ উৎপাদন করে। বাসার সম্মুখে কান পেতে রাখলে এক প্রকার অস্পষ্ট থস্ থস্ শব্দ শুনে পাওয়া যায়।

এদের দুর্ধর্ষ কোপন স্বভাবের ফলে, অজ্ঞাত পিপড়াদের সঙ্গে হামেশাই ঝগড়া-ঝাঁটি লেগে থাকে—এমন কি, বিভিন্ন দলের স্বজাতীয়দের মধ্যে সময় সময় ভীষণ লড়াই বেঁধে যায়। এই জন্তেই বোধ হয় অজ্ঞাত জাতের পিপড়েরা এদের নিকট থেকে যথাসম্ভব দূরে দূরেই অবস্থান করে। তবে দলে ভারী বলেই হোক বা উগ্র বিষের ভয়েই হোক ক্ষুদ্রে পিপড়াদের সঙ্গে কিন্তু এরা কিছুতেই এঁটে উঠতে পারে না। ক্ষুদ্রে কোনও রকমে সন্ধান পেলে নালসোদের সম্মুখে ধ্বংস না করে ছাড়ে না। এই জন্তেই যে সব স্থানে ক্ষুদ্রে পিপড়ের আড্ডানা আছে, সেখানে কখনো নালসো পিপড়ে দেখতে পাওয়া যায় না। ক্ষুদ্রে, ডেঁয়ো ও ছোট ছোট কালো বিষ পিপড়ের সঙ্গে এদের লড়াই অনেকবার প্রত্যক্ষ করেছি; কিন্তু এদের স্বজাতীয়ের পরস্পরের মধ্যে দল ভাঙার যে ভীষণ লড়াই প্রত্যক্ষ করেছিলাম, সেটা সত্যিই ভয়াবহ।

একবার বিকালের দিকে কলকাতার সন্নিহিত সোনারপুর অঞ্চলের একটা বাগানের পাশ দিয়ে যাচ্ছিলাম। বাগানের চার দিকে পালিতা মান্নারের মোটা মোটা ডাল পুঁতে জ্বর গায়ে খুব ফাঁক করে বাঁশের বাথারী এঁটে এমনভাবে বেড়া দিয়ে রেখেছে যেন গরু-বাছুর ভিতরে ঢুকতে না পারে। বাগানের গাছপালার অবস্থা দেখে পরিকার বুঝতে পারা গেল যে, আগের দিন সেখানে বেশ ঝড়ঝুটি হয়ে গেছে। আর একটু অগ্রসর হতেই নজরে পড়লো—খুব বড় একটা পিপড়ের বাসা সমেত ছোট একটা আমের ডাল একটা খুঁটির খুব কাছেই বাথারীর সঙ্গে ঝুলে রয়েছে। মনে হলো ঝড়ের বেগে ডালটা ভেঙে বেড়ার গায়ে পড়ে আটকে গিয়েছিল। খুব কাছে গিয়ে দেখলাম ছিন্ন-বিচ্ছিন্ন বাসাটার ভিতরে সহস্র সহস্র পিপড়ে অবস্থান করছে। কতকগুলি পিপড়ে বাসার উপরে বাংলার কাঁট-২

এদিক-ওদিক ঘোরাঘুরি করছে আর কতকগুলি একবার ভালটার গা বেয়ে উপরের দিকে উঠছে আবার নেমে আসছে। তাদের গতিবিধি দেখে পরিষ্কার বোঝা গেল যে, তারা ঐ ঝুলন্ত ভাঙা বাসা থেকে বেরিয়ে অল্প কোথাও যাবার রাস্তা খুঁজছে। কিন্তু একটু লক্ষ্য করতেই বুঝতে পারলাম, তাদের বাইরে যাবার রাস্তা বন্ধ। কারণ যে বাথারীটার সঙ্গে বাসাটা ঝুলছিল, সেই বাথারীটার উপর দিয়ে বরাবর এক সারি লাল-পিঁপড়ে যাতায়াত করছে। বাগানের কোনে একটা ঝোপের ভিতর পূর্ব থেকেই আর একদল লাল-পিঁপড়ে বাসা তৈরি করে বসবাস করছিল। তারাই বাথারীর উপর দিয়ে প্রায় ২৫।৩০ ফুট লম্বা লাইন করে একটা সম্ভবতঃ কচ্ছপের খোলা থেকে মাংসের কণা সংগ্রহ করে বাসায় তুলছিল। ঝুলন্ত বাসার পিঁপড়েরা ভাল বেয়ে বাথারীর কাছে এসে উক্ত পিঁপড়ের দল দেখেই আর অগ্রসর হতে সাহসী হয় নি। বাথারীর উপরের পিঁপড়ের অতিক্রম না করে তাদের অল্প যাবার কোনই উপায় নেই। ছিন্ন-বিছিন্ন ভগ্ন বাসাতেও বেশিদিন বাস করা অসম্ভব। একে তো শত্রু নিকটে, তার উপর পাতা শুকিয়ে যাবার সঙ্গে সঙ্গেই বাসা কুচকে যাবে, নয়তো শুকনো পাতার জোড়া মুখ খুলে গিয়ে বাসাটার স্থানে স্থানে ফাটল দেখা দেবে। কাজেই এই বাসা পরিত্যাগ করে অল্প নতুন আশ্রয়ের সন্ধান করতেই হবে। বিশেষতঃ বাসার ভিতরে অসংখ্য ডিম ও বাচ্চা রয়েছে, তাদের নিরাপদ স্থানে রক্ষা করা দরকার। এইসব নানা ব্যাপারে বিভ্রত হয়ে ঝুলন্ত বাসার অধিবাসীরা বিষম উত্তেজিতভাবে ইতস্তত ছুটাছুটি করছিল। বাথারীর উপরে যারা যাতায়াত করছিল, তারাও এই আগন্তুক দলের সন্ধান পেয়েছিল বোধহয়, কারণ তাদের ভিতরেও উত্তেজনার ভাব লক্ষিত হচ্ছিল। তারাও ক্রমে ক্রমে ঝুলন্ত ভালটার কাছাকাছি এসে ভিড় জমাচ্ছিল। প্রায় আধ ঘণ্টার উপর দাঁড়িয়ে উভয় দলের এই তোড়জোড় লক্ষ্য করছিলাম। একমাত্র উত্তেজিত ভাব বা একস্থানে দলে দলে জমায়েত হওয়া ব্যক্তিরেকে লড়াইয়ের আর কোনও লক্ষণই দেখতে পাই নি। ঝুলন্ত বাসার পিঁপড়েরা কিরূপ কৌশল অবলম্বন করে বাথারীর উপরের পিঁপড়ের লাইন অতিক্রম করে যায়—কেবল সেটাই দেখবার জন্তে অপেক্ষা করছিলাম। আরও দশ-পনেরো মিনিট এ ভাবেই কাটলো।

অবশেষে দেখলাম, ঝুলন্ত বাসার প্রায় পাঁচ-সাতটা পিঁপড়ে ভাল বেয়ে বাথারীটার কাছে এসেই ইতস্তত করতে লাগলো। কিছুক্ষণ অপেক্ষা করবার পর সেই দলের গোটা তিনেক পিঁপড়ে বাসায় ফিরে গেল। বাকি যারা রইলো

তারা শুঁড় উঁচু করে যেন বাথারীর উপরের দলটাকে মনোযোগ সহকারে দেখতে লাগলো। ইতিমধ্যে অগ্রবর্তী পিঁপড়েরা অসীম সাহসে ভর করেই যেন অকস্মাৎ বাথারীর পিঁপড়ের লাইনের মধ্যে দিয়ে ছুটে পার হতে গিয়েই ভূমল কাণ্ড ঘটিয়ে তুললো। বাথারীর দলও যেন প্রস্তুত হয়েই ছিল। তৎক্ষণাৎ দশ-বারোটা পিঁপড়ে মিলে একযোগে তাকে কামড়ে ধরে বন্দী করে ফেললো। বন্দী করবার কায়দাও অভূত। ছয়জনে ছয়টা ঠাং কামড়ে ধরে যথাসম্ভব টেনে ফাঁক করে রাখলো। তখন আর দুজনে দুটা শুঁড় টেনে ধরে পিঁপড়টাকে এমন অবস্থায় রাখলো যে, বেচারার আর নড়াচড়ার সাধ্য ছিল না। এবার দু-দলে সত্যিকারের লড়াই হয়ে গেল। উভয় দলের সৈন্য-সামন্তরাই শুঁড় উচিয়ে পুচ্ছদেশ উল্লেখ্য তুলে প্রবল উত্তেজনায় যেন তাণ্ডব নৃত্য শুরু করে দিল। মাঝে মাঝে এক-একটা পিঁপড়ে অগ্ন একটার শুঁড়ে শুঁড় ঠেকিয়ে কী যেন বলে দেয়। তৎক্ষণাৎ সে ছুটে বাসার ভিতর চলে যায় এবং পরক্ষণেই কতকগুলি নতুন সৈন্য দল বেঁধে বাইরে এসে পড়ে। এক্ষণে ঘটনাশ্রলে উভয়-পক্ষেরই ভিড় জমে গেল। ইতিমধ্যে বাথারীর উপরকার দল শত্রুপক্ষের একটাকে বন্দী করে উৎসাহের অতিশয়োই বোধ হয় আশ্ফালন করতে করতে ভাঙা ডালটার খুব নিকটে এগিয়ে গেল। ভাব দেখে মনে হলো যেন তারা বাসাটাকেই দখল করতে যাচ্ছে; কিন্তু তার ফল হলো বিপরীত। মুহূর্তের মধ্যেই ছিন্ন বাসার পিঁপড়েরা শত্রুপক্ষের পাঁচ-সাতটি অগ্রবর্তী সৈন্যকে শুঁড়ে কামড়ে ধরে একেবারে তাদের দলের মধ্যে টেনে নিয়ে গেল এবং সঙ্গে সঙ্গে কিছু সৈন্যসামন্ত তাদের ঘিরে ফেললো। তাদের কয়েকটা এসে তাদের কেটে ছিন্ন-বিচ্ছিন্ন করে দিল আর বাকি ক'টাকে ভিন্ন ভিন্ন ভাবে সকলে মিলে পূর্বোক্ত উপায়ে টানা দিয়ে রেখে দিল। এই সব ঘটনা ঘটতে দু-তিন মিনিটের বেশি সময় লাগে নি। এদিকে বাথারী ও ঝুলন্ত ডালের সংযোগস্থলে দ্বৈরথ যুদ্ধ শুরু হয়ে গেছে। দু-দলের দুজন করে টানাটানি কামড়াকামড়ি চলছে। দেখলাম বেড়ান উপরের দলের কয়েকটি সৈন্য ঝুলন্ত বাসার কয়েকটি সৈন্যকে শুঁড়ে কামড়ে ধরে তাদের দিকে টেনে নিয়ে যাবার চেষ্টা করছে, আবার ঝুলন্ত বাসার সৈন্যরাও এক এক জনে এক-একটি করে শত্রু সৈন্যকে শুঁড়ে কামড়ে ধরে তাদের দিকে টানছে। যাকে টানছে সে প্রাণপণে পিছু হটবার চেষ্টা করছে, আবার কেউ কেউ ছ'টি পা দিয়ে অবলম্বন-স্থল ঝাঁকড়ে রয়েছে। অনেকক্ষণ টানাটানির পর কেউ কেউ শুঁড়ের অর্ধাংশ শত্রুর মুখে রেখে উল্লেখ্যাসে পলায়ন করছে। ক্রমশ লড়াই এমন ভীষণাকার ধারণ করলো যে, দু-তিন হাত প্রাণন্ত স্থানের

মধ্যে প্রায় সর্বত্র একরূপ টানাটানি কামড়াকামড়ি চলতে লাগলো। এখন শুধু টানাটানি নয়, কামড়াকামড়িই যেন বেশি দেখা যেতে লাগলো। আর সঙ্গে সঙ্গে সেই বিষ-বাম্পের অবাধ প্রয়োগ। এতগুলি পিঁপড়ের দেহনিঃসৃত বিষাক্ত রসের উগ্র গন্ধে যেন নাক জলে যাচ্ছিল। কামড়াকামড়ি করতে করতে ভড়াভড়ি করে শত শত পিঁপড়ে রূপ রূপ করে নিচে পড়ছিল। নিচে মাটির উপর চেয়ে দেখলাম—প্রায় পনেরো-বিশ মিনিটের মধ্যে উভয় পক্ষের এত পিঁপড়ে মারা গেছে যে, ঘাসপাতাগুলি তাদের মৃতদেহের নিচে প্রায় ঢাকা পড়ে গেছে। মনে হলো উভয় পক্ষের সৈন্য সংখ্যা প্রায় নিঃশেষ হয়ে গেছে। যারা তখনও ছুটাছুটি করছিল, তাদের দিকে বিশেষভাবে লক্ষ্য করে দেখলাম—প্রায় প্রত্যেকেরই শুঁড় অথবা পায়ের সঙ্গে মরণ-কামড় দিয়ে ঝুলে রয়েছে শত্রুদের ছিন্ন মস্তক অথবা দেহের সম্মুখাংশ। বেড়ার উপরের পিঁপড়েরা সর্বদাই চেষ্টা করছিল, যাতে বাসাটাকে গিয়ে দখল করতে পারে। এত লড়াইয়ের পরেও দেখলাম তাদের উৎসাহ কিছুমাত্র কমে নি। তাদের বাসা থেকে নতুন নতুন সৈন্য এসে পূর্ণোচ্চমে আবার আক্রমণ শুরু করলো। এবার যেন তারাই জয়ী হয়েছে বলে বোধ হলো। ঝুলন্ত বাসার সৈন্যদের সংখ্যা আর বেশি দেখা যাচ্ছিল না। বিশেষত উভয় পক্ষের সৈন্যদের আকৃতি একই প্রকার বলে বিশেষ কিছু বুঝতে পারছিলাম না যে, কে শত্রু কে মিত্র। কিন্তু এরা পরস্পর শুঁড়ে শুঁড় ঠেকিয়ে বা অন্য কোনও উপায়ে শত্রু-মিত্র চিনে নিচ্ছিলো। এদিকে বাথারীর উপরের দল দুই চারটি করে ক্রমে ক্রমে বাসার উপরে এসে জড়ো হতে লাগলো, কিন্তু তারাও যে বেশ ভয়ে ভয়ে ইতস্তত করে অগ্রসর হচ্ছিল, তাও বেশ বোঝা গেল। কিছুক্ষণ বেশ চূপচাপ। বাসার সৈন্যসামন্ত যেন ক্রমশ বিয়ল হতে লাগলো। ঝুলন্ত বাসার পিঁপড়েরা যে যুদ্ধে হেরে গেছে, সে বিষয়ে আর কোনো সন্দেহ ছিল না। কিন্তু বাসাটার খুব কাছে গিয়ে কান পেতে শুনলাম—ভিতরে যেন অজস্র পিঁপড়ের একটা থলু থলু আওয়াজ পাওয়া যাচ্ছে।

প্রায় পাঁচ-সাত মিনিট এভাবে কেটে গেল, তার পরেই দেখি—গুটিকয়েক পিঁপড়ে বাসার ভিতর থেকে অপরিণতবয়স্ক বাচ্চাগুলিকে মুখে নিয়ে বেরিয়ে এলো। পিছনে তাদের একদল সৈন্য যেন পাহারা দিতে দিতে চলেছে। বাচ্চাবহনকারীরা কোনও দিকেই জ্ঞপ্তি না করে গাছের ডাল ও বাথারীটার উপর দিয়ে অতি ক্ষতগতিতে পালিতা-মাদানের খুঁটিটার উপর যেতে লাগলো। সৈন্যরাও তাদের অগ্রসরণ করছিল। এই ব্যবধানটুকুর মধ্যে শত্রুরা বিশেষ কিছু

বাধা দেবার চেষ্টা করলো না, কেবল দু-একটা সৈন্যকে ধরে টানা দিয়ে রাখলো মাত্র। বিশেষত তখন সেন্যানে শত্রুর সংখ্যাও খুব কমই ছিল। যারা ছিল তাদের অধিকাংশই যেন মারামারি করা অপেক্ষা বাসাটা লুট করবার উৎসাহে সেই দিকেই ছুটছিল। খানিক পরে দেখা গেল, আরও অনেকে ডিম ও বাচ্চা-গুলিকে মুখে নিয়ে দলে দলে বাসা থেকে ছুটে বের হয়ে সেই গাছটার দিকেই প্রাণপণে ছুটছে। তন্মূহুর্তেই আবার ভীষণ লড়াই শুরু হয়ে গেল। বাসার ভিতরে এতক্ষণ অসংখ্য সৈন্য যেন দম নেবার জন্যে চূপ করে বসেছিল—এবার তারা দলে দলে বেরিয়ে এসে শত্রুদের খণ্ড খণ্ড করে ফেলতে লাগলো। এদিকে ফাঁকে ফাঁকে তারা বাসার ডিম ও বাচ্চাগুলিকে সরিয়ে নিচ্ছিল। সেই গাছটার উপর শত্রুরা এবার সত্যসত্যই পৃষ্ঠভঙ্গ দিল। খুঁটিটার মাথার উপর কতকগুলি নতুন ভাল গজিয়েছিল। সেই ডালের পাতা মুড়ে সঙ্গে সঙ্গে কতকগুলি কর্মী পিঁপড়ে নতুন বাসা নির্মাণে লেগে গেল। এভাবে একটা ডালের মধ্যেই তিন-চারটা ছোট ছোট বাসা তৈরি হয়ে গেল। বাসা নির্মাণ শেষ হতে না হতেই তারা ডিম ও বাচ্চাগুলিকে তার মধ্যে স্তুপাকারে রাখতে লাগলো। এদিকে ঝুলন্ত বাসাটার নিচের দিকে নজর পড়তেই দেখি—এক আশ্চর্য ব্যাপার। যখন শত্রু-সৈন্যরা ভিতরে ঢুকে পড়েছিল, সেই সময়ে ভয় পেয়ে কতকগুলি কর্মী-পিঁপড়ে বাচ্চা মুখে করে বাসাটার নিচের দিকে জড়ো হয়েছে। ক্রমশ স্থানান্তর হওয়ায় কর্মীরা বাচ্চা মুখে করে স্তুপাকারে নিচের দিকে ঝুলে রয়েছে। যাহোক, এদিকে শত্রুপক্ষ পরাভূত হওয়ায় তাদের রাস্তা খোলা হয়ে গিয়েছিল। এখন বাথারী ও গাছটার দুদিকে ইতস্তত অনেক সৈন্য পাহারায় নিযুক্ত করে তারা ডিম ও বাচ্চাগুলিকে নিরাপদ স্থানে সরিয়ে নিয়ে যাচ্ছিলো। ডিম ও বাচ্চা-গুলিকে সরাবার পর তারা পুরুষ পিঁপড়েগুলিকে ঠিক নিশান বহন করবার মতো উঁচু করে নিয়ে আসতে লাগলো। পুরুষের সংখ্যাও কম ছিল না। দেড়শ কী দুশর উপর হবে। তার পর রানীদের পালা। রানীরা আকারে ওদের তুলনায় খুবই বড়। সেগুলিকে বহন করে আনা অস্ববিধাজনক। রাখালেরা যেমন গরুর পাল তাড়িয়ে নেয়, কর্মীরাও রানীগুলিকে তেমনি পিছনে পিছনে তাড়িয়ে আনছিল। শত্রুপক্ষের লাইন তখন ভেঙে গেছে। কেবলমাত্র দু-চারটা কর্মী বিচ্ছিন্নভাবে এদিক-ওদিক ছুটাছুটি করছিল। এদিকে সন্ধ্যা ঘনিয়ে আসছিল। এপর্যন্ত দেখেই সেদিন সেখান থেকে ফিরে এসেছিলাম। তার পরের দিন সকালে গিয়ে দেখি—বাসাটি শূন্য অবস্থায় ঝুলছে। বাসিন্দাদের কতকগুলি অবশ্য তখনও সেখানে এদিক-সেদিক ঘোরাফেরা করছিল। পালিতা-মাদারের

খুঁটির গা বেয়ে বাথারীর উপর দিয়ে তারা পরিষ্কার রাস্তা করে দলে দলে উপরে-নিচে আনাগোনা করছে। আর শত্রুপক্ষ বাথারীর বিপরীত দিক দিয়ে পূর্বের ন্যায় লাইন করে চলছে। এখন আর শত্রুতার ভাব দেখা গেল না।

ক্ষুদে-পিপড়ের ত্রিংশক্রিগ

কেবল বিদ্যুৎগতিতে সৈন্ত পরিচালনাই নয়, শত্রু-ঘাঁটির যাবতীয় বিধিব্যবস্থায় বিশৃঙ্খলা উৎপাদন এবং তৎসহ অবিরাম শিলাবৃষ্টি ও বজ্রপাত সহকারে প্রবল বজ্রাপ্রবাহের মতো যান্ত্রিক বাহিনীর যুগপৎ দুর্ধর্ষ আক্রমণই ত্রিংশক্রিগের বিশেষত্ব। আকাশ থেকে বোমারু বিমানের নিরবচ্ছিন্ন অগ্নিবর্ষণ, সঙ্গে সঙ্গে প্যারাসুটিস্ট সৈন্তদের নগরাভ্যন্তরে অবতরণ এবং পঞ্চমবাহিনীর সহায়তায় পেট্রোল সরবরাহের আন্তানা, বিমান ঘাঁটি, যানবাহন চলাচল ও সংবাদ আদান-প্রদানের কেন্দ্রসমূহ দখল করে বিশৃঙ্খলা সৃষ্টি করলেই সাধারণ নাগরিকেরা ভীতিবিহ্বল চিত্তে প্রাণরক্ষার নিমিত্ত ইতস্তত ছুটাছুটি করে স্বপক্ষীয় সৈন্ত চলাচলের বিঘ্ন সৃষ্টি করে এবং অনেকে দলিত ও পিষ্ট হয়ে বেঘোরে প্রাণ হারাতে বাধ্য হয়। ছোটোখাটো পাহাড়-পর্বত বা উচ্চভূমিতে বাধা পেয়ে বজ্রার জল যেমন বর্ধিত তেজে ভীমগর্জনে প্রবাহিত হতে থাকে, যান্ত্রিক বাহিনীও সেইরূপ জীবন-মরণ ভুচ্ছ করে সামনের দিকে ঝাঁপিয়ে পড়ে। এই হলো সমর-কৌশলের চমকপ্রদ অভিব্যক্তি। মাহুশের পক্ষে এক্ষণে সমরনীতি বা ‘ত্রিংশক্রিগ’ পরিচালনা সম্ভব হলেও মহুশোত্তর প্রাণীদের মধ্যে কোথাও যে এইরূপ কৌশল অনুসরণ করা সম্ভব নয় এটা সহজেই অনুমান করা যেতে পারে। কিন্তু পিপড়াদের মধ্যে বিভিন্ন সময়ে এমন কয়েকটি লড়াই প্রত্যক্ষ করবার সুযোগ ঘটেছিল যাতে তাদের এক পক্ষের রণকৌশল—সৈন্ত-পরিচালন, সৈন্ত-সংস্থান এবং অসতর্ক মুহূর্তে বিদ্যুৎগতিতে আক্রমণ প্রভৃতি ব্যাপার, বহুলাংশেই ‘ত্রিংশক্রিগে’র অনুরূপ বলে মনে হয়। এমন কী ব্যাপক ধ্বংস ও লুণ্ঠনাদি ব্যাপারের ভীষণতায় হয়তো তা মহুশপরিচালিত ‘ত্রিংশক্রিগকে’ও হার মানায়। এক্ষণে ‘ত্রিংশক্রিগে’র এক প্রত্যক্ষ অভিজ্ঞতার কথা বলছি।

লড়াই বেধেছিল বিভিন্ন জাতীয় দুই দল পিপড়ের মধ্যে। একদল ক্ষুদে, অপর দল বৃহদাকৃতির নালসো পিপড়ে। বিভিন্ন জাতীয় পিপড়ের জীবনযাত্রা প্রণালীর

বিষয় ধারা সম্যক অবগত নন, তাঁদের বোঝবার সুবিধার জন্তে যুদ্ধমান পিঁপড়ে-
দের মোটামুটি একটু পরিচয় দিচ্ছি। আমাদের দেশে প্রায় সর্বত্রই আম, জাম,
পাকুড় প্রভৃতি গাছে লাল রঙের এক প্রকার দুর্ধর্ষ পিঁপড়ে দেখতে পাওয়া যায়।
কতকগুলি পাতা একত্রে জুড়ে এই পিঁপড়েরা গাছের ডালে বড় বড় গোলাকার
বাসা নির্মাণ করে থাকে। এদের স্বভাব অতিশয় উগ্র; কাকেও বাসার
নিকটে পেলেই দলে দলে ছুটে এসে আক্রমণ করে। মরে গেলেও কামড়
ছাড়ে না। এদের পরিবারের মধ্যে শ্রমিক, পুরুষ ও রানী—এই তিন রকমের
পিঁপড়ে দেখা যায়। পুরুষ ও রানী উভয়েরই ডানা আছে; কিন্তু শ্রমিকদের
ডানা থাকে না। পুরুষের শরীরের রং কালো, রানীদের রং সবুজ; কিন্তু
একমাত্র শ্রমিকদের শরীরের রং লাল। রানীরা লম্বায় প্রায় এক ইঞ্চির মতো
বড় হয়। পুরুষের শরীরের দৈর্ঘ্য আধ ইঞ্চির কিছু বেশি। শ্রমিকরা সিকি
ইঞ্চি থেকে আধ ইঞ্চি পর্যন্ত লম্বা হয়ে থাকে। শ্রমিকেরা তাদের সংসারের
যাবতীয় কাজ করে থাকে। যুদ্ধের সময় সৈনিকের কাজও এরাই করে। এক
একটি বাসার মধ্যে প্রায় শতাধিক রানী কয়েক শত পুরুষ এবং চার-পাঁচ হাজার
বা ততোধিক শ্রমিক বাস করে। তাছাড়া বাসার মধ্যে থাকে হাজার হাজার ডিম,
বাচ্চা ও পুতলী। বাচ্চাগুলিই পিঁপড়ের প্রধান সম্পত্তি। এগুলিকে রক্ষা
করবার জন্তে শ্রমিকেরা প্রাণ বিসর্জনেও কিছুমাত্র ইতস্তত করে না। বাচ্চা না
হলে এদের বাসা তৈরি করা সম্ভব হয় না। বাচ্চার সাহায্যে স্ত্রী বুন বাসা
নির্মাণ করে। এদের যুদ্ধের প্রধান অস্ত্র হচ্ছে ধারালো সাঁড়াশির মতো একজোড়া
শক্ত চোয়াল এবং একপ্রকার বিষাক্ত গ্যাস। যুদ্ধ বাধবার উপক্রম হলেই
শরীরের পশ্চাদেশ উঁচু করে শত্রুর প্রতি অনবরত গ্যাস ছুড়তে থাকে। তারপর
শুরু হয় কামড়াকামড়ি। এই পিঁপড়েগুলিকে সাধারণত লাল-পিঁপড়ে বলা
হয়। বাংলাদেশে এরা নালসো পিঁপড়ে নামে পরিচিত।

আমাদের দেশে বহু জাতীয় সুদে পিঁপড়ে দেখা যায়। তাদের মধ্যে
এক জাতীয় সুদে পিঁপড়ের শরীরের সম্মুখভাগ লালচে হলুদ বর্ণের, কিন্তু
পশ্চাভাগ কালো। এরা দেড় থেকে দুই মিলিমিটারের বেশি বড় হয় না।
এগুলিকে প্রায়ই সূক্ষ্ম লাইন করে উঁচু জমি, ঘরের দেওয়াল বা বড় বড়
গাছের উপর বিচরণ করতে দেখা যায়। এক-একটি ফাটল বা গর্তে লক্ষ লক্ষ
সুদে পিঁপড়ে বসবাস করে। নালসো-পিঁপড়ে অপেক্ষা এরা অনেক ধীরগতি-
সম্পন্ন। সুদে পিঁপড়েরা নালসো-পিঁপড়ে এবং তাদের ডিম ও বাচ্চাগুলিকে
অতি উপাদেয় বোধে উদরসাৎ করে থাকে। সুদে পিঁপড়ের দংশন অতি

বিষাক্ত, বিশেষত নালসোদের পক্ষে এই বিষ অতি মারাত্মক বলেই মনে হয়। নালসোদের সম্পত্তি লুণ্ঠনের উদ্দেশ্যে ক্ষুদ্রেরা তাদের সঙ্গে লড়াই বাধায় এবং শত্রুকে পর্যুদন্ত করবার জন্তে বিবিধ কৌশল অবলম্বন করে। নালসোদের সঙ্গে এদের যুদ্ধ প্রায়ই দীর্ঘকাল স্থায়ী হয়। সময় সময় উভয় পক্ষে একটা সাময়িক সন্ধিও হতে দেখা যায়। নালসোরা প্রায়ই চুক্তিভঙ্গ করে না; কিন্তু ক্ষুদ্রেরা স্বযোগ বুঝলেই যখন-তখন চুক্তিভঙ্গ করে নালসোদের আক্রমণ করে থাকে।

পিঁপড়াদের জন্মরহস্য বড়ই জটিলতাপূর্ণ। এই জন্মরহস্যের প্রকৃত তত্ত্ব নির্ধারণের জন্তে কিছুকাল থেকে নালসো-পিঁপড়ে নিয়ে পরীক্ষায় প্রবৃত্ত হয়েছিলাম। আণুবীক্ষণিক পরীক্ষার জন্তে বহুসংখ্যক পিঁপড়ের দেহ ব্যবচ্ছেদ করার প্রয়োজন হয়েছিল। আশ্চর্যের বিষয় এই যে, কলকাতার আশেপাশে নালসো-পিঁপড়ের প্রাচুর্য লক্ষিত হলেও (প্রায় ষাট বছর আগের কথা) শহরের অভ্যন্তরে যথেষ্ট গাছপালার অস্তিত্ব থাকা সত্ত্বেও কোথাও এদের সন্ধান পাওয়া যায় না। এই অস্ববিধার জন্তে কিছুকাল পূর্বে শিবপুরের বাগান থেকে পিঁপড়ে সমেত বড় বড় বাসা থলেয় পুরে নিয়ে এসে পরীক্ষাগারের উন্মুক্ত প্রাঙ্গণে ছোট্ট একটা আমগাছে ঝুলিয়ে রেখেছিলাম। উদ্দেশ্য ছিল, পিঁপড়েরা নতুন বাসা বেধে গাছটাতে উপনিবেশ স্থাপন করবে। প্রথমত একটা থলের মুখ খুলে বাসাটাকে বের করে গাছের একট নিচু ভালে আটকে দিয়েছিলাম। পাতলা সাদা কাগজের মতো পর্দার সাহায্যে পাতাগুলিকে পরস্পর জুড়ে নালসোরা বাসা নির্মাণ করে। দূরবর্তী স্থান থেকে থলেয় পুরে আনবার সময় জোড়া মুখের পর্দা ছিঁড়ে বাসাগুলি স্বভাবতই কিছু না কিছু জখম হয়ে ছিল। তাছাড়া বাসার পাতাগুলি শুকোতে শুরু হতেই বাসাটা ক্রমশ বাসের অযোগ্য হয়ে ওঠে। বাসাটা ভাঙবার লক্ষণ দেখেই সহজাত সংস্কারবশে পিঁপড়েরা নতুন পত্র-পল্লবের মধ্যে নতুন বাসা নির্মাণ করতে শুরু করে। স্বাভাবিকভাবে বিপদ-আপদ সংঘটিত হলে সাধারণত এদের এক্রূপ কার্যপ্রণালীই অনুসরণ করতে দেখা যায়। এই ভরসাতেই পত্র-পল্লবের মধ্যে বাসাটাকে ঝুলিয়ে রেখেছিলাম।

জ্যৈষ্ঠ মাসের শেষের দিক। মাঝে মাঝে এক-আধ পশলা বৃষ্টি হচ্ছে। পিঁপড়ে-গুলি পুরাতন বাসা থেকে ছোটাছুটি করে বেরিয়ে আসতে লাগলো। সকলেই ভয়ানক উত্তেজিত। তাদের অনেকগুলি বাসাটাকে ধিরে পাহারা দিয়ে আর মাঝে মাঝে একে অন্যর মুখে মুখ ঠেকিয়ে কী যেন সংকেত করে, আবার ছুটে গিয়ে চতুর্দিক তদারক করে আসে। কতকগুলি আবার নিশ্চল পুস্তলিকার মতো ওঁড় উচিয়ে নির্দিষ্ট স্থানে খাড়া পাহারায় নিযুক্ত। আমাকে সেখানে

নড়াচড়া করতে দেখে আর একদল—প্রায় ত্রিশ-পঁয়ত্রিশটি হবে—বাসার শেষ প্রান্তে এসে নিম্নভাগ ঘেঁষে সম্মুখের পা ছুটি শূন্যে তুলে অদ্ভুত ভঙ্গিতে ভীতি প্রদর্শন করছিল। কতকগুলি আবার শরীরের পশ্চাৎগা উল্লেখ্য তুলে আমার প্রতি বিষাক্ত গ্যাস ছড়াচ্ছিল, একটা অপ্রীতিকর গন্ধে তা বুঝতে পারলাম। কয়েক শত নালসো তড়িৎগতিতে ছুটাছুটি করে গাছটার বিভিন্ন ডালে নতুন স্থানের অবস্থা তদারক করতে লেগে গেল। ভাবলাম শীঘ্রই হয়তো নতুন বাসার পত্তন শুরু হবে, কিন্তু কোথায় হবে তার কিছুই বোঝা গেল না। প্রায় তিন ঘণ্টা অতিবাহিত হয়ে গেল, তথাপি বাসা নির্মাণ করবার কোনই তোড়জোড় দেখা গেল না। বাসার নিচের দিকটা ছিঁড়ে যাবার ফলে কতকগুলি ভিম ও বাস্কা মাটিতে পড়ে গিয়েছিল। সেগুলির লোভে ইতিমধ্যে কতকগুলি স্বদে পিঁপড়ে আনাগোনা শুরু করেছে। আমার নজর ছিল তখন নালসোদের দিকে। স্বদে পিঁপড়ে তো সর্বত্রই আছে, এখানেও ছিল, ভিমের লোভে এসেছে—এই ভেবেই ব্যাপারটা উপেক্ষা করে গেলাম।

বেলা তখন ৫টা হবে। হালকা এক পশলা ঝুট হয়ে গেছে। গাছের ডালে ডালে যে নালসোগুলি ইতস্তত ছড়িয়ে পড়েছিল, ঝুটির দক্ষণ তাদের আনাগোনা কমে গেছে। তাদের অনেকেই বাসায় ফিরে এসেছে। খাড়া পাহারা ও টহলদাররাও অনেকেই বাসায় আশ্রয় নিয়েছে। ইতিমধ্যে একটা জিনিস লক্ষ করে বিস্মিত হলাম। ঘণ্টা দুই পূর্বে যে স্বদে পিঁপড়েরা মাটির উপর বিচরণ করছিল, তারা এখন একটা সফ্র লাইন করে প্রায় ছয়-সাত হাত তফাত থেকে গাছের গুড়ির দিকে অগ্রসর হচ্ছিল। এর ফলে যে একটা পরিস্থিতির উদ্ভব হতে পারে, সে বিষয়ে তখন কিছুমাত্র সংশয় জাগে নি। যাহোক, নিরাশ হয়ে সেদিনের মতো পর্যবেক্ষণ বন্ধ করতে হলো।

তার পরের দিন সকাল সাড়ে আটটার সময় অবস্থার কিছু পরিবর্তন লক্ষিত হলো। নালসোগুলিকে গাছের উপর ঘোরাঘুরি করতে দেখলাম না। এতদ্ব্যতীত যে ডালটায় তাদের বাসা ঝুলছিল, সেই ডালটার আগাগোড়া কতকগুলি টহলদার নালসো মোতায়ন হয়েছে। বাসাটার উপরেও কয়েকটা খাড়া পাহারার ব্যবস্থা হয়েছে। গাছটার বিপরীত দিকে যেতেই শিকড়ের প্রায় কাছাকাছি গুড়িটার গায়ে ৫০৬০টা লাল পিঁপড়েকে শুঁড় উচিয়ে নিচের দিকে শূণ্য করে নিশ্চলভাবে ঠাড়িয়ে থাকতে দেখা গেল। তার কিছু উপর থেকেই

ডালটা পর্যন্ত দশ-বারোটা নালসো বার্তাবাহকের মতো একবার উপরে একবার নিচে ছুটাছুটি করছে। এক-একটি বার্তাবাহক নিচ থেকে বাসার দিকে ছুটে যাবার পথে ডালের উপরে টহলদার ও খাড়া পাহারাদারদের প্রত্যেকের মুখে সঙ্গ মুখ ঠেকিয়ে কী যেন বলে যাচ্ছিল। যাই বলুক, সেটা যে কোনও উদ্বেজনাপূর্ণ সংবাদ, তাতে কোনও সন্দেহ ছিল না। কারণ বার্তাবাহকের মুখ ঠেকাঠেকি হবার পরক্ষণেই প্রত্যেকটি পাহারাদার যেন জোড় পায়ে লাফাতে লাগলো। এক দিন এক রাত কেটে গেছে—উদ্বেজনা একটু মন্দীভূত হবারই কথা। তবে এরা আজ আবার বাসা থেকে এত দূরে এসে ঘাঁটি নিয়েছে কেন? চারদিক ঘুরে ফিরে দেখতেই নজরে পড়লো ক্ষুদে পিঁপড়েরা গাছের গোড়াটার চারদিকে আলগা মাটি ভুলেছে। আগের যে সঙ্ক লাইনটি দেখেছিলাম, সেটি আজ অনেক চওড়া হয়েছে এবং ক্ষুদেরা উৎসাহভরে দলে দলে আনাগোনা করছে। লাইনটি শেষ হয়েছে গাছের গোড়ার কাছে মাটির নিচে। আলগা মাটির উপর এখানে-সেখানে কতকগুলি নালসোর মৃতদেহ পড়েছিল। আলগা মাটির নিচ থেকে অলক্ষিতে ক্ষুদেরা সেই মৃতদেহগুলি টেনে নিয়ে আসছিল। বুঝতে বাকি রইল না যে, ইতিপূর্বে উভয় দলে একটা লড়াই হয়ে গেছে। ক্ষুদেরা হয়তো নালসোদের নিকট পরাজিত হয়ে মাটির আড়ালে আশ্রয় নিয়েছে। যাহোক, ক্ষুদে পিঁপড়ের অত্যাচার থেকে নালসো-পিঁপড়েগুলিকে রক্ষা করার উদ্দেশ্যে গাছটার চতুর্দিকে পরিখার মত করে সেটাকে জলে ভর্তি করে দিলাম। গাছটার ডালপালার সঙ্গে অন্য কোনও গাছের যোগাযোগ না থাকায় নালসোদের অন্য কোথাও চলে যাবার উপায় ছিল না। এখন ক্ষুদে পিঁপড়ের সঙ্গে লড়াইয়ের উদ্দেশ্যে গুঁড়ির উপর দিয়ে নিচের দিকে নেমে আসাতে মাটির উপর দিয়ে অন্যত্র পলায়ন করার আশঙ্কা ছিল। গাছের গোড়ার চতুর্দিকে জলের বেটনী দেবার ফলে এক দিকে যেমন নালসোগুলির অগ্রত পলায়নের পথ বন্ধ হলো, ক্ষুদে পিঁপড়েগুলির পক্ষেও তেমনি জল অতিক্রম করে গাছের নিকট পৌঁছবার উপায় রইল না।

বেলা প্রায় একটার সময় ফিরে এসে দেখি—বেটনীর জলের প্রায় অর্ধেকটা মাটিতে ভরে গেছে। বেটনীর অপর পাড় পর্যন্ত ক্ষুদে পিঁপড়ের লাইনটা পূর্বের মতই বজায় আছে, কিন্তু জলের বাধার জন্তে পিঁপড়েরা অনেকেই নতুন রাস্তা বের করার জন্তে বাঁধটার নানা স্থানে ইতস্তত ঘোরাঘুরি করছে। সবচেয়ে বিস্ময়ের বিষয় এই যে, গাছের গোড়ায় মাটির নিচে যে পিঁপড়েগুলি লুকিয়ে ছিল, তারা নালসোদের সঙ্গে অভিনব পরিখা-যুদ্ধ আরম্ভ করে দিয়েছে। প্রকৃত প্রস্তাবে

একে পরিখা-যুদ্ধ না বলে হুড়ঙ্গ-যুদ্ধ বলাই উচিত। কারণ উইপোকারা যেমন হুড়ঙ্গ নির্মাণ করে অগ্রসর হয়, এরাও সেরূপ মাটির বেটনী তুলে গোড়াটার ৬/৭ ইঞ্চি উপর পর্যন্ত একটা দিক প্রায় ঢেকে ফেলেছে। নালসোদের সৈন্তসংস্থান পূর্বের মতোই রয়েছে বটে, কিন্তু পূর্বের অধিকৃত এলাকা থেকে প্রায় ৪/৫ ইঞ্চি পিছু হটতে বাধ্য হয়েছে। হাজার হাজার ক্ষুদে হুড়ঙ্গের অভ্যন্তরে কাজ করছিল; হুড়ঙ্গের প্রান্তভাগে তাদের মুখ ও শুঁড়গুলি ছাড়া আর কিছুই বড় একটা দেখা যাচ্ছিল না। নালসো-গ্রহরীরা অতি সতর্কভাবে তাদের দিকে দৃষ্টি রেখেছে। দৈবাৎ এক-একটি ক্ষুদে বাইরে এসে পড়লে ছৌ মেঝে ধরে নিয়ে কেটে ফেলছে। সময় সময় দুই-একটা ক্ষুদে পিঁপড়েকে শুঁড় ধরে হুড়ঙ্গ থেকে টেনেও বের করছিল। তারা আবার পাণ্টা আক্রমণে তার মুখে বা শুঁড়ে কামড়ে ধরছে। অবশেষে কামড়ের বিষে জর্জরিত হয়ে উভয়েই জড়াজড়ি করে নিচে পড়ে থাকে। এদিকে হুড়ঙ্গ ক্রমশ উর্ধ্ব দিকে অগ্রসর হয়ে চলছে। বেলা তিনটার সময় হুড়ঙ্গটা প্রায় ১০ ইঞ্চি উর্ধ্ব উঠেছিল। এদিকে আর এক অদ্ভুত কাণ্ড দেখে স্তম্ভিত হয়ে গেলাম। বাঁধের জল প্রায় শুকিয়ে আসছিল। জলের মধ্যস্থলে খানিকটা উঁচু জায়গা দীপের মতো জেগে উঠেছে। অপর পারের সেই ক্ষুদে পিঁপড়েরা একটা হুঃসাহসিক কাজে প্রবৃত্ত হয়েছে। চাক্ষুষ প্রত্যক্ষ না করলে একপ ঘটনার কথা হয়তো বিশ্বাস করতে প্রস্তুতি হতো না। ক্ষুদে পিঁপড়েরা একটার পিছনে আর একটা—একপভাবে সার বেঁধে জলের পাতলা আবরণের উপর দিয়ে অতি সন্তর্পণে ধীরে ধীরে অগ্রসর হয়ে দীপটার উপর জড়ো হয়েছে। এখান থেকে গাছের শুঁড়ির দূরত্ব মাত্র দেড় ইঞ্চির কিছু বেশি ছিল। প্রায় আধ ঘণ্টার মধ্যে দেখতে দেখতে তারা সকলে জড়াজড়ি করে একটা মোটা লাইনের মতো জলের উপর ভেসে পড়লো; কিন্তু ব্যবধানটুকু অতিক্রম করতে পারলো না।

প্রায় ৫টার সময় দেখলাম গাছের শুঁড়িটার প্রায় মাঝামাঝি জায়গায় উভয় পক্ষে ভীষণ লড়াই বেধে গেছে। বাঁধের মধ্যে স্থানে স্থানে সামান্য জল রয়েছে। সেই কর্দমাক্ত জমির উপর দিয়েই ক্ষুদে পিঁপড়েরা এবার মোটা লাইন বেঁধে গাছের শুঁড়ির উপর পর্যন্ত ছড়িয়ে পড়েছে। অগ্রবর্তী নালসোরা ক্ষুদে পিঁপড়াদের সঙ্গে মোটেই এঁটে উঠতে পারছিল না। প্রায় প্রত্যেকটা নালসোরই—শুঁড়ে, কারো পায়ে দু-তিনটা করে ক্ষুদে পিঁপড়ে কামড়ে ধরে ঝুলছিল। নালসোরা এক-একটা ক্ষুদেকে কামড়ে ধরা মাত্রই সেও আবার মুখ কামড়ে ধরে। নালসো তখন বিষের জালায় মুখ ঘষতে ঘষতে একদিকে ছুটে পালাতে থাকে। ইতিমধ্যে আরও দু-চারটা ক্ষুদে পিঁপড়ে এসে তাকে কামড়ে

ধরতেই শরীরটাকে ধক্কের মত ঝাঁকিয়ে সবাইকে নিয়ে গড়িয়ে নিচে পড়ে যায়। ক্ষুদেরা প্রবলবেগে আক্রমণ চালিয়েছে, এক-একটা নালসোকে ঠাট্টা ক্ষুদে-পিঁপড়ে মিলে আক্রমণ করছে আর বাকিগুলি ফাঁকফন্দী দিয়ে বস্তুর জলের মতো অগ্রসর হয়ে চলেছে। প্রায় মিনিট দশেকের মধ্যেই অগণিত নালসো ও ক্ষুদে পিঁপড়ে হতাহত হয়ে রূপ রূপ করে নিচে পড়তে লাগলো। ক্ষুদে পিঁপড়েরা করছে এগিয়ে গিয়ে আক্রমণ আর নালসোরা করছে আত্মরক্ষা। ক্ষুদেরা একটা মারা পড়লে তার স্থলে দশটা এসে দাঁড়ায় আর নালসোরা চার বাধা দিতে, যাতে শত্রুরা তাদের বাসায় প্রবেশ করতে না পারে। কাজেই নালসোরা পিছু হটে ঘর সামলাতে বাস্ত। যে ডালে বাসাটা ঝুলছিল, ক্ষুদে পিঁপড়েরা আরও প্রায় মিনিট পনেরোর মধ্যেই সেই ডাল ও কাণ্ডের সংযোগস্থলে এসে পৌঁছলো। ক্ষুদেরা যাতে সেই ডালটায় আসতে না পারে, সেই উদ্দেশ্যে নালসোরা এবার প্রবলভাবে বাধা দিতে লাগলো। বাসা থেকে দলে দলে নালসোরা এসে সেই সংযোগস্থলে সমবেত হতে লাগলো। ক্ষুদে পিঁপড়েরা এস্থলে লাইন করে অগ্রসর হচ্ছিল, কাজেই সংকীর্ণ লাইনের স্ববিধা পেয়ে নালসোরা তাদের ধারালো ঝাঁড়াশীর্ষ সাহায্যে এক-একটা করে ক্ষুদেগুলিকে ধরে কেটে ফেলতে লাগলো। কেউ কেউ আবার ক্ষুদেগুলিকে ধরে রূপরূপ করে নিচে ফেলে দিচ্ছিল। অনেকে আবার জড়াজড়ি করে নিচে পড়ে যাচ্ছিল। নালসোরা উত্তেজিতভাবে এত বিধাত্ত গ্যাস ছাড়ছিল যে, প্রায় দু-হাত তফাত থেকে বেশ ঝাঁঝালো গন্ধে এবং সমবেতভাবে প্রবল বাধার সম্মুখীন হয়ে ক্ষুদেরা এবার মোটেই স্ববিধা করতে পারছিল না। যে পথে অগ্রসর হয়েছিল তারা সেই পথে ফিরতে লাগলো। কিন্তু নালসোরা তাদের পশ্চাদ্ধাবন করলো না। ডাল ও কাণ্ডের সংযোগ স্থলেই ঘাঁটি আগলে রইলো। তখনও ক্ষুদেরা সকলেই একেবারে চলে যায় নি, তবে খুবই অল্পসংখ্যক সৈন্ত আনাগোনা করছিল। লড়াই চলবার সময় সম্মুখের ঘাঁটি ও ডালের প্রান্তভাগে অবস্থিত বাসা পর্যন্ত দীর্ঘ পথ জুড়ে বার্তাবাহকগুলিকে খুবই উত্তেজিতভাবে ছোট্টাছুটি করতে দেখা গেল। বাসাটার মধ্যে কী হচ্ছিল তখন লক্ষ্য করবার অবসর পাই নি। এবার কাছে গিয়ে দেখলাম, যে স্থানে বাসাটা ঝুলছিল, তা থেকে প্রায় হাতখানেক তফাতে কতকগুলি পাতার উপর প্রায় চারপাঁচ শত নালসো একত্রিত হয়ে নতুন একটা বাসা নির্মাণ করতে শুরু করেছে। কতকগুলি নালসো সার্বজনীনভাবে অবস্থান করে অনেকগুলি পাতাকে পরস্পর সংলগ্ন করে কামুড়ে ধরে রয়েছে। এখনও হতা বুলে সেগুলিকে জোড়া দেওয়া হয়নি। তারই পাশে আর একটা অপেক্ষাকৃত

ছোট বাসারও পতন করেছে। শত শত নালসো অতি দ্রুতগতিতে সেই অসম্পূর্ণ বাসার মধ্যেই তাদের ডিম ও বাচ্চাগুলিকে স্থানান্তরিত করছিল। যে ভালটার উপর দিয়ে ডিম, বাচ্চা প্রভৃতি স্থানান্তরিত করা হচ্ছিল, তার এক পাশে শতাধিক খাড়া পাহারা মোতায়ন রয়েছে। অগ্রবর্তী বাহ ভেদ করতে পারলেও শত্রুর পক্ষে এই ঘাঁটি ভেদ করা সহজ হতো না। সন্ধ্যার একটু পূর্বে দেখা গেল, বাচ্চার সাহায্যে স্ত্রী বুনো নতুন বাসার জোড়া মুখগুলি আটকবার ব্যবস্থা হচ্ছে।

তৃতীয় দিন বেলা একটা পর্যন্ত যুদ্ধ সম্পর্কে উভয় পক্ষের কোনও কর্মতৎপরতা দেখা গেল না। নালসোদের পাহারার ব্যবস্থায় একটু শৈথিল্য লক্ষিত হলো। কিন্তু তখনও তাদের ডিম, বাচ্চা অপসারণ পূর্ণোন্মুখে চলছিল। ক্ষুদে পিঁপড়েরা অল্প দিকের একটা ডালের গা বেয়ে উপরের দিকে লাইন করে চলছিল, অবশ্য নালসোদের অধিকৃত ভালটার আশেপাশেও দু-একটা ক্ষুদে পিঁপড়েকে আনা-গোনা করতে দেখা গেল। ভালটার একটু কাছে যেতেই গোটা তিনেক পাহারাদার নালসো হঠাৎ যেন কেমন একটা ভয় পেয়ে উন্টোমুখে ছুটে গিয়ে খাড়া একটা ডালের উপর উঠলো। ক্ষুদে পিঁপড়েরা সেই ভালটার অপর পাশ দিয়েই উপরে যাতায়াত করছিল। দলভ্রষ্ট নালসোদের একটা ছুটে ছুটে গিয়ে তাদের লাইনে পড়লো। আর যায় কোথা! পাঁচ-সাতটা ক্ষুদে মিলে সেটাকে কাবু করে ছিন্ন-ভিন্ন করে ফেললো এবং বিচ্ছিন্ন অঙ্গপ্রত্যঙ্গগুলিকে বাসার দিকে বয়ে নিয়ে চললো। এই আকস্মিক ব্যাপারে ক্ষুদেদের লাইনের ভিতর একটা বিশৃঙ্খলা উপস্থিত হলো। লাইন ছেড়ে অনেকেই ইতস্তত বিক্লিষ্টভাবে যেন অপরাপর দ্রুতকারীদের সন্ধান করতে লাগলো। ইতিমধ্যে আর একটা নালসোর সঙ্গে হঠাৎ আবার ক্ষুদেদের দেখা হয়ে গেল। সে উৎসাহে ছুটে ছুটে তাদের অধিকৃত স্থানে উপস্থিত হয়ে একেবারে বাসার মধ্যে ঢুকে পড়লো। ক্ষুদে পিঁপড়েরা নালসোর সঙ্গে সমান বেগে ছুটে না পারলেও বোধ হয় তার গন্ধ অনুসরণ করে কিছুক্ষণ পরেই পূর্বোক্ত লড়াইয়ের স্থলে উপনীত হলো এবং কিছুক্ষণ ঘোরাঘুরি করে লাইনের মধ্যে ফিরে গেল। প্রায় পাঁচ-সাত মিনিট পরে ক্ষুদেদেরা উৎসাহী লাইন থেকে খুব ক্রীণ একটা লাইনে নালসোদের অধিকৃত ডালের দিকে অগ্রসর হতে লাগলো। নালসোদের ডালের মাঝামাঝি তারা কোনই বাধা পেল না। আর কিছুদূর অগ্রসর হতেই একটা টহলদার নালসো অগ্রবর্তী ক্ষুদে পিঁপড়টাকে ধরে ছিন্ন-ভিন্ন করে ফেললো। আর একটাকে আক্রমণ করতে উত্তত হওয়া মাত্রই ছুটা

ক্ষুদে পিঁপড়ে তার দুই ঠাং কামড়ে ধরলো। যন্ত্রণায় নালসোটা কিছুক্ষণ লাফালাফি করে অতি অল্প সময়েই নিস্তেজ হয়ে পড়লো। তখন একে একে ক্ষুদেরা অর্ধমৃত পিঁপড়েটাকে ঘিরে ধরলো। ক্ষুদেদের প্রধান লাইনে এই সংবাদ পৌঁছতে বিলম্ব হলো না। দেখতে দেখতে ক্ষুদে পিঁপড়েরা কাতারে কাতারে ডালটার দিকে অভিযান শুরু করে দিল। ডালটার ঠিক মধ্যস্থলে প্রায় হাতখানেক স্থান জুড়ে উভয় পক্ষে তুমুল যুদ্ধ চলতে লাগলো। ক্ষুদেদের প্রবল চাপ নালসোরা এবার সহ্য করতে পারছিল না! বাধা দিতে দিতে তারা ক্রমেই পিছু হটতে লাগলো। দলে দলে নালসোরা প্রাণ দিতে লাগলো, কিন্তু ক্ষুদেদের সৈন্যসংখ্যা ক্রমশই বৃদ্ধি পেয়ে চলেছে। বোধ হলো যেন বিধাতা গ্যাসের গন্ধেই তারা বেশি দূর অগ্রসর হতে পারছিল না। কারণ সে স্থলে বহু নালসো সমবেত হয়ে একযোগে গ্যাসে ছাড়ছিল। প্রায় মিনিট পাঁচ-সাত এভাবে চলবার পর দেখা গেল, ক্ষুদে পিঁপড়েরা এক নতুন কৌশল অবলম্বন করেছে। পুরাতন বাসাটার প্রায় দুই ইঞ্চি উপরে অল্প ডালের একটা পাতার ডগা বুলছিল। উপরের ডাল ধরে ঘুরে গিয়ে ক্ষুদেরা সেই পাতাটার ডগা পর্যন্ত পৌঁছেছে; কিন্তু যোগাযোগ না থাকায় নামতে পারছিল না। বাসাটা যে খুবই নিকটে, গন্ধে বোধহয় তা টের পেয়েছিল। কিছুক্ষণ ইতস্তত করবার পর অবশেষে ক্ষুদেরা একে একে রূপ রূপ করে বাসাটার উপর পড়তে লাগলো, যেন প্যারাসুটিস্টের অবতরণের মতো। অবতরণ করে বিনা বাধায় তাদের অনেকেই বাসাটার ছিন্ন অংশ দিয়ে ভিতরে প্রবেশ করলো। বাসার উপরই এই অবতরণকারী সৈন্যদের কয়েকটার সঙ্গে নালসোদের ভীষণ ধ্বস্তাধ্বস্তিও চলছিল। প্রায় ৬০।৭০টা ক্ষুদে পিঁপড়ে ভিতরে প্রবেশ করেছে। ভিতরে তখন কী ঘটছিল, বাইরে থেকে তা দেখবার উপায় ছিল না; কিন্তু কয়েক মিনিটের মধ্যেই দেখা গেল নালসোরা বাসার বিভিন্ন বিচ্ছিন্ন অংশের ভিতর দিয়ে দ্রুতগতিতে যে দিকে পারে উদ্ধ্বাসে ছুটছে। অনেকে আবার ডিম ও বাচ্চাগুলিকে মুখে নিয়ে বের হয়েছে। তাদের চালচলন ও গতিভঙ্গি দেখে পরিষ্কার বুঝতে পারা গেল যে, তারা ভয়ানক ভয় পেয়ে গেছে। চতুর্দিকে একটা ভীষণ অরাজক কাণ্ড। এদিকে ডালের উপরের ক্ষুদে পিঁপড়েরা অগ্রগতিতে বাধা পেয়ে একটা নতুন পন্থা অবলম্বন করেছে। এতক্ষণ ডালটার উপর দিকেই যুদ্ধ চলছিল। পাশে ও নিচের দিকে নালসোদের কোনও রক্ষণ ব্যবস্থা ছিল না। এই সুযোগে ক্ষুদেরা ডালটার নিচ ও পাশের দিক দিয়ে আরও দুটা নতুন লাইনে অগ্রসর হতে

লাগলো। এই কৌশলে এক রকম বিনা বাধায় বহু সংখ্যক শত্রুসৈন্য নালসোদের বাসার কাছে গিয়ে উপস্থিত হলো। পূর্বেই বাসার মধ্যে বিশৃঙ্খলার সৃষ্টি হয়েছিল। এখন অতর্কিতে বহু শত্রু সৈন্য বাসার প্রবেশ পথ ধরে আক্রমণ করার ফলে বিশৃঙ্খলা চরমে উঠলো। মাঝখানে এক দল এবং বাসাটার নিকটে দু-তিন দলে বিচ্ছিন্ন ভাবে লড়াই চলতে লাগলো। নালসোদের মধ্যে যোগাযোগ একেবারেই বিচ্ছিন্ন হয়ে গিয়েছিল। কাজেই প্রাণভয়ে সকলেই পালাতে বাস্তু। তারা এতই ভয় পেয়ে গিয়েছিল যে, অনেক পিঁপড়ে দিশাহারা হয়ে ছুটতে গিয়ে বাসার উপর থেকে ঝুপ ঝুপ করে নিচে পড়তে লাগলো। সেখানে তারা মাটিতে অবশিষ্ট ক্ষুদে-পিঁপড়াদের কবলে পড়ে প্রাণত্যাগ করতে বাধ্য হলো। বাসাটার বাইরের দিকে একস্থানে দেখলাম, প্রায় ৪০।৫০টা রানী এক সঙ্গে জড়াজড়ি করে ভয়ে আত্মগোপন করে রয়েছে। নতুন বাসার মধ্যে অসংখ্য নালসো আশ্রয় গ্রহণ করলেও পুরাতন বাসায় তখনও কয়েক হাজার পিঁপড়ে অবস্থান করছিল। ডিম, বাচ্চা প্রভৃতিও কম ছিল না; তাছাড়া পুরুষ ও রানী যথেষ্ট ছিল। সেগুলিকে তখনও নতুনও বাসায় স্থানান্তরিত করা সম্ভব হয় নি। ক্ষুদেদের আক্রমণ থেকে এদের একটি প্রাণীও রক্ষা পেল না। প্রায় আধ ঘণ্টা সময়ের মধ্যেই ক্ষুদেরা এই যুদ্ধে সম্পূর্ণরূপে জয়লাভ করলো। তখন বাসার উপরেও আশেপাশে নালসোদের অজস্র মৃতদেহ ছাড়া আর কিছুই নজরে পড়ছিল না; অবশ্য ওদের সঙ্গে ক্ষুদে সৈন্যদের মৃতদেহও অনেক ছিল। যুদ্ধ আরম্ভ থেকে শেষ পর্যন্ত ক্ষুদেরা মৃতদেহগুলি খণ্ড খণ্ড করে বহন করে নিয়ে যাচ্ছিল। যুদ্ধের পরেও দুই দিন পর্যন্ত এই মৃতদেহ, ডিম ও বাচ্চার অপসারণ-কার্য চলেছিল। এক স্থানে এক অদ্ভুত দৃশ্য দেখা গেল। লড়াইয়ের সময় কতকগুলি নালসো উপরের একটা পাতা থেকে শিকল গাঁথে নিচের অগ্নি একটি ভালে পালিয়ে যাবার ব্যবস্থা করেছিল। ক্ষুদেদের আক্রমণ থেকে তারাও কেউই রেহাই পায় নি। জ্যাস্ত পিঁপড়ের শিকলটি এখন কতকগুলি মৃতদেহের শিকলে পরিণত হয়ে ঝুলছিল। পুরাতন বাসাটা দখল করার পর ক্ষুদেরা নতুন বাসাটা আক্রমণ করে সম্পূর্ণরূপে বিধ্বস্ত করে ফেলে; কিন্তু সেটা বিশেষ অরক্ষিত থাকায় যুদ্ধ চলেছিল প্রায় দিন দুয়েরও বেশি।

দুখলতা প্রজাপতির জন্মকথা

রূপকথার ব্যাং যেমন রাজকন্যা সকাশে তার কুৎসিত আবরণটা পরিত্যাগ করে রাজপুত্রের রূপ ধারণ করতো, প্রাণী-জগতে কিন্তু এরূপ সত্যিকার দৃষ্টান্তের অভাব নেই। আমাদের আপেশাশে অহরহ কত বিচিত্র বর্ণের হৃদুশ প্রজাপতিকে উড়ে বেড়াতে দেখতে পাই। তাদের জন্ম ঘটনা পর্যবেক্ষণ করলেই তার সত্যতা প্রমাণিত হবে। এস্থলে আমাদের দেশীয় লালচে, হলদে রঙের দুখলতা প্রজাপতির জন্ম কথা বলছি।

কলকাতার আশেপাশে বনে-জঙ্গলে বড় গাছ বা বেড়ার গায়ে অযত্ন-বর্ধিত এক প্রকার বগ্ন লতার প্রাচুর্য দেখতে পাওয়া যায়। এদের পাতাগুলি একটু গোলাকার ধরনের, প্রায় প্রত্যেকটা গাঁট থেকে এক-একটা লম্বা বোটার ডগায় এক জোড়া কঁটাওয়ালা সরু মুখ ফল ধরে। ফলগুলি শুকিয়ে ফেটে যায় এবং বোটার মতো এক গোছা সূক্ষ্ম তন্তু সম্বিত বোজ বাতাসে ছড়িয়ে পড়ে, পাতা বা ভাঁটা ছিঁড়লে দুধের মতো রস ঝরতে থাকে। এই জন্তেই বোধ হয় এগুলিকে দুখলতা বলা হয়ে থাকে। একটু মনোযোগ দিয়ে লক্ষ করলেই এই লতার গায়ে অদ্ভুত আকৃতি-বিশিষ্ট এক প্রকার অদ্ভুত শোঁয়াপোকা দেখতে পাওয়া যাবে। এই শোঁয়াপোকাগুলি প্রায় এক ইঞ্চি থেকে দেড় ইঞ্চি পর্যন্ত লম্বা হয়। গায়ের উপরিভাগে হলদে ও কালো রঙের ডোরাকাটা। দেহের সম্মুখভাগে পিঠের উপর দুই জোড়া এবং পিছনের দিকে এক জোড়া কালো রঙের লম্বা শুঁড় আছে। মুখটা শাদা-কালো ডোরায় চিত্রিত। একটু লক্ষ করলেই দেখা যাবে, এরা রাতদিন এই দুখলতার পাতা ও ভাঁটা কুরে কুরে খাচ্ছে; এক দণ্ডও বিশ্রাম নেই; লম্বালম্বিভাবে পাতার ধার থেকে আরম্ভ করে নিচের দিকে প্রায় আধ ইঞ্চি স্থানের অতি সূক্ষ্ম অংশ কেটে খায়। খাবার সময় দেখা যায় যেন মুখটাকে কেবল বারবার উপর থেকে নিচের দিকে নামাচ্ছে। এদের চেহারা দেখতে ভীষণ হলেও অজ্ঞাত সাধারণ শোঁয়াপোকায় মতো এরা বিবাক্ত নয়। অজ্ঞাত সাধারণ শোঁয়াপোকা মাস্তুলের গায়ে লাগলেই চামড়ার মধ্যে শোঁয়াগুলি গঁথে যায় এবং সে স্থানে প্রদাহ—এমন কী সময়ে সময়ে ক্ষতেরও সৃষ্টি হয়। কিন্তু এই শোঁয়াপোকায় গায়ে মোটেই শোঁয়া নেই। এরাই দুখলতা প্রজাপতির

বাচ্চা বা কীড়া। এই কীড়া বা শোয়াপোকাই কালক্রমে অমন সুন্দর প্রজাপতিতে রূপান্তরিত হয়ে থাকে। আমাদের দেশে সাধারণত এই দুধলতা প্রজাপতিই যেখানে-সেখানে বেশির ভাগ নজরে পড়ে। দিনের বেলায় উড়ে বেড়াবার সময় এদের যৌন মিলন ঘটে। এই মিলনের কিছুকাল পরেই স্ত্রী-প্রজাপতি দুধলতার পাতার গায়ে এখানে-সেখানে একটা একটা ক'রে কতকগুলি ক'রে ডিম পেড়ে চলে যায়। দিন দশ-পনেরো পরে ডিম ফুটে অতি ক্ষুদ্র ক্ষুদ্র শোয়াপোকা বেরিয়ে আসে। তখন তাদের গায়ের রং থাকে কতকটা ছাইয়ের রঙের মতো। ডিম ফুটে বাচ্চা বের হবার কিছুক্ষণ বাদেই খেতে শুরু করে দেয়। কিন্তু তখন পাতার সমস্ত অংশটাই খেতে পারে না, কেবল সবুজ অংশটুকুই কুরে কুরে খায়। আর একটু বড় হলেই পাতা বা ডাঁটার সমস্ত অংশ কেটে কেটে খেতে আরম্ভ করে। প্রায় দশ-পনেরো দিন একরূপ খেতে খেতে বড় হয়ে হঠাৎ খাওয়া বন্ধ করে দেয় এবং কিছুক্ষণ এদিক-ওদিক ঘুরে-ফিরে শক্ত একটা ডাঁটা নির্বাচন করে শরীরের পশ্চাভাগ থেকে এক প্রকার আঠালো পদার্থ বের করে ঐ ডাঁটার গায়ে মাখাতে থাকে। ঘুরে ঘুরে মাখানো মাত্রই ঐ রস জমে স্ত্রীর আকার ধারণ করে এবং বোঁটার মতো ঐ স্ত্রীর সঙ্গে শোয়াপোকাটার মাথা নিচের দিকে ঝুলে পড়ে! ঝোলবার সময় কেন্নোর মতো মাথার দিক দ্বিধা বক্রভাবে থাকে। কয়েক ঘণ্টা একরূপ নিম্পন্দভাবে ঝুলে থাকবার পর হঠাৎ দেখা যায়—শোয়াপোকাটার শরীর যেন থেকে থেকে কঁপে উঠছে। ক্রমশ কঁপুনি বাড়তে বাড়তে ঝাঁকুনিতে পরিণত হয়। এই সময়ে দেখা যায়, শোয়াপোকাটার মাথার দিকে পিঠের উপর খানিকটা স্থান হঠাৎ একটু স্ফীত হয়ে উঠলো এবং সঙ্গে সঙ্গেই চামড়াটা ফেটে গেল এবং ভিতর থেকে উপরের দিক সরু এবং নিচের দিক মোটা এক অস্বাভাবিক পিণ্ডাকার পদার্থ বেরিয়ে আসতে লাগলো। তখনও শরীরের ঝাঁকুনি প্রবর্তিত চলছে। প্রায় দশ-পনেরো সেকেন্ডের মধ্যেই দেখতে দেখতে উপরের চামড়াটা সম্পূর্ণরূপে গুটিয়ে গিয়ে কালো একটু ঝুলের মতো বোঁটার কাছে লেগে রইলো। সবুজ পিণ্ডাকার পদার্থটা সেই বোঁটায় ঝুলেই শরীর সংকুচিত করে নানাভাবে মোচড় খেতে লাগলো। প্রায় পাঁচ-সাত মিনিটের মধ্যেই সবুজ রঙের পিণ্ডটার আকার পরিবর্তিত হয়ে উপরের দিক মোটা ও নিচের দিক সরু হয়ে গেল। উপরের দিকে পাশাপাশিভাবে একটু স্ফীত স্থানের উপর উজ্জল সারি সারি সোনালী রঙের ফোঁটা ফুটে উঠলো। পরে শরীরের নিম্নভাগেও ঐরূপ কয়েকটি সোনালী রঙের ফোঁটা আশুপ্রকাশ করলে পাঁচ-সাত মিনিটের ভিতরেই এমন একটা অদ্ভুত রূপান্তর ঘটে গেল যে, দেখে বিশ্বাসে বাংলার কীট-৩

অবাক হয়ে থাকতে হয়। তারপর সেই অবস্থায় সবুজ রঙের ঠিক ছোট একটা আঙুর ফলের মতো লতার গায়ে ঝুলতে থাকে। রং প্রথমে হালকা সবুজ, পরে গাঢ় সবুজ হয়ে যায়। সোনালী ফোটাগুলিতে আলো প্রতিফলিত হয়ে জলজল করতে থাকে। কিন্তু পাতার সবুজ রঙের সঙ্গে এদের গায়ের রঙের এমন অপূর্ণ সাদৃশ্য যে, অনেকক্ষণ স্থির দৃষ্টিতে অন্বেষণ না করলে সহসা কোন মতেই নজরে পড়ে না। পনেরো থেকে বিশ দিন পর্যন্ত নিশ্চেষ্টভাবে ঠিক কানের ঢুলের মতো ঝুলে থাকে। এগুলিই প্রজাপতির গুঁটি বা পিউপা। বিভিন্ন জাতের প্রজাপতির গুঁটি বিভিন্ন আকার ও বিভিন্ন রঙের হয়ে থাকে। কতই না তাদের রঙের বাহার, কতই না তাদের কাক্যকার্য। বর্ণের ঝলঝলো ও গঠন-পারিপাট্যে মুগ্ধ হয়ে যেতে হয়। কবির ভাষায় এগুলিকে সত্যিকার ‘পরীর কানের ঢুল’ বলতেই ইচ্ছা হয়।

দুখলতা প্রজাপতির গুঁটি বা পিউপার রং অধিকাংশ ক্ষেত্রেই গাঢ় সবুজ; কিন্তু মাঝে মাঝে কতকগুলির রং একেবারে সাদা হয়ে থাকে। সোনালী ফোটাগুলি কিন্তু উভয়ের একই রকমের।

পনেরো-বিশ দিন পরে গুঁটির রং ক্রমশ পরিবর্তিত হতে থাকে এবং কয়েক ফুটার মধ্যেই ফিকে হয়ে যায়। তখন উপরের আবরণটা অনেক স্বচ্ছ হয়ে পড়ে। তখন তার মধ্য দিয়ে ভিতরের প্রজাপতিটিকে আবছা দেখতে পাওয়া যায়—যেন ডানা মুড়ে রয়েছে। দেখতে দেখতে গুঁটির মধ্যস্থল থেকে নিচের দিকের একাংশ ফেটে যায় এবং তার ভিতর দিয়ে প্রজাপতিটি আস্তে আস্তে মুখ বের করতে থাকে। দু-এক মিনিটের মধ্যেই ডানা বাইরে আসে, তারপর একেবারে প্রজাপতির সমস্ত শরীর বহির্গত হয়। খোলস ত্যাগ করে বাইরে আসবার সময় তার ডানা অতি ক্ষুদ্র অবস্থায় থাকে। লেজের দিকও সেইরূপ অস্বাভাবিক ক্ষুদ্র কিন্তু মোটা। বাইরে এসেই ক্ষুদ্রকায় প্রজাপতিটি তার পরিত্যক্ত খোলস ঝাঁকড়ে বসে থাকে। সঙ্গে সঙ্গে শরীরের পশ্চাৎভাগ ও ডানাগুলি তরতর করে বাড়তে থাকে। এই সময়ে ডানাগুলি থাকে কোমল ও তকতকে। প্রায় পাঁচ-সাত মিনিটের মধ্যেই স্বাভাবিক প্রজাপতির অবস্থায় পরিণত হয়। বেকায়দায় পড়ে ডানাগুলি একটু এদিক-ওদিক বেঁকে গেলে আর সোজা হবার উপায় থাকে না। স্বাভাবিক অবস্থা প্রাপ্ত হবার পরেও প্রায় ঘণ্টাখানেকের উপর প্রজাপতিটি ডানা মুড়ে সেই পরিত্যক্ত খোলসটার উপরেই বসে থাকে। তারপর ডানা একবার প্রসারিত করে আবার গুটিয়ে নিয়ে পরখ করে দেখে ঠিক গুড়বার উপযুক্ত হয়েছে কিনা। তার কিছুক্ষণ পরেই উড়ে গিয়ে ফুলের মধু আহরণে প্রবৃত্ত হয়।

শোয়াপোকার মৃত্যু অভিযান

লেমিংস্ নামক ইঁদুরের মতো এক জাতীয় প্রাণী পাহাড়-পর্বতের আশে-পাশে দলবদ্ধভাবে বাস করে। এত দ্রুতগতিতে এদের বংশবৃদ্ধি ঘটতে থাকে যে, কিছুদিনের মধ্যেই চতুর্দিকে ছড়িয়ে পড়ে। খ্রীস্টকালীন প্রথর রোদের তাপে ঘাসপাতা শুকিয়ে গেলে তাদের মধ্যে দারুণ খাড়াভাব দেখা দেয়। তখন হঠাৎ একদিন দেখা যায়, তারা যেন পরামর্শ করে—শীত নেই, রোদ নেই এবং খাওয়ার অভাব নেই—এমন এক অজানা কল্লিত স্রুথের রাজ্যের অভিমুখে ছুটতে থাকে। পাহাড়-পর্বত, নদ-নদী, শহর-বন্দর অতিক্রম করে লক্ষ লক্ষ কোটি কোটি লেমিংস্ দলে দলে সামনের দিকে অগ্রসর হতে থাকে। শত-সহস্র বাধাবিঘ্ন, প্রাকৃতিক বিপ্লব, নানাবিধ শত্রুর স্ফীকরণ—কিছুই এদের অগ্রগতি প্রতিরোধ করতে পারে না। জীবন থাকতে এইরূপ অজানা কোনও স্রুথের রাজ্যে, পৌঁছতে না পারলেও সমুদ্রের দিকে অগ্রসর হতে হতে অবশেষে সমুদ্রে এসে উপস্থিত হয়। সমুদ্রই হোক বা যা কিছুই হোক—কিছুতেই আশ্রয় নেই, অগ্রসর হতেই হবে। যতক্ষণ সমুদ্রের ঢেউ তাদের অতলে নিমজ্জিত না করে অথবা সামুদ্রিক হিংস্র প্রাণীর কুক্ষিগত না হয়, ততক্ষণ পর্যন্ত সঁাত্রে সামনের দিকে অগ্রসর হতে থাকে। অদ্ভুত এদের সংস্কার। এই সংস্কারের দ্বারাই হয়তো প্রকৃতি প্রাণী-জগতের ভারসাম্য রক্ষা করছে।

ক্যারিবু নামক এক জাতীয় হরিণের মধ্যেও এই ধরনের অদ্ভুত সংস্কার দেখা যায়। তাদের চারণভূমিতে কোনও প্রাকৃতিক উৎপাত অথবা খাড়াভাবের আশংকা দেখা দিলেই হাজার হাজার হরিণ দলবদ্ধ হয়ে কোনও এক কল্লিত নন্দনকাননে উপনীত হবার জন্যে নদ-নদী, পাহাড়-পর্বত সব বরকম বাধাবিঘ্ন অগ্রাহ্য করে অগ্রসর হতে থাকে। কবে যে এদের যাত্রাপথ সমাপ্ত হবে তা জানে না—বিরাম নেই, বিশ্রাম নেই, অভিযান চলতে থাকে—এমনই দৃঢ় একটা সংস্কার।

শ্রেষ্ঠতম প্রাণীদের মধ্যেও অস্বল্প দৃষ্টান্ত বিরল নয়! মানুষ, পশু, পাখি প্রভৃতি প্রাণীদের মধ্যেও যাবাবর বৃত্তি অনেক ক্ষেত্রেই দেখতে পাওয়া যায়। এমন কী, কোনও কোনও ক্ষেত্রে নিয়ন্ত্রণের কীট-পতঙ্গের মধ্যেও। কিন্তু কাল্পনিক

স্বথের আশায় (একমাত্র সর্বশ্রেষ্ঠ প্রাণী ছাড়া) লেমিংসের মতো মহাযাত্রার এককপ দৃষ্টান্ত বোধ হয় উন্নত বা অবনত সকল শ্রেণীর প্রাণীর মধ্যে একান্ত বিরল । কিন্তু সম্প্রতি কীট-পতঙ্গ শ্রেণীর এক জাতীয় শোয়াপোকাকার লেমিং-এর মতো মৃত্যু-অভিযান প্রত্যক্ষ করবার সুযোগ ঘটেছিল । গ্রীষ্মের প্রারম্ভে আমাদের দেশীয় জবা বা কাঁঠালী চাণা প্রভৃতি গাছের পাতার নিচের দিকে ঈষৎ সবুজাভ শাদা রঙের এক জাতীয় শোয়াপোকা দেখতে পাওয়া যায় । এরা মঞ্চ-জাতীয় এক প্রকার কালো রঙের প্রজাপতির বাচ্চা । পাতার গায়ে প্রজাপতি এক সঙ্গে ২০-২৫ টা ডিম পেড়ে রেখে যায় । দশ-বারো দিন পরে ডিম ফুটে ছোট ছোট শোয়াপোকা বেরিয়ে এসে এক সঙ্গেই অবস্থান করে । এক-একটা গাছে এককপ পাঁচ-সাতটা বা আরও বেশি বিভিন্ন দল দেখতে পাওয়া যায় । এরা দলবদ্ধ ভাবেই গাছের পাতা খেয়ে নিঃশেষ করে দেয়—কখনও দল ছাড়া হয়ে ইতস্তত ছড়িয়ে পড়ে না । খুব ছোট অবস্থায় যখন এক ডাল থেকে অন্য ডালে যাবার প্রয়োজন হয়, তখন মাকড়সার মতো মুখ থেকে সূক্ষ্ম সূতা বের করে ঝুলে পড়ে অন্যত্র যাতায়াত করে—সকলেই এক সঙ্গে সূতা ছেড়ে কতকটা জালের মতো যাতায়াতের রাস্তা সৃষ্টি করে বলে ছত্রভঙ্গ হয়ে যায় না, সহজেই অন্যত্র গিয়ে এক সঙ্গে জড়ো হতে পারে ।

গাছপালা বিবর্জিত একটা পাথরের বেদির উপর কোনও কারণে ছোট একটাই গাছসহ টব রাখা হয়েছিল । একদিন সকাল বেলায় দেখা গেল—সেই সিমেন্টের মেঝের উপর দিয়ে দূর থেকে প্রায় দশ-বারোটা শাদা রঙের শোয়াপোকা পিপড়ের মতো সার বেঁধে অগ্রসর হচ্ছে । আশেপাশে গাছপালা নেই—এরা কোথা থেকে এলো ? আর এদিকেই বা অগ্রসর হচ্ছে কেন ? সেগুলিকে লক্ষ করে এককপ ভাবছি, দেখতে দেখতে তারা এসে টবটার পাশে উপস্থিত হলো । কিছুক্ষণ ধমকে দাঁড়ার পর লাইনটা যেন কতকটা ছত্রভঙ্গ হয়ে পড়লো—কেউ কেউ এদিক-ওদিক একটু ঘুরে, কেউ কেউ বা মাথা উঁচিয়ে কিছু যেন অন্বেষণ করবার চেষ্টা করতে লাগলো । বোধ হয় ওরা টবের উপরের গাছটার গন্ধই পেয়েছিল । কারণ খানিক বাদে দেখা গেল, ওরা আবার পূর্বের মতো লাইন করেই টবের গা বেয়ে উপরে উঠতে লাগলো ; টবের কানার প্রায় দেড় ইঞ্চি নিচে মাটির মধ্যে গাছটি জন্মেছিল । শোয়াপোকাগুলি একে একে উপরে উঠেই টবের গোলাকার কানাটার উপর দিয়ে ঘুরতে লাগলো । গোলাকার রাস্তার আর শেষ হয় না । এদিকে পাতার গন্ধেও বৃদ্ধিতে পেরেছে । ঋতুবস্ত্র অতি নিকটে ; কারণ এরা গাছের পাতা খেয়েই জীবনধারণ করে ।

এদিকে রাস্তাও ফুরোয় না। গোলকধাঁধায় পড়ে একই রাস্তায় যে শর বার সুরে মরছে সেটা বোঝবার মতো বুদ্ধিও এদের নেই। প্রায় সমস্ত কানাটা জুড়েই এরা চলছিল। মাঝে একটু ফাঁকও নেই, যাতে অগ্রগামী পোকা একটু এদিক-ওদিক মাথা ঘুরিয়ে অবস্থা তদারক করতে পারে—কেবল একে অন্যকে অহুসরণ করে চলেছে। বিরাম নেই, বিশ্রাম নেই, তাতে আবার অনাহার। একদিন একরাতি কেটে গেল, তখনও দেখলাম, সেই গতি অব্যাহত রয়েছে। একরূপ অবস্থায় পাঁচ দিন পাঁচ রাত কেটে গেল। পঞ্চম দিন বেলাশেষে অনাহারে ও অতিরিক্ত পরিশ্রমে দলের একটি শোয়াপোকা যেন অসাড় ভাবেই লাইন থেকে নিচে পড়ে গেল এবং কিছুক্ষণ বাদেই তার মৃত্যুর লক্ষণ দেখা গেল। ভাবলাম একটা পোকা মরে যাওয়ায় এদের লাইনের মধ্যে বেশ খানিকটা জায়গা ফাঁকা দেখে এদিক-ওদিক মাথা ঘুরিয়ে ফিরিয়ে টবের মাটির উপর দিয়ে গাছটার উপর উঠতে পারবে; কিন্তু আশ্চর্যের বিষয় এই যে, একটা শোয়াপোকা পড়ে যাওয়া সত্ত্বেও লাইনের মধ্যে একটুও ফাঁক দেখা গেল না, পূর্বে যেমন ছিল এখনও ঠিক তেমনই একে অপরকে স্পর্শ করে এগিয়ে চলেছে। লক্ষ করে দেখলাম ব্যাপার আর কিছুই নয়, মৃত শোয়াপোকাটা যখন দলে ছিল তখন ঠিকমত এদের স্থান সংকুলান হচ্ছিল না, এরা নিজ নিজ শরীর কতকটা সংকুচিত করে চলছিল। ষষ্ঠ দিনে দেখা গেল আরও গোটা তিনেক শোয়াপোকা মরে পড়ে আছে তবুও তাদের লাইনের মধ্যে বড় একটা ফাঁক দেখা গেল না, এরা শরীরটাকে অসম্ভব লম্বা করে হেঁটে চলছে। মনে হলো যেন এক-একটা শোয়াপোকা দৈর্ঘ্যে অন্তত-দেড় গুণ লম্বা হয়ে গেছে, সপ্তম দিনে আরও কয়েকটা মারা গেল, এবার যেন এদের গতিবেগ ক্রমশই মন্দীভূত হয়ে পড়ছিল। কিন্তু কিছুক্ষণ পরে পরেই যেন জোর করেই গতিবেগ বাড়িয়ে দিচ্ছিল। অহুসন্ধান করে দেখলাম, প্রায় দেড়শ' হাত দূরে একটা ছোট্ট চাঁপা গাছ থেকে শুকনো ঘাস-পাতা, কাঁকর-পাথর অতিক্রম করে কল্লিত সুরের আশায় বরাবর সমুখের দিকে অগ্রসর হবার সময় এরা দৈবক্রমে এই টবের গাছটার কাছে উপস্থিত হয়েছিল। কারণ চাঁপা গাছটার পাতা সম্পূর্ণরূপে নিঃশেষিত হয়ে গিয়েছিল এবং আশেপাশে তাদের খাবার উপযুক্ত কোনও গাছও ছিল না। কিন্তু আশেপাশে না চেয়ে এদের অগ্রগতির এই দৃঢ় সংস্কারই এদের মৃত্যুর কারণ হয়ে দাঁড়িয়েছিল। তারপর এই শোয়াপোকা নিয়ে পরীক্ষা শুরু করি—এরূপ একটা ঘটনা কী দৈবাৎ ঘটলো, না এদের স্বভাবই এরূপ? টবের কানায় কানায় জল ভর্তি করে এই জাতীয় এক দল শোয়াপোকাসহ একটি জবা গাছ পুতে দিলাম। পাতা খেয়ে

নিঃশেষ করবার পর এরাও একদিন নতুন খাদ্যপূর্ণ স্থানের উদ্দেশ্যে অভিযান শুরু করলো। গাছটার গা বেয়ে নিচে নেমেই দেখে জল, কিন্তু তাতেও ক্রক্ষেপ নেই—একটা শোয়াপোকা জলের উপর নেমে শরীরটাকে নানাভাবে ঘুরিয়ে-ফিরিয়ে একটু অগ্রসর হবার সঙ্গে সঙ্গেই তার পিছনেরটাও জলে নেমে পড়লো, এইরূপে একটার পর একটা ক’রে ক্রমে ক্রমে সবগুলিই জলে নেমে ইতস্তত ভেসে ভেসে কিছুক্ষণের মধ্যেই অপর পাড়ে উঠে টবের কানার চতুর্দিকে চক্রাকারে ঘুরতে শুরু করে দিল। যাবৎ মৃত্যু এসে তাদের না থামাবে তাবৎ অহোরাত্র এই চক্রাকার পরিভ্রমণ চলতেই থাকবে। আরও আশ্চর্যের বিষয়, এরা যখন এক ইঞ্চি থেকে প্রায় দেড় ইঞ্চি পর্যন্ত লম্বা হয়, তখনই নতুন স্থানের সন্ধানে এদের এইরূপ অভিযান চালাতে দেখা যায়। পূর্ণ বয়সে এরা তিন ইঞ্চি পর্যন্ত লম্বা হয় এবং গায়ের রং কালো হয়ে যায়।

মথ রেশম কীট

কীট-পতঙ্গের মধ্যে প্রজাপতির মতো ক্ষুদ্র পতঙ্গ কদাচিৎ দেখতে পাওয়া যায়। শরীরের অল্পাংশে প্রজাপতির ডানা অসম্ভব বড় হয়ে থাকে এবং বিভিন্ন জাতীয় প্রজাপতির ডানা বিভিন্ন রকমের আকৃতিবিশিষ্ট। ডানার মনোরম বর্ণবৈচিত্র্যে সহজেই এদের প্রতি দৃষ্টি আকৃষ্ট হয়। পৃথিবীর বিভিন্ন অঞ্চলে ছোট-বড় বিভিন্ন জাতীয় অসংখ্য রকমারি প্রজাপতি দেখা যায়। দিবাচর ও নিশাচর হিসাবে প্রজাপতিকে মোটামুটি দু-ভাগে ভাগ করা যায়। সাধারণত দিবাচর প্রজাপতিই আমাদের বেশী নজরে পড়ে। উজ্জল দিবালোকে এরা ফুলে ফুলে উড়ে বেড়ায়। দিনের আলো নিশ্চয় হবার সঙ্গে সঙ্গেই তারা লতাপাতা বা ঝোপঝাড়ের মধ্যে আশ্রয় গ্রহণ করে নিশ্চলভাবে অবস্থান করে। নিশাচর প্রজাপতিরা কিন্তু সারাদিন আনাচে-কানাচে চূপ করে বসে থাকবার পর রাতের অন্ধকারে আহারান্বেষণে বহির্গত হয়। এদের ডানাগুলি দিবাচর প্রজাপতির মতো হালকা নয় এবং ডানার বর্ণবৈচিত্র্যও পৃথক রকমের। বিশ্রাম করবার সময় দিবাচর প্রজাপতিরা পিঠের উপর দিকে ডানা মুড়ে বসে; কিন্তু নিশাচর প্রজাপতিরা ডানা প্রসারিত করেই বিশ্রাম করে। তাছাড়া এদের মস্তকের শুঁড় দুটি কতকটা পালকের আকৃতিবিশিষ্ট; কিন্তু দিবাচর প্রজাপতির শুঁড় দুটি মসৃণ

এবং প্রাপ্তভাগ বড় লাকৃতির। নিশাচর প্রজাপতির মধ নামে পরিচিত। এদের বাচ্চাগুলিই রেশম-মূত্র প্রস্তুত করে থাকে।

ঘোন-মিলনের পর স্ত্রী-প্রজাপতি গাছের পাতার উপর খানিকটা স্থান জুড়ে পর পর ডিম পেড়ে যায়। ডিমগুলি প্রায় গোলাকার; কোনও কোনও মধ ও প্রজাপতির ডিমের গায়ে ম্যাগনিফাইং গ্লাসের সাহায্যে সূক্ষ্ম কারুকার্য দৃষ্টিগোচর হয়। অধিকাংশ প্রজাপতিই ঘনসন্নিবিষ্টভাবে ডিমগুলিকে সাজিয়ে রাখে। আবার কেউ কেউ পৃথক পৃথক পাতার উপর এক-একটি করে ডিম পাড়ে। অল্প কয়েকদিন পরেই ডিম ফুটে বাচ্চা বেরিয়ে আসে। অধিকাংশ প্রজাপতির বাচ্চার গায়েই বিষাক্ত শোঁয়া থাকে। আবার অনেকের শরীর মন্থ। এই বাচ্চাগুলিই ক্যাটারপিলার বা শোঁয়াপোকা নামে পরিচিত। ডিম থেকে বাইরে এসেই বাচ্চাগুলি পাতার সবুজাংশ কুরে কুরে খেতে শুরু করে। খাওয়া হলো বাচ্চাগুলির প্রধান কাজ। তিন-চারদিন অনবরত আহারকার্য চালাবার পর কিছুকাল নিষ্ক্রিয় অবস্থায় থেকেই প্রথমবার খোলস পরিত্যাগ করে। তার কিছুকাল বাদে আবার খাওয়া শুরু করে। এইরূপে সাধারণত চারবার খোলস বদলাবার পর পরিণত অবস্থায় উপনীত হয়। পরিণত অবস্থায় শোঁয়াপোকা আড়াই ইঞ্চি, তিন ইঞ্চি বা ততোধিক লম্বা হয়ে থাকে। এই অবস্থায় উপনীত হলেই শোঁয়াপোকা খাওয়া বন্ধ করে লতাপাতার কোনও স্তম্ভবিধাজনক স্থান নির্বাচন করে হুতার সাহায্যে একটি শক্ত বোঁটা প্রস্তুত করে এবং সেই বোঁটা থেকে শরীরটাকে বঁড়শীর মতো বঁকা করে ঝুলতে থাকে। নিশ্চলভাবে এই অবস্থায় কয়েক ঘণ্টা ঝুলে থাকবার পর তার পিঠের দিকের চামড়া লম্বালম্বিভাবে খানিকটা ফেটে যায়। ভিতর থেকে লালচে আভাযুক্ত একটা লম্বাটে পদার্থ তখন মোচড় খেতে বেরিয়ে আসে। সর্বশেষে উপরের চামড়াটা এক টুকরো কালো ঝুলের মতো খসে নিচে পড়ে যায়। লালচে আভাযুক্ত পদার্থটা তখন বোঁটার সঙ্গে ঝুলতে থাকে। প্রায় ঘণ্টাখানেকের মধ্যেই লালচে পদার্থটা ধীরে ধীরে একটা আন্ত চীনাবাদ্যের আকৃতি পরিগ্রহ করে। অল্প সময়ের মধ্যেই সেই পদার্থটা ক্রমশ শক্ত হয়ে উজ্জল কাচখণ্ডের মতো ঝকঝক করতে থাকে। এই হলো প্রজাপতির গুটি বা পুতলী অবস্থা। বিভিন্ন জাতীয় প্রজাপতির গুটি—সোনালী, রূপালী, লাল, নীল, সবুজ প্রভৃতি বিভিন্ন বর্ণের উজ্জল কাচখণ্ডের গ্রাস প্রতীয়মান হয়। এক-একটি গাছে হীরা-মাণিক্যের হলের মতো একরূপ অনেক পুতলী ঝুলতে দেখা যায়। দশ-পনেরো দিন পরে এই গুটিই পিঠ চিরে ভিতর থেকে প্রজাপতি বেরিয়ে আসে। পুতলী থেকে বের হবার পর এদের ডানাগুলি থাকে

খুবই ছোট এবং পাতলা চামড়ার মতো তকতকে। কিন্তু দেখতে দেখতে ডানাগুলি তরতর করে বেড়ে যায় এবং বর্ণবৈচিত্র্য আত্মপ্রকাশ করে। আরও কিছুক্ষণ অপেক্ষা করবার পর ডানাগুলি শক্ত ও হালকা হলে প্রজাপতি আকাশে উড়ে যায়। এই হলো মোটামুটি দিবাচর প্রজাপতির জন্মের ইতিহাস।

মথ জাতীয় নিশাচর প্রজাপতির জন্মের ইতিহাস অনেকাংশে এক রকম হলেও কিকিঞ্চ পার্থক্য আছে। যৌন-মিলনের পর মথও এক স্থানে অনেকগুলি করে ডিম পাড়ে। এদেরও শোয়াযুক্ত ও শোয়াবিহীন দুই রকমেরই ক্যাটার-পিলার দেখতে পাওয়া যায়। প্রজাপতির ক্যাটারপিলারগুলি গুটি বীধবার সময় বোঁটা প্রস্তুত করতে অতি সামান্য স্নাত্তা বোনে, কিন্তু মথের বাচ্চাগুলি গুটি বীধবার সময় মুখ থেকে অজস্র রেশম-সূত্র বের করে ডিম্বাকার আবরণ প্রস্তুত করে। যাদের গায়ে শোয়া আছে, তারা আবার শোয়াগুলি ছিঁড়ে স্নাত্তার সঙ্গে মিশিয়ে তারই সাহায্যে বহিরাবরণ প্রস্তুত করে। সূত্রনির্মিত আবরণীর অভ্যন্তরে কিছুকাল নিশ্চেষ্টভাবে অবস্থান করবার পর ক্যাটারপিলার পূর্বোক্ত উপায়ে দেহের চামড়াটি পরিত্যাগ করে জলপাইয়ের ঝাঁটির মত আকৃতি ধারণ করে। এই অবস্থায় কেউ এক মাস, কেউ দুই মাস, কেউ কেউ বা নয়-দশ মাস কাটাবার পর মথের আকৃতি পরিগ্রহ করে গুটি কেটে বের হয়ে আসে। অনেক জাতীয় স্ত্রী-মথ গুটি কেটে বের হবার পর সেই স্থানেই অবস্থান করে। ডানা থাকলেও তারা উড়তে অক্ষম। গুটি থেকে বের হবার সঙ্গে সঙ্গেই পুং-মথ তার নিকট উড়ে আসে। সময় সময় পাঁচ-সাতটি পুং-মথকে স্ত্রী-মথের নিকটে অবস্থান করতে দেখা যায়। যৌন-মিলনের কিছুকাল বাদেই স্ত্রী-মথ এক সঙ্গে অনেকগুলি ডিম পেড়ে মৃত্যুসুখে পতিত হয়। মথ জাতীয় প্রজাপতির গুটির আবরণীর সূত্র থেকেই বিবিধ প্রকারের রেশমী বস্ত্রাদি প্রস্তুত হয়ে থাকে।

প্রয়োজনের তাগিদে মানুষ কেবল বস্ত্র জন্ত জানোয়ারকে বশীভূত করেই ক্ষান্ত থাকেনি, তারা কীট-পতঙ্গের মধ্য থেকে মধুর জন্তে মৌমাছি এবং রেশমের জন্তে রেশম-কীট বা মথ-জাতীয় প্রজাপতির বাচ্চাগুলিকে পোষা প্রাণীতে পরিণত করেছে। প্রতি বছর এই রেশম-কীট থেকে কী বিপুল পরিমাণ রেশম উৎপাদিত হয়ে থাকে, তার সঠিক হিসেব নির্ণয় করা দুষ্কর। আমাদের দেশে বহুকাল থেকেই রেশম-কীট প্রতিপালনের রীতি প্রচলিত আছে; এই কীট প্রতিপালনের দেশীয় পদ্ধতির বিষয় কিকিঞ্চ আলোচনা করছি।

বিভিন্ন জাতীয় রেশম-কীটের গুটি বা কোষা থেকে স্নাত্তা সংগ্রহ করে আমাদের দেশে গরদ, তসর, এণ্ডি, বাফতা প্রভৃতি কয়েক জাতীয় বস্ত্র প্রস্তুত হয়। যে

জাতীয় রেশম-কীট থেকে গরদের কাপড় প্রস্তুত হয়, তাই পলু পোকা বা ছুঁতপোকা নামে পরিচিত। এরা বিভিন্ন জাতীয় মধ নামক প্রজাপতির বাচ্চা বা ক্যাটারপিলার। আমাদের দেশে বড়-পলু, ছোট-পলু, নিস্তারী পলু ও চীনা পলু নামক কয়েক জাতীয় ছুঁতপোকা প্রতিপালিত হয়ে থাকে। এদের মধ্যে বড়-পলু ও বিলিভী-পলুই সর্বোৎকৃষ্ট। এদের কোষাগুলি খুব বড় হয় এবং শুভ্র বর্ণের প্রচুর পরিমাণ রেশম উৎপাদন করে। আমাদের দেশে বিলিভী-পলু প্রতিপালিত হলেও তার পরিমাণ যথেষ্ট নয়। বড়-পলু ও বিলিভী-পলু প্রতিপালনের প্রধান অসুবিধা এই যে, এদের ডিম থেকে বাচ্চা বের হতে প্রায় দশ মাস সময় লাগে। বড়-পলু ও বিলিভী-পলু খুব সম্ভব একই জাতীয় পোকা; কিন্তু এদের মধ্যে যথেষ্ট পার্থক্য পরিলক্ষিত হয়। হয়তো বা পারিপার্শ্বিক অবস্থার প্রভাবে বংশানুক্রমে এই পার্থক্য আত্মপ্রকাশ করেছে। যাহোক, বড়-পলুর ডিম মাস দশেক হাঁড়ির ভিতর রাখবার পর মাঘ মাসের ত্রীপক্ষমীর দিনে হাঁড়ির ঢাকনা খুলে দেওয়া হয় এবং কয়েক দিনের মধ্যেই ডিম ফুটে বাচ্চা বের হয়। এই দশ মাস ডিম সমেত হাঁড়িটাকে ঠাণ্ডা অন্ধকার ঘরে শিকের ঝুলিয়ে রাখা হয়। আলোকিত বা উষ্ণস্থানে রাখলে ডিম ভাল করে ফোটে না। খুব ঠাণ্ডা জায়গায় না রাখলে বিলিভী-পলুর ডিম মোটেই ফোটে না। বিলিভী-পলুর ডিম বরফের মতো ঠাণ্ডা স্থানে রাখতে হয়। ফোটবার পূর্বে দু-তিন সপ্তাহ ৩২ থেকে ৩৪ ডিগ্রি ফারেনহাইট উত্তাপে রাখা দরকার। তারপর উত্তাপ ক্রমশ বৃদ্ধি করলে বাচ্চা বের হতে থাকে। ৭৪ বা ৭৫ ডিগ্রি ফারেনহাইট উত্তাপে এই পলু-পোকা পুষতে হয়।

ছোট পলু, নিস্তারী-পলু ও চীনা-পলুর ডিম গ্রীষ্মকালে আট-দশ দিনে, বর্ষাকালে দশ-পনেরো দিনে এবং শীতকালে পঁচিশ-ত্রিশ দিনে ফুটে থাকে। ডিম থেকে ক্ষুদ্র ক্ষুদ্র শোঁয়াপোকা বা ক্যাটারপিলার বের হয়েই ভুঁত পাতা খেতে আরম্ভ করে। ডালা বা কাগজের উপর পোকাগুলি রেখে তার উপর কচি কচি ছুঁত পাতা কুচি কুচি করে ছড়িয়ে দিলেই পোকাগুলি উপরে উঠে পাতা খেতে থাকে। ভুক্তাবশিষ্ট পাতা ও নাদি পরিষ্কার করবার জন্তে ভুঁত পোকাগুলির উপর এক খণ্ড সূঁচ জাল বিছিয়ে তার উপর নতুন পাতা কুচিয়ে দিতে হয়। জালের ফাঁক দিয়ে নিচের পোকাগুলি উপরের পাতায় উঠে আসে, তখন জাল সমেত পোকাগুলিকে আর একখানি ডালায় রেখে পূর্বের ডালাটি পরিষ্কার করে ফেলতে পারা যায়। এই উপায়ে সর্বদাই পোকাগুলিকে পরিষ্কার-পরিচ্ছন্ন রাখা দরকার। প্রথম অবস্থায় পোকাগুলিকে প্রত্যাহ পাঁচ-ছয় বার তাজা পাতা দিতে

হয়, চার-পাঁচ দিন পরেই পোকাগুলি নিশ্চলভাবে অবস্থান করে এবং কিছুকাল বাদেই প্রথমবার খোলস পরিত্যাগ করে। এই সময়ে ওরা কিছু খায় না। এই সময় অন্তত একদিন পাতা দেওয়া বন্ধ রাখতে হয়। পোকাগুলি নড়াচড়া আরম্ভ করলেই পুনরায় পাতা দেওয়া দরকার। এইরূপে এরা প্রায় চারবার খোলস ছাড়ে এবং তাদের দেহের আকার ক্রমশ বেড়ে যায়। এরা গ্রীষ্মকালে তিন চারদিন অন্তর এবং শীতকালে পাঁচ-ছয় দিন অন্তর খোলস পরিত্যাগ করে। তৃতীয় বার খোলস ছাড়বার পর পাতা আর কুচিয়ে দিতে হয় না — গোটা পাতা দিলেই চলে। চতুর্থবার খোলস ছাড়বার পর পোকাগুলি শন্ শন্ শব্দে অতি অল্প সময়ের মধ্যেই পাতা খেয়ে শেষ করে। তৃতীয়বার খোলস পরিত্যাগের পরই পাতার পরিমাণ কমিয়ে দেওয়া উচিত। কারণ এই সময় বেশী খেলে প্রায়ই তারা ব্যাধিগ্রস্ত হয়ে পড়ে। চতুর্থবার খোলস ছাড়বার পর পোকাগুলি গ্রীষ্মকালে ছয়-সাত দিন ও শীতকালে দশ-বার দিন আহার করবার পর খাওয়া বন্ধ করে গুটি বা কোয়া প্রস্তুত করে। কোয়া প্রস্তুত করবার সময় হলেই পোকাগুলি ইতস্তত ঘুরে বেড়ায় এবং মুখ থেকে অল্প অল্প রেশম বের করতে থাকে। একরূপ অবস্থা দেখলেই সেগুলিকে বেছে নিয়ে শুকনো ভালপালা বা বাঁশের চোটাইয়ের দ্বারা প্রস্তুত এক প্রকার সচ্ছিন্ন পাত্রের মধ্যে স্থানান্তরিত করা হয়। সেখানে দু দিনের মধ্যেই গুটি বা কোয়া প্রস্তুত করে ফেলে।

পলু পোকাগুলি যাতে ঘনসন্নিবিষ্টভাবে না থাকে, তার জন্তে বিশেষ সতর্ক থাকা প্রয়োজন। প্রথম অবস্থায় ডালার উপর পলুগুলিকে পাতলাভাবে রাখতে হয়। বড় হলে একটু ঘন ভাবে রাখলেও তত ক্ষতি হয় না। প্রথমাবধি অময়্য করলে অথবা অপরিচ্ছন্নভাবে রাখলে বড় হলেই তারা ব্যাধিগ্রস্ত হয়ে মৃত্যুমুখে পতিত হয়। পলু যে ঘরে রক্ষিত হয়, তার হাওয়া খুব গরম বা ঠাণ্ডা হওয়া খুবই মারাত্মক। ঘরে হাওয়া প্রবেশ করবার ব্যবস্থা করে যাতে নাতিশীতোষ্ণ অবস্থায় থাকতে পারে তাই করা উচিত। কিন্তু দেখতে হবে—যেন পলুর গায়ে টানা হাওয়া লাগতে না পারে। কারণ টানা বাতাসে পলু রোগাক্রান্ত হয়ে পড়ে। গুমোট হলে পাখার হাওয়া করে ঘর ঠাণ্ডা রাখতে হয়, নচেৎ সলফা বা হীসা নামক রোগে আক্রান্ত হয়ে পলু মৃত্যুমুখে পতিত হয়। রোগাক্রান্ত মথের ভিমে মাতুরোগ সংক্রামিত হয়ে থাকে। তার ফলে যত্ন করলেও পলু মরে যায়। এক্ষণে ডিম পাড়বার পর প্রত্যেকটি স্ত্রী-মথের শরীর থেকে এক ফোঁটা রস বের করে অণুবীক্ষণ যন্ত্রে পরীক্ষা করলে যদি কারও রসে দানার মতো কোনও

পদার্থ দেখা যায়, তবে সেই মথের ডিম নষ্ট করে ফেলাই বিধেয়। তাছাড়া তুঁতের জলে ঘর, ডালা ও অন্যান্য উপকরণ ভাল করে ধুয়ে নিয়ে তাতে স্থল পলুপোকা প্রতিপালন করা উচিত। তুঁতের জলে ধোবার পরও ঘরের ভিতর গন্ধক পুড়িয়ে স্থানটিকে যতদূর সম্ভব দূষিত বীজাণুমুক্ত করে নেওয়া কর্তব্য। কেউ কেউ কাগজের উপর ডিম পাড়িয়ে ডিম সমেত কাগজখানিকে তুঁতের জলে ডুবিয়ে পরে ঠাণ্ডা জায়গায় ঝুলিয়ে শুকিয়ে নেয়। এতে ডিমগুলি বীজাণুমুক্ত হতে পারে। এতদ্ব্যতীত এক রকম বড় বড় মাছি পলুর গন্ধ পেলেই তাদের পিঠের উপর ডিম পেড়ে যায়। এই ডিম ফুটে ক্রমি বের হয়। তাহা পলুর শরীরের অভ্যন্তরে প্রবেশ করে রস-রক্ত চুষে খেয়ে সেগুলিকে মেরে ফেলে। পলু-পোকা প্রতিপালন করতে হলে এই মাছি সম্বন্ধে সর্বদাই সতর্ক থাকা প্রয়োজন, নচেৎ পলুর মড়ক নিবারণ অসম্ভব।

পলু-পোকার খাওয়া হিসেবে আমাদের দেশে তুঁত গাছের চাষ করা হয়ে থাকে। এই তুঁত গাছ সাধারণত-পেয়ারা গাছের মতো বড় হয়। সে জন্ম জমিতে তুঁতের কলম লাগাবার পর গাছগুলি বড় হলেই ছোট করে কেটে দেওয়া হয়। বছরে একুশ তিন-চারবার কেটে দিলে গাছগুলি বেশী বড় হতে পারে না। উৎকৃষ্ট পাতা জন্মাবার জন্তে তুঁত চাষে বিভিন্ন ব্যবস্থা অবলম্বন করা হয়, অন্যথায় যে কোনও রকম তুঁত পাতা খেয়েই পলু উৎকৃষ্ট কোয়া প্রস্তুত করতে পারে না।

তসর-কীটেরা কিন্তু রেশম-কীটের মতো তুঁত পাতা খায় না। এরা শাল, অর্জুন, মহুয়া, বাদাম প্রভৃতি গাছের পাতা খেয়ে গাছের উপরেই কোয়া প্রস্তুত করে। রেশম-কীটের মতো তসর-কীটকে আগাগোড়া ঘরের মধ্যে পালন করা যায় না। তসর-মথেরা ঘরের মধ্যেই ডিম পারে, কিন্তু ডিম ফোটবার পূর্বেই ছোট ছোট ঠোঙার মধ্যে রেখে সেগুলিকে গাছের স্থানে স্থানে ঝুলিয়ে দিতে হয়। কীট বের হবার পর ইচ্ছামত গাছের পাতা খেয়ে বড় হয় এবং গ্রীষ্মকালে এক মাস এবং শীতকালে দুই মাস বা আড়াই মাস পরে গাছের ডালেই কোয়া প্রস্তুত করে। বর্ষাকালই তসর-কীট প্রতিপালনের প্রশস্ত সময়। গ্রীষ্ম বা শীতকালে হঠাৎ কোনও দিন বেশী বৃষ্টি হলেই অনেক পোকা 'রসা' হয়ে মরে যায়। এণ্ডি-কীট পালন করা বিশেষ কষ্টসাধ্য, স্নাতস্নাতে বা আত্মস্থানে এই কীট পালন করা দরকার। আসাম প্রদেশে অত্যধিক বৃষ্টিপাত হয় বলে সব ঋতুতেই সেখানে এণ্ডি পালন করা চলে। এণ্ডি-কীটেরা ভেরেণ্ডা পাতা খেয়ে বড় হয়ে থাকে এবং রেশম-কীটের মতোই সেগুলিকে প্রতিপালন করতে হয়। আট-দশ দিনের মধ্যেই ডিম ফুটে এণ্ডি-পোকা বহির্গত হয়।

কোয়া প্রস্তুত হয়ে গেলে সেগুলি সংগ্রহ করে গরম জলের ভাপে ভিতরের গুল্লীগুলিকে মেঝে ফেলতে হয়। পরে ক্ষারের জলে সিদ্ধ করে হুতা বের করে নিতে হয়। রেশমের কোয়ায় ভাপ দেবার পর জলে সিদ্ধ করে যেকোন সহজে হুতা বের করতে পারা যায়, তসরের হুতা বের করা তত সহজ নয়। সোডা, পটাশ, সাজিমাটি, কলাগাছের ছাই প্রভৃতির সঙ্গে তসর-কোয়া সিদ্ধ করবার পর তার হুতা বের হয়। জলের সঙ্গে পৈপের রস মিশিয়ে তাতে তসরের কোয়া চব্বিশ ঘণ্টা কাল ভিজিয়ে রাখলেও সহজে হুতা বের হতে পারে। সেক্ষেপ করবার পর কোয়াগুলি পরিষ্কার করে ঈষৎ ভিজা থাকতেই লাটাইয়ে জড়িয়ে হুতা বের করতে হয়। এণ্ডি কোয়া থেকে এক খাই হুতা বের করা যায় না। এণ্ডি প্রজাপতিগুলি কোয়া কেটে বের হয়ে গেলে সেই কর্তিত কোয়া থেকে কার্পাস হুতার মতো টাকু বা চরখার সাহায্যে হুতা কাটতে হয়। এই জন্যেই এণ্ডির কাপড় অন্যান্য রেশমী কাপড়ের চেয়ে অধিকতর স্থায়ী।

নিশাচর প্রজাপতি

শিশুহুলভ খেলার বশে কিছু দিন মাটির খুরি চাপা দিয়ে রাখবার পর একটা শোঁয়াপোকা ফড়িং হয়ে গেছে, সমবয়সীর এই অদ্ভুত অভিজ্ঞতার কথা শুনে বিস্ময় বোধ করলেও ঘটনাটা সম্পূর্ণ বিশ্বাস করতে পারি নি। অলক্ষ্যে দৈবাৎ একটা ফড়িং ঢাকনার নিচে চাপা পড়া আশ্চর্য নয় এবং কোনও গতিকে হয়তো শোঁয়াপোকাটা বের হয়ে গিয়েছিল। কোনও ঘটনা বোধগম্য না হলে একরূপ সিদ্ধান্ত করা স্বাভাবিক। তথাপি প্রত্যক্ষদর্শীর দৃঢ় উক্তিও একেবারে উপেক্ষা করা চলে না। কিন্তু কেমন করে একরূপ একটা ঘটনা সম্ভব হতে পারে? কারণ ফরিঙের সঙ্গে শোঁয়াপোকায় কোনও সাদৃশ্য বা সম্বন্ধ খুঁজে পাওয়া যায় না। পরীক্ষার সাহায্যে সত্য-মিথ্যা নিরূপণ করা ব্যতীত এ সম্বন্ধে কৌতুহল নিবৃত্তির অন্য কোনও উপায় ছিল না, অথচ শোঁয়াপোকা সম্বন্ধে একটা ভয়মিশ্রিত ঘৃণা এই সাধারণ পরীক্ষা সম্পাদন করবার পক্ষে যথেষ্ট অন্তরায় হয়ে উঠেছিল। একবার গাছে চড়তে গিয়ে হাতের নিচে কী যেন নরম নরম বোধ হল। চেয়ে দেখি—ভীষণ দুষ্ট। প্রায় দু-তিন ইঞ্চি লম্বা অসংখ্য শোঁয়াপোকা গায়ে গায়ে ঠেসাঠেসি করে গাছের গুঁড়ির খানিকটা অংশ ঘিরে রয়েছে। গায়েব রং ঠিক গাছের বাকলের রঙের মতো—চট করে কিছুই বোঝবার উপায় নেই। হাত লাগা মাত্রই

সাপের মতো ফণা ভুলে এক প্রকার অক্ষুট শব্দ করতে লাগলো। এই বিষাক্ত প্রাণীগুলি পূর্ববঙ্গে ‘ছেঙ্গা-বিছা’ নামে পরিচিত।

এদের শোঁয়াগুলি হাতে বিঁধে কয়েক দিন অসহ্য যন্ত্রণা ভোগ করতে হয়েছিল। এই ঘটনা থেকেই শোঁয়াপোকা সম্বন্ধে একটা বিজাতীয় যুগা ও ভয় যেন বদ্ধমূল হয়ে গিয়েছিল। কাজেই সন্দেহ ভঞ্জনার্থ পরীক্ষা করাও হয়ে ওঠে নি। অবশেষে দৈবাৎ একদিন প্রায় আড়াই ইঞ্চি লম্বা কালো রঙের একটা শোঁয়াপোকা নজরে পড়লো। সেটাকে ছোট একটা বাটি চাপা দিয়ে রেখে দিলাম। দিন তিনেক পরে বাটি তুলে দেখি—যেমন শোঁয়াপোকা তেমনই রয়েছে। পাতটার একপাশে সে গুটিস্থিতি হয়ে বসেছিল। ফড়িং হবার কাহিনী সম্বন্ধে অবিশ্বাস আরও দৃঢ় হয়ে উঠল। আর পাঁচ-সাত দিন কাটবার পর ব্যাপারটা সম্পূর্ণ ভুলে গিয়েছিলাম। প্রায় মাস খানেক পর হঠাৎ একদিন বাটিটা নজরে পড়ায় তুলে দেখি—অবাক কাণ্ড! শোঁয়াপোকাকার চিহ্নও নেই। ডানার উপর লাল ও হলদে রঙের ডোরাকাটা প্রায় এক ইঞ্চি লম্বা খুসর বর্ণের প্রজাপতির মতো একটা পতঙ্গ চূপ করে বসে আছে। ধরবার চেষ্টা করতেই উড়ে গেল। বিস্ময়ে অবাক হয়ে গেলাম। এমন একটা বিদ্যুটে শোঁয়াপোকা কেমন করে একটা পতঙ্গ রূপান্তরিত হলো কিছুই স্থির করতে পারলাম না, তবে এটুকু বুঝলাম যে, শোঁয়াপোকাকার একরূপ রূপান্তর পরিগ্রহণ অসম্ভব নয়। তবে শোঁয়াপোকা ফড়িং হয় না, প্রজাপতির মতো পতঙ্গের আকৃতি ধারণ করে।

এ ঘটনার অনেক দিন পরে মালদহ জেলার একটি গ্রামের ভিতর দিয়ে যাবার সময় একটা গাছের পাতার গায়ে আমড়ার আঁটির মতো একটা গুটি দেখতে পেয়ে সেটাকে একটা বোতলে ভরে রেখেছিলাম। সকালে উঠে দেখি, ডানায় বিচিত্র ডোরাকাটা প্রকাণ্ড একটা প্রজাপতি বোতলটার মধ্যে ঝটপট করছে। আমরা সাধারণত যেকোন প্রজাপতি দেখতে পাই, এর চেহারা মোটেই সেক্ষপ নয়। ডানাগুলি অপেক্ষাকৃত মোটা ও ভারী। ডানার একপ্রান্ত থেকে অপর প্রান্ত পর্যন্ত প্রায় ছয় ইঞ্চি লম্বা। বোতলের অগ্রশস্ত স্থানের মধ্যে ডানা দুটি মুড়ে জড়িয়ে গিয়েছিল। আকৃতি বড়ই হোক কী ছোটই হোক, তাতে বিস্মিত হবার তেমন কিছু নেই; কিন্তু বিস্ময়ের বিষয় হচ্ছে, কেমন করে একটা শোঁয়াপোকা বা গুটি থেকে বিচিত্র বর্ণের প্রজাপতি বেরিয়ে আসে?

কলকাতার সমিহিত কোনও এক পল্লী অঞ্চলে দুপুর বেলায় এক স্থানে বসে ছিপি মাছ ধরা দেখছি। প্রায় দু’শ গজ দূরে কোপের মধ্যে একটা উজ্জল পদার্থের প্রতি দৃষ্টি আকৃষ্ট হলো। নিকটে গিয়ে দেখি, ছোট্ট একটা নীলকণ্ঠ

ফুলের গাছের পাতার নিচের দিক থেকে একটা অদ্ভুত পদার্থ বুলে রয়েছে। জিনিসটা প্রায় এক ইঞ্চি লম্বা, দেখতে কতকটা চীনাবাদামের মতো; কিন্তু বর্ণ উজ্জল নীল। পড়ন্ত সূর্যের আলো প্রতিফলিত হয়ে সেটা একটা বেলোয়ানি কাচের দুলের মতো ঝিকমিক করছিল। এর গঠন-পারিপাটা ও রঙের সৌন্দর্য দেখে মুগ্ধ হয়ে গেলাম। জিনিসটা কি বুঝতে না পেরেও কেবল সৌন্দর্যে আকৃষ্ট হয়েই সেটাকে এনে একটা শিশিতে পুরে রাখলাম। দুই দিন একই ভাবে ছিল। তৃতীয় দিন ভোরে উঠে দেখলাম—সে অসূর্ব বস্তুটার খোলস পড়ে রয়েছে, কিন্তু তার সেই উজ্জল্য নেই। পাশেই বিচিত্র বর্ণের একটা প্রজাপতি বাইরে আসবার জন্তে ছটফট করছে।

পর পর এই কয়টি ঘটনা থেকে প্রজাপতির জন্মের একটা মোটামুটি আভাস পেলাম বটে, কিন্তু জন্মের ধারাবাহিক ইতিহাস সম্বন্ধে কিছুই অল্পমান করতে পারলাম না। এই ঘটনার কিছুদিন পরে শিবপুরের কোনও একটি বাড়ির রান্নাঘরের অন্ধকারাচ্ছন্ন দেয়ালের গায়ে প্রায় নয় ইঞ্চি লম্বা একটা অদ্ভুত প্রজাপতি দেখতে পেলাম। দুই দিকের ডানার উপর পঁচাত্তর চোখের মতো গোলাকার উজ্জল নীলবর্ণের ছুটি ছাপ, হঠাৎ মনে হয় যেন অন্ধকারের মধ্যে একটা পঁচাত্তর তার গোলাকার চোখ মেলে চেয়ে রয়েছে। অনেক কৌশলে সেটাকে জীবিত অবস্থায় ধরতে পেরেছিলাম। একটা জালের খাঁচার সেটাকে রেখে দিলাম। কী খায় জানি না; কাজেই খাবার কিছু দেওয়া সম্ভব হয় নি। দুই দিন পর্যন্ত প্রজাপতিটাকে জালের উপর একভাবে ডানা মেলে বসে থাকতেই দেখলাম। তৃতীয় দিনে দেখা গেল জালের গায়ে পাশাপাশি ভাবে অসংখ্য ডিম পেড়ে রেখেছে। ডিম পাড়বার দুই দিন পরে প্রজাপতিটা মরে গেল। ডিমগুলিকে সেভাবে রেখে দিলাম। প্রায় মাস দেড়েক পরে সেই ডিম ফুটে ক্ষুদ্র ক্ষুদ্র অসংখ্য শোঁয়াপোকা বেরিয়ে এলো! তখন আর বুঝতে বাকি বইলো না যে, শোঁয়াপোকারা প্রজাপতিরই বাচ্চা। এখন কী উপায়ে শোঁয়াপোকা প্রজাপতির রূপ ধারণ করে—সেটাই অল্পসম্বন্ধের বিষয় হয়ে উঠলো। অনেক চেষ্টা করেও কিছুই নির্ণয় করতে পারা গেল না। অবশেষে বিভিন্ন জাতীয় শোঁয়াপোকা কাঁচের নলের ভিতর পুরে সঙ্গে নিয়েই চলাফেরা করতে লাগলাম। লক্ষ করলাম যে কাঁচের নলে রাখবার পর শোঁয়াপোকাটা প্রথমে বেরিয়ে আসবার চেষ্টা করে অকৃতকার্য হলে শরীরটাকে গুটিয়ে চূপ করে বসে থাকে। চূপ করে বসবার পর সাধারণত তিন ঘণ্টা থেকে ছ' ঘণ্টার মধ্যে যে-কোন এক সময়ে মাত্র পাঁচ-সাত মিনিটের মধ্যে দেহের আকৃতি বোমানুষ পরিবর্তন করে পুস্তলীর আকার

ধারণ করে। কাজেই এই পাঁচ-সাত মিনিট সময় পর্যবেক্ষণ করতে পারলেই তাদের আকৃতি-পরিবর্তনের কৌশলটা দেখা যেতে পারে। কাচের নলে শোয়াপোকা পুরে যখন-তখন লক্ষ করে দেখতাম—হয় শোয়াপোকাই রয়ে গেছে, নয়তো কোন ফাঁকে যে দৃষ্টি এড়িয়ে পুতলী হয়ে বসে আছে, তা বুঝতে পারি নি। কোনও কোনও জাতের শোয়াপোকা রাতের শেষভাগেই সাধারণত পুতলীর আকার ধারণ করে থাকে। অনেক চেষ্টার পর একদিন শেষ রাত্রিতে লক্ষ করলাম—নিশ্চল শোয়াপোকাটা যেন একটু একটু নড়ে উঠছে। ক্রমশ নড়াচড়া বৃদ্ধি পেতে লাগলো। প্রায় দু-তিন মিনিট পরে শোয়াপোকাটার ঘাড়ের কাছে থানিকটা অংশ চিড় খেয়ে ফেটে গেল। সেই ফাটা স্থানের ভিতর থেকে ঈষৎ লাল আভাযুক্ত একটা শাদা পিণ্ডাকার পদার্থ ক্রমশ ঠেলে বেরিয়ে আসছিল। আরও তিন-চার মিনিট অতিক্রান্ত হতেই নারিকেলী কুলের আঠির মতো স্ফাচালো মুখবিশিষ্ট একটা অদ্ভুত প্রাণী মোচড় খেতে খেতে ঠেলে বেরিয়ে এলো। শোয়াপোকাকার সেই বিশী ছালটা একপাশে পড়ে রইলো। খোলসটা পরিভাগ করার পূর্বেই সে দেহের প্রান্তদেশ থেকে একটু স্ফতা বের করে তাতে আটকে ঝুলে থাকে।

দেখতে দেখতে সেই পুতলী পরিবর্তিত হয়ে একটি সুনির্দিষ্ট আকৃতি ধারণ করে এবং উপরের আবরণের উজ্জ্বল বর্ণে আত্মপ্রকাশ করে। পুতলীটি সম্পূর্ণ নিশ্চেষ্টভাবে তুলের মতো ঝুলে থাকে। দশ-বারো দিন পরে ইঠাৎ পুতলীর পিঠের দিক চিড় খেয়ে ফেটে যায় এবং ধীরে ধীরে সেই খোলস থেকে দু-তিন মিনিট সময়ের মধ্যেই পূর্ণাঙ্গ প্রজাপতি বেরিয়ে আসে। বাইরে আসবার সময় প্রজাপতিটা তার স্বাভাবিক অবস্থা থেকে আকারে অনেক ছোট থাকে। ডানাগুলিও থাকে খুবই ছোট ছোট, কিন্তু দেখতে দেখতে প্রায় আধ ঘণ্টার মধ্যেই তরতর করে ডানা বেড়ে ওঠে এবং শরীরের আকৃতি বদলে যায়। প্রায় এক ঘণ্টা সময়ের মধ্যেই পূর্ণাঙ্গ প্রজাপতি উড়ে বেড়াতে শুরু করে। আমরা অহরহ যে সকল বিচিত্র বর্ণের প্রজাপতি দেখতে পাই, তাদের জন্মবৃত্তান্ত মোটামুটি এইরূপ। কিন্তু পৃথিবীর বিভিন্ন জাতীয় অগণিত প্রজাপতির জন্মবৃত্তান্তের বৈচিত্র্যও কম নয়।

আমরা সাধারণত দিবাচর প্রজাপতিই দেখতে পাই। বিচিত্র বর্ণে চিত্রিত হালকা ডানাওয়ালা ছোট-বড় বিভিন্ন আকৃতির দিবাচর প্রজাপতি সারাদিন ফুলে ফুলে উড়ে বেড়ায় এবং সন্ধ্যার অন্ধকার ঘনিষ্ণে আসবার বহু পূর্বেই পত্রপল্লবের মধ্যে আচ্ছন্ন গ্রহণ করে ডানা মুড়ে বিজ্ঞান গ্রহণ করে। কিন্তু

নিশাচর প্রজাপতির সারাদিন কোনও নির্জন অন্ধকার স্থানে ডানা প্রসারিত করে বিশ্রাম করে এবং গভীর অন্ধকারে আহারাধ্বষে বহির্গত হয়। এরা সাধারণত মথ নামে পরিচিত। মথ বা নিশাচর প্রজাপতি সর্বদাই ডানা প্রসারিত করে বসে, কিন্তু দিবাচর প্রজাপতি ডানা মুড়ে বসেই বিশ্রাম করে। অবশ্য সময়ে সময়ে তারা ডানা মেলে বসে রোদ পোহায়। অধিকাংশ ক্ষেত্রেই দিবাচর প্রজাপতির বাচ্চার গায়ে শোয়া থাকে না; কিন্তু লোমশ শোয়াপোকা থেকে সাধারণতঃ মথ জাতীয় প্রজাপতিই আত্মপ্রকাশ করে। অবশ্য লেজওয়ানা, লোমশু বিচিত্র বর্ণের বড় বড় শূককীট থেকেও নিশাচর প্রজাপতি উৎপন্ন হয়ে থাকে। দিবাচর প্রজাপতি পুতলী অবস্থায় কোনও কিছুতে ঝুলে বা আটকে থাকবার জন্তে মাত্র সামান্য সূতা বোনে এবং বিভিন্ন জাতীয় পুতলী বিভিন্ন বর্ণের উজ্জল কাচ থণ্ডের মতো আকার পরিগ্রহণ করে, কিন্তু নিশাচর প্রজাপতির বাচ্চা পুতলী অবস্থায় রূপান্তরিত হবার পূর্বে মুখ থেকে যথেষ্ট পরিমাণ লাল নিঃসরণ করে সূতা বোনে এবং সেই সূতায় গুটি তৈরি করে তার অভ্যন্তরে পুতলী রূপ ধারণ করে নিশ্চলভাবে অবস্থান করে। বিভিন্ন জাতীয় নিশাচর প্রজাপতির গুটি থেকেই আমরা রেশম পেয়ে থাকি। নিশাচর প্রজাপতির ডিম ফুটে বাচ্চা বের হলেই তারা গাছের পাতা বা ছাল খেয়ে ক্রমশঃ বড় হতে হতে বার বার খোলস পরিত্যাগ করতে থাকে। বার বার খোলস বদল করে পূর্ণাঙ্গ অবস্থায় উপনীত হলে দল বেঁধে কোনও স্থানে আশ্রয় গ্রহণ করে এবং কিছুদিন পরে স্থবিধামত স্থান নির্বাচন করে মুখ থেকে সূতা বের করে শরীরের চতুর্দিকে একটি ভিঁসাকার আবরণ গড়ে তোলে। আবরণটি বেশ পুরু হলে শরীরের লোমগুলি তুলে নিয়ে একটি আন্তরণ দিয়ে দেয়। তারপর চূপ করে অবস্থান করে। কিছু দিন পরে উপরের ছালটা ফেলে দিয়ে জলপাইয়ের বীজের মতো পুতলীর আকার ধারণ করে আবার কিছুদিন নিশ্চেষ্টভাবে পড়ে থাকে। কোন কোন ক্ষেত্রে এক মাস বা দুই মাস আবার কোন কোন ক্ষেত্রে প্রায় বৎসরাবধি একরূপ নিশ্চলভাবে অবস্থান করবার পর প্রজাপতির রূপ ধারণ করে গুটি কেটে বেরিয়ে আসে। এদের মধ্যে কয়েক জাতীয় পতঙ্গ দেখা যায়, যাদের স্ত্রী-পতঙ্গের নামমাত্র ডানা থাকে। শরীরটা তাদের অসম্ভব মোটা—একটুও নড়তে চড়তে পারে না। বৎসরাধিক কাল গুটির অভ্যন্তরে কাটিয়ে বাইরে আসামাত্রই পুরুষ-পতঙ্গেরা উড়ে এসে তাদের সঙ্গে মিলিত হবার পর দুই-তিন দিনের মধ্যেই স্ত্রী-পতঙ্গগুলি অসংখ্য ডিম প্রসব করে মারা যায়। এই হল তাদের প্রজাপতি-জীবন। তবে অধিকাংশ ক্ষেত্রে মথ সাধারণ প্রজাপতির মতোই জীবনযাত্রা নির্বাহ করে থাকে।

কয়েক জাতীয় প্রজাপতি দেখা যায়, যারা আকৃতি-প্রকৃতিতে মথের মতো, কিন্তু প্রকৃত প্রস্তাবে সেগুলিকে দিবাচর প্রজাপতির পর্যায়ভুক্ত বলা যেতে পারে। এরা সর্বদাই অল্প অন্ধকার অথবা ছায়ার মধ্যেই অবস্থান করে। দক্ষিণ আমেরিকার পেঁচক-প্রজাপতিই বোধহয় এই জাতীয় প্রজাপতিদের মধ্যে সবচেয়ে বৃহৎ আকৃতির হয়ে থাকে। দিবাচর প্রজাপতিদের মধ্যেও এদের চেয়ে বৃহত্তর প্রজাপতি বিরল। এদের নিচের ডানা দুটির নিম্নতলে পেঁচার চোখের মতো খড় বড় দুটি গোল দাগ থাকে। সন্ধ্যার সময় যখন এরা উড়তে থাকে, তখন তাদের বৃহৎ ডানা ও গোলাকার চোখ দুটির জন্তে একটা অদ্ভুত প্রাণী বলে মনে হয়। আমাদের দেশেও দুই-তিন ইঞ্চি পরিমাণ এই জাতীয় প্রজাপতির অভাব নেই। শিবপুর বটানিক্যাল গার্ডেনে বড় বড় গাছের শিকড়ের আড়ালে অন্ধকারের মধ্যে অহুস্ফটন করলেই দেখা যাবে, অসংখ্য ধূসর ও কালো রঙের অদ্ভুত আকৃতির প্রজাপতি বসে আছে।

দিবাচর প্রজাপতির মধ্যে সাধারণত আধ ইঞ্চি থেকে পাঁচ-ছয় ইঞ্চি দৈর্ঘ্যের (প্রসারিত ডানার এক প্রান্ত থেকে অপর প্রান্ত পর্যন্ত মাপ) প্রজাপতির সংখ্যাই বেশী। তাদের শোঁয়াপোকাগুলিও অধিকাংশ ক্ষেত্রেই সূক্ষ্ম এবং মাঝারি আকৃতির হয়ে থাকে। কিন্তু নিশাচর প্রজাপতিদের মধ্যে ডানার এক প্রান্ত থেকে অপর প্রান্ত এক ফুট লম্বা প্রজাপতিও অনেক দেখা যায় এবং চার পাঁচ মিলিমিটার থেকে পাঁচ-ছয় ইঞ্চি ডানাবিশিষ্ট প্রজাপতির সংখ্যা অগণিত। এই ধরনের বড় বড় প্রজাপতির বাচ্চাগুলি প্রায়ই বিরাটাকৃতির হয়ে থাকে। নিশাচর প্রজাপতির মধ্যে ‘সেক্রোপিয়া’ ‘অ্যাটলাস’, ‘ইম্পিরিয়ালিস’ প্রভৃতি প্রজাপতির বিরাট আকার বিশ্বের উদ্ভেক করে। ‘লুনা-মথের’ সূক্ষ্ম আকৃতি এবং ডানার স্নিগ্ধ রং বড়ই মনোরম। এতদ্ব্যতীত ‘জরুলা’, ‘পলিফেমাস’, ‘প্রমেথিয়া’, ‘কিলোসামিয়া সিহিয়া’ প্রভৃতি মাঝারি আকৃতির সূক্ষ্ম নিশাচর প্রজাপতিও উৎকৃষ্ট রেশম উৎপাদন করে বলে সর্বত্র পরিচিত।

প্রজাপতির লুকোচুরি

পাখিরাই সাধারণত কীট-পতঙ্গের প্রধান শত্রু। পাখি এবং অন্যান্য শত্রুদের আক্রমণ এড়াবার জন্তে কীট-পতঙ্গ জাতীয় প্রাণীদের মধ্যে অপেক্ষাকৃত উন্নত শ্রেণীর প্রাণী অপেক্ষা বহুল পরিমাণে অমুকরণপ্রিয়তা পরিলক্ষিত হয়। বাংলার কীট—৪

কিন্তু পাখি সাধারণত ফড়িং বা প্রজাপতিকে আক্রমণ করে না। বাংলা পোকা আকাশে ওড়া মাত্রই যেমন বিভিন্ন জাতীয় পাখি সেগুলিকে ধরে খাবার জন্তে আকাশ ছেয়ে ফেলে, ফড়িং ও প্রজাপতির বেলায় তার বিপরীত ঘটনাই পরিলক্ষিত হয়। ফড়িং ও প্রজাপতিরা পাখিদের আশে-পাশে নির্ভয়ে উড়ে বেড়ায়। ফড়িংদের পরস্পরের মধ্যে অবশ্য শত্রুতা যথেষ্ট; সন্মোগ পেলে সবল দুর্বলকে আক্রমণ করে খেয়ে ফেলে। কিন্তু প্রজাপতিদের মধ্যে সেরূপ কোনও শত্রুতা নেই। কোনও কোনও জাতের প্রজাপতির মধ্যে অদ্ভুত অমুকরণ-প্রিয়তা দেখতে পাওয়া যায়। অবশ্য প্রজাপতির স্বাভাবিক শত্রু যে একেবারেই নেই, তা নয়। টিকটিকি, গিরগিটি, কোনও কোনও জাতের মাকড়সা ও পিপড়ে সন্মোগ পেলে এগুলিকে ধরে খেয়ে ফেলে। এতদ্ব্যতীত এদের অপরূপ সৌন্দর্য ও বর্ণবৈচিত্র্যে আকৃষ্ট হয়ে মানুষেরাও এদের যথেষ্ট শত্রুতা করে থাকে। বোধ হয় এই স্বাভাবিক শত্রুদের কবল থেকে আত্মরক্ষার নিমিত্ত কোন কোন জাতের প্রজাপতি ডানা মুড়ে গাছের পাতার অমুকরণ করে থাকে। কেউ কেউ বা দুর্গন্ধ ছড়িয়ে শত্রুকে পশ্চাদ্ধাবন থেকে নিবৃত্ত করে। আমাদের দেশীয় মথ জাতীয় এক প্রকার শ্বেত বর্ণের প্রজাপতি ঠিক পাখির বিষ্ঠার অমুকরণ করে থাকে। এই প্রজাপতিদের আকৃতি-প্রকৃতি অতি অদ্ভুত—দেখতে ঠিক পাতলা টিসু কাগজের মতো। ডানার পৃষ্ঠদেশের দুই প্রান্তে দুটি কালো ফোঁটা আছে। মনে হয় যেন দুটি চোখ। এরা ডানা মেলে পাতার গায়ের সঙ্গে এমনভাবে লেগে থাকে যে, সূনির্দিষ্ট আকৃতি সত্ত্বেও বিশেষ মনোযোগ দিয়ে না দেখলে, পাতার উপর চূণের দাগের মতো মনে হয়। ক্রমবিবর্তনের ফলেই হয়তো প্রজাপতির এই প্রকার অদ্ভুত আকৃতি-প্রকৃতি অভিযান্ত্রিক হয়েছে। হয়তো বললাম এজন্ত যে পর্যবেক্ষণের ফলে দেখেছি—কোন কোন জাতের মাকড়সারা পিপড়ের হুবহু অমুকরণ করেও শত্রুর কবল থেকে আত্মরক্ষা করতে পারে না। আশেপাশে বিভিন্ন জাতের মাকড়সা থাকা সত্ত্বেও কোনও কোনও কুমুরেপোকা, বেছে বেছে ঠিক একই রকমের বহুসংখ্যক পিপড়ে-মাকড়সা শিকার করে তাদের গর্তের মধ্যে রেখে দেয়। এ থেকেই সন্দেহ জন্মে, প্রজাপতির অমুকরণ-প্রিয়তাও সম্পূর্ণরূপে আত্মরক্ষামূলক কিনা।

পৃথিবীর অধিকাংশ প্রাণীর মধ্যেই নির্বিঘ্নে বিশ্রাম-স্থল উপভোগ করবার জন্তে এবং সেই সময়ে আত্মরক্ষার নিমিত্ত বিবিধ প্রকারে সুরক্ষিত বাসস্থান নির্মাণ করে তাতে আত্মগোপন করবার একটা স্বাভাবিক প্রবৃত্তি দেখা যায়। যে সকল প্রাণী বাসস্থান নির্মাণ করে না, তারাও নির্বিঘ্নে বিশ্রাম উপভোগ

করবার জন্তে বিভিন্ন উপায় অবলম্বন করে থাকে। আমাদের আশেপাশে অহরহ যে সকল প্রজাপতি দেখতে পাই, তারা কেউ বাসা বাঁধে না ; কিন্তু নিরুপদ্রবে অবসর কাল কাটাবার জন্তে আত্মগোপনোপোযোগি বিশ্রামস্থল বেছে নেয়। এর ফলে অপেক্ষাকৃত অনাবৃত স্থানে থেকে এরা মাহুয বা অজ্ঞান শত্রুর দৃষ্টি এড়াতে সক্ষম হয়। এস্থলে আমাদের দেশের কয়েক প্রকার সাধারণ প্রজাপতির বিশ্রামকালীন আত্মগোপন কৌশলের বিষয় আলোচনা করছি।

আমাদের দেশে সচরাচর এক প্রকার সাদা প্রজাপতি দেখতে পাওয়া যায়। এদের ডানা প্রসারিত করলে একপ্রান্ত থেকে অপরপ্রান্ত পর্যন্ত পাশাপাশিভাবে দুই ইঞ্চিরও কিছু বেশী লম্বা হয়। ডানার উপরিভাগ দুধের মতো সাদা ; কিন্তু উভয় ডানার সংযোগস্থল থেকে কতকটা অংশ ঈষৎ হলদে। ডানার নিম্নভাগ নীলাভ ফিকে সবুজ। লড়বার সময় সাদা দিকটাই স্পষ্টগোচর হয়। উড়তে উড়তে কখনও অল্প সময়ের জন্য বিশ্রামের প্রয়োজন হলে এরা সাধারণত যমজপত্রসমন্বিত গাছের পাতার উপর আধাআধি ডানা মেলে বসে। পাতার রঙের সঙ্গে এদের গায়ের রং ও আকৃতি এমনভাবে মিলে যায় যে, অতি নিকটে থেকেও তাদের গাছের পাতা বলে ভুল হয়। কিন্তু ভয় পেলে অথবা রাত্রিবাস করবার সময় উড়ে গিয়ে গাছের উঁচু ডালের পাতার উপর ডানা মুড়ে বসে। তখন পাতার রঙের সঙ্গে এমনভাবে মিলে থাকে যে, খুঁজে বের করা যায় না।

ডানার একপ্রান্ত থেকে অপরপ্রান্ত পাশাপাশিভাবে প্রায় তিন ইঞ্চি সাড়ে তিন ইঞ্চি লম্বা ফিকে হলদে রঙের এক প্রকার প্রজাপতিকে সর্বদাই ফুলে ফুলে উড়ে বেড়াতে দেখা যায়। এদের ডানার উপর ও নিচে বড় বড় কতকগুলি কালো ফোঁটা আছে। ডানার এই বর্ণবৈচিত্র্যে বহুদূর থেকে এদের প্রতি দৃষ্টি আকৃষ্ট হয়। বিশ্রাম করার সময় এরা পত্রবিরল লতার ঝোপের মধ্যে আশ্রয় গ্রহণ করে থাকে। ডানা গুটিয়ে এই জাতীয় লতার মধ্যে অবস্থান কালে লতার আঁকাবাঁকা ডাঁটাগুলির সঙ্গে মিলে গিয়ে প্রজাপতির গায়ের রেখাগুলি এমন একটা দৃষ্টবিজয় সৃষ্টি করে যে, তার মধ্যে যথেষ্ট ফাঁকা জায়গা থাকা সত্ত্বেও প্রজাপতি লুকিয়ে আছে বলে বুঝতে পারা যায় না।

এদেশে বনে-জঙ্গলে ‘লো-ফোঁট’ বা রক্ত-তিলক নামে ঘোর কালো রঙের একপ্রকার বড় বড় প্রজাপতি দেখতে পাওয়া যায়। এই প্রজাপতির নিম্ন ডানার প্রান্তভাগে অর্ধচন্দ্রাকার কতকগুলি রক্ত বর্ণের ফোঁটা সারবন্দিভাবে অঙ্কিত থাকে, নিম্নভাগের ডানার মধ্যস্থলে পাশাপাশিভাবে কয়েকটি সাদা দাগ আছে। দিনের বেলায় ক্ষণিক বিশ্রাম করবার সময় এবং রাত্রিকালে এই প্রজাপতির

অন্ধকার ঝোপের মধ্যে আশ্রয় গ্রহণ করে এবং ঝোপের মধ্যে গাঢ় সবুজ রঙের পাতার উপর রাতটা বসে কাটায়। সাধারণত প্রজাপতির ডানার নিম্নভাগের রং ফিকে এবং নিম্প্রভ হয়ে থাকে এবং বসবার সময় ডানা ভাঁজ করে রাখে; কাজেই সহসা কারও দৃষ্টিগোচর হয় না। কিন্তু এই রক্ত তিলক প্রজাপতির ডানার নিচের দিক উপরের দিক অপেক্ষা উজ্জ্বলতর। যে কারণেই হোক, এরা ডানা ভাঁজ করে বসে না; মথদের মতো এরা ডানা মেলে বিজ্ঞাম করে! কাজেই পৃষ্ঠদেশের অল্পজ্বল অংশই বাইরের দিকে থাকে। অন্ধকার স্থানে গাঢ় রঙের পাতার উপর বিজ্ঞাম করবার ফলে এরা অনায়াসে শত্রুর চোখে ধুলি নিক্ষেপ করতে পারে।

আর এক প্রকার কালো রঙের প্রজাপতির ক্ষুদ্রতর ডানা ছুটির প্রান্তভাগে সারবন্দিভাবে কতকগুলি সাদা ফোঁটা থাকে। এই প্রজাপতির পৃষ্ঠদেশের রং নিম্নভাগের রং অপেক্ষা অনেক হালকা ও অল্পজ্বল। গাছের যে সব পাতা শুকিয়ে কালো হয়ে ঝুলে থাকে, এই প্রজাপতিরা সেই সব পাতার গায়ে বসে অতি সহজেই আত্মগোপন করে থাকে।

এক ইঞ্চি দেড় ইঞ্চি লম্বা হলদে রঙের এক প্রকার প্রজাপতিকে দলে দলে উড়ে বেড়াতে দেখা যায়। এরা বিজ্ঞাম সময়ে এক প্রকার ফিকে হলদে রঙের পাতাওয়ালো ছোট ছোট গাছের ডালে ডানা মুড়ে বসে থাকে। হঠাৎ এগুলোকে দেখে সেই গাছের পাতা বলেই মনে হয়।

দেড় ইঞ্চি দুই ইঞ্চি লম্বা মথ জাতীয় এক প্রকার প্রজাপতিকে গাছের পাতার উপর বসে থাকতে দেখা যায়। অধিকাংশ সময়েই এরা বসে কাটায় এবং মাঝে মাঝে ধীরে ধীরে ডানা নেড়ে থাকে। প্রায়ই এগুলোকে আমগাছের উপর দেখতে পাওয়া যায়। এদের গুটির রং আম পাতার মতো গাঢ় সবুজ এবং শরীর ত্রিকোণাকার, গুটিগুলি আমপাতার গায়েই ঝুলে থাকে। পাতা ও গুটির রং এক হবার ফলে কদাচিৎ নজরে পড়ে থাকে। এই প্রজাপতির পৃষ্ঠদেশের রং ধূসর কিন্তু তলদেশ হালকা ধূসর বা গোলাপী রঙের। এই প্রজাপতিরা যখন পাতার উপর বসে বিজ্ঞাম করে, তখন পৃষ্ঠদেশই নজরে পড়ে এবং পাতার রঙের সঙ্গে গায়ে রঙের বিশেষ কোনও পার্থক্য বুঝতে পারা যায় যায় না। ঝোপের মধ্যে অন্ধকারে পাতার উপর বসে থাকলে এরা মোটেই নজরে পড়ে না।

অপেক্ষাকৃত ক্ষুদ্র ডানাওয়ালো মথ জাতীয় পতঙ্গদের গায়ে রং সাধারণত অনেক ক্ষেত্রেই ধূসর বা অল্পজ্বল বাদামী হয়ে থাকে। এরা ছোট ছোট গাছের

শুকনো পাতার উপর নিশ্চলভাবে বসে থাকে। তখনো পাতার রং ও মথের রং এমনভাবে মিলে থাকে যে সহজে এগুলিকে চিনতে পারা যায় না; মনে হয় যেন শুকনো পাতারই একটা ছিন্ন অংশ আটকে রয়েছে। সময়ে সময়ে এই জাতীয় বিভিন্ন শ্রেণীর পতঙ্গের পারিপার্শ্বিক অবস্থার সঙ্গে রং মিলিয়ে নির্বিঘ্নে অবস্থান করবার কৌশল দেখে বিস্মিত হতে হয়।

মৌমাছির জীবন-রহস্য

প্রয়োজনের তাগিদে কেবলমাত্র বস্ত্র পশুপক্ষীকে বশীভূত করেই মানুষ কান্ত থাকেনি, বিভিন্ন জাতীয় কীট-পতঙ্গকেও পোষ মানিয়ে তাদের দ্বারা প্রয়োজনীয় কার্যোদ্ধার করিয়ে নিচ্ছে। মৌমাছি এর একটি প্রকৃষ্ট উদাহরণ। মধু আহরণ করবার নিমিত্ত কোন সময়ে মানুষ প্রথম মৌমাছি পালন শুরু করেছিল, তা সঠিক নির্ণয় করতে না পারলেও সেটা যে সহস্রাধিক বছর পূর্বের কথা, সে বিষয়ে সন্দেহ নেই। তবে বর্তমান যুগে যেকোন উন্নত কার্যকর পন্থায় মৌমাছি পালন করা হয়, প্রাচীন প্রথা যে তার চেয়ে বহুলাংশে নিকৃষ্ট ছিল, তা সহজেই অতুমান করা যেতে পারে। মোটের উপর তখন মধু আহরণের নিমিত্ত সুবিধামত স্থানে চাক নির্মাণে মৌমাছিগুলিকে প্রলুব্ধ করবার জন্তেই বিবিধ কৌশল অবলম্বিত হতো। আজও পল্লী অঞ্চলে মৌমাছির বাঁক উড়ে যাবার সময় সেগুলিকে চাক বাঁধতে প্রলুব্ধ করবার জন্তে কয়েক প্রকার অদ্ভুত প্রথা প্রচলন দেখা যায়। যাহোক, মৌমাছি পালন সম্বন্ধে আলোচনা বর্তমান প্রসঙ্গের উদ্দেশ্য নয়। এখানে সাধারণভাবে তাদের জীবনযাত্রা-প্রণালীর বিষয় কিঞ্চিৎ আলোচনা করবো।

পৃথিবীর বিভিন্ন অঞ্চলে নানা জাতীয় মৌমাছি দেখা যায়। আমাদের দেশেও বিভিন্ন জাতীয় কয়েক রকমের মৌমাছি দৃষ্টিগোচর হয়ে থাকে; এদের মধ্যে অপেক্ষাকৃত বৃহদাকারের বুনো বা বাঘা মৌমাছিই সবচেয়ে উগ্র প্রকৃতির এবং অধিকতর মধু-সঞ্চয়ী। উঁচু গাছের ডালে, বড় বড় গাছের ফাটলে, দালানের কার্নিশে অথবা ছায়াছন্ন কোন গাছের ডালে মৌমাছির বা বড় বড় চাক নির্মাণ করে বসবাস করে। এক-একটা চাকে ৩০/৪০ হাজার থেকে ৭০/৮০ হাজার মৌমাছি দেখা যায়। পরস্পর গাত্র সংলগ্ন হয়ে এক-একটি চাকে এত অধিক সংখ্যক মৌমাছি বাস করলেও তাদের পরস্পরের সঙ্গে কখনও ঝগড়াঝাঁটি ঘটতে দেখা যায় না। অবশ্য সময়ে সময়ে এক চাকের মৌমাছি অন্য চাকের মৌমাছিগুলিকে

আক্রমণ করে লুণ্ঠরাজ করবার চেষ্টা করে থাকে। এরা ব্যক্তিগত স্বত্বস্ববিধার বিষয় উপেক্ষা করে সমাজের মঙ্গলের জগুই দিনরাত অক্লান্ত পরিশ্রমে কাজ করে থাকে এবং প্রয়োজন হলে নিজের প্রাণ বিসর্জন দিতেও কিছুমাত্র ইতস্তত করে না। যাদের একটু বিশেষভাবে মৌচাক লক্ষ্য করবার সুবিধা হয়েছে, তাঁরা জানেন যে; কিরূপ বুদ্ধিমত্তা ও শৃঙ্খলার সঙ্গে মৌমাছিগুলি তাদের দৈনন্দিনকর্ম নির্বাহ করে থাকে। সারা শীতকালটা এরা সঞ্চিত মধুর উপর নির্ভর করে অনেকটা নিশ্চেষ্টভাবে কাটাবার পর বসন্তের আবির্ভাব থেকে যেভাবে মধু আহরণ, চাক নির্মাণ, বাচ্চা প্রতিপালন, বাসার আবর্জনা পরিষ্কার এবং শত্রু-প্রতিরোধ প্রভৃতি বিভিন্ন কার্যে ব্যাপৃত থাকে, তা দেখলে বিস্মিত না হয়ে পারা যায় না। এই বকমের বিভিন্ন কাজের জন্তে এদের মধ্যে বিভিন্ন জৈবী বিভাগ দেখা যায়। যার যা কাজ, সে যেন তা যত্নের মতোই করে যাচ্ছে। এতে তাদের কণামাত্র ক্লান্তি বা অবসাদ নেই। কোন কারণে অক্ষম বা দুর্বল না হওয়া পর্যন্ত এই কর্ম-প্রচেষ্টার বিরাম ঘটতে দেখা যায় না। চাকের অধিকাংশ মৌমাছিই দিনের বেলায় ফুলে ফুলে মধু আহরণে ব্যস্ত থাকে। তারা যে কেবল মধুই সংগ্রহ করে তা নয়; সঙ্গে সঙ্গে পিছনের ঊরুদেশের চিরুণীর মতো যন্ত্রের সাহায্যে যথেষ্ট পরিমাণে ফুলরেণুও সংগ্রহ করে বাসায় নিয়ে আসে। ফুলের উপর থেকে একটা মৌমাছি ধরলেই দেখা যাবে—তার পিছনের পায়ের মধ্যস্থলে হলুদ বর্ণের ফুলের রেণুগুলি যেন কাইয়ের মতো সঞ্চিত রয়েছে। কতকগুলি মৌমাছি আবার বাসার জন্তে জল সংগ্রহেই ব্যাপৃত থাকে। তারা ফুলের উপর না বসে সোজা কোনও জলাশয়ের উপর উড়ে যায়। জলাশয়ের ভাসমান জলজ পত্রাদির উপর বসে প্রচুর পরিমাণে জল গুথে নিয়ে বাসায় ফিরে আসে। গরু-ছাগল যেমন করে জলপান করে, সারবন্দিভাবে ভাসমান শালুক বা পদ্মপাতার কিনারায় বসে অনেক সময় তাদের জলপান করতে দেখা যায়। এতদ্ব্যতীত কতকগুলি মৌমাছি সর্বদাই চাকের মধ্যে অবস্থান করে। কোন সময়েই সেগুলিকে বাসা ছেড়ে বাইরে যেতে দেখা যায় না। এদের মধ্যে কতকগুলি প্রকোষ্ঠ নির্মাণ, কতকগুলি বাচ্চা প্রতিপালন এবং কতকগুলি মধু ও চাক রক্ষার কার্যে নিযুক্ত থাকে। পাহারাদার মৌমাছিগুলি সর্বদা সতর্কভাবে বাসার চতুর্দিকে ঘুরে পূর্বেই বলা হয়েছে, সময় সময় বাসার মৌমাছির অপর বাসায় লুণ্ঠরাজ করবার চেষ্টা করে থাকে। তাছাড়া অনিষ্টকারী বিবিধ পোকামাকড়ের অভাব নেই। তারা এদের বাচ্চা, ডিম ও মধুর লোভে, এমন কি—বাসার মোম খাবার জন্যেও আক্রমণ করতে কসর করে না। এক জাতীয় ‘মথ’ আছে, যাদের

শোয়াপোকারা মোম খেয়েই জীবনধারণ করে। মৌচাকের গন্ধ পেলেই এক জাতীয় শোয়াপোকা দল বেঁধে সেখানে উপস্থিত হয় এবং মুখ থেকে সূক্ষ্ম সূতা বের করে পাতলা কাগজের মতো জাল বুনে বাসার নিচের দিকে অগ্রসর হতে থাকে। এক্ষেপে বাসার অধিকাংশই ক্রমশ সূতার জালে ঢেকে ফেলে। প্রথম থেকে বাধা দিতে না পারলে সেগুলিকে প্রতিরোধ করা অসম্ভব হয়ে দাঁড়ায়। কাজেই এরা চাকে প্রবেশ করবার সকল প্রকার সম্ভাব্য পথে খাড়া পাহারা মোতায়েন করে। এই প্রহরীরা এতই সতর্ক যে, নিজেদের দলের যে কেউ বাইরে থেকে বাসায় উপস্থিত হোক না কেন, পরীক্ষা না করে তাকে ছেড়ে দেয় না। খুব সম্ভব শরীরের গন্ধ থেকেই এরা স্বজাতীয় বা বিজাতীয় দলের মৌমাছি বলে চিনতে পারে। কতকগুলি প্রহরী আবার চাকের অতি প্রয়োজনীয় জায়গা বিশেষে অবস্থান করে অতি দ্রুতগতিতে ডানা কাঁপাতে থাকে। বাসার নিকটে গেলেই একসঙ্গে অনেকগুলি মৌমাছির ডানা কাঁপানোর স্বন্বন শব্দ শ্রোণে একটা আতঙ্কের সঞ্চার করে।

চাকের যাবতীয় মৌমাছিকে প্রধানত দু-ভাগে ভাগ করা যায়—এক কর্মপটু শ্রমিক অর্থাৎ কর্মী ; অপর দল সম্পূর্ণ কর্মবিমুখ। রানী ও পুরুষ মৌমাছিরাই শেষোক্ত ভাগে পড়ে। চাক নির্মাণ, বাচ্চা প্রতিপালন থেকে শুরু করে বাসা রক্ষণাবেক্ষণ সম্পর্কিত যাবতীয় কাজ শ্রমিকেরাই করে থাকে। পুরুষ মৌমাছি প্রধানত আহার-বিহারেই মত্ত থাকে। রানী মৌমাছির প্রধান কাজ মৌমাছির বংশবৃদ্ধি করা। পুরুষেরা প্রায়ই দিনের শেষভাগে উচ্চ শব্দ করে বাসা থেকে উড়ে যায় এবং কিছুক্ষণ প্রমোদ ভ্রমণ করে বাসায় ফিরে আসে। প্রত্যেক চাকেই একটি মাত্র পরিণত বয়স্ক রানী মৌমাছি দেখতে পাওয়া যায়। কদাচিৎ এর ব্যতিক্রম লক্ষিত হয়ে থাকে। মৌমাছিদের কার্যকলাপ দেখে মনে হয়—একটি মাত্র রানীকে অবলম্বন করেই যেন সমাজ বন্ধন গড়ে উঠেছে। কিন্তু রানী বলে তাকে চাকের মৌমাছিদের শাসনকর্ত্রী বুঝায় না। এদের মধ্যে রাজতন্ত্র বলে কোনও কিছুর অস্তিত্ব নেই। রানীর কাজ একমাত্র প্রজনন করা। একটি মাত্র রানীই চাকের প্রায় অধিকাংশ মৌমাছির মাতা। রানী কেবল ডিম পেড়েই থালাস। একমাত্র যৌন মিলনে অংশ গ্রহণ করা ছাড়া পুরুষ মৌমাছিদেরও আর কোন প্রয়োজনীয়তা দেখা যায় না। কাজেই মৌমাছিদের কথা বলতে গেলে প্রধানত কর্মী মৌমাছিদেরই বুঝায়। কর্মীদের দ্বারাই মৌমাছি সমাজের পরিচয়।

পূর্বে লোকের ধারণা ছিল যে, ফুল থেকে মেংম সংগ্রহ করে মৌমাছির

তার সাহায্য চাকের কুঠুরিগুলি নির্মাণ করে। কিন্তু অনুসন্ধানের ফলে দেখা গেছে যে, কর্মী মোমাছিদের পেটের নিম্নভাগে অবস্থিত কতকগুলি গ্রন্থি থেকেই মোম উৎপাদিত হয় এবং সেই মোমের সাহায্যেই এরা চাক নির্মাণ করে থাকে। মোমাছির ঝাঁক উড়ে যেতে অনেকেই দেখে থাকবেন। উড়তে উড়তে সুবিধামত স্থান দেখতে পেলে সেখানেই কোনও গাছের ডালে বসে পড়ে। বাসা নির্মাণের অনুপস্থিত মনে করলে দু'একদিন সেখানে অবস্থান করে আবার উড়ে যায়। উপযুক্ত স্থানে উপস্থিত হলে চাক নির্মাণ করবার পূর্বে কর্মী মোমাছির বাসা বাঁধবার ক্ষেত্রে নির্বাচিত স্থানে ঘনসন্নিবিষ্টভাবে খুলে কিছুকাল নিশ্চেষ্টভাবে অবস্থান করে। এই সময় তাদের উদরের নিম্নদেশে মোম উৎপন্ন হতে থাকে। আমরা নাধারণত যেকোন মোমের সঙ্গে পরিচিত—প্রথম উৎপন্ন হবার সময় তা মোটেই সেক্ষণ অবস্থায় থাকে না। মোমাছির উদরের নিম্নভাগে প্রথম যে মোম উৎপন্ন হয় তা দেখতে অনেকটা ক্ষুদ্র ক্ষুদ্র স্বচ্ছ অপ্রাণের মতো। এই স্বচ্ছ মোমের পাতগুলি মোমাছির উদরের শক্ত খোলার ভাঁজে ভাঁজে প্রলম্বিত অবস্থায় সজ্জিত থাকে। বাসা নির্মাণ করবার সময় একপ্রকার অসংখ্য মোমের টুকরা বাসার নিচে ভূমির উপর পড়ে থাকতে দেখা যায়। মোমাছির এই টুকরাগুলি খুলে নিয়ে চিবিয়ে মুখ-নিঃসৃত অন্নরসাত্মক লালার সঙ্গে মিশ্রিত করে। সেগুলিকে এক প্রকার অস্বচ্ছ বাসা তৈরির মতো পরিণত করে। এই মণ্ড কাদামাটির মতো প্রয়োগ করে এরা ছয় কোণ-বিশিষ্ট ক্ষুদ্র ক্ষুদ্র কুঠুরি নির্মাণ করে। কুঠুরি নির্মাণ শেষ হলে রানী তার শরীরের পশ্চাভাগ কুঠুরির ভিতরে প্রবেশ করিয়ে প্রত্যেকটিতে এক-একটি করে ডিম পেড়ে যায়। ডিম ফুটে কীড়া বের হবার পর কর্মীরা তাদের শরীর থেকে উৎপন্ন এক প্রকার সাদা ঘন তরল পদার্থের সঙ্গে ফুলের রেণু প্রভৃতি মিশিয়ে তাদের খেতে দেয়। এই পদার্থকে 'রয়েল জেলী' বা মোমাছির দুধ বলা হয়। কুঠুরির পার্শ্বক্য অনুযায়ী অর্থাৎ বাচ্চাগুলির ভবিষ্যৎ পরিণতির উপর লক্ষ্য রেখেই বোধ হয় খাদ্যের পরিমাণের তারতম্য করা হয়ে থাকে। বাচ্চাগুলির শৈশবাবস্থা অতিক্রম করবার পর মোমের সাহায্যে কর্মীরা তখন কুঠুরির মুখ বন্ধ করে দেয়। তখন থেকেই বাচ্চাগুলির কৈশোর অবস্থা চলতে থাকে। কুঠুরির মুখ বন্ধ হবার পরেই বাচ্চা তার মুখে স্বল্প স্বভাৱ বের করে দেহের চতুর্দিকে একটি যুগ্ম আবরণী গড়ে তোলে। এই আবরণীর মধ্যে নিশ্চেষ্টভাবে অবস্থান করে কীড়া সুদীর্ঘকাল রূপান্তরিত হয়। কীড়া অবস্থায় তাদের হাতপা বা অন্য কোনও অঙ্গ-প্রত্যঙ্গের চিহ্নমাত্র থাকে না। পুতুলী অবস্থায় বাচ্চার বিভিন্ন

অঙ্গ-প্রত্যঙ্গ আত্মপ্রকাশ করে; অর্থাৎ কতকটা অসম্পূর্ণ থাকলেও এই সময়ে বাচ্চা প্রকৃত মৌমাছির আকৃতি পরিগ্রহণ করে। অবস্থাটা অনেকটা মাতৃগর্ভে অবস্থিত পরিণত মহুম্ব্রাজ্ঞের মতো। আরও কিছুকাল নিশ্চেষ্টভাবে অবস্থান করবার পর পূর্ণাঙ্গ মৌমাছির রূপ ধারণ করে কুঠুরির মুখ কেটে বাইরে আসে। নতুন কর্মী জন্মগ্রহণ করবার পর প্রথমত কিছুদিন সে বাসা ছেড়ে মোটেই বাইরে যায় না, বাসার আভ্যন্তরীণ কার্যেই ব্যাপৃত থাকে। আবার্জনা সরিয়ে তারা কুঠুরিগুলিকে পরষ্কার রাখে, ডানা কাপিয়ে কুঠুরির অভ্যন্তরে বিস্তৃত বায়ু সঞ্চালন করে। চাকের প্রবেশ-পথে পাহারায় মোতায়ন থেকে আক্রমণকারী কীট-পতঙ্গ তাড়াবার ব্যবস্থা করে এবং কেউ কেউ সংগৃহীত মধু সংরক্ষণের কার্যেও ব্যাপৃত হয়ে থাকে। পক্ষাধিক কাল গৃহকার্যে আত্মনিয়োগ করবার পর মধু সংগ্রহে বহির্গত হয়। মৌমাছির সাত-আট সপ্তাহ থেকে প্রায় ছয় মাস কাল জীবিত থাকে, রানী-মৌমাছিকে তিন বছর থেকে প্রায় চার বছর পর্যন্ত জীবিত থাকতে দেখা যায়। পুরুষ-মৌমাছির গ্রীষ্মের মাঝামাঝি জন্ম-গ্রহণ করে যৌন-অভিযানের পর প্রতিকূল অবস্থায় পড়ে নানাভাবে প্রাণত্যাগ করে এবং অবশিষ্ট যারা থাকে তারাও কর্মীদের দ্বারা সম্পূর্ণরূপে বিনষ্ট হয়।

পূর্বেই বলা হয়েছে—একটি রানী থেকেই হাজার হাজার মৌমাছি জন্মগ্রহণ করে থাকে। পুরুষ, কর্মী ও নতুন রানীরা তারই সন্তান। যৌন-মিলনের ফলে স্ত্রী ও পুরুষ মৌমাছি উৎপন্ন হবার ব্যাপারে কিছুমাত্র নতুনত্ব নেই। জীবজগতে অহরহই একরূপ ব্যাপার ঘটছে। কিন্তু একই রকম বৈশিষ্ট্য-সমন্বিত হাজার হাজার কর্মী মৌমাছির উৎপত্তি হয় কিরূপে? মৌমাছি-জীবনের এটা এক অদ্ভুত রহস্য। গবেষণার ফলে—স্ত্রী, পুরুষ ও কর্মী—এই তিন শ্রেণীর মৌমাছির জন্ম-বৃত্তান্ত সম্বন্ধে যতদূর জানতে পারা গেছে তা খুবই কৌতূহলোদ্দীপক।

মৌমাছির জীবনযাত্রাপ্রণালী পর্যবেক্ষণ করলে সহজেই একুধা মনে হয় যে, রানী মৌমাছি ইচ্ছামত স্ত্রী, পুরুষ, কর্মী মৌমাছি উৎপাদন করতে পারে। ভিন্ন পাড়বার সময় হলেই রানীকে সর্বক্ষণই চাকের উপর ঘুরে ঘুরে প্রত্যেকটি শূণ্য কুঠুরিতে এক-একটি করে ভিন্ন পাড়তে দেখা যায়। যে সকল কুঠুরিতে পুরুষ-মৌমাছি উৎপন্ন হয় সেগুলির আয়তন শ্রমিক মৌমাছির কুঠুরি থেকে কিঞ্চিৎ বৃহদাকার। এই উভয় শ্রেণীর কুঠুরি থেকে রানীর কুঠুরির আকৃতি সম্পূর্ণ পৃথক এবং আয়তনেও তা অনেক বড়। পর্যবেক্ষণের ফলে দেখা গেছে—কুঠুরি-গুলির আকৃতি বা আয়তনের পার্থক্য সম্বন্ধে কিছুমাত্র বিবেচনা না করেই রানী একাদিক্রমে ভিন্ন পেড়ে যায়। কিন্তু সর্বশেষে দেখা যায়—কুঠুরির আয়তনের

তারতম্যানুযায়ী বিভিন্ন শ্রেণীর মৌমাছি জন্মগ্রহণ করেছে; অর্থাৎ ছোট কুঠুরি থেকে কর্মী, মাঝারি কুঠুরি থেকে পুরুষ এবং বড় কুঠুরি থেকে রানী জন্ম গ্রহণ করেছে। কাজেই পর্যবেক্ষকের পক্ষে এ কথা অনুমান করা স্বাভাবিক যে, রানী ইচ্ছামত কর্মী, পুরুষ বা রানীর ডিম প্রসব করে থাকে। যৌন-পার্থক্য হিসাবে প্রকৃত প্রস্তাবে রানী ও কর্মী মৌমাছিদের মধ্যে প্রভেদ অতি সামান্য। রানীদের মতো কর্মী-মৌমাছিরাও জ্ঞানী জাতীয়। কিন্তু রানীরা সন্তান-উৎপাদনে সক্ষম পক্ষান্তরে কর্মীরা বন্ধ্যা। রানীদের প্রজনন যন্ত্র যেরূপ পরিপূর্ণতা লাভ করে কর্মী-মৌমাছিদের প্রজনন যন্ত্র সেরূপ পরিণত অবস্থায় উপনীত হয় না। উভয়ের মধ্যে পার্থক্য থাকা সত্ত্বেও রানী ও কর্মী মৌমাছিরা একই রকমের ডিম থেকেই জন্মগ্রহণ করে থাকে। অল্পত হলেও ব্যাপারটা সহজেই উপলব্ধি হতে পারে। জ্ঞানী জাতীয় মৌমাছিদের প্রজনন যন্ত্রে যথাযথ পরিপূর্ণতা নির্ভর করে খাদ্য ও পারিপার্শ্বিক অবস্থার উপর। শ্রমিক মৌমাছিরা জ্ঞানী জাতীয় হলেও শৈশবাবস্থা থেকেই তারা প্রতিপালিত হয় ক্ষুদ্রায়তন কুঠুরির মধ্যে। এই সকল কুঠুরিতে মৌমাছির রয়েল জেলী বা দুধ প্রচুর পরিমাণে সরবরাহ করা হয় না। ঠিক যতটুকু প্রয়োজন কর্মীরা বাচ্চাগুলিকে ঠিক ততটুকু খাওয়াই দিয়ে থাকে। রানীর কুঠুরি অনেক বড়। তাতে বেশী পরিমাণ খাদ্যের স্থান সংকুলান হয়। কাজেই বড় কুঠুরির বাচ্চা শৈশবাবস্থায় প্রচুর পরিমাণ সহজ পাচ্য রয়েল জেলী উদয়স্থ করতে পারে। প্রচুর খাদ্য উদয়স্থ করার ফলে সে যে কেবল আকৃতিতেই অনেক বড় হয় তা নয়, তার দেহ-যন্ত্রাদিও যথাযথ পরিপূষ্টি লাভ করতে পারে। কিন্তু রানী ও শ্রমিক-মৌমাছির পার্থক্য কেবল প্রজনন যন্ত্রেই সীমাবদ্ধ নয়, আকৃতি ও প্রকৃতি-গত বহুবিধ পার্থক্য দৃষ্টিগোচর হয়। খাদ্যের পরিমাণের তারতম্য হিসাবে যদি কেবল ক্ষুদ্র ও বৃহদাকৃতির পার্থক্য দেখা যেত তবে ব্যাপারটা সহজবোধ্য হতো। সন্দেহ নেই। কিন্তু কর্মীর শরীরের প্রাস্তদেশ গোলাকার এবং রানীর শরীরের পশ্চাঙ্গাগ লম্বা ও সূচালো। রানী ও কর্মীর চোয়াল এবং জিভ ভিন্ন ধরনের। রানীর দেহে মোম-উৎপাদক বা রেগু-সঞ্চারক যন্ত্র নেই, উভয়ের দেহবর্ণেও যথেষ্ট তারতম্য দেখা যায়। তাছাড়া বুদ্ধিবৃত্তিতে রানী মৌমাছিরা কর্মীদের অপেক্ষা অনেক নিম্নমানের বলে বোধ হয়। রানী জন্মগ্রহণ করবার পর যৌন মিলনের জন্তে একমাত্র বাসা ছেড়ে উড়ে যায়। মিলনের পর চাকে ফিরে সে ডিম পাড়তে আরম্ভ করে। দলের বাসা পরিবর্তন করবার সময় ছাড়া আর কখনও তাকে বাসা ছেড়ে উড়তে দেখা যায় না। কর্মী-মৌমাছিরা তার আহ্বার জোগায়, ডিম পাড়বার স্থান নির্দেশ করে এবং তার যাবতীয় কার্যনির্বাহ করে। মোটের উপর

রানীরা কর্মীদের হাতে যন্ত্রের মতো পরিচালিত হয়। তাছাড়া রানীদের এক অদ্ভুত মনোবৃত্তি দেখা যায়। যদি কোনও চাকে কখনও অপর রানী-মৌমাছির আবির্ভাব হয়, তবে উভয়ের মধ্যে ভীষণ যুদ্ধ বেধে যায়। একটি সম্পূর্ণরূপে পরাজিত ও নির্যাতন না হওয়া পর্যন্ত যুদ্ধের অবসান ঘটে না। কর্মীরা চতুর্দিকে ঘিরে এই যুদ্ধের ফলাফল দেখতে থাকে। যুদ্ধ শেষ হওয়ামাত্রই তারা বিজয়িনীকে তাদের রানীর পদে বরণ করে নেয়। কাজেই রানী ও শ্রমিকের এই যে কতকগুলি গুরুতর পার্থক্য বিদ্যমান, সেটা কি কেবল শাস্ত্রবস্তুর তারতম্যের উপরই নির্ভর করে? অথচ শ্রমিক ও রানী মৌমাছি যে একই রকমের ডিম থেকে উৎপন্ন হয়ে থাকে, তা অতি সহজেই প্রমাণিত হয়? ডিম ফোটবার পর দু-তিন দিনের মধ্যে শ্রমিকের কুঠুরি থেকে বাচ্চা ভুলে নিয়ে তাকে যদি রানীর কুঠুরিতে এবং রানীর কুঠুরির বাচ্চা শ্রমিকের কুঠুরিতে রাখা যায়, তবে দেখা যাবে—পরিবর্তন সম্বন্ধে শ্রমিকের কুঠুরি থেকে শ্রমিক এবং রানীর কুঠুরি থেকে রানী-মৌমাছিই উৎপন্ন হয়েছে। এই পরীক্ষা থেকে সহজেই বুঝতে পারা যায় যে, এই জাতীয় ডিম থেকে শাস্ত্রের তারতম্যানুসারে রানী ও কর্মী মৌমাছি উৎপন্ন হয়। ভিন্ন রকমের একপ্রকার ডিম থেকে পুরুষ-মৌমাছি উৎপন্ন হয়ে থাকে। যৌন-মিলন না হলেও রানী মৌমাছিকে ডিম পাড়তে দেখা যায়। এই অনিবিষ্ট ডিম থেকেই পুরুষ-মৌমাছি উৎপন্ন হয়ে থাকে। যৌন-মিলনের পর ডিম-নিষেককারী রস ভিষধারে না গিয়ে ডিম্বনলের সঙ্গে সংযুক্ত একটি নির্দিষ্ট থলিতে সঞ্চিত হয়। ডিম বাইরে নির্গত হবার সময় ওই নলের মুখে তা নিবিষ্ট হয়ে থাকে। কেউ কেউ অনুমান করেন, রানী যখন ক্ষুদ্র প্রকোষ্ঠে ডিম পাড়বার জন্তে শরীরের পশ্চাভাগ প্রবেশ করিয়ে দেয় তখন চাপ লাগবার ফলে অভ্যন্তরস্থ থলি থেকে পুং-রস নির্গত হয়ে ডিমটিকে নিবিষ্ট করে দেয়। পুরুষ-মৌমাছিদের প্রকোষ্ঠ অপেক্ষাকৃত বড় বলে তাতে ডিম পাড়বার সময় চাপ লাগে না। কাজেই পুং-রস থলি থেকে নির্গত না হবার ফলে ডিমটি অনিবিষ্টভাবেই বহির্গত হয়। এই অনিবিষ্ট ডিম থেকে পুরুষ-মৌমাছি জন্মগ্রহণ করে থাকে।

সাধারণত আমরা দেখতে পাই, জীবজগতে পিতা ও মাতার সহযোগে সন্তান জন্মগ্রহণ করে এবং সেই সন্তান পিতা অথবা মাতার অঙ্কুরপই হয়ে থাকে। জীবতত্ত্বের গোড়ার কথা আলোচনা করলে দেখা যাবে—আদি জীব-কোষে পিতা ও মাতার বৈশিষ্ট্য অন্তর্নিহিত থাকে। পুং-বৈশিষ্ট্যসমূহ প্রাধান্য লাভ করলে ভ্রূণে ক্রমশ পুং-লক্ষণসমূহ আত্মপ্রকাশ করে, অল্পাংশ স্ত্রী-লক্ষণসমূহ বিকশিত হয়ে থাকে। আদি জীব-কোষে স্ত্রী ও পুং বৈশিষ্ট্যের অস্তিত্ব থাকে বলেই স্ত্রী অথবা

পুং-সন্তান উৎপন্ন হতে পারে। কিন্তু মোঁমাছিদের ক্ষেত্রে জীবের জন্ম-রহস্যের মূল তত্ত্বের দিক থেকে বিচার করলে তাদের স্ত্রী ও পুরুষ উৎপত্তির ব্যাপারটাকে কল্পে ব্যাখ্যা করা যেতে পারে? পুরুষের সম্পর্ক থাকলেই সেখানে স্ত্রী-সন্তান উৎপন্ন হবে—অথচ পুরুষ-সংশ্রব না থাকলে সেখানে কেবলই পুরুষ সন্তান উৎপন্ন হবে—এ অতীব বিস্ময়কর ব্যাপার। পুরুষ-সংশ্রব বর্জিত স্ত্রী-গর্ভস্থ ডিম্ব অথবা জীব-কোষে পুরুষের বৈশিষ্ট্যসমূহ কেমন করে আত্মপ্রকাশ করে? বিভিন্ন জাতীয় প্রাণীর দেহ-কোষ, বিশেষ করে জীব-কোষে অবস্থিত ‘ক্রোমোসোম’ের কথা আলোচনা করলেই এর সহজ সমাধান হতে পারে। মানুষ হতে আরম্ভ করে প্রায় অধিকাংশ প্রাণীর পুরুষদের শরীরে যতগুলি পুং-কোষ উৎপন্ন হয়, তার অর্ধসংখ্যক কোষগুলিতে X এবং বাকী অর্ধেক থাকে Y-ক্রোমোসোম। স্ত্রীদের ডিম্বকোষের প্রত্যেকটিতেই থাকে X-ক্রোমোসোম। অর্থাৎ ক্রোমোসোমের দিক থেকে বলতে গেলে—পুরুষেরা—YX এবং স্ত্রীরা XX। পুং-কোষের X-ক্রোমোসোম ডিম্বকোষের X ক্রোমোসোমের সঙ্গে মিলিত হলে সন্তান হবে স্ত্রী এবং পুং-কোষের Y-ক্রোমোসোম ডিম্ব কোষের X-ক্রোমোসোমের সঙ্গে মিলিত হলে সন্তান হবে পুরুষ। Y-ক্রোমোসোমটাকেই পুং-বৈশিষ্ট্যসম্পন্ন বলে মনে করা হয়। মোঁমাছির ক্রোমোসোমও যদি এই অবস্থায় থেকে থাকে তবে অনিবিষ্ট ডিম্ব থেকে পুং-মোঁমাছি উৎপন্ন হতে পারে না। কাজেই মনে হয়, পাখি, প্রজাপতি প্রভৃতি কয়েক জাতীয় প্রাণীদের মতো পুং-মোঁমাছি—XX এবং রানী-মোঁমাছি—XY-ক্রোমোসোম-সমন্বিত। মোঁমাছির সমগোত্রীয় অন্যান্য প্রাণী সম্পর্কিত বৈজ্ঞানিক গবেষণার ফলে অন্তত এই ধারণাই সমীচীন বোধ হচ্ছে।

বোলতার জীবন-রহস্য

জীবজগতের অনেকে এককভাবে বাস করলেও কেউ কেউ আবার সমাজ-বদ্ধভাবে বসবাস করে থাকে। জাতীয় উৎকর্ষ বিধানের দিক থেকে বিবেচনা করলে একক ভাবে বসবাস করার অসুবিধা অনেক। কারণ জীবনধারণের জন্য প্রয়োজনীয় প্রত্যেকটি কাজই নিজে নিজে সম্পন্ন করতে হয়। কিন্তু সমাজ-ব্যবস্থায় কর্ম-বিভাগের সুযোগ পাওয়া যায়। মানুষ সামাজিক জীব। আদিম মনুষ্যসমাজে প্রয়োজন অথবা অভাববোধ অনেক কম ছিল বলে বোধ হয় কতকটা স্বাভাবিক-

ভাবেই কর্ম-বিভাগের গোড়াপত্তন শুরু হয়েছিল। অপেক্ষাকৃত আধুনিক যুগে জাগতিক ব্যাপার সম্পর্কে অধিকতর অভিজ্ঞতাসম্পন্ন মানুষ ব্যটিগত প্রয়োজনে পার্থিব সম্পদ আহরণ এবং স্বেচ্ছাচার সঙ্গে বিবিধ দৈনন্দিন কার্য-নির্বাহের নিমিত্ত বল প্রয়োগে দাসত্বপ্রথা প্রচলন করে। পরবর্তীকালে স্বেচ্ছাপ্রয়োগের সহায়তায় মানুষের স্বাভাবিক প্রবৃত্তিসমূহ বিনষ্ট করে কৃত্রিম উপায়ে চিরজীবন তাদের দাসত্বকার্যে লিপ্ত রাখবার উপায় অবলম্বিত হয়। তৎপরবর্তী যুগে হয়তো নৈতিক কারণে এই প্রথা ক্রমশঃ পরিত্যক্ত হলেও সামাজিক এবং ব্যক্তিগত প্রয়োজনে বুদ্ধি এবং কুট-কৌশল প্রয়োগে দাসত্বপ্রথা অব্যাহত রাখবার উপায় অবলম্বিত হয়। ধর্মের অনুশাসন, ইহকাল এবং পরকালের কাহিনী শুনিয়ে সেবা-ধর্মের মহিমা কীর্তন হয়তো এই উপায়েরই একটা বিশিষ্ট দিকমাত্র। যা এমন এক জাতীয় মানুষ উৎপাদনে সক্ষম হতো, যাদের, একমাত্র সেবাদর্মে অনুব্রজ্য ছাড়া ক্ষুৎ-পিপাসা ব্যতিরেকে অন্য কোনও প্রবৃত্তি থাকবে না অর্থাৎ তারা যদি যান্ত্রিক মানুষের মতো রক্তমাংসের মানুষ সৃষ্টি করতে পারত, তবে এই সমস্ত সমাধানে এতটা বিব্রত হয়ে পড়ত না। কিন্তু মানুষ এ ব্যাপারে কিছুদূর অগ্রসর হলেও আজও সেরূপ কিছু অব্যর্থ উপায় আবিষ্কারে সক্ষম হয় নি।

আশ্চর্যের বিষয় এই যে, বৈজ্ঞানিক বুদ্ধিসম্পন্ন মানুষ যা করতে পারেনি নিরন্তরের কীট-পতঙ্গেরা স্বদূর অতীত যুগ থেকে তা আয়ত্ত করে সাফল্যের সঙ্গে কাজে লাগাচ্ছে। সমাজবদ্ধভাবে বাস করতে অভ্যস্ত মোমাছি, বোলতা, ভীমরুল, পিঁপড়ে প্রভৃতি প্রাণীদের কথা ধরা যাক। হাজার হাজার মোমাছি, হাজার হাজার পিঁপড়ে একই বাসায় বাস করে। সমাজের বিভিন্ন কার্যনির্বাহের ক্ষেত্রে এদের মধ্যে বিভিন্ন শ্রেণী-বিভাগ দেখা যায়। তাদের এই শ্রেণীবিভাগ স্বাভাবিক, কারণ রাজা, রানী, সৈনিক, শ্রমিক বা কর্মী প্রভৃতি বিভিন্ন শ্রেণীর প্রাণীগুলির আকৃতি ও প্রকৃতি সম্পূর্ণ বিভিন্ন। মোমাছি, বোলতা, পিঁপড়ে প্রভৃতি বিভিন্ন জাতীয় প্রত্যেকটি সমাজেই কর্মীদের সংখ্যা অগণিত। রাজা ও রানীদের সংখ্যা কর্মীদের তুলনায় অনেক কম। মোমাছিদের ক্ষেত্রে এক একটি চাকে সাধারণত একাধিক রানী মোমাছি দেখা যায় না। রাজা এবং রানীরা অলসভাবে দিন কাটায়। তাদের কোনই কাজকর্ম করতে হয় না। কর্মীরাই সংসারের যাবতীয় কাজ করে থাকে। খাদ্য আহরণ ও তার বিলিব্যবস্থা, বাসগৃহ পরিষ্কার, শিশু প্রতিপালন.....এমন কি, রাজা ও রানীদের মুখে খাবার তুলে দেওয়া ও তাদের পরিচর্যা যাবতীয় ব্যবস্থা কর্মীরাই করে থাকে। রানী কেবল ভিন্ন পেড়েই

খালাস। কর্মীরা সকাল থেকে সন্ধ্যা পর্যন্ত, কোনও কোনও ক্ষেত্রে দিনরাত্রি, প্রায় সমভাবেই বাসার প্রয়োজনীয় বিভিন্ন কার্যে ব্যাপৃত থাকে। কর্মীদের মধ্যে দ্বৈধা, দ্বন্দ্ব, আলাপ অথবা প্রয়োজনান্তিরিক্ত বিশ্বাসের প্রবৃত্তি দেখা যায় না। এদের কোনও কর্ম-নিয়ন্ত্রণকারী পরিদর্শকও নেই; প্রত্যেকেই সম্পূর্ণ স্বাধীনভাবে স্বাভাবিক প্রবৃত্তির বশেই যন্ত্রের মতো নিজের কাজ করে যায় এবং প্রত্যেক ব্যাপারেই প্রয়োজনমত বুদ্ধি খাটিয়ে অবস্থানুযায়ী ব্যবস্থা অবলম্বন করতে চেষ্টা করে। যত তুচ্ছই হোক, এরা কর্তব্যকার্য সম্পাদনে মৃত্যু বরণ করতেও কিছুমাত্র ইতস্তত করে না। কর্মীদের আর একটি অদ্ভুত ক্ষমতা দেখা যায়। কোনও কারণে রানীর অভাব ঘটলে বাসায় নতুন নতুন কর্মী উৎপন্ন হতে পারে না। যথেষ্ট সংখ্যক কর্মীর অভাবে সহজেই নানা প্রকার বিশৃঙ্খলার সৃষ্টি হয়; এবং ফলে তাদের সমাজ অতি দ্রুত ধ্বংসের মুখে অগ্রসর হয়। এক্ষণ ব্যাপার ঘটলে কর্মীদের মধ্যে কেউ কেউ পুরুষ-সংস্রব ব্যতিরেকেই ডিম প্রসব করে নতুন নতুন কর্মী উৎপাদন করে থাকে।

মৌমাছি, বোলতা, ভীমরুল, পিঁপড়ে প্রভৃতি একই বর্গভুক্ত প্রাণী। মোটামুটি কতকগুলি বিষয়ে মিল থাকলেও এই বিভিন্ন জাতীয় প্রাণীদের পরস্পরের মধ্যে গুরুতর কতকগুলি বৈষম্যও আছে। কাজেই মৌমাছি-সমাজের শ্রেণীভেদের কারণ নিষিক্ত বা অনিষিক্ত ডিম্ব এবং ‘রয়েল জেলী’ প্রয়োগের তারতম্যের বিষয় অবগত থাকলেও বোলতা, ভীমরুল, পিঁপড়ের মধ্যে প্রকৃত ব্যাপার কি ঘটে, তা জানবার জন্তে পিঁপড়ে সম্বন্ধে অহুসন্ধানে ব্যাপৃত হয়েছিলাম। কিন্তু পিঁপড়েরা ক্ষুদ্রকায় প্রাণী এবং লোকচক্ষুর অন্তরালে বাস করে বলে তাদের সম্পূর্ণ একটা বিরাট দলকে কৃত্রিম বাসস্থানে প্রতিপালন করে পর্যবেক্ষণ করা খুবই অসুবিধার ব্যাপার। তথাপি কয়েকবার চেষ্টা করেও সাফল্য লাভ করতে পারিনি। তখন অপেক্ষাকৃত বৃহদাকৃতির ভীমরুল, বোলতার কথা মনে পড়লো। কিন্তু ভয়ানক বিপজ্জনক বলে ভীমরুল গৃহে পরীক্ষা করা সম্ভব ছিল না। বোলতা বিপজ্জনক হলেও ভীমরুলের মতো ততটা গুরুতর নয়। কাজেই সতর্কতা অবলম্বন করে বোলতার কার্যকলাপ পর্যবেক্ষণে মনোনিবেশ করেছিলাম। কলকাতার উপকণ্ঠে একটা পরিত্যক্ত স্থানে গাছের ডালে বোলতার প্রকাণ্ড একটা বাসার সন্ধান পাওয়া গেল। বাসাটাতে প্রায় পাঁচ-ছয় শতেরও অধিক বোলতা ছিল। বাসাটার অনেকটা অংশ লতাপাতার আড়ালে পড়লেও কিস্তদংশ অনাবৃত ছিল। নিকটে না গেলে এদের কার্যকলাপ ভাল করে দেখা যায় না। কাছে যেতেও বিশেষ ভরসা হলো না; কারণ বাসা থেকে হাত দুই

ব্যবধানে উপস্থিত হলেই এরা ভয়ানক উত্তেজিত হয়ে ওঠে। কাজেই টেলি-মাইক্রোস্কোপের সাহায্য নিলাম।

প্রায় ৫০ গজ দূর থেকে টেলি-মাইক্রোস্কোপের সাহায্যে বাসার মধ্যে বোলতার কার্যকলাপ পরিষ্কার ভাবে দেখা যাচ্ছিল। দু-তিন দিন পর্যবেক্ষণের ফলে বোলতাগুলির গতিবিধি ও কার্যকলাপ সম্বন্ধে অনেক কিছু দেখতে পেলাম বটে, কিন্তু এতগুলি বোলতা বাসাটার উপর প্রায় ঘেঁষাঘেঁষি করে চলাফেরা করে বলে গর্তগুলির অভ্যন্তরস্থ ডিম ও বাচ্চার অবস্থা লক্ষ্য করবার উপায় ছিল না। অগত্যা দিবাবসানে বাসাটাতে একদিন আগুন ও প্রচুর ধোঁয়া প্রয়োগ করলাম। অধিকাংশ বোলতা মারা পড়লেও কতকগুলি উড়ে পালিয়েছিল। পরের দিন গিয়ে দেখলাম যারা পালিয়ে গিয়েছিলো তারা বাসায় ফিরে এসেছে, কিন্তু তাদের সংখ্যা খুবই কম। উত্তেজিত ভাবে তারা প্রত্যেকটি গর্তে মাথা ঢুকিয়ে বারংবার পরীক্ষা করে দেখছিল। বাসার দিকে অগ্রসর হতেই তারা ডানা প্রসারিত করে উত্তেজিত ভাবে আমার দিকে একদৃষ্টে চেয়ে রইলো। কেউ কিন্তু বাসা ছেড়ে উড়ে এলো না। তথাপি ভয়ে পিছিয়ে গেলাম এবং টেলিমাইক্রোস্কোপের সাহায্যেই গর্তগুলির অবস্থা পর্যবেক্ষণ করতে লাগলাম। বাসার মধ্যস্থানে কতকগুলি গর্তের মুখ সাদা টুপির মতো পদার্থে আবৃত। বাকী গর্তগুলি সম্পূর্ণ অনাবৃত। বাসাটা খালার মত চ্যাপ্টা এবং কতকটা গোলাকার। গর্তগুলি বাসার ধারের দিক থেকে মধ্যভাগে ক্রমশ লম্বায় বড় হয়ে গেছে। ছোটবড় বিভিন্ন গর্তের মধ্যে বয়সের তারতম্য অনুযায়ী বিভিন্ন আকৃতির বাচ্চা ও ডিম দেখা যাচ্ছিল। গর্তগুলির মুখ নিচের দিকে। বাচ্চাগুলিও নিচের দিকেই মুখ করে রয়েছে। অপেক্ষাকৃত ছোট বাচ্চাগুলি প্রায় নিশ্চল ভাবেই অবস্থান করছিল; কিন্তু সর্বাপেক্ষা লম্বা গর্তগুলির অভ্যন্তরে হলুদ বর্ণের পরিপুষ্ট বাচ্চাগুলির অদ্ভুত একটা গতিভঙ্গী লক্ষ্য করলাম। সর্বাপেক্ষা বড় বাচ্চাগুলির প্রত্যেকেই তাদের উর্ধ্বভাগ ধীরে ধীরে চক্রাকারে আন্দোলিত করছিল; বাচ্চাগুলি যে কেন এরূপ করছিল, তার কারণ কিছুই বুঝতে পারলাম না। পরের দিন দেখলাম বাসায় বোলতার সংখ্যা অনেক বৃদ্ধি পেয়েছে। কিছুক্ষণ লক্ষ্য করতেই বোঝা গেল চাকনায় আবদ্ধ গর্তগুলি থেকে নতুন নতুন বোলতা বের হয়ে সংখ্যা বৃদ্ধি করছে।

যাহোক বোলতার সংখ্যা অধিক বৃদ্ধি পাবার পূর্বেই বাসাটাকে ভুলে আনবার মতলব করলাম। ধোঁয়া প্রয়োগে বোলতাগুলিকে তাড়িয়ে দিয়ে বাসাটাকে ভুলে এনে পরীক্ষাগারে স্থাপন করলাম। দু-তিন দিন পরেই পুনরায় কিছু নতুন

বোলতার আবির্ভাব ঘটলো। কিন্তু তারা কেউ বাসা ছেড়ে বাইরে বেরুত না। ইতিমধ্যে বাচ্চাগুলির মস্তক আন্দোলনের প্রকৃত কারণ বোঝা গেল। বড় বাচ্চাগুলি পুতলীতে রূপান্তরিত হবার সময় একরূপভাবে হুতা বুনে গর্তের মুখ বন্ধ করে দেয়। হুতা এত শৃঙ্খল যে ম্যাগ্নিফায়িং গ্লাসের সাহায্য ছাড়া দেখা যায় না। মুখ ঘুরিয়ে ঘুরিয়ে বারংবার একরূপ শৃঙ্খল হুতা জড়াবার ফলে প্রায় ঘণ্টা দেড়েক সময়ের মধ্যেই গর্তের মুখে সাদা টুপি মতো একটা আবরণী গড়ে ওঠে। ঢাকনা নির্মিত হবার পর বোলতার অপরিণত বাচ্চাটা সেখানে নিশ্চিন্ত মনে নিশ্চলভাবে অবস্থান করে। কিছুকাল পরে ধীরে ধীরে কীড়াটা পুতলীর আকার ধারণ করে। এই অবস্থায় কিছুদিন অতিবাহিত হবার পর উপরের পাতলা খোলস পরিত্যাগ করে ডানা সমেত পূর্ণাঙ্গ বোলতা গর্তের ঢাকনা কেটে বেরিয়ে আসে।

যাহোক বাসাটাকে পরীক্ষাগারে রাখবার পর দিন-দশেকের মধ্যেই প্রায় দু-শতাধিক নতুন বোলতা বেরিয়ে এসে পুনরায় বাসাটাকে ঢেকে ফেলবার উপক্রম করলো। এদের অনেকেই বাসা নির্মাণের উপযোগী পদার্থ সংগ্রহ করে পূর্বের ত্রায় স্বাভাবিক ভাবেই কাজ চালাতে আরম্ভ করেছিল।

এই সময় একদিন পরীক্ষাগারে কয়েকজন দর্শক এসেছিলেন। বোলতা! পুষতে দেখে তাঁরা বিশেষ কৌতূহলী হয়ে উঠলেন। একটু দূরে দাঁড়িয়েই তাঁদের নিকট ব্যাপারটা বুঝিয়ে বলছিলাম। ইতিমধ্যে দর্শকদের মধ্যে একজন ধূমপান করতে আরম্ভ করেছিলেন। ছ চার মিনিট পরেই বোলতাগুলি যেন অকস্মাৎ উদ্বেজিত হয়ে উঠলো এবং দুই একটি বাসা ছেড়ে উড়ে এসে একজন দর্শককে দংশন করে। পরে বুঝেছিলাম—তামাকের ধোঁয়াই এই উদ্বেজনার কারণ। যাহোক এই ঘটনার পরে আর বোলতাগুলি সশঙ্কে নিশ্চিন্ত হতে পারছিলাম না। অবশেষে ক্লোরফর্ম গ্যাস প্রয়োগে বোলতাগুলিকে অজ্ঞান করে একে একে অধিকাংশ বোলতার ডানা কেটে দিলাম। তার ফলে বোলতাগুলি এসে কাকেও দংশন করার সাধ্য ছিল না। যাদের ডানা কাটা হয়নি—অল্প সংখ্যক হলেও তারা বাইরে থেকে প্রয়োজনীয় দ্রব্যাদি নিয়ে আসতো। কিন্তু তাঁর ফলেই বোধ হয় বিপদ দেখা দিল। বাসার প্রয়োজনীয়রূপ সরবরাহ হচ্ছিল না। গায়ের রঙের পরিবর্তন দেখে বোঝা গেল, খুব সম্ভব উপযুক্ত খাদ্যভাবে অনেক-গুলি বাচ্চাই রোগগ্রস্ত হয়ে পড়েছে। হঠাৎ একদিন দেখা গেল মাছির মতো অতি ক্ষুদ্র এক জাতীয় অদ্ভুত পতঙ্গ কোন কোন গর্তে ঢুকে রক্ত বাচ্চাগুলিকে চুষে খেয়ে ফেলেছে। বাসাটায় গর্ত অনেক এবং প্রায় প্রত্যেক গর্তেই ডিম অথবা বাচ্চা ছিল। অল্প সংখ্যক বোলতার পক্ষে এতগুলি বাচ্চার তদারক সম্ভব

হচ্ছিল না। গায়ের রঙের পরিবর্তন দেখে বোঝা গেল, খুব সম্ভব উপযুক্ত খাদ্যাভাবে অনেকগুলি কীটই রোগগ্রস্ত হয়ে পড়েছে। হঠাৎ একদিন দেখা গেল মাছির মতো অতি ক্ষুদ্র এক জাতীয় অদ্ভুত পতঙ্গ কোনো কোনো গর্তে ঢুকে রুগ্ন বাচ্চা-গুলিকে চুষে খেয়ে ফেলেছে। বাসাটায় গর্ত অনেক এবং প্রায় প্রত্যেক গর্তেই ডিম অথবা বাচ্চা ছিল। অল্পসংখ্যক বোলতার পক্ষে এতগুলি বাচ্চার তদারক অসম্ভব। কাজেই মড়ক অনিবার্য হয়ে উঠেছে। ততুপরি মাছির আক্রমণে অতি শীঘ্রই বাসার অবস্থা শোচনীয় হয়ে পড়লো। এই নানা অসুবিধার জন্তে কিছুকাল পরে পুনরায় লাল-পিপড়ে নিয়ে অল্পসঙ্খ্যক ব্যাপৃত হতে হলো। যাহোক, বোলতা প্রতিপালনের সময় তাদের জীবনযাত্রা প্রণালী সম্পর্কে যা লক্ষ করেছিলাম, সে বিষয়ে কিঞ্চিৎ আলোচনা করছি।

পৃথিবীর বিভিন্ন অংশে বিভিন্ন জাতীয় অনেক রকম বোলতা দেখা যায়। কয়েক জাতীয় বোলতা বৃক্ষকোটরের অঙ্ককার গহবরে অথবা অনেক সময় মাটির নীচে গর্ত খুঁড়ে বলের মতো গোলাকার বাসা নির্মাণ করে। আবার কতকগুলি ঘরের চালার নীচে, গাছের ডালে অথবা নির্জন স্থানে কোনও কিছু আড়ালে থালার মতো চ্যাপ্টা বাসা তৈরি করে বসবাস করে। গর্তবাসী বোলতার প্রথমত অসংখ্য গর্ত সমন্বিত চ্যাপ্টা থালার মতো তিন-চার স্তরে বাসা নির্মাণ করে সর্বশেষে সেগুলির চতুর্দিকে গোল করে একটা শক্ত আবরণে ঢেকে দেয়। এজন্ত বাসাটাকে বাইরে থেকে বলের মতো গোলাকার দেখায়, কিন্তু ভিতরে কুঠরিগুলি বিভিন্ন স্তরে পরপর সজ্জিত থাকে। শীতের কিছু পূর্বে এই জাতীয় রানী বোলতার যৌনমিলন ঘটে। যৌনমিলনের পর পুরুষগুলি মরে যায়। গর্তবতী রানী সারা শীতকালটা স্নবিধামত কোনও স্থান নির্বাচন করে খড়কুটা বা অল্প কোনও শক্ত জিনিস আঁকড়ে ধরে শীত ঘুমে কাটিয়ে দেয়। শীতের অবসানে সে বাসা বাঁধবার জন্তে স্থান নির্বাচনে বহির্গত হয়। স্থান নির্বাচন হবার পর সে বারংবার পরিভ্রমণ করে দেখে এবং আনন্দে অধীর হয়েই যেন নানা প্রকার গতিভঙ্গী করে অবশেষে অনেকক্ষণ ধরে প্রসাধনে রত হয়। তারপর বাসার চতুর্দিকে বারংবার চক্রাকারে উড়তে উড়তে কোনও পুরাতন বৃক্ষকাণ্ড বা অল্প কোনও শুকনো কাঠের উপর বসে তার কিয়দংশ কুয়ে নেয়। সেই পদার্থের সঙ্গে মুখের লালা মিশ্রিত করে মণ্ডের মতো প্রস্তুত করে। এই মণ্ডই বোলতার বাসা নির্মাণের প্রধান উপকরণ। বার বার এই মণ্ড সংগ্রহ করে রানী প্রথমত চারটি কোষ বা গর্ত নির্মাণ করে তার মধ্যে ডিম পাড়ে। ডিম ফোটবার পর নানা প্রকার কীট-পতঙ্গ বা ক্ষুদ্র মাংসের টুকরা মণ্ডের মতো করে বাংলার কীট—৫

বাচ্চাগুলিকে খাওয়াতে থাকে। ইতিমধ্যে আরও কয়েকটি গর্ত নির্মাণ করে তার মধ্যেও ডিম পেড়ে রাখে। এগুলিকে প্রতিপালন করতে করতেই প্রথম চারটি গর্ত থেকে চারটি কর্মী বোলতা নির্গত হয়ে বাসার কাজে রানীকে সাহায্য করতে আরম্ভ করে। আরও কিছুকাল পর যখন দশ-বারোটি কর্মী জন্মগ্রহণ করে, তারাই বাসা নির্মাণ, খাওয়াহরণ প্রভৃতি যাবতীয় কাজ করে থাকে। রানীকে তখন থেকে আর কোনও কাজ করতে হয় না। সে কেবল গর্তে ডিম পেড়ে যায়।

আমাদের দেশের হলদে রঙের বড় বোলতা ও খয়েরি রঙের ক্ষুদ্র বোলতার গাছের ডালে, চালার নীচে অথবা আনাচে-কানাচে বাসা নির্মাণ করে। মোঁমাছির চাকের গর্তগুলি যেমন সমানভাবে পাশের দিকে প্রসারিত থাকে, হলদে বোলতার চাকের গর্তগুলি সেরূপে নির্মিত হয় না। এদের গর্তগুলি থাকে নীচের দিকে মুখ করে খাড়া ভাবে। শীতের অবসানে রানী বোলতাই প্রথমে বাসা নির্মাণ শুরু করে। গর্তের পত্তন হয়ে গেলেই তার দেয়ালের গায়ে সমকোণে অবস্থান করে। ডিম ফুটে বাচ্চা বের হবার সঙ্গে সঙ্গে গর্তটাকে লম্বায় ক্রমশ বাড়াতে থাকে। বাচ্চাটা নীচের দিকে মুখ করে থাকলেও কোনও ক্রমেই গর্ত থেকে পড়ে যায় না। এইরূপে প্রথমত কয়েকটি কর্মী নির্গত হলে তারাই গৃহস্থালীর যাবতীয় কাজের ভার গ্রহণ করে এবং নতুন নতুন গর্ত নির্মিত হওয়া মাত্রই রানীরা তার মধ্যে ডিম পেড়ে দেয়। এক-একটা বাসায় কতকগুলি রানী এবং কতকগুলি পুরুষ বোলতা থাকে। কিন্তু কর্মীদের সংখ্যাই সবচেয়ে বেশি। বাসার উপর অথবা আশেপাশেই এদের মিলন সংঘটিত হয়ে থাকে। মিলনের পর পুরুষেরা সাধারণত মৃত্যুমুখে পতিত হয়। রানী-বোলতা নতুন বাসার পত্তন করে সারা বছর ডিম পাড়বার পর মৃত্যু বরণ করে। বছরের শেষের দিকে অর্থাৎ শীত আগমনের পূর্বেই বাসার মধ্যে নতুন নতুন পুরুষ ও রানী-বোলতার আবির্ভাব ঘটতে থাকে! পুরুষ বোলতাগুলি রানীদের আগে জন্মগ্রহণ করে। রানীদের আবির্ভাবের পূর্ব পর্যন্ত পুরুষ-বোলতাগুলি শ্রমিকদের সেবা-শুশ্রূষায় অতি স্নেহে পরিবর্তিত হতে থাকে। তারা বাসার মধ্যে অলস ভাবে ঘুরে বেড়ায় অথবা স্বেচ্ছা-বিহারে বহির্গত হয়ে নতুন পত্রপল্লবের মধু খেয়ে সন্ধ্যার পূর্বে বাসায় আসে! মোঁমাছির ক্ষেত্রে দেখা গেছে, তারা অপরিণত বাচ্চাগুলিকে ‘রয়েল জেলী’ প্রদান করে ইচ্ছামত রানী-মোঁমাছি উৎপাদন করে থাকে। ‘রয়েল জেলী’ কম পরিমাণে দেওয়া হয় বলেই কর্মী-মোঁমাছির উৎপত্তি হয়। রানী-মোঁমাছি আকৃতিতে অনেক বড়। তার

জন্তে চাকের মধ্যে অনেক বড় গর্ত নির্মিত হয় এবং কর্মীরা তাতে প্রচুর পরিমাণে ‘রয়েল জেলী’ রেখে দেয়। পরীক্ষার ফলে দেখা গেছে কর্মীদের গর্ত অথবা যে কোনও স্থান হতে ডিম এনে ‘রয়েল জেলী’ পূর্ণ রানীর গর্তে রাখলে সেখান হতে রানীই উৎপন্ন হয়ে থাকে। এতেই বোঝা যায়—‘রয়েল জেলীর’ পরিমাণের তারতম্যের উপরই পুরুষ, রানী অথবা কর্মীদের উৎপত্তি নির্ভর করে। বোলতাদের মধ্যেও রানীর গর্তটা কর্মীদের গর্ত অপেক্ষা কিঞ্চিৎ বড় হয়। তা ছাড়া কর্মীদের গর্তের মুখের ঢাকনাটি প্রায় চাপটা; কিন্তু রানীর গর্তের ঢাকনা গোলাকার টুপির মতো। এরাও বাচ্চাগুলিকে ‘রয়েল জেলী’র মতো একটা অপূর্ব পদার্থ খাইয়ে ইচ্ছামত কর্মী, পুরুষ অথবা রানী উৎপাদন করে থাকে। এই শক্তিশালী পদার্থের প্রভাবে কোনও অজ্ঞাত উপায়ে রানীরা ডিম পাড়বার যন্ত্ররূপে পরিণত হয় আর কর্মীরা ব্যক্তিগত স্বথ-দুঃখ উপেক্ষা করে সমাজের জন্য আত্মোৎসর্গ করে থাকে।

ভীমরুলের রাহাজানি

জ্যৈষ্ঠের অপরাহ্নে একদিন বেলগাছিয়া রোড দিয়ে যেতে যেতে দেখতে পেলাম রাস্তার একপাশে কালো রঙের একদল ক্ষুদ্র পিঁপড়ে সার বেঁধে চলেছে। নিকটেই রাস্তার উপর রেল-লাইনের পুল। পিঁপড়েরা এই রেল-পুলের বাঁধের নীচেই একটা গর্তের মধ্যে ঢুকছিল। একটু লক্ষ করতেই দেখা গেল—মাঝারি গোছের একটা কুনো ব্যাঙ পিঁপড়ের লাইনের প্রায় দু-তিন ইঞ্চি তফাতে ওঁত পেতে বসে আছে। ব্যাঙটাকে এইভাবে নিরিবিচি চূপচাপ বসে থাকতে দেখে বড়ই কৌতূহল হলো—দেখা যাক কী করে। অনেকক্ষণ কিছুই করলো না—কেবল মাঝে মাঝে অদ্ভুত উপায়ে গলার নীচের পর্দাটাকে কাঁপাতে লাগলো। চলে যাব ভাবছি এমন সময় একটা পিঁপড়ে দল ছেড়ে ব্যাঙটার একটু ধার ঘেঁষে অগ্রসর হওয়া মাত্রই চোখের নিমেষে সে তাকে গলাধঃকরণ করে ফেললো। কেবল টক্ করে একটু শব্দ শোনা ছাড়া আর কিছুই দেখা গেল না। কোন ফাঁকে যে জিতে ঠেকিয়ে পিঁপড়েটাকে মুখে পুরে দিল তা লক্ষ হলো না। এতক্ষণে বুঝতে পারলাম—পিঁপড়ে খাবার লোভেই ব্যাঙটা ওঁত পেতে বসে আছে। অল্প সময়ের মধ্যেই সে আরও দুটো পিঁপড়েকে টক্ টক্ শব্দ করে গিলে ফেললো। পিঁপড়ের সারের মধ্যে মাথা মোটা খুব বড় বড় সৈন্ম শ্রেণীর পিঁপড়েরা মাঝে মাঝে

আনাগোনা করছিল। হঠাৎ ওই রকমের একটা সৈনিক পিঁপড়ে লাইন ছেড়ে ব্যাঙটার সম্মুখীন হওয়া মাত্রই সে টক করে তাকে মুখে পুরে ফেললো এবং সঙ্গে সঙ্গে কল কল শব্দে একটা করণ আর্তনাদ শুনতে পেলাম। ব্যাঙটা ছটফট করে এদিক-ওদিক লাফাচ্ছে আর এক রকম অদ্ভুত শব্দ করছে। বিশেষ ভাবে লক্ষ করে দেখতে পেলাম—পিঁপড়টার অর্ধেকটা তার মুখের বাইরে রয়েছে। বোধ হয় জিভ ঠেকিয়ে তাকে গেলবার সময় সে ব্যাঙের জিভ কামড়ে ধরেছে। যন্ত্রণায় অস্থির হয়ে ব্যাঙটা ইতস্তত লাফালাফি করছিল। পকেটে একটুখানি ‘কলো-রেড’ ছিল। হাতের কাছে কিছু না পেয়ে তারই খানিকটা ব্যাঙটার গায়ের উপর ছড়িয়ে দিলাম। চিহ্ন রাখবার উদ্দেশ্য এই যে, এইভাবে জন্ম হয়েও সে আবার পিঁপড়ে শিকারের জন্ত কালও এখানে আসে কিনা। ব্যাঙটা কিছুক্ষণ ছটফট করে মুখ ঘষে পিঁপড়টাকে ছাড়াবার ব্যর্থ চেষ্টা করলো, অবশেষে বাঁধের পাশেই একটা গর্তের মধ্যে ঢুকে পড়লো।

তার পরের দিন বেলা প্রায় সাড়ে দশটার সময় সেখানে গিয়ে দেখি—পিঁপড়ের সার আগের মতোই রয়েছে, কিন্তু ব্যাঙের দেখা নেই। অহুসন্ধানের ফলে পরে জানতে পেরেছি যে, ব্যাঙেরা সাধারণত দিনের আলোতে আহারাঘেষণে বের হয় না। পড়ন্ত বেলায় অন্ধকারেই তারা শিকার করে থাকে। যাহোক, ব্যাঙের আগমনের অপেক্ষায় বসে আছি। প্রায় দশ-বারো হাত দূরে ঘাসের উপর এক খণ্ড শুকনো প্যাঁকাটি পড়েছিল—একটা ভীমরুল সেই প্যাঁকাটি থেকে চোয়ালের সাহায্যে কুরে কুরে কী যেন সংগ্রহ করছিল। মনে হলো যেন বাসা নির্মাণ করবার উপকরণ সংগ্রহ করছে। একমনে তাই দেখছি। ইতিমধ্যে দেখি—সওয়া ইঞ্চি কী দেড় ইঞ্চি লম্বা একটা সাদা রঙের শোঁয়াপোকা, কখনও বা ঘাসের উপর দিয়ে কখনও বা নীচে দিয়ে দিশাহারা হয়ে দ্রুতবেগে ছুটে চলেছে; একটা হলদে রঙের বোলতা তাকে তাড়া করেছে। শোঁয়াপোকাটা বোলতার কাছ থেকে প্রায় সতেরো-আঠারো ইঞ্চি দূরে ঘাসের নীচে দিয়ে চলে গিয়েছিল বলে বোলতার চোখে পড়েনি। সে একবার ঘাসের নীচে ঢুকে, একবার উপরে উঠে মন্দিয়া হয়ে যেন শোঁয়াপোকার সন্ধান করছিল। শোঁয়াপোকাটা যদি এক স্থানে চূপ করে বসে থাকতো, তবে বোধ হয় বোলতা সহজে তার সন্ধান পেত না; কিন্তু প্রাণভয়ে ছোটবার ফলেই এবার বোলতা তাকে দেখে ফেললো এবং তৎক্ষণাৎ উড়ে এসে তার ষাড় কামড়ে ধরলো। তখন শুক হলো একটা ভীষণ ওলট-পালট কাণ্ড। শোঁয়াপোকাটা প্রাণপণে ছুটছে আর বোলতা তাকে ধরে রাখবার চেষ্টা করছে—এর ফলে একবার বোলতা নীচে পড়ছে,

শোঁয়াপোকাটা উপরে উঠছে, আবার শোঁয়াপোকা নীচে পড়ছে, আর বোলতা তার পিঠের উপর চেপে বসছে। একরূপ ধ্বস্তাধ্বস্তি করতে করতে তারা প্যাঁকাটিটার খুব কাছে এসে পড়লো। শোঁয়াপোকাটার আর চলবার সামর্থ্য নেই—বোলতার পুনঃপুনঃ দংশনে একেবারে নিষ্কীব হয়ে আসছিল। তখন বোলতা তার পেটের দিকের খানিকটা অংশ চিরে ফেললো। সবুজ রঙের নাড়ীভূঁড়ি বের করে সে তা কুরে কুরে খেতে লাগলো। খানিকক্ষণ পরেই আবার উপরে উঠে শোঁয়াপোকার দেহ দ্বিখণ্ডিত করে লেজের দিকের বড় অংশ থেকেই কুরে কুরে খেতে লাগলো। ইতিমধ্যেই হঠাৎ কোথেকে একটা ভীমরুল উড়ে এসে ছোট প্যাঁকাটিটার কাছেই বসে বাস্তবাবে এদিক-ওদিক কী যেন দেখতে লাগলো। ভীমরুলটার অবস্থা দেখে মনে হলো সে যেন ইতিপূর্বেই কিছু একটা ঘটনার আঁচ পেয়েছিল, কিন্তু ব্যাপারটা ভাল করে বুঝতে পারেনি। কারণ ইতিমধ্যেই সে কাজ বন্ধ করে মাথা উচিয়ে যেন কিছু একটা অনুধাবন করার চেষ্টা করছিল। এবার ঘুরে বসতেই বোলতার উপর তার নজর পড়লো এবং তৎক্ষণাৎ উড়ে গিয়ে বোলতাকে আক্রমণ করলো। এইরূপ একটা প্রবল শত্রুর আচমকা আক্রমণে বোলতাটা বিভ্রান্ত হয়ে শিকার ছেড়ে উড়ে গেল, কিন্তু বেশি দূর না গিয়ে আবার ঘুরে এলো। ভীমরুলটা ততক্ষণে শিকারটাকে খাবার উত্তোগ করছিল। বোলতাকে পুনরায় আসতে দেখে শিকার ছেড়ে সে তাকে আক্রমণ করতে গেল। বোলতা লড়াই না করে ঘাসের নীচ দিয়ে এসে শোঁয়াপোকার কর্তিত দেহখণ্ড মুখে নিয়ে উড়ে গেল। ভীমরুল কিন্তু ছাড়বার পাত্র নয়—সেও বোলতার পিছু ধাওয়া করলো। চেয়ে দেখলাম, কিছু দূরে গিয়ে বোলতা ও ভীমরুল উভয়েই পুলের অপর পার্শ্বে সহসা যেন কোথায় অদৃশ্য হয়ে গেল। এত শীঘ্র তারা কোথায় অদৃশ্য হয়ে গেল? কাছাকাছি তেমন কোনও গাছপালাও ছিল না, তবে কোথায় যাবে? দেখবার জন্যে খানিকটা অগ্রসর হয়ে পুলের অপর পার্শ্বে গেলাম। কোথাও কিছু নেই। কিছুক্ষণ এদিক-সেদিক লক্ষ্য করতেই দেখতে পেলাম, বাঁধের ঠিক উপরেই পুলের তলায় বেশ একটু পরিষ্কার স্থানেই প্রকাণ্ড একটা বোলতার বাসা। বাসাটার ব্যাস প্রায় দশ ইঞ্চি হবে। অল্প বোলতা বাসাটা ঘিরে রয়েছে। তারই এক পাশে সেই ভীমরুলটার সঙ্গে বোলতাদের তুমুল লড়াই বেধে গেছে। কাছে যেতে ভরসা হলো না। একটু দূরে দাঁড়িয়ে দেখতে লাগলাম। ভীমরুলটা যেন বোলতার চাকের মধ্যে তাণ্ডব নৃত্য শুরু করে দিয়েছে। যাকে কাছে পাচ্ছে তাকেই হল ফুটিয়ে এবং কামড়ে ছিন্নভিন্ন করে ফেলছে। বোলতারাও বিপুল পরাক্রমে পাঁচ-সাতটা একত্র

হয়ে তাকে জড়িয়ে ধরে কামড়াবার চেষ্টা করছে। ভীমরুল একদিকে একটা বোলতাকে কামড়ে ধরছে, তখনই অপর দিক থেকে চার-পাঁচটা বোলতা এসে তাকে আক্রমণ করছে। একটা মাত্র ভীমরুলই যেন সমস্ত চাকটাকে চুষে ফেলছিল। দেখলাম চার-পাঁচটা ছিন্নশির বোলতা ঝুপ্, ঝুপ্ করে মাটিতে পড়ে গেল।

প্রায় মিনিট দশেক পর্যন্ত ভীমরুলটা প্রাণপণে জড়াই করে অবশেষে বর্ণে ভঙ্গ দিয়ে পলায়ন করলো। ভীমরুলটা উড়ে যাবার পর বোলতার ডানা খাড়া করে শুঁড় উচিয়ে চাকটার উপর অত্যন্ত উত্তেজিতভাবে ঘোরাঘুরি করতে লাগলো। কেউ কেউ আবার প্রত্যেকটি গর্তে মুখ ঢুকিয়ে কী যেন পরীক্ষা করে দেখছিল। প্রায় পনেরো-বিশ মিনিটের মধ্যেই দেখলাম কতকগুলি বোলতা ডানা উঁচু করে শুঁড় খাড়া করে বাসাটার চতুর্দিকে সারবন্দিভাবে জমায়েত হয়েছে। বাকী অধিকাংশই বোলতাই বাসার মধ্যস্থলে জটলা করছে। মনে হলো যেন ভীমরুলের পুনরাক্রমণ আশঙ্কা করেছেই এরা এভাবে সম্মিলিত হচ্ছিল; কিন্তু বহুক্ষণ অপেক্ষা করেও ভীমরুলের আগমনের কোনই লক্ষণ দেখা গেল না। তখন বাধ্য হয়ে ফিরে আসতে হলো। বেলা তিনটার সময় ফিরে গিয়ে দেখি—বাসাটাতে কোন গোলমাল নেই। বোলতার দস্তুরমতো কাজকর্ম করছে। মঝে মঝে কেউ কেউ বাসা থেকে উড়ে যাচ্ছে, আবার কেউ কেউ খাণ্ড সংগ্রহ করে ফিরে আসছে। বাসাটার খুব নিকটে যেতেই বোলতাগুলি আমাকে দেখবামাত্রই যেন আবার উত্তেজিত হয়ে উঠলো। তারা ডানা উঁচু করে সকলেই চূপ করে দাঁড়ালো। বিপদ আশঙ্কা করে আমি সরে দাঁড়ালাম। কিছুক্ষণ পরেই তাদের সতর্কতার ভাব কেটে গেল এবং পুনরায় বাসার গর্ত তৈরি ও বাচ্চাদের খাণ্ড-দাওয়ার কাজে মনোনিবেশ করলো। সেদিন সন্ধ্যা পর্যন্ত আর কোনও গোলমালের লক্ষণই দেখতে পেলাম না।

তার পর দিন সকাল বেলায় আবার গিয়ে দেখি—ইতিপূর্বেই বাসাটার উপর একটা ভীমরুলের সঙ্গে বোলতাদের তুমুল লড়াই বেধে গেছে। ভীমরুলটা যেন মরিয়া হয়ে যাকে পাঁছে তাকেই কামড়ে ছিন্নভিন্ন করে ফেলছে। ইতিমধ্যেই দেখি আর একটা ভীমরুল এসে বাসাটার চতুর্দিকে চক্রাকারে উড়তে লাগলো। দু-চার বার একপভাবে ঘুরে বাসাটার উপর বসেই একটা গর্তে মুখ ঢুকিয়ে দিল। সঙ্গে সঙ্গেই চার-পাঁচটা বোলতা এসে তাকে চেপে ধরলো। ভীমরুলটা তাতে জঙ্কেপ না করে আর একটা গর্তে মুখ ঢুকিয়ে একটা অপরিপুষ্ট বোলতার কীড়াকে টেনে বের করলো এবং ঘাড়ের দিকে কামড়ে ধরে উড়ে পলায়ন করলো।

বোলতাগুলি যেন অসহায়ভাবে কতক্ষণ সেদিকে চেয়ে থেকে সকলে মিলে অত্যন্ত উত্তেজিতভাবে ঝন্ ঝন্ শব্দে ডানা কাঁপাতে লাগলো। কিন্তু কেউই ভীমরুলের পশ্চাদ্ধাবন করলো না। অপর ভীমরুলটার সঙ্গে মারামারি তখনও থামেনি। প্রায় পাঁচ-ছয়টা বোলতা ভীমরুলের দংশনে বিকলাঙ্গ হয়ে নীচে পড়ে ছট্‌ফট্‌ করছিল। এতক্ষণ লড়াইয়ের ফলে ভীমরুলটাও বিশেষভাবে জ্বর হয়ে পড়েছিল—তার এক দিকের পা বোধ হয় বোলতার দংশনে অসাড় হয়ে যাওয়ায় সে কাংরাতে কাংরাতে এক দিকে থেকে আর এক দিকে পালাবার চেষ্টা করছিল। কিন্তু বোলতার স্বযোগ পেয়ে তাকে যেখানে-সেখানে অবিশ্রাম দংশন করতে লাগলো; ভীমরুলটা অবশেষে একটা বোলতার সঙ্গে জড়াজড়ি করে একেবারে চাকটার কিনারায় এসে পড়তেই আরও দুটা বোলতা এসে আক্রমণ করলো এবং সকলে জড়াজড়ি করে মাটির উপর পড়ে গেল। তাতেও কি লড়াই থামে! ধূলায় গড়াগড়ি দিয়ে কামড়াকামড়ি করতে লাগলো। এদিকে চাকের বোলতাগুলি পুনরায় বৃহৎ রচনা করে ফেলেছে। চাকটার চতুর্দিকে ডানা উচু করে অসংখ্য সাদ্রী প্রায় নিশ্চলভাবে শ্রেণীবদ্ধ হয়ে দাঁড়িয়েছে। সাদ্রীদের পরেই একদল কর্মী-বোলতা কেবল গর্তের মধ্যে মুখ গুঁজে গুঁজে বাচ্চাদের তদারক করছে। বাসার মধ্যস্থলে সাদ্রী টুপি দিয়ে মুখ বন্ধ করা কতকগুলি গর্তের চতুর্দিকে চাকের বাকী বোলতাগুলি সমবেত হয়ে মাঝে মাঝে ডানা কাঁপাচ্ছে। তাদের ডানা কাঁপানোর ঝন্‌ঝন্‌ আওয়াজ কানে আসছিল। রোদ প্রায় পড়ে এসেছে—এমন সময় দেখি আর একটি ভীমরুল বাসার কাছে এসে উড়তে শুরু করেছে। বোলতাগুলি ভীমরুলের আগমন বুঝতে পেরেই এক সঙ্গে সকলে ডানা কাঁপাতে কাঁপাতে মুখ বাড়িয়ে প্রস্তুত হয়েছিল। ভীমরুলটা একবার বাসার খুব কাছে উড়ে এসে আবার দূরে চলে গেল। কিন্তু মিনিট পাঁচেক পরেই হঠাৎ কোথা থেকে ছুটে এসে বাসার উপর পড়লো এবং বোলতাদের সমবেত বাধাদান সত্ত্বেও প্রায় দু-এক মিনিটের মধ্যেই আর একটি বাচ্চা মুখে করে উড়ে গেল। আলো পড়ে আসাতে বোলতার তখন কী করছিল, দূর থেকে তা পরিষ্কারভাবে বুঝতে পারা গেল না। কেবল কতকগুলি বোলতাকে বাসার চতুর্দিকে উড়ে বেড়াতে দেখলাম। কাছে গেলে যদি উড়ে এসে দংশন করে এই ভয়ে তার পর দিন—টেলি-মাইক্রোস্কোপের সরঞ্জাম সঙ্গে নিয়ে গেলাম। ভীমরুলেরা যখন বোলতার বাচ্চাদের সন্ধান পেয়েছে তখন নিশ্চয় আজ তারা আরও বেশী সংখ্যায় এসে বাচ্চা চুরি করবে—এটা আমার নিশ্চিত ধারণা হয়ে গিয়েছিল। বেলা প্রায় দশটার সময় এসে দেখি—যা ভেবেছিলাম, তাই ঘটেছে। ইতিমধ্যেই তার!

বাচ্চা ছিনিয়ে নেবার অভিযান শুরু করে দিয়েছে। সকাল থেকে এতক্ষণ পর্যন্ত হয়তো তারা বোলতার অনেক বাচ্চা ছিনিয়ে নিয়ে গেছে। যাহোক, রাস্তার অপর পার্শ্বে বাসা থেকে প্রায় পঁচিশ-ত্রিশ হাত দূরে টেলি-মাইক্রোস্কোপ খাটিয়ে বাসার অবস্থা দেখতে লাগলাম। বাসার সান্দ্রীদের বাহু পূর্বের মতোই রয়েছে, কিন্তু বোলতার সংখ্যা অনেক কম বলে মনে হলো। তারা অনেকেই কেবল ঘন ঘন গর্তের মধ্যে মুখ ঢুকিয়ে বাচ্চাদের তদারক করছিল। আর কতকগুলি কেবল ডানা উচু করে নিশ্চল অবস্থায় দাঁড়িয়ে ছিল। ইতিমধ্যেই এক সঙ্গে দুটো ভীমরুল উড়ে এসে বাসার উপর পড়লো। বোলতাদের সঙ্গে দুই স্থানে ভীমরুলের জড়াজড়ি কামড়াকামড়ি শুরু হয়ে গেল। দু-এক মিনিটের মধ্যে প্রায় তিন-চারটা বোলতা সাংঘাতিকভাবে আহত হয়ে বাসা থেকেও পড়ে গেল। এর মধ্যে কোন ফাঁকে যেন ভীমরুল দুটো বাচ্চা মুখে করে উড়ে গেল। রাস্তার উপরে এসে দেখলাম, নীচে কয়েকটা বোলতা পড়ে ছটফট করছে। একটা বিকলাঙ্গ ভীমরুলও দেখতে পেলাম। পিঁপড়াদের মহোৎসব লেগে গেছে। তারা অনেকে মিলে বোলতার মৃতদেহ গর্তের দিকে বয়ে নিয়ে চলেছে। একটা অর্ধমৃত ভীমরুলকেও তারা আক্রমণ করেছে, কিন্তু তার সঙ্গে এঁটে উঠতে পারছে না। পিঁপড়েরা তার ঠ্যাং ধরে টেনে আনবার জন্তে প্রাণপণ চেষ্টা করছে, কিন্তু সে তাদের নিয়েই কাৎরাতে কাৎরাতে লাইন ছেড়ে দূরে চলে যাচ্ছে। এদিকে বোলতাদের অবস্থা দেখে বোধ হলো যেন তারা খুবই ভয় পেয়ে গেছে। কারণ এই দৃশ্য দেখতে রাস্তায় অনেক লোক জড়ো হয়েছিল। তাদের কেউ কেউ একটু এগিয়ে যেতেই বোলতাদের অনেকেই পিছু হটতে হটতে একেবারে বাসার পিছন দিকে গিয়ে নুকিয়ে রইলো। কিন্তু কিছুক্ষণ পরেই আবার পূর্ব স্থানে ফিরে আসতে লাগলো। যতই বেলা বাড়ছিল ভীমরুলের সংখ্যা যেন এই বৃদ্ধি পেতে লাগলো। একটার পর একটা তো আসছিলই, আবার মাঝে মাঝে এক সঙ্গে দু-তিনটা এসেও বোলতার বাচ্চাগুলি মুখে করে পালাচ্ছিল। এখন মারামারি বড় একটা দেখতে পাওয়া গেল না। খণ্ড যুদ্ধে দু-একটা বোলতা প্রাণ হারাচ্ছিল। ইতিমধ্যে কয়েকটা ছেলে ভীমরুলগুলিকে অন্তরঙ্গ করে তাদের বাসস্থান খুঁজে বের করেছে। সন্ধ্যার সময় তারা এসে বললে—প্রায় মাইল খানেক দূরে রাস্তা থেকে কিছু তফাতে একটা নাটা ঝোপের ভিতর ভীমরুল প্রকাণ্ড বাসা বেঁধেছে। সেখান থেকেই উড়ে এসে তারা বোলতার চাকের উপর একরূপ রাহাজানি করছে।

চতুর্থ দিন সকালে গিয়ে দেখলাম—বোলতার সংখ্যা খুবই কম। তারা

সকলে মিলে চাকটার মধ্যস্থলে জমায়েত হয়েছে। পূর্বেই বলেছি, মধ্যস্থলে সাদা টুপি-ঢাকা কতকগুলি গর্ত ছিল। তার আশেপাশের গর্তগুলির মুখ খোলা এবং টেলি-মাইক্রোস্কোপের সাহায্যে ভিতরের বাচ্চাগুলিকে পরিষ্কার দেখা যাচ্ছিল। কিন্তু বাসার দুতুর্দিকের গর্তগুলিকে সম্পূর্ণ খালি দেখা গেল। বোধ হয় ভীমরুলেরা ঐ সব গর্তের সবগুলি বাচ্চাই নিয়ে গিয়েছিল। আজও দেখলাম, ভীমরুলেরা পূর্বের মতোই আনাগোনা করছে। কেউ কেউ বাচ্চাগুলিকে নিয়ে যাচ্ছে। আবার কেউ কেউ খালি হাতেই ফিরে যাচ্ছে। লড়াই তখন এক প্রকার নেই বললেই চলে। ভীমরুল আসবার সঙ্গে সঙ্গেই সেই স্থানের বোলতাগুলি পিছু হটে গিয়ে বাসার পিছন দিকে লুকিয়ে থাকে, আবার চলে গেলেই তারা স্বস্থানে এসে জমায়েত হয়। এই সময়েও ভীমরুলের সম্মুখে পড়ে দু-একটা বোলতা মারা যাচ্ছিল। এবার খুব ভালভাবে লক্ষ করে দেখলাম অনাবৃত গর্তের বাচ্চাগুলি অনবরত কেবল মাথা ঘোরাচ্ছে। ব্যাপার কী বুঝতে না পেরে টেলি-মাইক্রোস্কোপ যন্ত্রটাকে আরও নিকটে এনে বসলাম। অনেকক্ষণ লক্ষ করবার পর বোঝা গেল বাচ্চাগুলিও বিপদের কথা ঝাঁচ করেই যেন মুখ ঘুরিয়ে ঘুরিয়ে স্ততা বের করে গর্তের মুখে ঢাকনা প্রস্তুত করছে। প্রায় ষটাত্তরানের মধ্যেই কয়েকটা গর্তের ঢাকনা গড়ে উঠতে দেখলাম। বাচ্চারা নিজেই মুখ থেকে স্ততা বের করে গর্তের ঢাকনা বন্ধ করে দেয়। পুত্তলীতে রূপান্তরিত হবার পূর্বেই এরা ঢাকনা বুনতে শুরু করে। এই ঢাকনা এত শক্ত যে হাতে টেনে ছেঁড়া যায় না। ভীমরুলেরা এতক্ষণ ঢাকনা কেটে পুত্তলী বের করে নেবার চেষ্টা করে নি, খোলামুখ গর্তের ছোট ছোট বাচ্চাগুলিকেই নিয়ে গেছে। এবার অল্প কিছু না পাওয়ায় তারা ঢাকনা ছিঁড়ে পুত্তলী বের করবার চেষ্টা করতে লাগলো। এই কাজে অনেক সময় লাগছিল। এই সুযোগে বোলতারা এসে আবার দলবদ্ধভাবে তাদের আক্রমণ করতে লাগলো। কিন্তু ভীমরুল একে বাচ্চার স্বাদ পেয়েছে তাতে অতি দুর্ধর্ষ কোপন স্বভাব; কিছুতেই হঠবার পাত্র নয়। মারামারিতে দু-একটা স্থানচ্যুত হলেও অস্ত্রেরা এসে সেই স্থান দখল করে টুপি কেটে পুত্তলী বের করে নিতে লাগলো। বোলতারার দলে দলে প্রাণ দিয়েও তাদের রক্ষা করতে পারলো না। পাঁচ-ছয় দিনের মধ্যেই ভীমরুলেরা বোলতাদের প্রায় সমস্ত বাচ্চা ও পুত্তলী ছিনিয়ে নিয়ে গেল। অবশিষ্ট বোলতারার ভীমরুল দেখলেই আর ভয়ে কাছে যেঁষতো না—বাসার পিছনে লুকিয়ে আত্মরক্ষা করতো। বাসায় যে দু-চারটা বাচ্চা তখনও অবশিষ্ট ছিল, কর্মী ও খাণ্ডের অভাবে তাদের মধ্যে আর এক নতুন

উপদ্রব আরম্ভ হলো। রক্ষণাবেক্ষণের অভাবে একপ্রকার ক্ষুদ্রে মাছি এসে তাদের আক্রমণ করে শরীরের রস চুষে খেতে লাগলো। এইরূপে প্রায় আট-নয় দিনের মধ্যেই অতবড় বোলতার বাসাটা প্রবল অত্যাচারীর কবলে পড়ে একেবারে ধ্বংস হয়ে গেল।

নেউল পোকাকার জন্ম-রহস্য

গবেষণাগার-সংলগ্ন উজানে একদিন লজ্জাবতী লতার সংকোচন সম্পর্কে একটা বিশেষ ঘটনা পর্যবেক্ষণ করছিলাম। বেলা তখন দ্বিপ্রহরের কাছাকাছি। উজানের পাশেই ছোট ছোট আয়্যাপানের গাছ সারবন্দিতাবে লাগানো হয়েছে। হঠাৎ নজরে পড়লো—প্রায় দেড় ইঞ্চি লম্বা ধূসর বর্ণের একটা শোঁয়াপোকা আমার পাশ দিয়ে অতি দ্রুতগতিতে ছুটে চলছে। অস্বাভাবিক গতিভঙ্গির জন্তে পোকাকার উপর নজর না দিয়ে উপায় ছিল না। কাছেই ছিল আয়্যাপানের ঝোপ। মনে হলো যেন বোদের প্রথর তাপ সঙ্কর করতে না পেয়ে সে আয়্যাপানের গাছগুলির দিকেই ছুটে যাচ্ছে। যাহোক, পোকাটা আমাকে অতিক্রম করে অগ্রসর হয়ে একটা আয়্যাপানের পাতার উপর উঠে পড়লো এবং দম নেবার জন্তেই যেন কিছুক্ষণ চূপ করে রইলো। তারপর আবার এ-পাতা ও-পাতার উপর অস্থিরভাবে ছুটাছুটি আরম্ভ করে দিল। ছুটাছুটি করলেও তার গতিবেগ যে ক্রমশ মন্দীভূত হয়ে আসছে—এটা পরিষ্কারভাবেই মনে হচ্ছিল। প্রায় দশ-বারো মিনিট ইতস্তত ছুটাছুটি করবার পর একটা পাতার উপর সে নির্জীবের মতো চূপ করে রইলো। চলবার সময় শোঁয়াপোকাকার শরীর অনেকটা প্রসারিত হয়ে থাকে, কিন্তু নিশ্চলভাবে অবস্থান করবার সময় যথেষ্ট সংকুচিত হয়ে পড়ে। এক্ষেত্রেও দেখা গেল—শোঁয়াপোকাকার শরীর ক্রমশই সংকুচিত হচ্ছে। আধ ঘণ্টাকাল এভাবে কাটবার পর কাঠি দিয়ে একটু নেড়ে দেখলাম—পোকাকার জীবনস্পন্দন রয়েছে বটে, কিন্তু তার আর নড়াচড়া করবার ক্ষমতা নেই। কিছুকাল পূর্বেই গতিবেগে জীবনী-শক্তির যে প্রাচুর্য লক্ষ করেছিলাম, অকস্মাৎ এমন কী ঘটলো, যাতে সে একেবারে নির্জীব হয়ে পড়লো? পুতুলীতে রূপান্তরিত হবার কিছুকাল পূর্বে এই জাতীয় শোঁয়াপোকা কিছুকাল নিষ্ক্রিয়ভাবে অবস্থান করে বটে, কিন্তু গুটি বাধবার জন্তে আবার সক্রিয় হয়ে ওঠে। তখন মুখ দিয়ে গায়ের শোঁয়াগুলিকে ছিঁড়ে ফেলে এবং মুখ-নিঃসৃত

আঠালো স্ততার সাহায্যে শরীরের চতুর্দিকে ডিম্বাকৃতি আবরণী গড়ে তোলে। এই আবরণীই হলো শোঁয়াপোকায় গুটি। যথেষ্ট সময় অতিবাহিত হলেও এক্ষেত্রে কিন্তু সেরূপ গুটি নির্মাণের কোনই লক্ষণ দেখা গেল না। তবে কি এটা খোলস পরিবর্তনের পূর্বাভাস? খোলস পরিবর্তনের প্রক্রিয়াটা চাক্ষুষ প্রত্যক্ষ করবার জন্তে কোতুল তীব্র হয়ে উঠলো। আরও কিছুক্ষণ অপেক্ষা করবার পর দেখা গেল—শোঁয়াপোকায় শরীরের চামড়া ভেদ করে তিন-চার মিলিমিটার লম্বা স্ততার মত সূক্ষ্ম একটি কীড়া, শোঁয়াগুলির উপরে উঠে এসে ঠিক জোঁকের মতো এদিক-ওদিক শুঁড় আন্দোলন করতে লাগলো। অল্প কিছুক্ষণের মধ্যেই আরও তিন-চারটা কীড়াকে একই ভাবে কিলবিল করে শোঁয়াগুলির উপরে উঠে আসতে দেখলাম। আট-দশ মিনিটের মধ্যেই আরও প্রায় বিশ-পঁচিশটা পোকা শরীরের নানা স্থান থেকে বেরিয়ে এলো। আশ্চর্যের বিষয় এই যে, একটি কীড়াও শোঁয়াপোকাটার দেহ থেকে বিচ্ছিন্ন হয়ে পড়েনি এবং প্রত্যেকটিই শোঁয়াগুলির উপরিভাগে অবস্থান করে শরীরের সূক্ষ্মাণু ভাগ উল্লম্ব দিকে প্রসারিত করে কেবলই চতুর্দিকে সঞ্চালন করছিল। মাছ, মাংস বা ময়লা পচে গেল যেসকল পোকা উৎপন্ন হয়, এই কীড়াগুলি দেখতে প্রায় সেরকম, কিন্তু আকারে অনেক ছোট। শোঁয়াপোকায় শরীর ভেদ করে বের হবার পর কীড়াগুলি শোঁয়া ঝাঁকড়ে অনবরত মস্তক আন্দোলন করছে কেন—তার কারণ বুঝতে না পেরে ব্যাপারটা লক্ষ করতে লাগলাম। সাত-আট মিনিটের মধ্যেই দেখা গেল প্রত্যেকটি কীড়ার শরীরের চতুর্দিকে যবের দানার চেয়ে ছোট ছোট সাদা ডিম্বাকৃতির আবরণী গড়ে উঠছে। বুঝতে বাকি রইল না যে, পোকাগুলি কোনও এক প্রকার পতঙ্গের বাচ্চা; পুতলীতে রূপান্তরিত হবার পূর্বে নিরাপদে অবস্থান করবার জন্ত গুটি বাঁধছে। প্রায় মিনিট দশেকের মধ্যেই ছোট ছোট শ্বেতবর্ণের গুটিতে শোঁয়াপোকায় শরীরটা প্রায় ঢেকে গেল। শোঁয়াপোকাটাকে নাড়াচাড়া দিয়ে দেখলাম জীবনের কোনও চিহ্নই নেই। গুটি থেকে ক্রিপণ পতঙ্গ বের হয়, দেখবার জন্তে গুটিসম্মত শোঁয়াপোকাটাকে একটা কাচের পাত্রে আবদ্ধ করে রাখলাম। দিন দশেক পরে দুপুরবেলায় একদিন দেখা গেল—গুটির এক পাশে ক্ষুদ্র ছিদ্র কেটে ক্ষুদ্র শিপড়ের মতো কালো রঙের এক প্রকার ডানাওয়ালা পতঙ্গ বেরিয়ে আসছে। সবগুলি গুটি থেকে পতঙ্গ বেরিয়ে আসতে প্রায় দু-দিন লেগে গেল। এই ক্ষুদ্রকায় ডানাওয়ালা পতঙ্গগুলি এক জাতীয় নেউলে-পোকা। এই ঘটনার পর অনেক দিনের চেষ্টায় এই জাতীয় নেউলে-পোকাকে শোঁয়াপোকায় গায়ে ছল ফুটিয়ে ভিন্ন পাড়তে

দেখেছিলাম। শোঁয়াপোকা যখন আহারে ব্যস্ত থাকে তখন নেউলে-পোকা অকস্মাৎ উড়ে এসে তার গায়ের উপর বসে এবং দেহের পশ্চাদ্দেশে অবস্থিত জলের মতো ডিম পাড়বার যন্ত্রটি তার দেহে প্রবেশ করিয়ে ডিম পেড়ে যায়। দেহে ডিম প্রবিষ্ট হবার দিন-কয়েক পর্যন্ত শোঁয়াপোকাটা কতকটা স্বাভাবিকভাবেই চলাফেরা করে থাকে; আসন্ন মৃত্যুর কথা সে মোটেই বুঝতে পারে না। পাঁচ-সাত দিন পর যখন পোকাগুলি শরীরের সারাংশ চুষে খেয়ে বাইরে আসবার চেষ্টা করে তখন শোঁয়াপোকা যন্ত্রণায় অস্থির হয়ে ছুটাছুটি আরম্ভ করে দেয়। এর পরই সব শেষ।

কলকাতার কোনও একটি বাড়ির প্রাঙ্গণে মাঝারিগোছের একটা শিউলি গাছের পাতায় দেড় ইঞ্চি লম্বা ধূসর বর্ণের একটা কঁকড়া-মাকড়সা থলির মতো বাসা নির্মাণ করে ডিম পেড়েছিল। কয়েক দিন ধরেই তার গতিবিধি পর্যবেক্ষণ করছিলাম। অধিকাংশ সময়ই মাকড়সাটা ডিম আগলে বসে থাকত, বাসা ছেড়ে বেশি দূরে যেত না। বেলা প্রায় চারটার সময় একদিন দেখা গেল মাকড়সাটা বাসার বাইরে পাতার এক প্রান্তে চুপ করে বসে আছে। কতক্ষণ এভাবে বসেছিল বলতে পারি না। কিছুক্ষণ বাদে ঘুরে এসে মাকড়সাটাকে সেই স্থানে একই ভাবে অবস্থান করতে দেখলাম। কিন্তু এবার একটা অদ্ভুত দৃশ্য নজরে পড়লো। অনেকটা কুমোরে-পোকার মতো দেখতে প্রায় এক ইঞ্চি লম্বা একটা সরু লিক্লিকে পোকা মাকড়সাটার মাথার উপর এদিক-ওদিক কয়েকবার উড়ে কিছুক্ষণের জন্তে অদৃশ্য হয়ে গেল। মাকড়সাটা বোধ হয় কোনও বিপদের আভাস পেয়েছিল। কারণ শেষ মুহূর্তে পোকাটা যখন তার কাছ ঘেঁষে চলে যায়, তখনই সে তড়িৎবেগে ছুটে গিয়ে তার বাসার মধ্যে আশ্রয় গ্রহণ করে। পাঁচ-সাত মিনিট নিঃশব্দে কাটবার পর পোকাটা হঠাৎ আবার কোথা থেকে উড়ে এসে মাকড়সার বাসাটার ঠিক উপরেই অবতরণ করলো। শরীরের পশ্চাদ্দেশ অদ্ভুত ভঙ্গিতে সঞ্চালন করতে করতে পোকাটা বাসার চতুর্দিকে ঘুরেফিরে দেখবার পর বাসার এক মুখ দিয়ে ভিতরে প্রবেশ করলো। বলা বাহুল্য যে, সব রকমের মাকড়সার শিকার ধরবার জন্তে জাল পাতে না। তাদের বাসায় প্রবেশের জন্তে অথবা বহির্গমনের জন্তে হুটি করে পথ থাকে। পোকাটা বাসার ভিতরে সম্পূর্ণরূপে প্রবেশ করতে না করতেই মাকড়সাটা অগ্র মুখ দিয়ে যেন ছিটকে বাইরে এসে পড়লো এবং আত্মগোপন করবার জন্যে পাতার তলার দিকে আশ্রয় গ্রহণ করলো। পোকাটাও তার পিছনে বাইরে এসে থেমে থেমে কতকটা কতকটা যেন নৃত্যের ভঙ্গিতে তাকে খুঁজতে লাগলো। পোকাটা

পাতার নীচের দিকে যাওয়ামাত্রই মাকড়সাটা যেন বিদ্যুৎস্পৃষ্টের মতো ছিটকে উপরে উঠে গেল। সঙ্গে সঙ্গেই পোকাটা এসে তার পিঠের উপর চেপে বসলো এবং দেহের পশ্চাভাগ ধনুকের মতো বাঁকিয়ে ক্ষুদ্র একটি ডিম পেড়ে সরে পড়লো। চক্ষের নিমেষেই এতগুলি কাণ্ড ঘটে গেল।

পোকাটা উড়ে যাবার পর মাকড়সাটা যেন কতকটা অভিভূতের মতো ধীরে ধীরে তার বাসায় প্রবেশ করলো। পরের দিন সকালে গিয়ে মাকড়সাটাকে দেখতে পাওয়া গেল না। বাসার ভিতরেই রয়েছে স্থির করে পাতাটাকে একটু নাড়া দিতেই মাকড়সাটা বাইরে এসে পাতার মধ্যস্থলে এক স্থানে চূপ করে বসে রইলো। দেখা গেল পিঠের উপরের গতকালের ক্ষুদ্র সাদা পদার্থটি এখন একটা সর্ষের দানার মতো বড় হয়েছে। ব্যাপারটা পরিষ্কার অস্বাভাবন করতে না পেয়ে অতি সন্তুর্পণে পাতাসমত মাকড়সাটিকে কাচের পাত্রে বন্দী করে পরীক্ষাগারে রেখে দিলাম। প্রায় ঘণ্টাখানেক বাদেই মনে হলো যেন সর্ষের মতো ক্ষুদ্র পদার্থ পূর্বাণেক্ষা অনেকটা বড় হয়ে উঠেছে। মাইক্রোস্কোপের পরীক্ষায় পরিষ্কার দেখা গেল—গোলাকার পদার্থটা আসলে গোলাকার নয়; লম্বাকৃতি একটি কীড়া বা লার্ভা মাত্র। শরীরটাকে বাঁকিয়ে দুই প্রান্ত এক স্থানে রেখেছে বলে গোলাকার বোধ হচ্ছিল। কীড়াটা মাকড়সার পিঠের চামড়া কামড়ে ধরে তার রস-রক্ত চুষে খাচ্ছে। বেলা আড়াইটার সময় কীড়াটা বেশ মোটা একটা মুড়ির আকার ধারণ করলো। অস্বস্ত এদের বাড়বার ক্ষমতা। মাকড়সাটার স্বাভাবিক উদরদেশ অনেকটা সংকুচিত হয়ে পড়েছে এবং তার শরীরে জড়তার লক্ষণ স্পষ্ট। আরও ঘণ্টাখানেক বাদে তার হৃৎস্পন্দন একরূপ থেমে এসেছে বলেই মনে হলো। এখন খালি চোখেই দেখা গেল কীড়াটা মাকড়সার উদরদেশ কুরে কুরে খেতে শুরু করেছে। আরও প্রায় আধ ঘণ্টা সময়ের মধ্যেই উদর থেকে মস্তক পর্যন্ত সর্বাংশ নিঃশেষে উদরসাৎ করে ফেললো। ঠ্যাংগুলি শরীর থেকে বিচ্ছিন্ন হয়ে পড়েছিল। মনে হয়েছিল সেগুলি হয়তো তার প্রয়োজনে লাগবে না, কিন্তু আশ্চর্যের বিষয়, দেখবার মতো কোনও ইচ্ছার অস্তিত্ব না থাকলে বোধ হয় গন্ধ বা স্পর্শের সাহায্যেই বুঝে নিয়ে একাদিক্রমে সব কয়টি ঠ্যাং-ই নিশ্চিহ্ন করে ফেললো। প্রায় ২৪ ঘণ্টার মধ্যে কীড়াটা তার শৈশব অতিক্রম করে কৈশোরের পুতলী রূপ ধারণ করবার আয়োজন করতে লাগলো। খাওয়া শেষ হবার পর কীড়াটা প্রায় আধ ঘণ্টাকাল চূপ করে রইলো। তার পরেই শূঁচালো মুখটি ঘুরিয়ে ঘুরিয়ে স্তম্ভ বুনতে লাগলো। পনেরো-বিশ মিনিটের মধ্যেই স্তম্ভ বুনো শরীরের চতুর্দিকে পাতলা একটা ডিম্বাকৃতির আবরণী গড়ে ভুললো। স্তম্ভ স্তম্ভ

আন্তর্যগের ভিতর দিয়ে তখনও পোকাটার কার্যপ্রণালী পরিষ্কার দৃষ্টিগোচর হচ্ছিল। ভিষ্কাকৃতি গুটির অভ্যন্তরে সে একবার এদিকে মুখ করে আবার বিপরীত দিকে ঘুরে স্ততার বেটনী দৃঢ়তর করে তুলছিল। সন্ধ্যার পূর্বেই তার গুটি বাঁধা শেষ হয়ে গেল। গুটির রং হলো এখন গাঢ় বাদামী। গুটির একপ্রান্ত কালো রঙের টুপির মতো পদার্থে আবৃত। আলোর দিকে ধরে দেখা গেল খোলের ভিতর পোকাটা লম্বাটে অবস্থায় নিশ্চেষ্টভাবে রয়েছে। ছয় দিনের মধ্যেই সে পুতলীর আকার ধারণ করলো এবং দিন পনেরো পরে গুটির কালো মুখটা কেটে ডানাসমত একটি পূর্ণাঙ্গ নেউলে-পোকা গুটি থেকে বেরিয়ে এলো।

জীবন্ত কীট-পতঙ্গের মধ্যে ডিম পেড়ে ভবিষ্যৎ বাচ্চাদের খাওয়াস্বাস্থ্যের সুব্যবস্থা করে রাখে, একরূপ অসংখ্য বিভিন্ন জাতীয় পোকা পৃথিবীর সর্বত্রই দেখা যায়। আমাদের দেশেও এ-জাতীয় বহু সংখ্যক রকমারি পোকা অহরহই নজরে পড়ে। এরা সাধারণত নেউলে-পোকা নামে পরিচিত। বিভিন্ন জাতীয় নেউলে-পোকার দৈহিক গঠন যেমন বিভিন্ন, দেহ-বর্ণও তেমনি বিভিন্ন। এক বা দুই মিলিমিটার থেকে দেড় ইঞ্চি, দুই ইঞ্চি পর্যন্ত লম্বা নেউলে-পোকা দেখা যায়। এফিডিয়াস নামক এক জাতীয় ক্ষুদ্রকায় নেউলে-পোকা অনায়াসে ছোট্ট একটি সূচের ছিদ্রের মধ্য দিয়ে গলে যেতে পারে। এই ক্ষুদ্রকায় নেউলে-পোকারা শস্তাদির অনিষ্টকারী এক জাতীয় সবুজ পোকার শরীরে ডিম পেড়ে থাকে। এই সবুজ পোকাগুলি চারাগাছের কচি পাতা খেয়ে জীবনধারণ করে। এফিডিয়াস পোকারা খুঁজে খুঁজে তাদের শরীরে একটি করে ডিম প্রবেশ করিয়ে দিয়ে যায়। যে-সব স্থানে সবুজ পোকা থাকবার সম্ভাবনা, সে-সব স্থানে ছুটি শুঁড় উচু করে এফিডিয়াস পোকাদের বেপরোয়াভাবে ঘোরাফেরা করতে দেখা যায়। বেপরোয়া বললাম এই জন্তে যে, যখন এরা সবুজ পোকার অঙ্গসন্ধানে ঘোরাঘুরি করে, তখন ম্যাগনিফাইয়িং গ্লাসের সাহায্যে এদের অতি নিকটে বসে কার্যপ্রণালী পরিদর্শন করলেও এরা কিছুমাত্র ভীত হয় না। পোকার দেখা পেলেই উভয় শুঁড়ের ঝাঁকানো অগ্রভাগের সাহায্যে স্পর্শ করে তার অস্তিত্ব সম্বন্ধে নিঃসন্দেহ হলেই উল্লাসে যেন অধীর হয়ে ওঠে। তখন শুঁড় দুটিকে অনবরত নাচাতে থাকে। সেই সময় পোকাটার অঙ্গভঙ্গি দেখে তার উল্লাস এবং উত্তেজনার ভাব পরিষ্কার বুঝতে পারা যায়। সবুজ পোকাটাকে তখন শুঁড় দিয়ে বারবার পরীক্ষা করে দেখতে থাকে এবং কিছুক্ষণের জন্তে থেমে তার পিছন দিকে উপস্থিত হয়। তারপর পিছনের পায়ের সাহায্যে সবুজ পোকার পিঠ আঁকড়ে ধরে এবং শরীরটাকে সম্মুখের দিকে কিঞ্চিৎ উচু করে দ্রুতগতিতে ডানা কাঁপাতে আরম্ভ করে। দু-এক

সেকেণ্ডের মধ্যেই শরীরের পশ্চাদ্দেশ ধনুকের আকারে বাঁকিয়ে পোকাটার পেটের দিকে হুল ফুটিয়ে দেয়। দু-তিন সেকেণ্ডের মধ্যেই ডিম পাড়া শেষ হয় এবং উড়ে গিয়ে অন্য একটা পোকাকে ধরে। এক্ষেপে ক্রমাগত কয়েকটা পোকার শরীরে এক-একটা করে ডিম প্রবেশ করিয়ে দেয়। সবুজ পোকারা সাধারণত অনেকগুলি একসঙ্গে অবস্থান করে। কাজেই একটা নেউলে-পোকার পক্ষে তিন-চার মিনিট সময়ের মধ্যে দশ-বারোটা পোকার শরীরে ডিম পাড়ায় কোনই অসুবিধা হয় না। ডিম শরীরে প্রবেশ করবার পর থেকেই সবুজ পোকা ক্রমশ নিষ্ক্রিয় হয়ে পড়তে থাকে। দু-এক দিনের মধ্যেই তার শরীরের রং বদলে বাদামী বা ক্রিম হলুদ বর্ণ ধারণ করে এবং শরীরটা ক্রমশ স্ফীত হয়ে ওঠে। ইতিমধ্যে দেহাভ্যন্তরে ডিম থেকে কীড়া বের হয়ে তার রস-রক্ত চুষে খেতে থাকে। দশ-বারো দিন পরে ডানাওয়ালা পূর্ণাঙ্গ পতঙ্গ শুষ্ক মৃতদেহের শক্ত বহিরাবরণীর মধ্যস্থলে ছিদ্র করে বেরিয়ে আসে। বিভিন্ন জাতীয় নেউলে-পোকার সাহায্যে প্রতিদিন এভাবে বিভিন্ন জাতীয় বহু সংখ্যক অনিষ্টকারী কীট-পতঙ্গ বিনষ্ট হয়ে থাকে। প্রাকৃতিক বিধানে এক্ষণ সমতা রক্ষিত না হলে কিরূপ গুরুতর অবস্থার উদ্ভব হতো, তা সহজেই অস্বপ্নেয়।

আমাদের দেশে যে সকল নেউলে-পোকা দেখা যায় তাদের জাতিগত পার্থক্য হিসাবে দৈহিক গঠন ও বর্ণ-বৈচিত্র্যের পার্থক্য থাকলেও প্রায় প্রত্যেকেরই শরীরের পশ্চাঙ্গাগে দেহের তুলনায় অসম্ভব লম্বা তিনটি স্তম্ভ স্তম্ভ তন্তুর মতো পদার্থ দেখা যায়। এগুলিকে সাধারণ তন্তুর মতোই মনে হয় বটে, কিন্তু মাইক্রোস্কোপে পরীক্ষা করলে দেখা যায় দুটি স্তম্ভের গায়ে করাতের মতো স্তম্ভ স্তম্ভ অসংখ্য দাঁত রয়েছে। এই স্তম্ভ দাঁতের সাহায্যেই তারা নিরীহ পোকার শরীরে ছিদ্র করে সঙ্গে সঙ্গে স্তম্ভাণ্ড ডিম-নলটি প্রবেশ করিয়ে ডিম পেড়ে দেয়। আক্রান্ত পোকাগুলির শরীরে এই তীক্ষ্ণ দাঁত-বিশিষ্ট অস্ত্রটি প্রবেশ করিয়ে দিতে তাকে কিছুমাত্র বেগ পেতে হয় না এবং মুহূর্তের মধ্যেই কার্য সমাধা করে সরে পড়ে। এদের নজরে পড়লে শোঁয়াপোকা বা অগ্ন্যাণ্ড পতঙ্গের কীড়াদের আর রক্ষা নেই। বিশেষ ভাবে এই বিপদ থেকে উদ্ধার পাবার জন্তে বিভিন্ন জাতীয় প্রজাপতি ও পতঙ্গের বাচ্চারা পারিপার্শ্বিক অবস্থার সঙ্গে দেহের রং বা আকৃতির সামঞ্জস্য বিধানের জন্তে অস্বপ্নেয় করবার ক্ষমতা আয়ত্ত করে নিয়েছে। আমাদের দেশীয় লেবু-প্রজাপতি, কপি-মথ, তুধলতা প্রজাপতির বাচ্চারা এ-বিষয়ে বিশেষ কৃতিত্ব অর্জন করেছে বলে বোধহয় অনেক ক্ষেত্রে নেউলে-পোকার হাত থেকে রক্ষা পেয়ে থাকে। কোনও কোনও শোঁয়াপোকা আবার অস্বপ্নেয় শক্তির

সাহায্য না নিয়ে ভয় দেখিয়ে বা শরীর থেকে বিষাক্ত পদার্থ নির্গত করে নেউলে-পোকাকার হাত থেকে আত্মরক্ষার ব্যবস্থা অবলম্বন করে থাকে।

এতদ্ব্যতীত আরও অনেক শ্রেণীর নেউলে-পোকা দেখা যায়, যারা কেবল ফল-ফুল, লতাপাতার গায়ে ছল ফুটিয়ে ডিম পেড়ে থাকে। এরাও দেখতে প্রায় উক্ত নেউলে-পোকাকার অল্পরূপ; কিন্তু কেবল উদ্ভিদ জাতীয় পদার্থের সঙ্গে সম্পর্কিত বলে সেগুলিকে করাতে-পোকা বলা হয়। বিভিন্ন জাতীয় ফলের বহিরাবরণে কোনও ক্ষতচিহ্ন না থাকা সত্ত্বেও তিতরে বহু পোকা দেখা যায়। এরা করাতে-পোকাকার ডিম থেকে উদ্ভূত পোকা। তাছাড়া লতা-পাতার কচি ডগায় গ্রন্থির মতো ক্ষীত, কারও পাতার গায়ে ফোঁকা অথবা গুটির মতো অদ্ভুত পদার্থ জন্মাতে দেখা যায়। এগুলি করাতে-পোকাকার কাণ্ড। লতাপাতার মধ্যে ডিম পাড়বার সময় এদের ডিম-নল থেকে এমন কোন পদার্থ নির্গত হয়, যার প্রভাবে পাতার গায়ে গুটি, ক্ষীতি অথবা কয়েক রকম উপাঙ্গ আত্মপ্রকাশ করে থাকে।

কুমোরে-পোকাকার সন্তানরক্ষার কৌশল

ঘরের দেয়ালে, পতিত জমি বা বৃক্ষকাণ্ডের উপর বোলতার মতো ইতস্তত পরিভ্রমণকারী বিভিন্ন রঙের পোকা অনেকেরই নজরে পড়ে থাকবে। চলিত কথায় এগুলিকে কুমোরে-পোকা বলা হয়। পৃথিবীর বিভিন্ন স্থানে বিভিন্ন জাতীয় কুমোরে-পোকাকার সংখ্যা কম নয়। এ-দেশীয় উজ্জল নীলাভ সবুজ আভাযুক্ত সোনালী রঙের পোকাগুলির প্রতিই অধিকতর দৃষ্টি আকৃষ্ট হয়ে থাকে। অবশ্য কালো, হলদে, খয়েরী অথবা বিবিধ বর্ণে চিত্রিত পোকাও যথেষ্ট দেখা যায়। যে সব কুমোরে-পোকা সচরাচর আমাদের নজরে পড়ে, তাদের অনেকেই ঘরের দেয়াল বা আনাচে-কানাচে নরম মাটির সাহায্যে বাসা তৈরি করে; কেউ কেউ আবার মাটিতে গর্ত খুঁড়ে ডিম পাড়ে। এই জন্তাই বোধ হয় এদের নাম হয়েছে কুমোরে-পোকা। কিন্তু কয়েক জাতীয় কুমোরে-পোকা গাছের গুঁড়িতে ছিদ্র করে বাসা নির্মাণ করে, কোনও কোনও কুমোরে-পোকা আবার ফাঁপা বাঁশ বা নলখাগড়ার মধ্যেও বাসা বাঁধে। কয়েক জাতীয় পোকা মোটেই বাসা তৈরি করে না। বসবাস করবার জন্যে এদের বাসা বাঁধবার প্রয়োজন হয় না; ডিম ও বাচ্চাদের জন্যেই এদের বাসার প্রয়োজন। ভবিষ্যৎ সন্তানদের জন্যেও যারা বাসা নির্মাণ করে না, তারা বাচ্চাদের আহারোপযোগী জীবন্ত প্রাণীর শরীরের

অভ্যন্তরে অথবা বহির্দেশে ডিম পেড়ে যায়। অনেকে আবার কচি ফুল বা মুকুলের গায়ে জল ফুটিয়ে ডিম পেড়ে রাখে। ডিম ফুটে বের হলেই যথেষ্ট সক্ষিত খাদ্য উদরস্থ করে তারা। দ্রুতগতিতে বেড়ে ওঠে এবং প্রাণীর দেহ ভেদ করে অথবা মুকুলে ছিদ্র করে বেরিয়ে আসে।

বোলতা, ভীমরুল, প্রভৃতি পতঙ্গের সঙ্গে অনেকাংশে দৈহিক সাদৃশ্য পরিলক্ষিত হলেও কুমোরে-পোকায় জীবনযাত্রা-প্রণালী সম্পূর্ণ স্বতন্ত্র। বোলতা, ভীমরুল, মৌমাছির সর্বদাই সমাজবদ্ধভাবে বাস করে; কিন্তু কুমোরে-পোকা সর্বদাই একাকী বাস করতে অভ্যস্ত; কখনও দলবদ্ধভাবে বাস করে না। বোলতা, মৌমাছি প্রভৃতি প্রাণীরা দিবাসনে নিজ নিজ বাসায়ই প্রত্যাবর্তন করে বিশ্রাম করে; কিন্তু বিশ্রাম করবার জন্তে কুমোরে-পোকায় কোনও নির্দিষ্ট বাসস্থান নেই। পাতার আড়ালে, গাছের ডালে বা ঘাসের ঝোপে আত্মগোপন করে এরা রাত কাটিয়ে দেয়। অনেকে আবার ঘাসের ডাঁটা কামড়ে ধরে শরীরটাকে পাশাপাশি প্রসারিত করে নিদ্রা যায়। সমাজবদ্ধ হয়ে বাস করে বলে মৌমাছি, ভীমরুল প্রভৃতি স্ত্রী-পতঙ্গেরা ডিম পেয়েই খালাস, বাকি সব কাজের ভার শ্রমিকদের উপর।

বাচ্চাদের পরিণতি লাভ করবার বয়স পর্যন্ত কর্মী বা শ্রমিকেরাই তাদের তদারক করে থাকে। কিন্তু কুমোরে-পোকায় সামাজিক প্রাণী নয় বলে তাদের মধ্যে কর্মী বা শ্রমিক জাতীয় কোনও প্রাণীর অস্তিত্ব নেই। কাজে কাজেই স্ত্রী কুমোরে-পোকাকে নিজে নিজেই সন্তানরক্ষার ব্যবস্থা করতে হয়। এরা সন্তানরক্ষার ব্যবস্থা করে বটে, কিন্তু সেগুলিকে মৌমাছি বা বোলতার শিশুর মতো প্রতিপালন করে না; বোলতা বা মৌমাছির যেন বাচ্চাগুলিকে আহাৰ্য্য দ্রব্য মুখে ভুলে খাইয়ে দেয় এবং সর্বদা পরিষ্কার-পরিচ্ছন্ন করে রাখে, কুমোরে-পোকায় বাচ্চাদের সে-সব কাজ নিজেদেরই করতে হয়। ডিম ফুটে বের হবার পর থেকেই আহাৰ্য্যাদি কার্যে বাচ্চাগুলি স্বভাবতই অত্যন্ত দক্ষতার পরিচয় দিচ্ছে থাকে। অবস্থার চাপে পড়েই হয়তো অতি শৈশব কাল থেকেই তাদের সর্ববিষয়ে আত্মনির্ভরশীল হয়েই গড়ে উঠতে হয়েছে।

বোলতার মৌমাছির বাচ্চা কীট-পতঙ্গের পিছু পিছু তাদের আক্রমণ করে থাকে এবং তৎক্ষণাৎ শিকারের দেহ ছিন্নভিন্ন করে অধিকাংশই উদরসংগ্রহ করে ফেলে। সময় সময় শিকারের অবশিষ্টাংশ বাসায় বয়ে নিয়ে যায়। ভীমরুলেরাও ক্ষুদ্র ক্ষুদ্র কীট-পতঙ্গ শিকার করে এক পায়ের সাহায্যে গাছের ডালে ঝুলে তৎক্ষণাৎ তাদের উদরস্থ করে। কিন্তু কুমোরে-পোকা নানা জাতীয় বাংলার কীট—৬

পোকামাকড় শিকার করলেও ঐ শিকার উদরস্থ করে না। ফুলের রন্ধু ও শর্করা-জাতীয় শক্ত পদার্থই তাদের কুরে কুরে খেতে দেখেছি। অবশ্য বোলতা, ভীমরুল, মৌমাছির। সকলেই শর্করা জাতীয় পদার্থ পরম উপাদেয় বোধে চেষ্টা খায়। ডিম পাড়বার সময় হলেই কুমোরে-পোকা নানা জাতীয় পোকামাকড় শিকার করবার জন্যে ইতস্তত ঘোরাঘুরি করতে থাকে এবং শিকার পেলেই বাচ্চাদের জন্যে গর্তের মধ্যে সন্ধ্য করে রাখে।

আমাদের দেশে ঘরের আনাচে-কানাচে বা দেওয়ালের গায়ে লম্বাটে ধরনের এবড়ো-খেবড়ো এক-একটা শুকনো মাটির ডেলা লেগে থাকতে দেখা যায়। সেগুলি এক প্রকার কালো রঙের লিকলিকে কুমোরে-পোকায় বাসা। এই পোকাগুলির গায়ের রং আগাগোড়া মিশ্র-মিশ্র কালো। কেবল শরীরের মধ্য-স্থলের বোঁটার মতো সুরু অংশটি হলদে। ডিম পাড়বার সময় হলেই এরা বাসা তৈরি করবার জন্তে উপযুক্ত স্থান খুঁজতে বের হয়। দুই-চার দিন ঘুরে-ফিরে মনোমত কোনও স্থান দেখতে পেলেই তার আশপাশে বারবার ঘুরে বিশেষ ভাবে পরীক্ষা করে দেখে। তারপর খানিক দূর উড়ে গিয়ে আবার ফিরে আসে এবং স্থানটাকে পুনঃপুনঃ দেখে নেয়। দু-তিন বার একরূপভাবে এদিক-ওদিক উড়ে অবশেষে কাদামাটির সন্ধানে বের হয়। যতটা সম্ভব নিকটবর্তী স্থানে কাদামাটি সন্ধান করতে সময় সময় দু-একদিন চলে যায়। কাদামাটির সন্ধান পেলেই বাসা নির্মাণের জন্তে সেই স্থান থেকে নির্বাচিত স্থানে যাতায়াত করে রাস্তা চিনে নেয়। সাধারণত আশেপাশে চঞ্জিশ-পঞ্চাশ গজ ব্যবধান থেকে মাটি সংগ্রহ করে থাকে। কিন্তু অত কাছাকাছি বাসা নির্মাণের উপযোগী মাটি না পেলে সময় সময় দেড়-দুশ গজ দূর থেকেও মাটি সংগ্রহ করে থাকে। কাছাকাছি কোনও স্থান থেকে মাটি সংগ্রহ করে বাসার একটা কুঠুরি নির্মাণ প্রায় শেষ করে এনেছে, এমন সময় সেই স্থানে কাদামাটি চাপা দিয়ে বা বাসাটা সরিয়ে ফেলে দেখেছি—সংস্কারবশেই হোক আর বুদ্ধি করেই হোক, কুমোরে-পোকাটা বাসার সন্ধান না পেয়ে কোনও একটা জলাশয়ের পাড়ে উড়ে গিয়ে সেখান থেকে ভিজা মাটি সংগ্রহ করে পূর্বের জায়গায় নতুন করে বাসা তৈরি শুরু করেছে। যত বারই একরূপ করেছি, ততবারই দেখেছি—পুকুর বা নালা, ডোবা যত দূরেই থাকুক না কেন, সেখান থেকেই ভিজা মাটি এনে বাসা তৈরি করেছে। এইসব অস্ববিধার জন্তে অবশ্য বাসা নির্মাণে যথেষ্ট বিলম্ব ঘটে। একটি কুঠুরি তৈরি হয়ে গেলেই তার মধ্যে উপযুক্ত পরিমাণ খাদ্য, অর্থাৎ পোকামাকড় ভর্তি করে তাতে একটি মাত্র ডিম পেড়ে মুখ বন্ধ করে তারই গা ঘেঁষে নতুন কুঠুরি নির্মাণ শুরু করে। কাজেই এ থেকে মনে হয় যে,

কুমোরে-পোকা ইচ্ছামত ডিম পাড়বার সময় নিয়ন্ত্রণ করতে পারে।

বাসা নির্মাণের জন্তে মাটি সংগ্রহ করবার সময় উড়ে গিয়ে ভিজা মাটির উপর বসে এবং লেজ নাচাতে নাচাতে এদিক-ওদিক ঘুরেফিরে দেখে। উপযুক্ত মনে হলেই সেখান থেকে ভিজা মাটি তুলে নিয়ে চোয়ালের সাহায্যে খুব ছোট্ট এক ডেলা মাটি মটরদানার মতো গোল করে মুখে করে উড়ে যায়। মাটি কুরে তোলবার সময় অতি তীক্ষ্ণ স্বরে একটানা গুন্‌গুন্‌ শব্দ করতে থাকে। মুখ দিয়ে চেপে চেপে মাটির ডেলাটিকে দেয়ালের গায়ে অর্ধ-চক্রাকারে বসিয়ে দেয়। মাটির ডেলাটিকে লম্বা করে চেপে বসাবার সময়ও তীক্ষ্ণ স্বরে একটানা গুন্‌গুন্‌ শব্দ করতে থাকে। কোন অবস্থানে বাসা বাঁধবার সময়ও এই গুন্‌গুন্‌ শব্দ শুনেই বুঝতে পারা যায়, কুমোরে-পোকা বাসা বাঁধছে। পুকুর ধারে কাদামাটির উপর মাছির মতো একপ্রকার ক্ষুদ্র ক্ষুদ্র পোকা ঘুরে ঘুরে আহার সংগ্রহ করে। এক্রপ স্থলে মাটি তোলবার সময় এক্রপ কোনও পোকা তার কাছে এসে পড়লে মাটি তোলা বন্ধ রেখে তাকে ছুটে গিয়ে তাড়া করে। যাহোক, বারবার এক্রপ এক-এক ডেলা মাটি এনে ভিতরের দিকে ফাঁকা রেখে ক্রমশ উপরের দিকে বাসা গঠে তুলতে থাকে। প্রায় সপ্তায়া ইঞ্চি লম্বা হলেই গাঁথুনি স্ফুট করে। এক্রপ একটি কুঠুরি তৈরি করতে প্রায় দু-দিন সময় লেগে যায়। ইতিমধ্যে মাটি শুকিয়ে বাসা শক্ত হয়ে যায়। কুমোরে-পোকা তখন কুঠুরির ভিতরে প্রবেশ করে মুখ থেকে একপ্রকার লাল নিঃসৃত করে তার সাহায্যে কুঠুরির ভিতরের দেয়ালে প্রলেপ মাখিয়ে দেয়। প্রলেপ দেওয়া শেষ হলে শিকারের অন্বেষণে বের হয়। আমাদের দেশে বিভিন্ন জাতীয় ক্ষুদ্র ক্ষুদ্র মাকড়সার অভাব নেই; তারা জাল বোনে না, ঘুরে ঘুরে শিকার ধরে। এই কুমোরে-পোকারা বেছে বেছে এক্রপ ভ্রমণকারী মাকড়সা শিকার করে থাকে। কোনও রকমে মাকড়সা একবার চোখে পড়লেই হলো, ছুটে গিয়ে তার ঘাড় কামড়ে ধরে। কিন্তু কামড়ে ধরলেও একেবারে মেরে ফেলে না। শরীরে হল ফুটিয়ে এক রকম বিষ ঢেলে দেয়। একবার হল ফুটিয়ে নিরস্ত হয় না। কোনও কোনও মাকড়সাকে পাঁচ-সাত বার পর্যন্ত হল ফুটিয়ে থাকে। এর ফলে মাকড়সাটার মৃত্যু হয় না বটে, কিন্তু একেবারে অসাড়ভাবে পড়ে থাকে। তখন কুমোড়ে-পোকা অসাড় মাকড়সাকে মুখে করে নব-নির্মিত কুঠুরির মধ্যে উপস্থিত হয়। কুঠুরির নিম্নদেশে মাকড়সাটাকে চিৎ করে রেখে তার উদর দেশের এক পাশে লম্বাটে ধরনের একটি ডিম পাড়ে। ডিম পেড়েই আবার নতুন শিকারের সন্ধানে বের হয়। সারাদিন অক্লান্ত পরিশ্রম করে দশ-পনেরোটা মাকড়সা সংগ্রহ করে সেই কুঠুরির মধ্যে জমা করে আবার

দু-তিন ডেলা মাটি এনে কুঠুরির মুখ সম্পূর্ণরূপে বন্ধ করে দেয়। তারপর দু-এক দিনের মধ্যেই পূর্বোক্ত কুঠুরির গায়েই আর একটি কুঠুরি নির্মাণ শুরু করে। সেই কুঠুরিটিও মাকড়সা পূর্ণ করে তাতে ডিম পেড়ে মুখ বন্ধ করবার পর তৃতীয় কুঠুরি নির্মাণ করতে আরম্ভ করে। একপে এক একটি বাসার মধ্যে চার-পাঁচটি কুঠুরি নির্মিত হয়। ডিম পাড়া সম্পূর্ণ হয়ে গেলে সে তার ইচ্ছামত যে কোনও স্থানে চলে যায়, বাসার আর কোনও খোজ-খবরই নেয় না। বাচ্চাদের জন্তে খাদ্য সঞ্চিত রেখেই সে থালাস।

দু-এক দিনের মধ্যেই ডিম ফুটে বাচ্চা বের হয়। বাচ্চা সরু লম্বাটে হাত-পা শুল্ল পোকা মাত্র। ডিম থেকে বের হবার পর থেকেই বাচ্চাটি মাকড়সার দেহ খেতে আরম্ভ করে। একটি খাওয়া শেষ হলেই আর একটিকে খেতে আরম্ভ করে। দিন-রাত তার খাওয়া ছাড়া আর কোনও কাজ নেই। খেতে খেতে প্রায় সাত-আট দিনের মধ্যেই সবগুলি মাকড়সাকে নিঃশেষ করে ফেলে এবং সঙ্গে সঙ্গে শরীরও যথেষ্ট বেড়ে উঠতে থাকে; কিন্তু আকৃতি বিশেষভাবে পরিবর্তিত হয় না। ডিম পাড়বার পাঁচ-ছয় দিন পরে কুমোরে-পোকার বাসা ভেঙে দেখেছি— বাচ্চাগুলি বেশ বড় হয়েছে, মাকড়সাগুলি তখন সম্পূর্ণ নিঃশেষিত হয়নি, কিন্তু এত দিন পরেও সবগুলি মাকড়সাই জীবিত ছিল, যদিও সম্পূর্ণরূপে অসাড়। একটু জোরে হুড়হুড়ি দিলেই হাত-পা নেড়ে সাড়া দিত। মেরে ফেললে নিশ্চয়ই এতদিনে পচে নষ্ট হয়ে যেত। বাচ্চাগুলি যাতে রোজ টাটকা খাদ্য পায় তার জন্তেই কুমোরে-পোকা শিকারগুলিকে অসাড় করে রাখবার কৌশল আয়ত্ত করে নিয়েছে।

এক-একটি কুঠুরির মাকড়সাগুলি সম্পূর্ণরূপে নিঃশেষিত হলেই বাচ্চাগুলি কয়েক ঘণ্টা চুপ করে অবস্থান করে। তারপর মুখ ঘুরিয়ে ঘুরিয়ে শরীরের চতুর্দিকে এক প্রকার সূক্ষ্ম সূতার জাল বুনতে থাকে। প্রায় দুদিনের চেষ্টায় শরীরের চতুর্দিকে খোলসের মতো এক প্রকার আবরণ গড়ে ওঠে। বাচ্চাটি সেই আবরণের মধ্যে নিশ্চেষ্টভাবে অবস্থান করে। এই সময় বাচ্চা ধীরে ধীরে পূর্ণাঙ্গ পুতুলীর রূপ ধারণ করে। কিছুদিন পরে অঙ্গ-প্রত্যঙ্গ পরিপুষ্ট হলে মাটির আবরণ ছিঁড় করে বের হয়ে যায়।

মাকড়সা-শিকারী কুমোরে-পোকাদের আরও একটি বিশেষত্ব এই যে বিভিন্ন জাতীয় পোকা বিভিন্ন জাতীয় অথবা এক গোষ্ঠীভুক্ত বিভিন্ন শ্রেণীর মাকড়সাই সংগ্রহ করে থাকে। প্রত্যেকের বাসার মধ্যে একই শ্রেণীর মাকড়সা দেখতে পাওয়া যায়। খুব ক্ষুদ্র কয়েক জাতীয় কুমোরে-পোকা কেবল পিঁপড়ে-মাকড়সাই

বান্দাদের জন্তে সংগ্রহ করে রাখে। কেউ কেউ আবার বিভিন্ন জাতীয় জাল-বোনা মাকড়সাকে জাল থেকে ধরে নিয়ে আসে। কুমোরে-পোকাকে জাল-বোনা মাকড়সা শিকার করতে যেকোন কৌশল ও দৃঢ়তার পরিচয় দিতে দেখেছি, তা সত্য-সত্যই বিস্ময়কর। এক প্রকার কুঁজো মাকড়সা তাঁবুর মতো বাসা নির্মাণ করে এবং তারা এক সঙ্গে বহু তাঁবু খাটিয়ে দলে দলে বাস করে থাকে। তাঁবুর জালের বুনানি সাধারণ মাকড়সার জালের মতো নয়। এটা ঠিক সূক্ষ্ম ছিদ্র বিশিষ্ট তারের জালের মতো। জালগুলি কাপড়ের মতো টানা-পোড়েনো বোনা—নীচে এক থাক বা দু-থাক চাঁদোয়া বিস্তৃত। মধ্যস্থলে মাকড়সা মালার আকারে ডিম পেড়ে অতি সুরক্ষিত অবস্থায় চূপ করে বসে থাকে। বাস্তবিকই অগ্ন্যন্ত জাল বোনা মাকড়সারা যেকোন অরক্ষিতভাবে জালে বাস করে, এদের অবস্থানক্ষেত্র মোটেই সঙ্কুচিত নয়। ছোট ছোট শত্রুর পক্ষে সেটা একরূপ হৃর্ভেদ্য ভূগবিশেষ। চতুর্দিকে বহু বাসা একত্র থাকায় এদের প্রবেশ পথ শত্রুর পক্ষে অগম্য হয়ে ওঠে। কিন্তু শূচের মতো সব প্রায় আধ ইঞ্চি লম্বা এক প্রকার নীল রঙের কুমোরে-পোকা অনেক ঘুরে ফিরে বিভিন্ন ফাঁক-ফন্দিতে সেই বাসার মধ্যে ঢুকে মাকড়সাকে আক্রমণ করে। ঘুরে-ফিরে বললাম এই জন্তে যে, জাল ছিঁড়ে সোজাসুজি মাকড়সাকে ধরবার চেষ্টা করলেই কুমোরে-পোকাকার বিপদ অবশ্যজ্ঞাবী, কারণ জালের আঠায় তাকে জড়িয়ে পড়তেই হবে। কাজেই তাকে ঘুরে-ফিরে প্রশস্ত ফাঁক দিয়ে ভিতরে প্রবেশ করতে হয়। মাকড়সা এই জাতীয় কুমোরে-পোকা অপেক্ষা আকারে বড় হলেও শত্রুর ভয়ে কম্পিত কলেবরে ছুটাছুটি করে এক বাসা থেকে আর এক বাসায় বা একই বাসার ভিতরে বা বাইরে আত্মগোপন করবার চেষ্টা করে, কিন্তু তার সব চেষ্টাই ব্যর্থ হয়। কুমোরে-পোকা চিং হয়ে, কাৎ হয়ে, কখনও উড়ে গিয়ে কখনও বা ছুটাছুটি করে যেন মরিয়া হয়েই শিকার আক্রমণ করে। একটি মাকড়সার পিছনে কুমোরে-পোকা লাগতে দেখা মাত্রই একসঙ্গে সংলগ্ন সকল বাসার মাকড়সারা বাসস্থান পরিত্যাগ করে কোনও নিশ্চিত স্থানে এমনভাবে আত্মগোপন করে থাকে যে, শত চেষ্টা করেও তাদের খুঁজে বের করা যায় না।

আর এক জাতীয় মাঝারি আকৃতির কুমোরে-পোকা দেখা যায়। তারা ডিম পাড়বার জন্যে কখনও বাসা নির্মাণ করে না। তারা বড় বড় এক জাতীয় কাঁকড়া-মাকড়সার গায়ে ডিম পেড়ে যায়। এই মাকড়সারা পাতা মুড়ে বাসা নির্মাণ করে অধিকাংশ সময়েই তার মধ্যে অবস্থান করে। কুমোরে-পোকা ডিম পাড়বার সময় উপস্থিত হলেই সেগুলিকে বাসার মধ্যে থেকে খুঁজে বের করে। এই মাকড়সাদের বাসায় ঢুটি করে দরজা থাকে। কুমোরে-পোকাকে এক দরজা

দিয়ে প্রবেশ করতে দেখলেই মাকড়সা অন্য দরজা দিয়ে বাইরে লাফিয়ে পড়ে প্রাণভয়ে ছুটতে থাকে। কিন্তু কিছুতেই শত্রুর হাত থেকে নিস্তার পায় না। পিছু তাড়া করে কুমোরে-পোকা তাকে ধরে ফেলে এবং কোনরূপ আহত না করে তার পেটের একপাশে একটি ডিম পেড়ে যায়। ডিমটি তার গায়ে আঠার মতো লেগে থাকে। ডিম পাড়বার পরক্ষণেই একরূপ একটা মাকড়সাকে ধরে বড় কাচপাত্রে রেখে দেখেছিলাম। প্রথম দিন অপরাহ্নের দিকে ডিম পেড়েছিল। দ্বিতীয় দিন সকালবেলায় দেখলাম ডিমটা যেন অনেক বড় হয়ে উঠেছে, কিন্তু একই জায়গায় লেগে রয়েছে। প্রায় এগারোটার সময় দেখলাম বেশ পরিষ্কার বাচ্চার আকার ধারণ করেছে এবং মাকড়সার রস শুষে নেবার প্রক্রিয়াটাও স্পষ্ট দৃষ্টিগোচর হলো। তার শরীরের বৃদ্ধি যেন ক্রমশই দ্রুততর হয়ে উঠছিল।

মাকড়সাটা প্রত্যক্ষ পর্যন্ত বেশ স্বাভাবিকভাবেই নড়াচড়া করছিল। কিন্তু প্রায় একটার সময় দেখলাম, বাচ্চাটা অনেক মোটা ও বড় হয়ে উঠেছে এবং মাকড়সার পেটটা যেন অনেকটা চূপসে গেছে। মাকড়সাটা তখন একস্থানে চূপ করে দাঁড়িয়েছিল। বেশী নড়াচড়ার ক্ষমতা নেই। বেলা ছটার পর থেকেই বাচ্চাটা যেন ভীষণ মূর্তি ধারণ করে পেটটাকে কুরে খেয়ে ঠ্যাংগুলিকে একটি একটি করে নিঃশেষ করতে লাগলো। প্রায় ঘণ্টা দেড়েকের মধ্যেই এত বড় একটা মাকড়সাকে নিশ্চিহ্ন করে ফেললো। খাওয়া শেষ হলে বাচ্চাটা প্রায় ঘণ্টা-দুই বিশ্রামের পর মুখ ঘুরিয়ে ঘুরিয়ে শরীরের চতুর্দিকে স্নাত্ত বুনতে লাগলো। আড়াই ঘণ্টার পর শরীরের চতুর্দিকে একটা পাতলা স্বচ্ছ আবরণ গঠিত হলো। তার পরদিন দেখি, আবরণ আরও কঠিন, অস্বচ্ছ ও কালচে বাদামী রং ধারণ করেছে। প্রায় একমাস পরে পূর্ণাঙ্গ কুমোরে-পোকা গুটি কেটে বাইরে বেরিয়ে এলো।

পরিতাক্ত বেলমাটির জমির উপর একটু নজর রাখলেই দেখতে পাওয়া যাবে, নানা জাতীয় উজ্জ্বল নীল, সোনালী বা হলদে রঙের বড় বড় কুমোরে-পোকা গর্ত খুঁড়তে ব্যস্ত রয়েছে। এদের অনেকেই এক ইঞ্চি থেকে প্রায় দেড় ইঞ্চি লম্বা হয়ে থাকে। মাটির নীচে তির্যকভাবে ৬/৭ ইঞ্চি গর্ত খুঁড়ে নিম্ন প্রান্ত অপেক্ষাকৃত চওড়া করে বাড়ির মতো তৈরি করে। এরাও ডিম পাড়বার সময় হলেই গর্ত খুঁড়তে আরম্ভ করে। গর্ত খোঁড়বার সময় প্রথমত পা দিয়ে মাটি দূরে ছড়িয়ে ফেলে। গর্ত যতই নীচে নামতে থাকে, শরীরের অধিকাংশ নীচে ঢুকে যাবার ফলে আর পা দিয়ে মাটি ছড়াতে পারে না। তখন সে মুখে করে মাটি ভুলে এনে দূরে গিয়ে ফেলতে থাকে। এভাবে গর্ত নির্মাণ শেষ হলে

সে শিকারের সন্ধানে বের হয়। নীল রঙের বড় বড় কুমোরে-পোকারা উইচিংড়ি শিকার করে থাকে। কেউ কেউ পঙ্গপাল অথবা বড় বড় কয়াল ফড়িংও শিকার করে। উইচিংড়ি শিকার করবার জন্যে এরা তাদের গর্ত খুঁজে বেড়াতে থাকে। কয়েক জাতীয় বড় বড় উইচিংড়ি মাটির নীচে দু-মুখো গর্ত করে বাস করে। এরা কিছুতেই আলোতে আসতে চায় না। দিনের বেলায় চূপ করে থাকে—সন্ধ্যার অন্ধকার ঘনিয়ে এলেই সকলে মিলে অতি তীক্ষ্ণ স্বরে একটানা ঝিনঝিনু শব্দ করতে থাকে। দিনের বেলায়ও সময় সময় একটা শব্দ করে থাকে। দিনের বেলায় একটু নিস্তব্ধ অবস্থা বুঝতে পারলেই লম্বা লম্বা শুঁড় হটাকে গর্তের মুখে একটুখানি বের করে ধীরে ধীরে আন্দোলন করতে থাকে। কুমোরে-পোকারা ঘুরতে ঘুরতে এই শুঁড়ের আন্দোলন দেখেই তাদের গর্তের মধ্যে ঢুকে পড়ে। কিন্তু গর্তের মধ্যে তাদের ধরা খুবই শক্ত ব্যাপার। কুমোরে-পোকা গর্তে ঢোকাবামাত্রই উইচিংড়ি অপর মুখ দিয়ে লাফিয়ে বাইরে পালিয়ে যায়। এরা এক এক লাফে প্রায় দু-তিন হাত জায়গা অতিক্রম করতে পারে। কিন্তু এত দ্রুতগতিতে লাফিয়েও তারা কুমোরে-পোকার হাত থেকে নিষ্কৃতি পায় না। কুমোরে-পোকা তৎপরতার সঙ্গে উড়তে উড়তে তাকে অহুসরণ করে স্ফোং পেলই ঘাড়ে কামড়ে ধরে ছল ফোটারায় চেষ্টা করে। কিন্তু সহজে উইচিংড়িকে এঁটে উঠতে পারে না। অনেকক্ষণ ধস্তাধস্তির পর উইচিংড়ি কিছুটা নিস্তেজ হয়ে পড়লে তার শরীরের নিম্নাংশে ও ঘাড়ের কাছে কয়েকবার ছল ফুটিয়ে দিলেই সে একেবারে অসাড় হয়ে পড়ে। তখন কুমোরে-পোকা শিকারটাকে সেখানে রেখে বোধ হয় রাস্তা ঠিক করে নেয়। তারপর অসাড় উইচিংড়িটাকে চিং করে গলার কাছে কামড়ে ধরে উড়ে যেতে চেষ্টা করে, কিন্তু অত ভারী শিকারসহ একটানা উড়ে যেতে পারে না। খানিক দূর উড়ে আবার মাটিতে অবতরণ করে এবং একইভাবে ধরে পোকাটাকে মাটি বা ঘাসের উপর দিয়ে নিয়ে যেতে থাকে। আবার খানিক দূর উড়ে যায়। এক্রপভাবে শিকারকে গর্তের কাছে এনে মাটিতে ফেলে রেখে একটু এদিক-ওদিক দেখে গর্তের মধ্যে ঢুকে পড়ে। অলক্ষণ পরেই বের হয়ে এসে শিকারটাকে পূর্ববৎ কামড়ে ধরে গর্তের মধ্যে নিয়ে যায়। যদি এভাবে গর্তের মধ্যে ঢুকতে না পারে, তবে শিকারের শুঁড় ধরে গর্তে টেনে নামায়। শিকারটাকে গর্তের প্রশস্ত স্থানে রেখে তার পেটের দিকে একটা ডিম পেড়ে প্রায় দশ-বারো মিনিট পরেই বাইরে চলে আসে। বাইরে এসে চতুর্দিক পর্যবেক্ষণ করবার পর পায়ের সাহায্যে আলগা মাটিগুলিকে গর্তের ভিতর ফেলে মুখ বন্ধ

করে চলে যায়। শিকার আকারে ছোট হলে সময় সময় দুটি উইচিংড়িও একই গর্তে রেখে দিতে দেখা যায়। উইচিংড়ির দেহ সম্পূর্ণরূপে খেয়ে ফেলবার পর বাচ্চা গুটি বাঁধে এবং প্রায় মাসাধিক কাল পরে পূর্ণাঙ্গ কুমোরে-পোকা মাটি সরিয়ে বের হয়ে আসে।

যারা মাটিতে গর্ত করে ডিম পাড়ে তাদের মধ্যে কোনও কোনও জাতীয় কুমোরে-পোকা কেবল মাকড়সাই শিকার করে আনে। বড় মাকড়সা শিকার করে তার সব কয়টি ঠ্যাং কেটে ফেলে দেয়, শুধু দেহটা বাসায় নিয়ে আসে। মাকড়সা অপেক্ষাকৃত ছোট হলে তাদের ঠ্যাং কেটে ফেলে না, বাসার কাছে এসে শিকার বেহাত হবার ভয়েই বোধ হয় অনেক সময় ছোট ছোট গাছপালার ডালের মধ্যে রেখে দেয় এবং গর্তের ভিতর তদারক করে এসে শিকার ভিতরে নিয়ে যায়। এরা প্রত্যেকেই ভিন্ন ভিন্ন গর্ত খুঁড়ে প্রত্যেক গর্তে একটি মাত্র ডিম পেড়ে রাখে।

কোনও কোনও জাতীয় বড় বড় কুমোরে-পোকা মথ প্রজাপতির বড় বড় শূককীটই বেছে বেছে শিকার করে। এই শূককীটেরা পাতার রঙের সঙ্গে গায়ের রং মিলিয়ে আত্মগোপন করে থাকে। কিন্তু কুমোরে-পোকার চোখ এড়াবার উপায় নেই। তারা শূককীটকে ঘাড়ে কামড় দিয়ে মাটিতে ফেলে দেয় এবং অনেকক্ষণ ধস্তাধস্তির পর শরীরের নানা স্থানে হল ফুটিয়ে তাকে অসাড় করে ফেলে। তারপর গলায় কামড়ে ধরে টানতে টানতে বাসায় নিয়ে যায়। শূককীটগুলি সময় সময় এত বড় হয় যে, গর্তের ভিতর প্রবেশ করাতে পারে না, কাজেই শিকার বাইরে রেখে গর্ত অধিকতর প্রশস্ত করে নেয়। তারপর তাকে টেনে ভিতরে নিয়ে যায়। ডিম পাড়বার পর গর্তের মুখ বন্ধ করে এরা এক অদ্ভুত কাণ্ড করে। এক খণ্ড ভারী মাটির টুকরো সংগ্রহ করে তাকে গর্তের মুখে বারবার আছাড় মারতে থাকে। এতে নরম মাটি চেপে বসে গিয়ে গর্তের স্থানটি আশেপাশের জায়গার সঙ্গে বেমালুম মিশে যায়। শত্রুর চোখে ধুলি দেবার জন্তই এই ব্যবস্থা করে থাকে।

অনেক জাতের কুমোরে-পোকা গাছের গুঁড়িতে ছিদ্র করে বাসা নির্মাণ করে। তারা বাচ্চার আহ্বারের জন্যে বিভিন্ন রকমের পোকা-মাকড়, কীট-পতঙ্গ ধরে এনে অসাড় করে রাখে। কতকটা ভীমরূপের মতো দেখতে এক প্রকার উজ্জল নীল রঙের কুমোরে-পোকা এদেশে গাছের উপর প্রায়ই দেখা যায়। এরা ছোট-বড় নানা জাতীয় আরসোলা ধরে বাসায় নিয়ে যায়। কুমোরে পোকার আরসোলা শিকার যা প্রত্যক্ষ করেছি, তা বাস্তবিকই অদ্ভুত। শিবপুরের

বাগানে ও সুন্দরবনের এক স্থানে একই রকম ঘটনা দেখেছিলাম। প্রকাণ্ড একটা গাছের গুঁড়ির উপর একটা মাঝারি গোছের কুমোরে-পোকা একটা আরসোলাকে শূঁড়ে ধরে হিড়হিড় করে টেনে নিয়ে যাচ্ছিল। আরসোলাটাও দিবি হেঁটে হেঁটে কুমোরে-পোকার সঙ্গে যাচ্ছিল। খানিক দূর গিয়েই কুমোরে-পোকাটা আরসোলাটাকে ছেড়ে দিয়ে গাছের উপরে বাসাটা দেখে আসলো। কিন্তু আরসোলাটা যেখানে ছিল, ঠিক সেখানেই ঠায় দাঁড়িয়েছিল। আবার এসে কুমোরে-পোকা তাকে শূঁড়ে ধরে টেনে খানিক দূর উপরে নিয়ে গিয়ে এক স্থানে দাঁড় করিয়ে রেখে চলে গেল। এই ফাঁকে একটা কাঠি দিয়ে আরসোলাটাকে অগ্নি স্থানে ঠেলে দিলাম; কিন্তু আশ্চর্যের বিষয় এই যে, আরসোলাটা পুনরায় ঘুরে ফিরে এসে ঠিক পূর্বস্থানেই স্থিরভাবে দাঁড়িয়ে রইলো। যতবার আরসোলাটাকে সরিয়ে দিলাম, ততবারই সে ঠিক পূর্বস্থানে এসে উপস্থিত হলো। সুন্দরবনেও ঠিক একই রকম ঘটনা প্রত্যক্ষ করেছিলাম। আরসোলাটা ভয়ে সন্মোহিত হয়ে অথবা কোনও অদ্ভুত বিষের ক্রিয়ায় এক্রপ কাণ্ড করেছিল, তা আজও বুঝতে পারিনি।

আমাদের দেশে পুরনো দেয়ালের গায়ে অথবা কোনও পরিত্যক্ত স্থানে কালো রঙের এক প্রকার অদ্ভুত পোকা দেখা যায়। এরা দেখতে একটা সাধারণ কুমোরে-পোকার মতো। কিন্তু শরীরের পশ্চাঙ্গাগ এত ক্ষুদ্র যে নেই বললেও অতুক্তি হয় না। শরীরের এই অসামঞ্জস্য ভয়ানক চোখে লাগে। এগুলি সাধারণত ধোবি-পোকা নামে পরিচিত। এই ধোবি-পোকা কোনও বাসা নির্মাণ করে না, ডিম পাড়বার সময় হলেই এরা গাছের ডালে কচি ডগার অভ্যন্তরে হল ফুটিয়ে ডিম পেড়ে রাখে। ডিম ফুটে বাচ্চাগুলি গাছের কোমল অংশ খেয়ে বাড়তে থাকে। সঙ্গে সঙ্গে গাছের ডগার আহত অংশও অসম্ভব রূপে ফুলে ওঠে। বাচ্চাগুলি পরিণতি লাভ করে গাছের গায়ে ছিদ্র করে বেরিয়ে আসে। আমাদের দেশে এই জাতীয় বিভিন্ন শ্রেণীর পোকা দেখতে পাওয়া যায়।

এক-চতুর্থ ইঞ্চি বা আরও ক্ষুদ্রকায় বহু জাতের কুমোরে-পোকার আমাদের দেশে অভাব নেই। এদের অনেকেই বাসা নির্মাণ করে না। কোনও জীবন্ত প্রাণীর শরীরে ডিম পেড়ে যায়। আমাদের দেশে এক ইঞ্চির প্রায় ছয় ভাগের এক ভাগ পরিমিত এক জাতীয় কুমোরে-পোকা দেখতে পাওয়া যায়। এরা সাদা শোঁয়াবিশিষ্ট শোঁয়াপোকার শরীরে হল ফুটিয়ে ডিম পেড়ে যায়। ডিম পাড়বার প্রায় আট-দশ দিন পরে শোঁয়াপোকাটা ক্রমশ নির্জীব হয়ে পড়তে

থাকে। পূর্ব থেকেই তার আহারে অল্পটি ধরতে থাকে। তারপর ধীরে ধীরে বন-জঙ্গল থেকে বের হয়ে কোনও পরিষ্কার স্থানে এসে চূপ করে বসে থাকে। এক স্থানে চূপ করে বসবার কয়েক ঘণ্টার পরেই দেখা যায়, তার শরীরের ভিতর থেকে থেকে চামড়া ভেদ করে একের পর এক স্থতার মতো সরু সরু প্রায় পঁচিশ-ত্রিশটা ছোট ছোট বাচ্চা বেরিয়ে আসছে। বাচ্চাগুলি বাইরে এসেই শোঁয়াগুলির মধ্যে থেকে শরীরটাকে অদ্ভুত ভঙ্গিতে মোচড় দিতে দিতে স্থতা বের করে এবং শরীরের চতুর্দিকে গুটি বাঁধতে থাকে। বিশ থেকে ত্রিশ মিনিটের মধ্যে সবগুলি বাচ্চাই গুটি প্রস্তুত করে ফেলে এবং এক-একটি চালের মতো সাদা গুটি শোঁয়াগুলির গায়ে লেগে থাকে। শোঁয়াপোকাটা তখন ধীরে ধীরে মৃত্যুমুখে পতিত হয়। ছয়-সাত দিন থাকবার পর ছোট ছোট পূর্ণাঙ্গ পোকাগুলি গুটি কেটে উড়ে যায়।

পঙ্গপাল

পঙ্গপালের ব্যাপারটা কিরূপ, সে সহজে আমাদের দেশের লোকের ধারণা সম্পূর্ণ অস্পষ্ট। তার প্রধান কারণ প্রত্যক্ষ অভিজ্ঞতার অভাব। পঙ্গপালের উপদ্রব যে কী ভীষণ তা যথাযথ বর্ণনা করা দুঃস্থ। একসঙ্গে অকস্মাৎ অগণিত পতঙ্গের আবির্ভাব একটা অভাবনীয় ব্যাপার। চোখে না দেখলে পঙ্গপালের অভিযানের ভীষণতা কিয়ৎ পরিমাণেও হৃদয়ঙ্গম করা অসম্ভব। সিনেমায় পঙ্গপালের অভিযানের দৃশ্য দেখে বাস্তব ঘটনার ভীষণতা কিয়ৎ পরিমাণে উপলব্ধি করতে সক্ষম হয়েছিলাম। একসঙ্গে লক্ষ কোটি পঙ্গপাল দেখে নিজের চোথকেই যেন বিশ্বাস করতে প্রবৃত্তি হয় না। লক্ষ-লক্ষ কোটি-কোটি পতঙ্গ কোথা থেকে এসে অকস্মাৎ গাছপালা, পথ-ঘাট উপর-নীচ সব কিছু ছেয়ে ফেললো। আকাশ-বাতাস যেদিকে তাকাও—কেবল পঙ্গপাল আর পঙ্গপাল। স্থানে স্থানে তিন চার ফুট উঁচু হয়ে পঙ্গপাল জমেছে। পুঞ্জীভূত ঘনকণ্ঠ বিশাল মেঘ দেখতে দেখতে যেমন করে দিনের আলো আচ্ছন্ন করে ফেলে তার চেয়েও বহুগুণ গাঢ়তার আবরণে আকাশ-বাতাস আচ্ছন্ন করে পঙ্গপালের অভিযান চলতে থাকে। সে এক ভয়াবহ দৃশ্য। কোথাও ব্যাপকভাবে মড়ক লাগলে পার্শ্ববর্তী গ্রামের লোকেরা যেমন ভীতিবিহ্বলতার পরিচয় দিয়ে থাকে—বহুদূরে পঙ্গপাল দেখা যাচ্ছে—এ কথা শুনে মানুষ তেমনই আতঙ্কে কিংকর্তব্যবিমূঢ় হয়ে পড়ে। হাওয়া অফিস

যেমন ঝড়, জল, ঘূর্ণিবাত্যা প্রভৃতি প্রাকৃতিক দুর্ঘটনার সূচনা দেখলে তড়িৎধার্তার সাহায্যে পূর্বেই সকলকে সতর্ক করে দেয়, কোনও স্থানে পঞ্চপালের আবির্ভাব ঘটলে আজকাল সেক্সপ তাদের অগ্রাভিযানের সম্ভাবিত পথ সম্বন্ধে পূর্বাঙ্কেই সকলকে সতর্ক করে দেওয়া হয়। এর ফলে দূরবর্তী স্থানের লোকেরা এদের যথাসম্ভব প্রতিরোধ করবার জন্তে পূর্ব থেকেই প্রস্তুত হতে পারে। কিন্তু এদের অভিযান ব্যর্থ করা অসম্ভব। আকাশের এক দিক থেকে কৃষ্ণবর্ণ ঘন মেঘের মতো পঞ্চপালের অগ্রগতি দেখতে পেলেই গ্রামের লোকেরা একযোগে দিশাহারা-ভাবে চাক-ঢোল বাজিয়ে, শিক্কা ফুঁকে অথবা বিভিন্ন উপায়ে ভীষণ শব্দ করে তাদের অভিযানের দিক পরিবর্তন করবার জন্তে প্রাণপণে চেষ্টা করে; কিন্তু কোনও কোনও ক্ষেত্রে সময়ে সময়ে দিক পরিবর্তনের লক্ষণ দেখা গেলেও মোটের উপর এর দ্বারা কোনও স্থূল লাভ হয় না। যতই কিছু উপায় অবলম্বিত হোক না কেন—মাঠ-ঘাট, আকাশ-বাতাস ছেয়ে পঞ্চপালের অভিযান চলতে থাকে। আগুন অথবা অস্ত্র কোনও উপায়ে তৃপ্তিকৃতভাবে ধ্বংস করলেও এদের সংখ্যার হ্রাসবৃদ্ধি কিছুই বুঝতে পারা যায় না—সংখ্যা এদের অগণিত।

যে সকল স্থান শস্য এবং সবুজ তৃণশুল্ক বা গাছপালায় আচ্ছন্ন ছিল পঞ্চপালের আবির্ভাবের কয়েক ঘণ্টা পরেই দেখা গেল, সে সব স্থানের চেহারা একেবারে বদলে গেছে। কোনও স্থানেই আর সবুজের চিহ্ন মাত্র নেই। ঘাস-পাতা, শাক-সব্জির তো কথাই নেই, বড় বড় গাছপালা সকলই পত্রশূন্য অবস্থায় বিরাজ করছে। পঞ্চপালের বহু বিস্তীর্ণ প্রাস্তরের যাবতীয় পত্র-পল্লব শতাদি নিঃশেষে উজাড় করে দেশকে মরুভূমিতে পরিণত করে উড়ে গেছে। মোটের উপর কোনও স্থানে পঞ্চপাল আবির্ভাবের পূর্বে এবং পরের অবস্থা দেখলে একথা সহজেই মনে হবে যেন কোনও অদ্ভুত যাদুবিদ্যাবলে দেশটা রাতারাতি এভাবে রূপান্তরিত হয়ে গেছে। কোনও কোনও স্থানে খুব পুরু হয়ে বরফ পড়লে সময় সময় রেল চলাচল বন্ধ হয়ে যায়। সেক্সপ রেল লাইনের উপর পুরুভাবে পঞ্চপাল জমে যাবার ফলে রেল চলাচল বন্ধ হয়ে গেছে এক্সপ ঘটনারও নজীর আছে। এ থেকেই পঞ্চপালের সংখ্যার গুরুত্ব অনুমান করা যেতে পারে।

পঞ্চপালের উৎপাত সম্বন্ধে প্রাচীন গ্রন্থের একটি বর্ণনায় উল্লেখিত আছে—পরমেশ্বর আমাদের দেশের উপর দিয়ে সারাদিন সারারাত পূর্ব দিকের বায়ু প্রবাহিত করালেন। প্রভাত হবার সঙ্গে সঙ্গেই পূর্ব বায়ু পঞ্চপালের আবির্ভাব ঘটলো। পঞ্চপালের দেশের সর্বত্র ছড়িয়ে পড়লো। তারা যেন পৃথিবীর সর্ব স্থান ঢেকে ফেললো। কাজেই দেশ অন্ধকারে আচ্ছন্ন হয়ে গেল। দেশের সেখানে

লতাপাতা, শাক-সজ্জি, গাছপালা ছিল, তা সবই নিঃশেষ করে ফেললো। বিস্তীর্ণ মিশরের কোথাও একটু সবুজের চিহ্নমাত্র রইলো না।

বিজ্ঞানের এই অগ্রগতির যুগে আজও পতঙ্গপালের উপদ্রব প্রতিকারের তেমন কোনও কার্যকর পদ্য আবিষ্কৃত হয়নি। ১৯২৮ সালে ডানাশূন্য অপরিণত বয়স্ক পতঙ্গপালের আক্রমণে প্যালেস্টাইন এক প্রকার শ্মশানে পরিণত হয়েছিল। ১৯২৫ সালে মিশরে পতঙ্গপালের আক্রমণ হয়। কিন্তু কীটতত্ত্ববিদ বৈজ্ঞানিকদের সমবেত প্রচেষ্টায় মিশর সে যাত্রায় অনেকটা আত্মরক্ষায় সক্ষম হয়েছিল। আলজিরিয়া, পারস্য, দক্ষিণ আমেরিকা, দক্ষিণ আফ্রিকা ও রাশিয়ার বহু স্থানে কয়েক বছর পর পর পতঙ্গপালের উপদ্রব হয়। তার ফলে সেখানে খাদ্য-রেশনের ব্যবস্থা করতে হয়েছিল। ১৯২৬ সালে একমাত্র উত্তর ককেশাস প্রদেশেই প্রায় ৮০০০০ একর জমির গম, ভুট্টা, বজরা প্রভৃতি শস্য পতঙ্গপালের উদরস্থ হয়েছিল। এ থেকেই পতঙ্গপালের উপদ্রবের ভীষণতা কিয়ৎ পরিমাণে উপলব্ধি হবে।

ছোট গুঁড়ওয়ালা বৃহত্তর এক জাতীয় কয়ার-ফড়িংকেই সাধারণত পতঙ্গপাল নামে অভিহিত করা হয়। অবশ্য বিভিন্ন দেশে বিভিন্ন জাতীয় কয়ার-ফড়িং এবং অন্যান্য তৃণভোজী পতঙ্গ—এমন কি, দলবদ্ধ ‘কি’কি’ পোকাকেও পতঙ্গপাল নামে অভিহিত করা হয়ে থাকে। যাহোক, আমাদের দেশে কয়ার-ফড়িং বোধহয় অনেকেই দেখে থাকবেন। এরা ঝোপঝাড়ে এবং শস্তক্ষেত্রেই অনবরত বিচরণ করে থাকে। এদের শরীরের গঠন খুবই দৃঢ়। পিছনের ঠ্যাং দুখানি দেহের তুলনায় খুবই লম্বা এবং স্থূলাকার। এই ঠ্যাং দুটির শক্তিও অসাধারণ। ঠ্যাঙের সাহায্যে এরা প্রায় দশ-বারো ফুট দূরে লাফিয়ে যেতে পারে। প্রায়ই এরা গাছ বা লতাপাতার উপর লাফিয়ে লাফিয়ে চলে। নেহাৎ দায়ে পড়লে উড়ে যায়। তবে উড়তে তত পটু নয়। ঘাসপাতা, ফুল-ফল খেয়েই ওরা জীবনধারণ করে। আমাদের দেশেই অস্তুত বিশ-পঁচিশ বকমের কয়ার-ফড়িং দেখা যায়, কিন্তু এরা কেউ দলবদ্ধভাবে উড়ে বেড়ায় না, সর্বদাই এককভাবে বিচরণ করে। কয়েক জাতীয় কয়ার-ফড়িং সিকি ইঞ্চির বেশী বড় হয় না। আমাদের দেশীয় প্রকৃত পতঙ্গপাল জাতের কয়ার-ফড়িংগুলি প্রায় দু-ইঞ্চি থেকে আড়াই ইঞ্চি পর্যন্ত লম্বা হয়ে থাকে। এরা সংখ্যায় অপেক্ষাকৃত কম। বিভিন্ন জাতীয় কয়ার-ফড়িংের শরীরে বিভিন্ন বর্ণের সমাবেশ দেখা যায়। বিভিন্ন জাতীয় কয়ার-ফড়িংই শরীরের পশ্চাঙ্গাগের সাহায্যে মাটিতে গর্ত খুঁড়ে ডিম পাড়ে। ডিম পাড়বার পূর্বে এদের স্ত্রী-পুরুষের মিলনরীতিও কম কোঁতুলোদ্দীপক নয়। এদের পিছনের পায়ের ভিতরের দিকে অতি সূক্ষ্ম করাতের দাঁতের মতো

সারবন্দিভাবে হুস্র কাঁটা আছে। শরীরের উভয় পার্শ্বস্থিত পাতলা পর্দার উপর উথার মতো ঘষে এরা এক প্রকার শব্দ উৎপন্ন করতে পারে। একটু মনোযোগ দিলেই এখানে ঘাসপাতার মধ্যে এদের চিড়িক্ চিড়িক্ শব্দ শুনতে পাওয়া যাবে। পূর্বেই বলেছি, এরা দলবদ্ধভাবে বিচরণ করে না। মিলনের সময় হলেই পুরুষ পতঙ্গটা প্রথমে তিন বার অথবা কোনও কোনও স্থলে চারবার চিড়িক্ চিড়িক্ শব্দ করে। কয়েক দফায় একরূপ শব্দ করবার পর আশেপাশে কোথাও কোনও স্ত্রী-পতঙ্গ থাকলে সেও তখন তিনবার কি চারবার চিড়িক্ চিড়িক্ শব্দ করে। কিছুক্ষণ পরে পুরুষ পতঙ্গটি আবার অল্পরূপ শব্দ করতে থাকে। প্রায় আধঘণ্টা কাল পালাক্রমে উভয়ে একরূপ শব্দ করবার পর পুরুষ পতঙ্গটা উড়ে গিয়ে স্ত্রী-পতঙ্গের নিকটে উপস্থিত হয়। স্ত্রী-পতঙ্গের শরীরের পশ্চাভাগে ডিম পাড়বার শক্তি অথচ হুঁচালো একটি লম্বা নলের মতো পদার্থ আছে। এর সাহায্যে সে গর্তের মধ্যে হুবিগ্নস্তভাবে কতকগুলি ডিম পেড়ে রাখে। গুচ্ছাকারে সজ্জিত ডিমগুলির উপরিভাগে একটা শক্ত আবরণী বেষ্টিত থাকে। বাচ্চাগুলি দেখতে অনেকটা পূর্ণবয়স্ক পতঙ্গের মতো। কিন্তু তাদের ডানা থাকে না। এরা বারংবার খোলস পরিমার্জন করে ক্রমশ বৃদ্ধি পেতে থাকে। প্রজাপতি এবং ফড়িঙের যেমন শেষবার খোলস পরিমার্জনের পর ডানার পূর্ণরূপ বিকশিত হয়, এদের কিন্তু সেরূপ হয় না। প্রত্যেকবার খোলস পরিবর্তনের পর ডানগুলি ক্রমে ক্রমে বড় হতে থাকে এবং শেষ বারে পূর্ণাঙ্গ অবস্থাপ্রাপ্ত হয়। বাচ্চা বয়সে এরা প্রায়ই লাফিয়ে লাফিয়ে চলে। অপরিণত বয়স্ক বাচ্চাগুলিই বেশীর ভাগ শস্তাদি উজাড় করে দেয়। *Locusta migratoria* নামে এক জাতীয় পঞ্চপাল দক্ষিণ-পূর্ব ইউরোপ এবং পশ্চিম-এশিয়ার ভূখণ্ডসমূহে মাঝে মাঝে আবির্ভূত হয়ে থাকে। এই জাতীয় পঞ্চপালই একবার উত্তর ককেশাসে আবির্ভূত হয়েছিল। এই পঞ্চপালগুলিকে এবং বিশেষভাবে তাদের ডিম সমেত একটি নির্দিষ্ট স্থানকে পরীক্ষার ফলে দেখা যায়—তাদের ডিম ফুটে পূর্বোক্ত পঞ্চপালের অল্পরূপ অনেক বাচ্চা বের হয়েছে বটে কিন্তু তাদের মধ্যে বিভিন্ন রকমারি বাচ্চারও অভাব নেই। পূর্বে যে পঞ্চপালকে স্বতন্ত্র জাতীয় মনে করা হতো, এরা দেখতে ঠিক তাদেরই মতো ছিল। অথচ আশ্চর্যের বিষয় এই যে, এই জাতীয় পঞ্চপাল পূর্ব বছরে সেখানে মোটেই দৃষ্টিগোচর হয়নি। এরা সাধারণত এককভাবেই বিচরণ করে; কিন্তু পূর্বোক্ত পতঙ্গগুলি দলবদ্ধভাবে দেশ-দেশান্তরে উড়ে বেড়াতেই অভ্যস্ত। তারপর পরীক্ষাগারে এই পঞ্চপাল নিয়ে পুনরায় দস্তুরমত গবেষণা শুরু হয়। পরীক্ষার ফলে প্রমাণিত হয়

যে, উড়ন্ত পতঙ্গপাল এবং বর্ণবৈচিত্র্য বিশিষ্ট একাকী বিচরণকারী পতঙ্গপালের একই জাতির অন্তর্ভুক্ত। কাজেই বোঝা গেল যে, পতঙ্গপালের দল প্রথম অণু স্থান থেকে উড়ে এসেছিল। তাদের সম্ভান-সম্ভতিরাই ভিন্নরূপ ধারণ করে একাকী বিচরণকারী পতঙ্গপালে পরিণত হয়েছে। স্ততরাং কোনও কোনও ক্ষেত্রে পতঙ্গপালের আকস্মিক আবির্ভাবের পর আবার আকস্মিক তিরোধান ঘটলেও প্রকৃত প্রস্তাবে তাদের বংশধরেরা থেকেই যায়। উড়ন্ত পতঙ্গপালের ডিম থেকেও একাকী-বিচরণকারী পতঙ্গপালের উৎপত্তি ঘটে থাকে। তখন তাদের আকৃতি, প্রকৃতি সবই পরিবর্তিত হয়ে যায়। কতকগুলি প্রজাপতির মধ্যেও একরূপ ঘটনা ঘটেতে দেখা যায়। এদের শীত ও বর্ষা উভয় ঋতুতেই বাচ্চা হয়ে থাকে। শীতকালের বাচ্চা বর্ষাকালের বাচ্চা অপেক্ষা আকৃতি প্রকৃতি এবং বর্ণবৈচিত্র্যে সম্পূর্ণ পৃথক। এই বিষয়ে অধিকতর পরীক্ষার ফলে দেখা গেছে মরুভূমির পতঙ্গপাল *Schistocerca gregaria* এবং *S. Paranensis*, *Locustana pardalina*, *Melanoplus spretus* প্রভৃতি বিভিন্ন জাতীয় পতঙ্গপালের বাচ্চাগুলিও বিভিন্ন আকৃতি-প্রকৃতি বিশিষ্ট হয়ে থাকে। পরীক্ষাগারে যথেষ্ট সংখ্যক পতঙ্গপাল প্রতি-পালন করে দেখা গেছে, এদের সংখ্যা অসম্ভবরূপে বৃদ্ধি না পেলে এরা একাকী বিচরণ করে থাকে, কিন্তু সংখ্যা অসম্ভবরূপে বৃদ্ধি পেলেই এদের মধ্যে ওড়বার প্রবৃত্তি জাগতে আরম্ভ করে। খাওয়ার প্রাচুর্যের ফলে অসংখ্য বাচ্চা জন্মাতে থাকে—সংখ্যা আরও বেড়ে গেলে খাওয়া সংগ্রহের প্রবৃত্তি থেকে ওড়বার ইচ্ছা প্রবল হয় এবং দু-একটির ওড়বার প্রবৃত্তি দেখে অপর পতঙ্গেরাও ক্রমশ উদ্বুদ্ধ হয় এবং উড়ন্ত পতঙ্গের দল ক্রমশ বৃদ্ধি পেতে থাকে। এক্রূপে ক্রমে ক্রমে অগাণ্ঠ দল একত্রিত হয়ে সকলে একই দিকে উড়ে চলে। অভিযানের ফলে অনেকে মৃত্যুমুখে পতিত হলেও অবশিষ্টেরা চতুর্দিকে ছড়িয়ে পড়ে। এভাবে বিরাত দল ক্রমশ কমতে কমতে অবশেষে সম্পূর্ণরূপে অদৃশ্য হয়ে যায়। কয়েক বছর পরে আবার যখন এই ইতস্ততঃ বিক্ষিপ্ত পতঙ্গপালের সংখ্যাবৃদ্ধি ঘটে, তখন কোনও এক স্থান থেকে অথবা বিভিন্ন স্থান থেকে অভিযান শুরু হয় এবং ক্রমশ বিরাত দলে পরিণত হয়ে দেশ উজাড় করতে করতে অগ্রসর হয়।

পতঙ্গপালের উপদ্রব প্রতিকারার্থে আজ পর্যন্ত তেমন কোনও কার্যকর উপায় আবিষ্কৃত না হলেও এদের আশুনে পুড়িয়ে মারবার জন্যে বিভিন্ন কৌশল অবলম্বিত হয়ে থাকে। সাধারণত এদের অগ্রগতির পথে আড়াআড়িভাবে লম্বা লম্বা গভীর নালা কেটে রাখা হয়। তাড়া খেয়ে এরা দলে দলে গর্তের মধ্যে পড়ে স্থপীকৃত হতে থাকে। তখন কেরোসিন প্রভৃতি পদার্থের

সাহায্যে আগুন ধরিয়ে দেওয়া হয়। অনেক স্থলে অবার গভীর গড়খাইয়ের মধ্যে মশণ টিনের পাতের লম্বা পাত্র নালার মধ্যে পরপর সাজিয়ে রাখা হয়। পঞ্চপালেরা তার নীচে পড়ে গেলে টিনের মশণ গা বেয়ে উপরে উঠে আসতে পারে না। তখন সেগুলিকে ক্রেনের সাহায্যে উপরে তুলে বস্তাবন্দি করে নির্দিষ্ট স্থানে নিয়ে গিয়ে পুড়িয়ে মারা হয়।

গঙ্গাকড়ি

কীট-পতঙ্গাদি নিয়ন্ত্রণের প্রাণীদের মধ্যে গঙ্গাকড়িদের মতো এমন চালচলন ও অদ্ভুত অঙ্গসঞ্চালনক্ষম পতঙ্গ সহসা বড় একটা নজরে পড়ে না। সাধারণ কীট-পতঙ্গশ্রেণীর অন্তর্ভুক্ত হলেও এরা অভিব্যক্তির কোন্ ধারায় এবং কিরূপ পারিপার্শ্বিকের মধ্যে একরূপ আকৃতি ও প্রকৃতি আয়ত্ত করে নিয়েছে তার ইতিহাস বিশেষ কৌতূহলোদ্দীপক সন্দেহ নেই। জীবজগতের ক্রমবিকাশের ধারা পর্যালোচনা করলে দেখা যায়, আবুঝগতের ক্রমবিকাশের ধারা ব্যাপ্ত থাকে। শত্রু কর্তৃক আক্রান্ত হবার আশঙ্কায় পূর্বাঙ্কে আত্মরক্ষার প্রচেষ্টা তেমন কিছু দেখা যায় না। শত্রুর আক্রমণ স্পর্শেন্দ্রিয়গোচর হলে শরীর সঙ্কুচিত করে প্রাণরক্ষার চেষ্টা করে থাকে। দর্শনেন্দ্রিয়ের অভাবই এর প্রধান কারণ হতে পারে; কিন্তু স্থনির্দিষ্ট দর্শনেন্দ্রিয়ের অভাব মনে হলেও প্রকৃত প্রস্তাবে দেখা যায় যে, এরা সর্বদাই আলো-আধারের তারতম্য অনুভব করে থাকে। তথাপি উন্নত-শ্রেণীর কীটের মতো এগুলিকে আত্মরক্ষার্থে তেমন সচেষ্ট দেখা যায় না। এদের শত্রুর সংখ্যা যে কম, তাও বলা চলে না। সমজাতীয় শত্রু কম হলেও অপেক্ষাকৃত উন্নতশ্রেণীর শত্রু অসংখ্য। তবে হয়তো এদের বংশবৃদ্ধির হার ও সহজ উপায় এবং অপেক্ষাকৃত উন্নত জীবের উদরে প্রবেশ করেও সময়ে সময়ে বংশ বৃদ্ধি করবার ক্ষমতা এই ক্রটির পরিপূরক হয়েছে। তারপর প্রোটোজোয়া প্রভৃতি আর এক ধাপ উন্নত স্তরের জীবের বেলায়ও দেখতে পাওয়া যায় যে, প্রকৃত প্রস্তাবে আক্রান্ত না হলে তারাও প্রতিজিয়ার কোনও লক্ষণই প্রকাশ করে না; কিন্তু আক্রান্ত হলে এক দিকে ছুটে পালাতে চেষ্টা করে করে। বিপদ এড়াবার জন্য পূর্বাঙ্কে স্থান ত্যাগ বা সঙ্গে সঙ্গে দূর থেকে শত্রুর গতিবিধি টের পেয়ে, আক্রান্ত হবার পূর্বেই সাবধান হবার উপায় অবলম্বন করবার ব্যবস্থা করেছে। কিন্তু এতদূর উন্নত হলেও কীট-পতঙ্গ প্রভৃতি অমেরুদণ্ডী প্রাণী কোনও কোনও স্রিষ্টি বুদ্ধিবৃত্তির

উৎকর্ষের পরিচয় দিলেও এদের শরীর ও অগ্রাঙ্গ অঙ্গ-প্রত্যঙ্গাদি এমনভাবে গঠিত যে সম্মুখ দিকের বিপদ-আপদ বা শত্রুর গতিবিধি লক্ষ্য করে পূর্বাঙ্কে আত্মরক্ষার ব্যবস্থা করতে পারে ; কিন্তু পিছনে বা আশেপাশে অবস্থা তদারক করবার ক্ষমতা খুবই কম। কারণ কীট-পতঙ্গাদির চোখ বিভিন্নভাবে গঠিত হলেও ইচ্ছামত ঘাড় বা মাথা ঘুরিয়ে ফিরিয়ে চার দিকের অবস্থা পর্যবেক্ষণ করবার শক্তি নেই। কিন্তু আশ্চর্যের বিষয়, সাধারণ কীট-পতঙ্গ শ্রেণীভুক্ত হলেও গঙ্গাফড়িং, মল্লয়া প্রভৃতি সর্বোন্নত প্রাণীদের মতো মাথা ও ঘাড় ঘুরিয়ে ফিরিয়ে এমন কি গলা বাড়িয়ে ও হেলিয়ে চতুর্দিকের অবস্থা তদারক করবার কৌশল আয়ত্ত করে নিয়েছে। দূর থেকে আবছা গোছের কিছু একটা দেখতে পেলে যুক্তকরে প্রার্থনারত মল্লয়দের মতো সম্মুখের পায়ের মতো দাঁড়া ছুটি প্রসারিত করে মাথা উঁচু করে একদৃষ্টে চেয়ে থাকে। বস্তুটা কি, সম্যক উপলব্ধি করতে না পারলে—লম্বা কাঠির মতো গলাটি হেলিয়ে-তুলিয়ে এদিক-ওদিক বেশ করে দেখবার চেষ্টা করে, কিন্তু পরিষ্কারভাবে না বুঝে সহসা কাছে ঘেঁষে না। এতেও সুবিধা না হলে মাথাটি ঘুরিয়ে ফিরিয়ে চারদিকের অবস্থা বিশেষভাবে তদন্ত করে। জিরাকের লম্বা গলা যেমন বহু দূর থেকে কোনও নির্দিষ্ট স্থানের অবস্থা লক্ষ্য করবার সহায়তা করে, এদেরও ঠিক তেমনি ব্যবস্থা আছে। সমস্ত শরীরের প্রায় অর্ধেক লম্বা, কাঠির মতো গলা উঁচু করে এরা জিরাকের মতই দূর থেকে শিকার অথবা শত্রুর গতিবিধি পর্যবেক্ষণ করে। তখন এদের দেখে মনে এক অদ্ভুত ভাবের উদয় হয়—নিম্নশ্রেণীর পতঙ্গজাতীয় প্রাণী বলে কিছুতেই ধারণা করতে প্রবৃত্তি হয় না।

পৃথিবীর প্রায় সকল দেশেই বিভিন্ন আকৃতির গঙ্গাফড়িং দেখা যায়। সম্মুখের পা দুখানি অনবরত প্রার্থনারত মল্লয়ের যুক্ত হস্তের মতো ঝাঁজ করে রাখে বলে সাধারণত এরা ‘প্রার্থনারত ম্যাটিস’ নামে অভিহিত হয়ে থাকে। এদেশে এরা গঙ্গাইলাস বা গঙ্গাফড়িং নামে পরিচিত। ফড়িঙের সঙ্গে এদের দৈহিক আকৃতির অনেকটা সামঞ্জস্য থাকলেও গঙ্গাফড়িং নামের তাৎপর্য ঠিক বোঝা যায় না। পূর্ব-বঙ্গের কোনও কোনও অঞ্চলে এদের সাপের মাসি বলা হয় এবং সাধারণ পতঙ্গ থেকে ভিন্ন এদের অদ্ভুত চালচলনের জন্যে কতকটা ভীতির চোখে দেখে। সাপ যেমন ফণা তুলে এদিক-ওদিক দোলাতে থাকে—এগুলিকেও ঠিক সেক্ষপই দেখায়। বোধহয় এই কারণেই এরা সাপের মাসি আখ্যা পেয়েছে।

পৃথিবীতে এপর্যন্ত প্রায় আট শতের উপর বিভিন্ন জাতীয় গঙ্গাফড়িং দেখতে পাওয়া গেছে। আমাদের দেশেই প্রায় বিশ থেকে পঁচিশ রকমের বিভিন্ন শ্রেণীর

গঙ্গাফড়িং দেখা যায়। তার মধ্যে কচি কলাপাতার মতো সবুজ রঙের গঙ্গাফড়িংই সমধিক পরিচিত। এই প্রসঙ্গে সবুজ গঙ্গাফড়িংের কথাই বলছি। এরা প্রায় আড়াই থেকে তিন ইঞ্চি লম্বা হয়। এদের দেহের আকৃতি অদ্ভুত; অগ্রাঙ্গ সাধারণ ফড়িং বা পতঙ্গের মতো নয়। পেটের দিকে প্রায় দেড় ইঞ্চি লম্বা। সরু কাঠির মতো গলাটিও এক ইঞ্চি-দেড় ইঞ্চি লম্বা হয়। বড় বড় চোখওয়ালা ত্রিকোণাকার মস্তকটি যেন এই কাঠির মাথায় আলগাভাবে বসানো রয়েছে। মাথার উভয় পার্শ্বে শিঙের মতো দুটি শুঁড় দেখা যায়। কাঠির অগ্রভাগে মস্তকের ঠিক নিম্নেই এক জোড়া চ্যাপ্টা পা। এই পা'জোড়া খুবই অদ্ভুত। উপরে নীচে করাতের দাঁতের মতো সারবন্দিভাবে কতকগুলি কাঁটা সাজানো থাকে। এই পা'জোড়া ঠিক সাঁড়াশীর মতো করে হাতের কাজ করে। সর্বদাই পা দুখানি যুক্তভাবে প্রার্থনার ভঙ্গিতে অবস্থান করে। পেটের সম্মুখভাগে বাকি চারখানি পা। এদের গঠন সাধারণ কীট-পতঙ্গের পায়ের মতো। প্রান্তভাগে সূক্ষ্ম সূক্ষ্ম ঝাঁকানো নখ আছে। এই চারখানা পায়ের সাহায্যেই এরা লতাপাতার উপর চলাফেরা করে। সম্মুখের পা-দুখানির সাহায্যে শত্রুকে আক্রমণ, শিকার ধরা বা আহাৰ্য গলাধঃকরণের কাজ করে থাকে। শিকার একবার এই সাঁড়াশীর মতো পায়ের কবলে পড়লে আর পালাবার উপায় থাকে না, তারপর শিকার মুখের কাছে নিয়ে ঠিক হস্তমানের মতো ভঙ্গিতে ধীরে ধীরে ভক্ষণ করে থাকে। এরা নানা জাতীয় ফড়িং, কীট-পতঙ্গ প্রভৃতি খেয়ে উজাড় করে ফেলে। কোন কোন দেশে এমন গঙ্গাফড়িং দেখা যায়, যারা ছোট ছোট পাখি, ব্যাং, টিকটিকি প্রভৃতি ধরে খেয়ে থাকে। এদেশীয় সবুজ রঙের গঙ্গাফড়িংগুলি অপেক্ষাকৃত ছোট ছোট স্বজাতীয়দের খেয়ে উদরপূরণ করে থাকে। স্ত্রী-গঙ্গাফড়িং স্রবিধা পেলে পুরুষ-ফড়িংকে ধরে খেয়ে ফেলে। এরা সাধারণত লতাপাতার মধ্যে শিকার অন্বেষণে হেঁটে বেড়ায়। প্রয়োজন বোধ করলে ডানা মেলে দূরতর স্থানে উড়ে যায়। এমনভাবে মিশে থাকে যে, শত্রু কিংবা শিকার কেউ এদের অস্তিত্ব টের পায় না। শিকার দেখতে পেলেই অতি সন্তর্পণে নিকটে এসে সম্মুখের সাঁড়াশী উচিয়ে নিশ্চলভাবে অবস্থান করে এবং স্রবিধামত করে সাঁড়াশী দিয়ে চেপে ধরে ফেলে। এদেশীয় সবুজ রঙের গঙ্গাফড়িংগুলি শিকারের জগ্রে সময়ে সময়ে অদ্ভুত কৌশল অবলম্বন করে থাকে। লতাপাতার বা পত্রপল্লবের উপর এমন ভাবে বসে থাকে যেন এক জাতীয় ফুল বা কচিপাতার মতো মনে হয়। মৃদু বাতাসে ফুল বা পাতাগুলি যেমন আস্তে আস্তে দোলে, এরাও সেরূপ গলা নেড়ে আস্তে আস্তে দোল খেতে থাকে—অগ্রাঙ্গ কীট-পতঙ্গেরা ব্রাহ্ম ধারণার বশবর্তী হয়ে বাংলার কীট—৭

ঐখানে অবতরণ করবামাত্রই গঙ্গাফড়িঙের কবলে পড়ে প্রাণ হারায়। সাধারণত গঙ্গাফড়িঙের অহুকরণ শক্তি অত্যন্ত প্রবল এবং নিখুঁত। ব্রেজিল দেশীয় এক জাতীয় গঙ্গাফড়িং উই ধরে খায়। এজন্তে তারা উইয়ের চেহারার অহুকরণ করে থাকে। আমাদের দেশীয় সবুজ কালো ডোবা-কাটা ও ধূসর রঙের গঙ্গাফড়িকেও লতাপাতার মধ্যে থেকে চিনে বের করা দুষ্কর। উত্তর-পশ্চিমাঞ্চলের অনেক জাতীয় গঙ্গাফড়িং হাতে ধরেও বুঝতে পারা যায় না যে এরা শুষ্ক পত্র, না জীবন্ত প্রাণী। এমনই এদের দেহের গঠন যে দেখলে অবাক হয়ে থাকতে হয়। দুই রকমের গঙ্গাফড়িকে একই স্থানে ছেড়ে দিলে লড়াই বাধবার উপক্রম হয়ে থাকে। লড়াইয়ের ফলে একটিকে অপরটির হাতে পড়ে প্রাণত্যাগ করতে হয়। আমাদের দেশে নালা, ডোবা ও পুকুরের মধ্যে অনেকটা গঙ্গাফড়িঙের অহুরূপ ধূসর রঙের এক জাতীয় পতঙ্গ দেখা যায়। এদের মুখের সম্মুখে হাতের মতো ভাঁজ করা দুখানি সাঁড়ানীও আছে; এর সাহায্যে তারা শিকার ধরে। এদের গঙ্গাফড়িঙের মতো ডানাও আছে—প্রয়োজনমত এক জলাশয় থেকে অন্য জলাশয়ে উড়ে যেতে পারে। শিকার ধরবার কৌশলও ঠিক গঙ্গাফড়িঙের অহুরূপ। ঐগুলিকে অনেকে মেছো গঙ্গাফড়িং বলে থাকে, কারণ মাছই এদের প্রধান শিকার।

স্ত্রী-গঙ্গাফড়িং স্থপারীর মতো একদিকে হুঁচলো একটি গুটির মধ্যে ডিম পেড়ে সেটিকে গাছের ডালে আটকে রাখে। এক-একটা গুটির মধ্যে ৩টি থেকে ৪টি পর্যন্ত ডিম থাকে। সাধারণত গ্রীষ্মের প্রারম্ভেই ডিম ফুটে বাচ্চাগুলি গুটি থেকে বের হয়ে আসে। আকৃতি-প্রকৃতিতে বাচ্চাগুলিকে দেখতে পরিণত বয়স্কদের মতই; কিন্তু এদের ডানা থাকে না। আবদ্ধ স্থানে রেখে এদের ডিম ফুটিয়ে দেখেছি—দলবদ্ধভাবে এদের চালচলন ও গতিভঙ্গি অত্যন্ত কৌতূহলোদ্দীপক। সারসগুলির গতিভঙ্গি বোধ হয় অনেকেই লক্ষ করেছেন, কেউ এক দিক দিয়ে অগ্রসর হলেই তারা সকলেই গলা বাড়িয়ে এক সঙ্গে এক দিকে সরে যায়। একটি যেমন করবে অপরগুলিও ঠিক গডলিকাগ্রবাহের মতো সেক্ষপই করবে। এই গঙ্গাফড়িঙের বাচ্চাগুলিও ঠিক সেক্ষপ—এক দিক দিয়ে একটু ভয় দেখালে বা কালো কিছু এগিয়ে দিলে সারসগুলির মতো গলা বাড়িয়ে ও হেলেহুলে দলবদ্ধভাবে অপর দিকে ছুটে যায় এবং এক স্থানে জটলা করে মাথা ও লম্বা গলা ঘুরিয়ে ফিরিয়ে অতি অদ্ভুত ভঙ্গিতে শত্রুর গতিবিধি পর্যবেক্ষণ করতে থাকে। সিনেমার ছবিতে আফ্রিকার জঙ্গলের জিরাফের দলকে যেক্ষপ ছুটেতে দেখেছি— গঙ্গাফড়িঙের বাচ্চাগুলির একযোগে পলায়নের দৃশ্য দেখতেও অনেকটা সেক্ষপ।

কানকোটাবীর জীবন-কথা

মাছের ঘুম সম্বন্ধে কয়েকটি তথ্য নির্ধারণের জন্তে রাতের অন্ধকারে একবার কতকগুলি পরীক্ষা চালাতে হয়েছিল। পরীক্ষাগারের উন্মুক্ত প্রাঙ্গণের সম্মুখে রাতের বেলায় একদিন কিছুক্ষণের জন্তে টেবিল ল্যাম্প জেলে কাজ করছিলাম। আলোর ঔজ্জ্বল্য আকৃষ্ট হয়ে বিচিত্র আকৃতির রকমারি পোকা এসে টেবিলের উপর পড়তে লাগলো। তার মধ্যে অতি ক্ষুদ্র আকৃতির গল্ফাফিডের মতো কয়েকটি বাদামী রঙের পোকাকার অপূর্ব অঙ্গভঙ্গি এবং মস্তক-সঞ্চালন লক্ষ করছিলাম। ইতিমধ্যে কয়েক জাতীয় ক্ষুদ্র জল-পোকাকেও আলোটোর চতুর্দিকে লাফালাফি করতে দেখলাম। জল-পোকাগুলি যদিও আমার অপরিচিত নয়, তথাপি তারা যে কেমন করে টেবিলটার উপরে উঠে আসলো, ভেবে আশ্চর্য হয়ে গেলাম। আলোর চতুর্দিকে পোকাগুলির গতিবিধি লক্ষ করছি, এমন সময় সাঁড়াশীর মতো লেজওয়ালা একটা অদ্ভুত আকৃতির পোকা এসে টেবিলের উপর পড়লো। এর শরীরে যে কোনও রকমের ডানার অস্তিত্ব আছে তা বুঝতেই পারা যায় না। কেমন করে পোকাটা টেবিলের উপর এলো? পোকাটা এত দ্রুতগতিতে ছুটাছুটি করছিল যে, ভাল করে তাকে লক্ষ করতেই পারছিলাম না। দেখতে দেখতে ঐক্লপ আরও কয়েকটি পোকা এসে জুটলো। তাদের তড়িৎগতিতে ছুটাছুটি এবং অপূর্ব অঙ্গভঙ্গি দর্শনে কারও কৌতূহল উদ্ভিস্কৃত না হয়ে পারে না। মাঝে মাঝে এরা পরস্পর ঝগড়াঝাঁটি করছিল, আবার কখনও কখনও ছুটে উধাও হচ্ছিল। এরা এমনই চঞ্চল যে এক মুহূর্তের জন্তেও কোন স্থানে একটু স্থিরভাবে থাকতে দেখলাম না। কেউ কেউ দেহের পশ্চাভাগের সাঁড়াশীটাকে পর্যায়ক্রমে প্রসারিত ও সংকুচিত করে অতি মন্থণ সর্পিণ গতিতে যেন নৃত্যের ভঙ্গি প্রদর্শন করছিল।

এই পোকাগুলির সর্বশরীর প্রায় উন্মুক্ত; কিন্তু পিঠের ঠিক উপরিভাগে শক্ত খোলার মতো অতি ক্ষুদ্র ছটি আবরণী আছে। একটাকে ধরে তার পিঠের উপরের শক্ত খোলা ছটি প্রসারিত করে দেখলাম—সেগুলির নীচে প্যারাস্ফটের মতো ভাঁজ-করা ছটি চমৎকার ডানা রয়েছে। বাইরে থেকে দেখে কিছু বুঝতে না পারা গেলেও এই ডানার সাহায্যেই এরা অনেক দূর উড়ে যেতে পারে। এরা কিন্তু ফড়িং বা প্রজাপতির মত যতক্ষণ খুশি আকাশে বিচরণ করতে পারে না। এক স্থান থেকে নিকটবর্তী অন্য কোনও স্থানে যেতে হলে কিয়ৎকালের জন্তে ডানা দুটিকে কাঁপিয়ে একটানা খানিকটা অগ্রসর হতে পারে মাত্র। তখন

বুঝলাম—ডানায় ভর করেই এরা টেবিলের উপর উপস্থিত হয়েছিল। যাহোক, অনেকক্ষণ ধরে এদের গতিবিধি লক্ষ্য করবার কালে একসময় দেখলাম—একটা পোকা আলোটার খুব নিকটে এক স্থানে অনেকটা স্থিরভাবে অবস্থান করে যেন ডানার আবরণী দুটিকে অতি দ্রুতবেগে কাঁপাচ্ছে। আনন্দের আতিশয্যেই এক্রূপ করছে বলেই মনে হলো। পোকাটি থেমে থেমে এক্রূপ করছিল এবং মাঝে মাঝে এক একবার দ্রুতগতিতে চতুর্দিকে ঘুরে আসছিল। কেন এক্রূপ করছে ঠিক বোঝা যাচ্ছিল না। অবশেষে অপেক্ষাকৃত বড় আর একটা পোকা ওর কাছে এসে ঘুরতে লাগলো। পোকাটা মাঝে মাঝে ডানাও কাঁপাচ্ছিল। খুব নিকটে কান পেতে শুনলাম—অতি অস্পষ্ট একপ্রকার ঝির-ঝির শব্দ হচ্ছে। আরও কিছুক্ষণ লক্ষ্য করবার পর বুঝতে পারলাম—এটাই তাদের মিলনের পূর্বসংকেত। যাহোক, এতগুলি কীট-পতঙ্গের মধ্যে এই পোকাগুলির অপরূপ চঞ্চল গতিভঙ্গিতে যেন মুগ্ধ হয়ে গিয়েছিলাম। কাজেই এদের জীবনযাত্রা-প্রণালীর বিষয় অবগত হবার জন্তে আগ্রহান্বিত হওয়া স্বাভাবিক। এই উদ্দেশ্য কয়েকটি পোকা ধরে বিশেষভাবে নির্মিত কাচপাত্রে আবদ্ধ করে রাখলাম। পরের দিন সুবিধামত স্থানে রেখে সেগুলিকে প্রতিপালন করতে লাগলাম। এদের জীবনযাত্রা-প্রণালীর মধ্যে সম্ভাব্যবাৎসল্য এবং তাদের প্রতিপালন ব্যবস্থাই বিশেষভাবে উল্লেখযোগ্য। এই সম্বন্ধে আলোচনা করার পূর্বে এই পোকাগুলির মোটামুটি পরিচয় প্রয়োজন।

এই পোকাগুলি আমাদের দেশে সাধারণত কানকোটারী নামে পরিচিত। কানকোটারীর শরীর অনেকটা লম্বাটে গোছের সরু এবং মসৃণ। দেখতে কতকটা ডানা ও পিছনের মোটা ঠ্যাং-শূন্য উইচিংড়ির মতো। মাথার সম্মুখভাগে ছোট ছোট দুটি শুঁড় আছে। শুঁড় দুটি বিভিন্ন খণ্ডে সংযুক্ত। বুকের পিছনে শরীরের বাকি অংশ অঙ্গুরীর মতো বিভিন্ন খণ্ডে বিভক্ত। লেজের প্রান্তভাগে ঠিক সাঁড়াশীর মতো একটি অঙ্কুরিত অঙ্গ আছে। এই সাঁড়াশীর মতো যন্ত্রটাই এদের প্রধান বৈশিষ্ট্য। পিঠের উপর উভয় দিকে খুব ছোট ছোট দুটি শক্ত খোলার মতো আবরণী আছে। ক্ষুদ্র ডানা দুটি এরই নীচে ভাঁজ করা থাকে। কয়েক জাতীয় কানকোটারীর আবার মোটেই ডানা থাকে না। কানকোটারী সম্বন্ধে সাধারণ লোকের একটা অমূল্য ধারণা আছে। এরা নাকি সুবিধা পেলেই মাহুঘের কানের মধ্যে ঢুকে পড়ে এবং সাঁড়াশীর সাহায্যে কর্ণপটাহ কুরে কুরে খায়। এই প্রকার অমূল্য ধারণা থেকেই এরা কানকোটারী নামে পরিচিত হয়েছে। আবার অনেকে বলে, এরা পত্র-পল্লবের আড়ালে লুকিয়ে থাকে এবং সুবিধামত মাহুঘের

গায়ের উপর পড়ে সাঁড়াশীর দ্বারা ক্ষত উৎপন্ন করে দেয়। কিন্তু প্রকৃত প্রস্তাবে এই সকল ধারণার কোনই ভিত্তি নেই। এগুলিকে অতি নিরীহ প্রাণীই বলা যেতে পারে পারে। এরা কা'কেও কামড়ায় না বা দংশনও করে না। নিরীহ প্রাণী হলেও ভ্রান্ত ধারণার বশবর্তী হয়ে অনেকেই এদের প্রতি বিদ্রোহ পোষণ করে থাকে। ভালিয়া, ফ্লকস্, কায়নেশন এবং অন্যান্য বাহারে ফুলের পাপড়ি এবং বিভিন্ন জাতীয় ফলমূল অনেক সময়ে পোকায় কেটে নষ্ট করে। বাগানের মালিদের ডিক্লেস করলে তারা একবারোই বলবে যে, এটা কানকোটারীরই কাজ। কানকোটারীই ফুলের পাপড়ি কেটে এবং ফুলের গায়ে ছিদ্র করে অনিষ্ট করে থাকে। প্রমাণ স্বরূপ তারা হয়তো দু-একটা ফুল ঝেড়ে তা থেকেও দু-একটা কানকোটারী বের করে দেখাবে অথবা কোনও ফুলের গায়ে ছিদ্র থেকে দু-একটা কানকোটারী বের কবে দেখাতে পারে। কিন্তু এ থেকেই এ কথা প্রমাণ হয় না যে, এরাই ফুলের গায়ে ছিদ্র করে থাকে অথবা ফুলের পাপড়ির অনিষ্ট সাধন করে থাকে। এগুলিকে ফুলের গায়ের ছিদ্রের মধ্যে অথবা ফুলের পাপড়ির মধ্যে দেখতে পাওয়া সম্পূর্ণ স্বাভাবিক। কিন্তু সেজন্যে এরা সত্য সত্যই কোনও ফল-ফুলের অনিষ্টসাধন করে না। কানকোটারী রাত্রিচর প্রাণী। দিনের বেলায় এরা গর্তের মধ্যে বা কোনও কিছু আড়ালে আত্মগোপন করে থাকে এবং রাতের বেলায় আহাৰাশেষে বহির্গত হয়। কাজেই এদের ফুলের পাপড়ির আড়ালে অথবা ফুলের গায়ে গর্তের মধ্যে অনেক সময় দেখতে পাওয়া যায়। অত্যাগ পোকারা ফুলের পাপড়ি কেটে বা ফুলের গায়ে ছিদ্র করে চলে যায়। সেই সকল ছিদ্রে অথবা কীটদষ্ট ফুলে কানকোটারীরা আশ্রয় গ্রহণ করে থাকে। এ থেকেই কানকোটারীর সম্বন্ধে ভ্রান্ত ধারণার উদ্ভব হয়েছে। প্রকৃত প্রস্তাবে এরা কিন্তু গাছপালার পক্ষে অনিষ্টকারী ক্ষুদ্র ক্ষুদ্র কীট-পতঙ্গ উদ্বাসাদ করে আমাদের যথেষ্ট উপকারই করে থাকে। এদের পেট চিরে মাইক্রোস্কোপের নীচে পরীক্ষার ফলে দেখা গেছে—তাতে ক্ষুদ্র ক্ষুদ্র গাছ-উকুন ও শোয়াপোকা, শ্যামাপোকা ও ক্ষুদ্র ক্ষুদ্র গুগুলি প্রভৃতি নানা জাতীয় প্রাণীর দেহাবশেষ রয়েছে। তাছাড়া এদের পেটের মধ্যে বেশীর ভাগই অনিষ্টকারী কীট-পতঙ্গের ডিম পাওয়া যায়। অবশ্য সুযোগ পেলে তারা তাদের স্বজাতীয়দের ডিম উদ্বাসাদ করতেও কিছুমাত্র ইতস্তত করে না। এরা কীট-পতঙ্গভোজী হলেও ফল-ফল প্রভৃতি উদ্ভিদ পদার্থ যে একেবারে স্পর্শ করে না, তা নয়। যখন গাছ-উকুন বা অত্যাগ অনিষ্টকারী কীট-পতঙ্গ নিঃশেষিত হয়ে যায় তখন খাড়াভাবে এরা পাকা ফলের রস, ফুলের পাপড়ি বা কচিপাতা প্রভৃতি খেয়ে উদ্বাসাদ করে।

আমাদের দেশে ছোট-বড় কয়েক জাতীয় কানকোটারী দেখতে পাওয়া যায়। স্ত্রী এবং পুরুষ উভয়েরই লেজের দিকে সাঁড়াশীর মতো একজোড়া স্ত্রীক্স অঙ্গ থাকে। সাঁড়াশীর আকৃতির পার্থক্য দেখে স্ত্রী-পুরুষ কানকোটারী চিনতে কিছুমাত্র অসুবিধা হয় না। স্ত্রী-কানকোটারীর সাঁড়াশী মুখ দুটি প্রায় সরলভাবে এবং পরস্পর গাভ্রসংলগ্নভাবে অবস্থান করে। কিন্তু পুরুষ পোকাদের সাঁড়াশী দেখতে অবিকল বেড়ী বা বাউলির মতো। পুং-পোকাদের এই বেড়ীর অগ্রভাগ দুটি পরস্পর সংলগ্ন হলেও মধ্যস্থলে গোলাকার ফাঁক থেকে যায়। বিবর্তনের দিক থেকে দেখলে কোন্ বিশেষ উদ্দেশ্যে দেহের পশ্চাভাগে এই অদ্ভুত অঙ্গটির উদ্ভূত ঘটেছিল, তা পরিষ্কার বুঝতে পারা যায় না। আত্মরক্ষার প্রয়োজনে কদাচিৎ এর ব্যবহার দেখতে পাওয়া যায়। কাঁকড়া বা চিংড়ির দাঁড়ার মতো আহারসংগ্রহে ব্যবহৃত হলেও এর প্রয়োজনীয়তা উপলব্ধি হতো। পূর্বেই বলেছি, পিঠের উপর এদের ডানা দুটি শক্ত খোলার নীচে ভাঁজ করা থাকে। অনেকের ধারণা, ডানা মেলবার পর পুনরায় যথাস্থানে ভাঁজে ভাঁজে সন্নিবেশিত করা কষ্টকর ব্যাপার; সাঁড়াশীর সাহায্যেই এরা ডানা গুটিয়ে যথাস্থানে সন্নিবেশিত করতে পারে। কিন্তু এই ধারণা ভিত্তিহীন। কারণ কয়েক জাতীয় কানকোটারীর মোটেই ডানা নেই অথচ তাদের প্রত্যেকেরই সাঁড়াশী আছে। তবে পোষবার সময় দেখেছি—যখন ডিম আগলে বসে থাকে, তখন কোন কিছুর সাহায্যে শরীর স্পর্শ করলে শরীরের পশ্চাভাগ ঘুড়িয়ে সাঁড়াশীর সাহায্যে তাকে চেপে ধরে।

শীতের সময় অধিকাংশ পোকামাকড়ই কম-বেশী নিশ্চেষ্টভাবে অবস্থান করে। অনেকে আবার সারা শীতকালই ঘুমন্ত অবস্থায় কাটিয়ে দেয়। কানকোটারী শীতের সময় কেবল ঘুমিয়ে কাটালেও অনেকটা নিশ্চলভাবে অবস্থান করে। গ্রীষ্মের প্রারম্ভেই এদের যৌন-মিলন সংঘটিত হয়। যৌন-মিলনের পর এরা কোনও সুবিধাজনক গর্ত বা ইট-কাঠ প্রভৃতির নীচে একবারে ত্রিশ-চল্লিশটি ডিম পাড়ে। কোনও কোনও জাতির কানকোটারীর শীতের সময়েই যৌন-মিলন ঘটে থাকে। কিন্তু তারা ডিম পাড়ে শীতের অবসানে। এদের ডিম পাড়বার ব্যাপার অনেকটা রানী মৌমাটির মতো। ডিমগুলি সম্পূর্ণ গোলগাল নয়। বিশেষভাবে লক্ষ করলে ডিমে রামধনুর মতো রঙের আভা দেখতে পাওয়া যায়। কীট-পতঙ্গের মধ্যে দেখা যায়—তারা সাধারণত ডিম পেড়েই খালাস। মা তার ডিমের মোটেই তদারক করে না। অনেকে ডিম পেড়ে বাচ্চাদের আহারের জন্তে প্রচুর খাদ্য সঞ্চিত করে রাখে। অনেকে আবার বাচ্চার আহাৰ্যোপযোগী গাছ-

পালা বা প্রাণীদেহে ডিম পেড়ে যায়। যেমন মৌমাছি, পিপড়ের বাচ্চারা আগাগোড়া খাত্তীর সাহায্যে প্রতিপালিত হয়ে থাকে। আমাদের দেশীয় মৎস্ত-শিকারী মাকড়সারা শতাধিক বাচ্চা পিঠে নিয়ে ইতস্তত ভ্রমণ করে থাকে। কঁকড়া-বিছারাও বাচ্চাগুলি বড় না হওয়া পর্যন্ত সেগুলিকে পিঠে নিয়ে বেড়ায়। তাছাড়া কতকগুলি প্রাণী বাচ্চাদের কাছে থেকে অনবরত তাদের তদারক করে থাকে। আমাদের দেশে আড় মাছ, শোল মাছ যেমন অনবরত সঙ্গ সঙ্গ থেকে তাদের বাচ্চাগুলির রক্ষণাবেক্ষণ করে, কানকোটারীর সন্তান-বাৎসল্যও তদন্তরূপ। ডিম পাড়বার সময় থেকে আরম্ভ করে স্ত্রী-পোকাটা পারতপক্ষে সন্তানের ছেড়ে কোথাও যায় না। যখন খাদ্যসংগ্রহ করতে বের হয়, তখনও মাঝে মাঝে গর্তে ফিরে ডিমগুলিকে দেখে যায়। কিন্তু নেহাৎ অস্থবিধায় না পড়লে এ সময়ে খাদ্য সংগ্রহে বহির্গত হয় না। মাটির মধ্যে সাধারণ গর্তের মতো একটি স্থানে ডিমগুলিকে একত্রিত করে শরীরের সম্মুখভাগ এবং সম্মুখের পায়ের সাহায্যে সেগুলিকে আবৃত করে রাখে। ঐ সময়ে শরীরের পশ্চাভাগের সাঁড়াশী ও পা দুটিকে উঁচু করে এমনভাবে অবস্থান করে যে, কোনও শত্রুর পক্ষে গর্তে ঢুকে কিছু অনিষ্টসাধন করা অসম্ভব। তাছাড়া শত্রুকে আঘাত করবার জন্তে ডিম পাড়বার পর তারা আর একটি অদ্ভুত উপায় অবলম্বন করে। মুষ্টিযোদ্ধারা লড়াই করবার সময় যেমন চামড়ার ভারী দস্তানা ব্যবহার করে, এরাও সেক্ষেপ পিছনের পা দুটির প্রান্তভাগে কাদা জমিয়ে পুরু দস্তানা তৈরি করে নেয়। কাদা শুকিয়ে পা দুখানি ঠিক শক্ত মুণ্ডরের আকৃতি ধারণ করে। এই অবস্থায় চলবার সময় কানকোটারী তার সম্মুখের পা মাত্র ব্যবহার করে। পিছনের পা দুটি ভারী বস্তুর মতো ঘষুড়ে চলতে থাকে। এই সময় ডিম বা কানকোটারীর শরীর স্পর্শ করলেই দেখা যাবে সে তার মুণ্ডরের মতো পায়ের সাহায্যে ঝটকা আঘাত করে শত্রুকে হটিয়ে দিতে চাইছে। কাজেই এরা যে ডিম রক্ষা করবার জন্তে পা দুখানিতে এক্ষেপভাবে ইচ্ছামত কাদা মাখিয়ে নেয় সে বিষয়ে কোনও সন্দেহই নেই। সময় সময় কোনও পায়ের কাদার আবরণ ভেঙে গেলে পুনরায় জুড়ে নিতে দেখা যায়। পিপেটের সাহায্যে দুই পায়ের কাদার ডেলার উপর দু-এক ফোটা জল নিক্ষেপ করে দেখা গেছে মাটি ভিজে কাদার ডেলা ক্রমশ গলে গেলে পুনরায় দু-একদিনের মধ্যেই পা দুটিকে মুণ্ডরের মতো করে নিয়েছে। ডিম ফুটে বাচ্চা বের হবার কিছুকাল পরে কানকোটারী পায়ে আর মাটির প্রলেপ রাখে না।

পনেরো-ষোল দিন পরে কানকোটারীর ডিম ফুটে বাচ্চা বের হয়। এই

কয়দিন তার আর অবসর থাকে না। সর্বদাই ভিন্ন তদারক করে। ভিন্নগুলিকে প্রায়ই একস্থান থেকে অন্যস্থানে নিয়ে সরিয়ে রাখে। একপ্রকার আঠালো পদার্থের সাহায্যে ভিন্নগুলি গায়ে গায়ে লেগে থাকে। একসঙ্গে সংলগ্ন এক্রূপ অনেকগুলি ভিন্নকে কানকোটারী চোয়ালের সাহায্যে প্রথমে স্থানান্তরিত করে। পরে এসে বিক্ষিপ্ত ভিন্নগুলিকে সংগ্রহ করে নিয়ে যায়। যখন ভিন্ন ফুটে বাচ্চা বের হতে শুরু করে, তখন কানকোটারী অতি ব্যস্ত হয়ে উত্তেজিতভাবে ভিন্নগুলির মধ্যে কখনও মস্তক প্রবেশ করিয়ে কখনও বা শুঁড় দিয়ে বাচ্চাগুলিকে বেরিয়ে আসতে সাহায্য করে। প্রায় ঘণ্টাখানেক সময়ের মধ্যেই মায়ের চতুর্দিকে সম্পূর্ণ সাদা রঙের কালো চোখ বিশিষ্ট চল্লিশ-পঞ্চাশটি বাচ্চা মাছির মতো কিলবিল করতে থাকে। মা তাদের জন্তে নতুন গর্ত করে সেখানে তাদের রাখবার ব্যবস্থা করে। মা যেদিকে তাদের নিয়ে যেতে চায়, তারা যেন কী এক ইঙ্গিত পেয়ে সে দিকেই যেতে থাকে। মুরগীর বাচ্চাগুলিকে মায়ের সঙ্গে সঙ্গে ঘুরতে অনেকেই দেখেছেন। মা যেখানে থাকে, তার আশেপাশেই ঘুরেফিরে তারা আহাৰ সংগ্রহ করে; কিন্তু কোনও প্রকার বিপদের সম্ভাবনা দেখলে মুরগী এক প্রকার শব্দ করলেই বাচ্চাগুলি ছুটে এসে মায়ের ডানার নীচে আশ্রয় গ্রহণ করে। বিপদের ভয় কেটে গেলেই মা বাচ্চাগুলিকে পুনরায় যথেষ্ট বিচরণ করতে দেয়। কানকোটারী মুরগী অপেক্ষা নিম্নস্তরের প্রাণী হলেও বাচ্চাগুলিকে রক্ষণাবেক্ষণের ব্যাপারে কোন অংশেই উন্নতর প্রাণী অপেক্ষা হীন বলে মনে হয় না। কোনরূপ বিপদের সম্ভাবনা দেখলেই বাচ্চাগুলি ইতস্তত বিচ্ছিন্ন অবস্থায় থাকলেও কী যেন একটা সংকেত পেয়ে মায়ের চতুর্দিকে একত্রিত হয়ে একেবারে নিশ্চলভাবে অবস্থান করে। এতগুলি বাচ্চা যে কিভাবে এক্রূপ শৃঙ্খলা রক্ষা করে চলে তা দেখলে বিস্মিত হতে হয়। বোধ হয় বাচ্চাগুলি একে অন্তের শুঁড়ে শুঁড় স্পর্শ করে বিপদের সংকেত জানিয়ে দেয়। বিপদ কেটে গেলে পুনরায় নির্দিষ্ট স্থানের মধ্যেই ইতস্তত বিচ্ছিন্নভাবে ঘোরাফেরা করতে থাকে। পূর্বেই বলেছি, বাচ্চাগুলি বের হবার পর সম্পূর্ণ সাদা থাকে; কিন্তু ধীরে ধীরে দেহের রং পরিবর্তিত হয়ে গাঢ় বাদামী বা কোনও কোনও ক্ষেত্রে কৃষ্ণবর্ণ ধারণ করে। ভিন্ন থেকে বহির্গত হবার পনের-ষোল দিন পর বাচ্চাগুলি প্রথমবার খোলস পরিবর্তন করে। তখন পুনরায় শ্বেত বর্ণ ধারণ করে। কিন্তু অল্প সময়ের মধ্যেই রং পরিবর্তিত হয়ে বাদামী বা ধূসর বর্ণে পরিণত হয়। বাচ্চাগুলি কিন্তু তখনও মায়ের সঙ্গে ছাড়ে না অথবা মা বাচ্চাদের স্বাধীনভাবে ছেড়ে দেয় না। দ্বিতীয় বারের খোলস পরিত্যাগের পরও মা তাদের জন্তে আহাৰ সংগ্রহে ব্যস্ত থাকে।

অনেক সময় দেখা যায়, বাচ্চাগুলির বয়স দু-তিন সপ্তাহ হলে কানকোটারী আবার নতুন করে কতকগুলি ডিম পাড়ে। পূর্বের বাচ্চাগুলিও সঙ্গে সঙ্গেই থাকে। বাচ্চাগুলির জালাতনে বিব্রত হয়ে মা-কানকোটারী সাধারণত শেষের ডিমগুলিকে লুকিয়ে রাখতে চেষ্টা করে; কিন্তু বাচ্চাগুলিকে তাড়াবার চেষ্টা করে না। বাচ্চাগুলিও আবার এমনই যে, স্থবিধা পেলে তাদের মায়ের এই নতুন ডিমগুলিকে খেয়ে নিঃশেষ করতে কিছুমাত্র ইতস্তত করে না। একই ঋতুতে স্ত্রী-কানকোটারী কিছু দিন পর পর প্রায় তিন-চার বার ডিম পাড়ে, প্রথম বারের অপেক্ষা ডিমের সংখ্যা ক্রমশই কম হতে থাকে। বাচ্চাগুলি চারবার খোলস বদলাবার পর পরিণতবয়স্ক কানকোটারীর আকার ধারণ করে। ফড়িং, প্রজাপতি প্রভৃতি কতকগুলি প্রাণীর বাচ্চারা খোলস বদলাবার সঙ্গে সঙ্গেই আকৃতিতে সম্পূর্ণরূপে পরিবর্তিত হয়ে যায়। প্রথমে তারা পুতুলীতে রূপান্তরিত হয়। পুতুলী অবস্থায় এরা সম্পূর্ণরূপে নিষ্ক্রিয়ভাবে থাকে। আবার পুতুলী অবস্থা থেকে খোলস বদলে সম্পূর্ণ নতুন রূপ পরিগ্রহ করে বহির্গত হয়। কানকোটারী চারবার খোলস পরিবর্তন করলেও তাদের একরূপ কোনও অদ্ভুত পরিবর্তন ঘটে না। বয়স বৃদ্ধির সঙ্গে সঙ্গে এদের দেহের আয়তন বেড়ে যায়, কিন্তু উপরের চামড়াটা শক্ত হয়ে যাবার পরে তা আর শরীরের সঙ্গে সমতা রক্ষা করতে পারে না। কাজেই খোলস বদলবার প্রয়োজন হয়। তৃতীয় বার খোলস পরিবর্তন করবার পর পিঠের ডানার আবরণ আত্মপ্রকাশ করে। কানকোটারী সাধারণত এক বছর পর্যন্ত জীবিত থাকে। স্ত্রী-কানকোটারী ক্রমাগত তিন চার বার ডিম পাড়লেও তার যৌন-মিলন একবারই ঘটে থাকে। মোমাছি ও পিপড়ের রানীরা যেমন একবার মিলনের পর অনবরত নিষিক্ত ডিম প্রসব করতে পারে, কানকোটারীও সেক্ষেত্রে একবার মিলনের পর কয়েকবারই নিষিক্ত ডিম প্রসব করে থাকে। শুবরে পোকা, মোমাছি প্রভৃতি কীট-পতঙ্গেরা তাদের দেহের ওজনের তুলনায় অনেক গুণ বেশী ভারী জিনিস টেনে নিয়ে যেতে পারে। শুবরে পোকা তার শরীরের ওজনের ১৮২ গুণ ভারী এবং ভ্রমর তিন শত গুণ ভারী জিনিস টানতে পারে। পরীক্ষায় দেখা গেছে, কানকোটারী তার ওজনের ৫৩০ গুণ ভারী জিনিস টানবার শক্তি রাখে।

কাঁট-পতঙ্গের বাজনা

প্রাণী-জগতে স্থগায়ক হিসেবে পাখিরাই সমধিক পরিচিত। কিন্তু প্রাণীদের মধ্যে মানুষ ও পাখি ছাড়া কঠিনসঙ্গীতে আর কেউ যে কৃতিত্ব অর্জন করেনি, এমন কথা বলতে পারা যায় না। দৃষ্টান্তস্বরূপ ব্যাঙের কথা উল্লেখ করা যেতে পারে। গানে ব্যাঙ কারও অপেক্ষা কম যায় না। মানুষের কাছে তাদের গানের কদর না থাকতে পারে, তাদের স্বজাতীয়দের কাছে কিন্তু কদর খুবই বেশি। বর্ষা সমাগমে সঙ্গীতের প্রতিযোগিতা চলতে থাকে এবং প্রণয়িনীরা প্রতিযোগীদের সঙ্গীতের উৎকর্ষ-অপকর্ষ বিবেচনা করেই তাদের সঙ্গী নির্বাচন করে থাকে। শোনা যায়, সীল জাতীয় কোনও কোনও প্রাণী নাকি অনেক সময়ে অতি কল্পনাসূত্রে ঐকতানে গান গেয়ে থাকে। কিন্তু মানুষ যেমন একাধারে যন্ত্র ও কঠিনসঙ্গীতে পারদর্শিতা লাভ করেছে, অথ কোন প্রাণী সেরূপ দ্বিবিধ ক্ষমতার অধিকারী হতে পারে নি। পাখি, ব্যাঙ প্রভৃতি প্রভৃতি প্রাণীরা যেমন কঠিনসঙ্গীত আয়ত্ত করেছে নিম্নস্তরের কাঁট-পতঙ্গেরাও তেমনি যেন যন্ত্রসঙ্গীতে আধিপত্য লাভ করেছে। পৃথিবীতে বাজনদার কাঁট-পতঙ্গ সংখ্যা অগণিত। আমাদের দেশেই যে কত বিভিন্ন রকমের বাজনদার কাঁট-পতঙ্গ আছে, তার সংখ্যা নির্ণয় করা দুস্কর। এরা যান্ত্রিক কৌশলে হৃৎসংলগ্ন শব্দ-তরঙ্গ উৎপাদন করে থাকে। আমাদের দর্শনেজিয় যেকোন নির্দিষ্ট কতকগুলি আলোক-তরঙ্গ উপলব্ধি করতে সক্ষম, শ্রবণেন্দ্রিয়ের ক্ষমতাও সেরূপ সীমাবদ্ধ। নির্দিষ্ট স্বর-তরঙ্গের সীমা অতিক্রম করে গেলে কোনও শব্দই আমাদের কর্ণগোচর হবে না। তার মধ্যেও আবার ক্ষীণ ও হৃৎসংলগ্ন তরঙ্গগুলি সহজে আমাদের শ্রবণেন্দ্রিয়কে আকৃষ্ট করতে পারে না। বিশেষত হৃৎসংলগ্ন তরঙ্গগুলি একটানা চলতে থাকে তবে তাতে শ্রবণেন্দ্রিয় এমনভাবে অভ্যস্ত হয়ে পড়ে যে, বিশেষ মনোযোগ না দিলে তা মোটেই আমাদের বোধগম্য হয় না। আমাদের আশেপাশে ক্ষুদ্র-বৃহৎ বিভিন্ন জাতীয় কাঁট-পতঙ্গেরা অহরহ বাজনা বাজিয়ে থাকে। স্বরের তীক্ষ্ণতা থাকলেও আশ্চর্য্যজনক এত ক্ষীণ যে, সেদিকে আমাদের মনোযোগ মোটেই আকৃষ্ট হয় না। কিন্তু কাঁট-পতঙ্গের মধ্যে ঝিঁঝিঁপোকা ও পঙ্গপাল জাতীয় এক প্রকার ফড়িঙের আওয়াজের স্বরগ্রাম এত উগ্র ও কর্ণভেদী যে, তাতে তখনই লোকের মনোযোগ আকৃষ্ট হয়ে থাকে।

বিভিন্ন জাতীয় মাছ, গুবরে পোকা ও কোনও কোনও সরীসৃপ জাতীয় প্রাণীরা যান্ত্রিক কৌশলে শব্দ উৎপাদন করতে পারে, কিছু তাদের শব্দকে বাজন্য

বলা যায় না ; যেহেতু তাদের শব্দে স্পষ্টত কোনও সুরের স্বাক্ষর নেই। বিশেষত দু-একটি প্রাণী ছাড়া এদের অনেকেরই শব্দবোধ আছে কিনা সে সম্বন্ধে যথেষ্ট সন্দেহের অবকাশ আছে। আড়, ট্যাংরা, চেকভাগা প্রভৃতি মাছকে জল থেকে তুলে ধরলেই কান্‌কোর উভয় পার্শ্বস্থিত কঁটা দুটিকে সামনে পিছনে নেড়ে কটর কটর শব্দে বিকট আওয়াজ করতে থাকে। কটকটে মাছকে জল থেকে তোলা মাত্রই দাঁতের সাহায্যে কটকট শব্দ করে পেট ফোলাতে থাকে। পাতিচাঁদা মাছকে জল থেকে তুললেই বুক ও পিঠের কঁটাগুলিকে খাড়া করে বীণার স্বাক্ষরের মতো বন্‌বন্‌ আওয়াজ করে থাকে। অবশ্য শব্দ এত ক্ষীণ যে, বিশেষ মনোযোগ না দিলে কানে পৌঁছয় না, তবে স্পর্শ করলে কম্পন অল্পভূত হয়। সিঙ্গি, মাগুর প্রভৃতি মাছেরা উত্তেজিত হলে জলের উপর মাথা তুলে কুপ্‌কুপ্‌ শব্দ করে পেট ফোলাতে থাকে। পাতিচাঁদা মাছকে জল থেকে তুললেই বুক ও পিঠের কঁটাগুলিকে খাড়া করে বীণার স্বাক্ষরের মতো বন্‌বন্‌ আওয়াজ করে থাকে অবশ্য শব্দ এত ক্ষীণ যে, বিশেষ মনোযোগ না দিলে কানে পৌঁছয় না, তবে স্পর্শ করলে কম্পন অল্পভূত হয়। সিঙ্গি, মাগুর প্রভৃতি মাছেরা উত্তেজিত হলে জলের উপর মাথা তুলে কুপ্‌কুপ্‌ শব্দ করে, কিন্তু স্বাভাবিক অবস্থায় জলের নীচে এরা কেউ এক্সপ শব্দ করে না। এতেই বোঝা যায়, আততায়ীর ভীতি উৎপাদনের নিমিত্তই এরা এক্সপ শব্দ করে থাকে। ওড়বার সময় কোনও কোনও পাখির ডানা ও পালকের সংস্পর্শে বাতাসের মধ্যে অনেক প্রকারের ঋতিমধুর শব্দ উৎপন্ন হয়ে থাকে। উড়ন্ত মশা মাছির ডানা থেকেই একটানা সুরের মতো শব্দ নির্গত হয় ; কিন্তু কোনটিকেই যন্ত্র-সঙ্গীত আখ্যা দেওয়া যায় না, কারণ এদের কেউ ইচ্ছানুযায়ী শব্দ উৎপাদন করে না। কোন এক জাতের টিকটিকি লেজ কাঁপিয়ে শব্দ উৎপাদন করে। ব্যাটল সাপের লেজ থেকেও খটখট শব্দ উদ্ভিত হয়। এর কোনটাই সঙ্গীত নয়, ভয় দেখাবার কৌশলমাত্র। চাক রক্ষা করবার সময় বোলতা, ভীমকুল ও মৌমাছির আততায়ীকে সম্মুখে দেখলে ডানা কাঁপিয়ে বন্‌বন্‌ শব্দ করতে থাকে। সাপের শ্রবণেন্দ্রিয় সম্পর্কে অনেক বিতর্ক আছে। কেউ কেউ বলেন, সাপ বাঁশীর সুরে সাড়া দিয়ে থাকে। সাপের সঙ্গীতবোধ আছে কিনা জানি না ; কিন্তু সাপ অপেক্ষা অনেক নিম্নস্তরের কীট-পতঙ্গের মধ্যেও শ্রবণশক্তির পরিচয় পেয়েছি। অভিব্যক্তির স্তরে মাকড়সা অতি নিম্নস্তরের জীব। এই মাকড়সার শ্রবণশক্তি সম্বন্ধে অনেক গল্প প্রচলিত আছে। কোনও এক ব্যক্তি স্বরে বসে বেহালা বাজাতেন। প্রায় প্রত্যেক দিনই নাকি একটি মাকড়সা যন্ত্র-সঙ্গীতে আকৃষ্ট হয়ে ছাদ থেকে কিছু দূর নেমে এসে স্তম্ভ

ঝুলে থাকতো। বাজনা বন্ধ হলেই আবার হুতা বেয়ে উপরে উঠে যেত। এ কাহিনী সভ্যই হোক আর মিথ্যাই হোক আমি নিজে কোনও কোনও জাতীয় মাকড়সাকে যন্ত্রসঙ্গীতের কোনও একটি নির্দিষ্ট স্বরে সাড়া দিতে দেখেছি। জালের উপর মাকড়সাটি নিরিবিলা বসে আছে, খুব জোরে কাঠে কাঠে ঠুকে যতবারই আওয়াজ করেছে, ততবারই সে আংকে উঠেছে। ধাতব তার সবলে প্রসারিত রেখে তাতে আঘাত করলে যে বাজার উৎপন্ন হয়, তাতে তাকে অত্যন্ত ভঙ্গিতে নৃত্য করে সাড়া দিতে দেখেছি। শ্রবণেন্দ্রিয়ের অস্তিত্ব না থাকলে এরূপ ঘটনা সম্ভব হতো কিনা বলা যায় না। মাকড়সার কথা ছেড়ে দিলেও নিম্নস্তরের অগ্ন্যাগ্ন কীট-পতঙ্গের সঙ্গীতে রসবোধ দেখলে বিন্ময়ে অবাক হতে হয়। এদের কেউ কণ্ঠসঙ্গীতে পারদর্শী নয়, অর্থাৎ এদের কারও কণ্ঠস্বর নেই; কিন্তু যন্ত্র-সঙ্গীতে এরা অত্যন্ত কৃতিত্ব অর্জন করেছে। অধিকাংশ ক্ষেত্রেই পুরুষ পতঙ্গেরা বাজনা বাজিয়ে স্ত্রী-পতঙ্গদের আকৃষ্ট করার চেষ্টা করে থাকে; কিন্তু কোনও কোনও ক্ষেত্রে মনে হয় যেন কেবল চিত্তবিনোদনের জন্তাই এরা ঐকতানে বাজনা বাজিয়ে থাকে। এদের শ্রবণশক্তির প্রাথমিক সঙ্কেতও সন্দেহের কিছুমাত্র অবকাশ নেই, কোনও কোনও জাতের পতঙ্গের মধ্যে আবার এমন অত্যন্ত ঘটনা দেখতে পাওয়া যায় যে, তারা স্বজাতীয়দের বাজনার আকৃষ্ট তো হয়ই অধিকন্তু মাহুকের যন্ত্রসঙ্গীতে, এমন কি তাদের গানেও আকৃষ্ট হয়ে থাকে।

পল্লীগ্রামে একবার কোনও একটা দীঘির ধারে সোপানশ্রেণীর উপর বসে কয়েকজন গল্পগুজব করছিলাম। সন্ধ্যা ঘনিয়ে আসছে। এমন সময় সকলের অহরোধে একজন গান ধরলেন। গান শুরু হবার পাঁচ-সাত মিনিট পরেই আশেপাশের গাছপালার উপর থেকে দু-একটি করে ঝিঁঝিপোকা উড়ে এসে আমাদের গায়ে বসতে লাগলো। গান চলছিল, দেখতে দেখতে আরও আরও অনেক ঝিঁঝিপোকা উড়ে এসে আমাদের অস্থির করে তুললো। গান থামতে কিন্তু ধীরে ধীরে তাদের উৎপাত বন্ধ হয়ে গেল। প্রায় পনেরো-বিশ মিনিট পরে পুনরায় গান শুরু হতেই দেখা গেল আবার দু-একটি করে ঝিঁঝিপোকা উড়ে এসে গায়ে পড়ছে। সবুজ রঙের ঝিঁঝিপোকাদের একটা অত্যন্ত স্বভাব এই যে, ক্রমাগত খটখট করে কোনও কর্কশ আওয়াজ শুনেও সেখানে ছুটে আসবে। পূর্ববঙ্গের অনেক পল্লী অঞ্চলে ছেলেমেয়েদের মধ্যে ঝিঁঝিপোকা ধরবার এক অত্যন্ত খেলা প্রচলিত আছে। গ্রীষ্মের প্রারম্ভে যখন ঝিঁঝিপোকার আবির্ভাব ঘটে, তখন সন্ধ্যাকালে ছেলেমেয়েরা সকলে মিলে ঝিঁঝিপোকার ছড়া শুরু করে আবৃত্তি করতে থাকে এবং প্রত্যেকে দু-হাতে দুটি নারিকেলের

মালা ঠুকে সঙ্গে সঙ্গে তাল দিতে থাকে। ঐ শব্দ-গুনে স্ত্রী-পুরুষ উভয় জাতীয় ঝিঁঝিপোকা উড়ে এসে গায়ে বসে। তখন তারা অনায়াসেই তাদের ধরে ফেলে। ডানায় ধরে রাখলে অথবা বুকে একটু চাপ দিলেই পোকাগুলি কট্ কট্ কড়-ড়-ড় করে বিকট শব্দ করতে থাকে। এতেই ছেলেমেয়েদের আনন্দ।

আমাদের দেশে দুই জাতীয় ঝিঁঝিপোকা সচরাচর নজরে পড়ে। এক জাতীয় পোকা সবুজ রঙের, অপর জাতীয় পোকাকার গায়ের রং ধূসর এবং ডানার উপর ফোঁটা ফোঁটা কতকগুলি দাগ। সবুজ পোকাগুলিই সাধারণের নিকট পরিচিত। এদের ডানাশূন্য পুত্তলীগুলি গাছের গুড়ি অথবা অন্য কোনও পরিষ্কৃত স্থানে চূপ করে বসে; স্থির হয়ে বসবার কয়েক ঘণ্টা পরে পুত্তলীর পিঠের উপরের দিক লম্বালম্বিতাবে ফেটে যায় এবং সেই ফাটলের ভিতর থেকে ধীরে ধীরে পূর্ণাঙ্গ ঝিঁঝিপোকা বের হয়ে আসে। শীতের অবসানে এগুলিকে সর্বত্র দেখতে পাওয়া যায়, কিন্তু বর্ষার প্রারম্ভেই আবার অদৃশ্য হয়ে যায়। পুরুষ পতঙ্গগুলিই অতি উচ্চৈশ্বরে ‘ঝিন্‌ঝিন্‌’ আওয়াজ করে থাকে। দিনের বেলাই এদের বাজনার প্রশস্ত সময়, প্রায় সারাদিনই কোনও না কোনও দলের বাজনা শুনে পাওয়া যায়। সমস্ত নিস্তব্ধ—কোথাও কোনও শব্দ নেই হঠাৎ কোনও পাতার আড়াল থেকে কিট্ কিট্ কিট্ কিব্বির-ব-ব-ব শব্দে কর্ণভেদী আওয়াজ উদ্ভিত হলো। কিছুক্ষণের মধ্যেই অপর কোনও পাতার আড়াল থেকে অল্পরূপ শব্দ আসতে লাগলো, দেখতে দেখতে নানা দিক থেকে সেই একই স্বরে স্বর মিলিয়ে ঐকতান শুরু হয়ে গেল। দু-একটা এই ঐকতানে স্বর মিলাতে গিয়ে সময় সময় সঙ্গৎ বেঠিক করে ফেলে। আশ্চর্যের বিষয় এই যে, দু-চার বার শব্দ করে সঙ্গৎ ঠিক হচ্ছে না বুঝতে পেরেই যেন তৎক্ষণাৎ চূপ করে যায়। ধানিক বাদে একমাত্রা শেষ হয়ে গেলে দ্বিতীয় মাত্রার প্রথম থেকেই স্বর মিলিয়ে ঐকতানে যোগদান করে। যখন চতুর্দিক থেকে সকলে মিলে ঐকতান শুরু করে, তখন কেবল ঝিন্‌ঝিন্‌ আওয়াজ শোনা যায়। স্বর যেমন কর্কশ তেমনই স্থতীক। কর্ণপটাহ যেন সূচের মতো বিঁধতে থাকে। স্বরগ্রাম ক্রমশ হুউচ্চ পদায় উঠে যায়, আবার ধীরে ধীরে নীচের পদায় নেমে আসে। এক্রপ তালে তালে অনেকক্ষণ পর্যন্ত একটানা সঙ্গীত চলতে থাকে। মনে হয় স্বরের ঝড়ার যেন এক দিক থেকে আরম্ভ করে চতুর্দিক ঘুরে ঘুরে আসছে।

বর্ষা আরম্ভ হলেই ধূসর বর্ণের ঝিঁঝিপোকাকার বাজনা শুরু হয়। এরা কাঠ ঝিঁঝি নামে পরিচিত। সবুজ রঙের পোকাগুলির চেয়ে এরা আকারে ছোট। কাঠ-ঝিঁঝি প্রায়ই গাছের উঁচু ভালে অবস্থান করে বলেই লোকের নজরে পড়ে

না। কেবল বিরবির শব্দ শুনে পাওয়া যায়। এরাও ঐকতানে বাজনা বাজিয়ে থাকে; কিন্তু শব্দ অপেক্ষাকৃত ক্ষীণ ও একঘেয়ে বলে সহজে মনোযোগ আকৃষ্ট হয় না। বিবিপোকাকার শরীরের উভয় পার্শ্বে দুটি গভীর গর্তের উপর ক্ষুদ্র ক্ষুদ্র ডানার মতো দুটি পর্দা আছে। ঐ পর্দাগুলিকে দ্রুত গতিতে কাঁপিয়ে তারা শব্দ উৎপাদন করে থাকে। গর্তের আবরণ ড্রামের পর্দার মতো কেঁপে উঠে ডানার ক্ষীণ শব্দকম্পনকে বহুগুণে বাড়িয়ে একরূপ উচ্চ স্বরে পরিণত করে।

কীট-পতঙ্গের লুকোচুরি

শিয়াল, সজার, অপোসাম প্রভৃতি জানোয়ার শত্রুহস্তে লাক্ষিত হলে আত্ম-রক্ষার জন্যে যেমন মৃতের মতো ভান করে পড়ে থাকে এবং সন্ধ্যোগ বুঝলেই ছুটে পালায়, নিম্নশ্রেণীর কীট-পতঙ্গের মধ্যে অহোরহই সেক্ষণ দৃষ্টান্ত দেখতে পাওয়া যায়। ধরা মাত্রই ফড়িং প্রবল বেগে ডানা নেড়ে পালাবার চেষ্টা করে। কিছুক্ষণ ব্যর্থ চেষ্টার পর, শত্রুর হাত থেকে কোনক্রমে নিজস্ব লাভের উপায় না দেখলে মৃতের মতো ভান করে অসাড়ভাবে পড়ে থাকে। মনে হবে যেন মরে যাবার পর দেহটা শক্ত হয়ে গেছে। তখন সেটাকে ধরে রাখবার কথা কারও মনে উদ্বল হয় না। ছাড়া পাবার পর কিছুক্ষণ মৃতের মতো পড়ে থেকে হঠাৎ চক্ষুর নিম্নে উড়ে পালায়। একটা ফড়িং উরে মাকড়সার জালের আঠায় আটকে যাবে। আর সঙ্গে সঙ্গেই জাল থেকে মুক্ত হবার জন্যে প্রাণপণে কাপটা-কাপটি তরু করে দেবে। ফড়িংটা যদি আকারে বেশ বড় হয়, তবে দেখা যাবে মাকড়সাটা ভয়ে জালের এক প্রান্তে গিয়ে লুকিয়ে আছে। প্রাণপণে চেষ্টা করে ফড়িংটা যখন বুঝতে পারে আর মুক্ত হবার উপায় নেই, তখন সে শিকারীর কবল থেকে আত্মরক্ষার জন্যে অন্য উপায় অবলম্বন করে। সে তখন মড়ার মতো চূপ করে পড়ে থাকে। বেশ কিছু সময় কেটে যায় একটুকুও নড়াচড়া করে না। এদিকে মাকড়সা জালের দূর প্রান্তে আত্মগোপন করে ওৎ পেতে রয়েছে। নড়াচড়া বন্ধ হবার কিছুক্ষণ পরে যখন বুঝতে পারে যে শিকার নিশ্চয়ই নিজেই হয়ে পড়েছে, তখন ধীরে ধীরে জালের সূতা বেয়ে ফড়িংটার কাছে উপস্থিত হয়। কিন্তু শিকার তখনও নড়াচড়া না করলে সে চূপ করে বসে থাকে। মাকড়সাদের এক অভূত স্বভাব দেখা যায়—এরা মৃতদেহ আহার করে না। মৃত কীট-পতঙ্গ জালে ফেলে দিলে হয় জাল ঝেড়ে নয়তো জাল

কেটে সেটাকে ফেল দেয়। জাল পেতে শিকার ধরে একগুণ বিভিন্ন জাতের অধিকাংশ মাকড়সারই সাধারণত এই রীতি। যাহোক মৃত মনে করে মাকড়সাটা অসাড় ফড়িটার কাছে বসে সময় সময় ঘটার পর ঘটা কাটিয়ে দেয় কিন্তু ফড়িটা স্বভাবের তাড়নায়ই হোক বা অনেককণ একভাবে থাকায় অস্বস্তির দৃষ্টিই হোক একটু গা ঝাড়া দিতেই মাকড়সা ছুটে গিয়ে তার ঘাড় কামড়ে ধরে এবং সঙ্গে সঙ্গে শরীরের পশ্চাভাগ থেকে ফিতার মতো সূতা বের করে তাকে জড়িয়ে ফেল। ফড়িটা যদি আরও কিছুকণ ঐভাবে ধৈর্য ধরে অসাড়ভাবে থাকতে পারতো তবে মাকড়সা তাকে সত্য সত্যই মৃত মনে করে জাল কেটে ফেলে দিত। শত্রু কর্তৃক আক্রান্ত মাকড়সারাও কিন্তু মৃতের মতো ভান করে প্রাণরক্ষা করে থাকে। ছুটাছুটি করেও শত্রুর কবল থেকে মুক্ত হতে না পারলে তাকে বিভ্রান্ত করবার উদ্দেশ্যে হাত-পা গুটিয়ে ক্ষুদ্র এক এক ডেলা ঝুল বা ঐকুপ কোনও অকিঞ্চিৎকর পদার্থের মতো নিষ্পন্দনভাবে পড়ে থাকে। শত উত্সাহ করলেও এই অবস্থায় পলায়নের চেষ্টা করে না, কতকটা যেন কচ্ছপের মতো অবস্থাপ্রাপ্ত হয়। মাকড়সা বলে কোনও ক্রমেই চিনতে পারা যায় না। চোখের সামনে থাকলেও তাকে তখন খুঁজে বের করা দুষ্কর হয়ে পড়ে।

কমা-প্রজাপতি নামে অদ্ভুত আকৃতির এক প্রকার প্রজাপতি দেখতে পাওয়া যায়। এদের ডানাগুলি স্বাভাবতই যেন ছিন্নবিচ্ছিন্ন। ডানা মুড়ে পত্র-পল্লবের উপর বসে থাকলে গাছের ছিন্নপত্র ছাড়া আর কিছুই মনে হয় না। কোন জাতীয় শত্রুর ভয়ে এরা একগুণ লুকোচুরি খেলে থাকে, তা বুঝতে পারা যায় না।

আমাদের দেশে কয়েক জাতীয় স্ততলি পোকা দেখা যায়। এরা মথ জাতীয় এক প্রকার প্রজাপতির বাচ্চা। গাছের পাতা খেয়েই এরা জীবনধারণ করে। স্ততলি পোকার শরীরের মধ্যদেশে পায়ের অস্তিত্ব নেই। দেহের সম্মুখভাগ এবং পশ্চাভাগে পাগুলি অবস্থিত। এই জন্মেই এরা জোঁকের মতো চলাফেরা করে। যে গাছে স্ততলি পোকা বিচরণ করে তার রং এবং স্ততলি পোকার শরীরের রং দেখতে প্রায় একই রকমের। কাজেই বর্ণনা সামঞ্জস্যে বিভ্রান্ত হয়ে শত্রুরা অনেক সময়েই প্রভাবিত হয়ে থাকে। চড়ুই পাখিরা এদের পরম শত্রু। শত্রুদের প্রভারণা করবার জন্য এরা আর এক প্রকার অদ্ভুত উপায় অবলম্বন করে থাকে। সন্ধ্যা সন্ধ্যা ডালের গায়ে পশ্চাভাগের পা আটকে শরীরটাকে কাঠির মতো বাইরের দিকে প্রসারিত করে দেয় এবং এই অবস্থায় সারাদিন নিশ্চলভাবে অবস্থান করে। দেখে মনে হয় যেন ডালের গায়ে একটি পত্রশূন্য বোঁটা লেগে রয়েছে। পাখিদের ভয়ে সারাদিন এভাবে থেকে

রাতের বেলায় আহারাধেৰণে বহির্গত হয়। শত্রুর নিকট এই চাতুরি ধরা পড়ে গেলে তৎক্ষণাৎ ডালের গায়ে স্থতা এঁটে মাকড়সার মতো নীচে ঝুলে পড়ে। ঝোপ-ঝাড়ের মধ্যে স্থতার প্রান্তে কাঠির মতো স্থতলি পোকা ঝুলে আছে একটু লক্ষ করলে ঐ দৃশ্য সহজেই নজরে পড়ে। এক জাতের স্থতলি পোকা দেখতে পাওয়া যায়, তারা যে গাছের পাতা খেয়ে জীবনধারণ করে, দিনের বেলায় সেই গাছের ডাল ঝাঁকড়ে নীচের দিকে ঝুলে থাকে। মনে হয় যেন সরু সরু লাঠির মতো কতকগুলি ফল ঝুলছে। এক-একটা পল্লবের নিকটবর্তী ডাল থেকে একুণ অসংখ্য পোকা ঝুলতে দেখা যায়।

শরীরের পশ্চাচ্ছাগে শুঁড়ওয়ালা সবুজ রঙের এক জাতীয় মথ-প্রজাপতির বাচ্চা পাখিদের উপদেষ্টা খাচ্চ। এরাও গাছের পাতা খেয়ে শরীরপোষণ করে। দিনের আলো বেড়ে ওঠবার সঙ্গে সঙ্গেই এরা খাওয়া বন্ধ করে এবং একটা পাতা যতদূর খাওয়া হয়ে গেছে তারই কাছে মাথা উঁচু করে এক প্রকার অদ্ভুত ভঙ্গীতে বসে থাকে। দেখে স্বভাবতই মনে হয় যেন বোঁটার গায়ে একটি কুঁড়ি গজিয়ে উঠেছে। শত্রুর দৃষ্টি এড়াবার এটাই তাদের প্রধান ফন্দী।

কীট-পতঙ্গেরা সাধারণত ডিম পেড়েই খালাস, বাচ্চাদের কোনও খোঁজ-খবর নেয় না। দুর্বল ও অসহায় হলেও নিজেরাই তাদের আত্মরক্ষার ব্যবস্থা করে থাকে। আত্মরক্ষার প্রচেষ্টায় তারা যে কত রকম অদ্ভুত কৌশল ও অহুকরণ শক্তির পরিচয় দিয়ে থাকে তা লক্ষ করলে বিস্মিত হতে হয়। আমাদের দেশীয় ব্রহ্মতিলক-প্রজাপতির বাচ্চারা পুতুলী-অবস্থায় নিরাপদে কাটাবার জন্যে এমন এক অদ্ভুত আকৃতি পরিগ্রহ করে যে, দেখলেই যেন একটা বিতৃষ্ণার ভাব উদয় হয়; তার কাছ ঘেঁষতেই প্রবৃত্তি হয় না। কাঠ-পোকারা (কতকটা ক্ষুদ্রকায় গুবরে পোকার মতো দেখতে) গাছের গায়ে ডিম পেড়ে তার আর কোনও খোঁজখবর নেয় না। ডিম থেকে বাচ্চা ফুটে গাছের গায়েই অবস্থান করে। পাখিরা এদের ভীষণ শত্রু। গুটি বেঁধে নিশ্চেষ্টভাবে অবস্থান করবার সময় সহজেই শত্রুর কবলে পড়তে পারে—এই ভয়ে সেই গাছের ফলের অহুকরণে গুটি নির্মাণ করে তার মধ্যে নিশ্চিন্তভাবে অবস্থান করে। এদের শত্রুরা, এমন কি, মাছধেরাও সহজে বুঝতে পারে না যে, সেগুলি গাছের ফল, না পোকার গুটি। ফ্লাটা নামক এক জাতের পতঙ্গের বাচ্চা শত্রুর নজর এড়াবার জন্তে পত্রশূন্য সরু ডালের গায়ে পর পর গুটি নির্মাণ করে শৈশবাবস্থা অতিক্রম করে। দেখলে ডালের পাতা বা বোঁটার ঝুলনো ফল বলে মনে হয়। নিম্নলিখিত কীট-পতঙ্গের মধ্যে অনেক ক্ষেত্রেই দেখতে পাওয়া যায় যে তারা

তাদের দেহের রং ও শরীরের অদ্ভুত আকৃতির সাহায্যে অপরকে বিভ্রান্ত করে আহাৰ সংগ্রহ ও আত্মরক্ষা—এই উভয়বিধ ব্যবস্থাই করে নিয়েছে। আমাদের দেশের নালা-ডোবা, পুকুরে জলজ লতাপাতার মধ্যে কাঁটির মতো ধূসর রঙের এক প্রকার পোকা বোধ হয় সকলেরই নজরে পড়ে থাকবে। এরা জলজ ঘাসের মধ্যে নীচের দিকে মুখ করে হাত-পা ছড়িয়ে ডালপালা-সংযুক্ত একটি তৃণখণ্ডের মতো ঘণ্টার পর ঘণ্টা নিশ্চলভাবে চুপ করে পড়ে থাকে। গায়ের রং এবং চেহারা দেখে অতের তো দূরের কথা, মানুষেরাই বুঝতে পারে না যে, সেটা একটা প্রাণী কিংবা মৃত ঘাস। ছোট ছোট মাছ ও জলপোকারা ঘুরতে ঘুরতে নিশ্চিন্ত মনে তাঁর নিকটস্থ হওয়া মাত্রই চোখের নিমেষে কোন একটাকে ধরে ফেলে। এরা উভচর প্রাণী, তবে দিনের আলোতে ভাঙায় থাকতে চায় না। ভাঙায় ছেড়ে দিলেই শত্রুর দ্বারা আক্রান্ত হয়েছে মনে করে হাত পা লম্বালম্বিভাবে প্রসারিত করে ঠিক মতের মতো পড়ে থাকে। কিছুক্ষণ পরেই উঠে মাকড়সার মতো লম্বা লম্বা পা ফেলে জলের দিকে পালাবার চেষ্টা করে। আমাদের দেশে গাছপালার উপরেও কয়েক প্রকার কাঁটিপোকা দেখা যায়। এরা সম্পূর্ণরূপে স্থলচর। কিন্তু এদের শিকার ধরবার ও আত্মরক্ষা করবার কৌশল সম্পূর্ণ জল-কাঁটির মতো।

আমাদের দেশের খাল-বিল-ডোবা প্রভৃতি জলাশয়ের ধারে ছোট ছোট ঝোপের মধ্যে এক বকম কাঁটি-মাকড়সা দেখতে পাওয়া যায়। ওরা শয়ানভাবে জাল পেতে শত্রুর দৃষ্টি এড়াবার জন্যে অথবা শিকারকে ধোঁকা দেবার জন্যে পাণ্ডুলিকে উভয় দিকে একত্রিত ভাবে প্রসারিত করে ঠিক একটি কাঁটির মতো জালের স্ততা অথবা পাতার গায়ে লেগে থাকে। জানা না থাকলে কিছুতেই বোঝবার উপায় নেই যে, সেটা একটা কাঁটি কিংবা মাকড়সা। শিকার জলে পড়বা মাত্র হাত-পা ছড়িয়ে ছুটে গিয়ে তাকে আক্রমণ করে। শিকারকে আয়ত্ত করে আবার ঠিক পূর্বের মতো পা ছড়িয়ে নিশ্চিন্ত মনে শীরে ধীরে তাকে উদ্বাস্ত করতে থাকে।

আমাদের দেশে গাঁদা, ভালিয়া, সূর্যমুখী প্রভৃতি ফুলের পাপড়ির মধ্যে সাদা, হলুদ বা সবুজাভ এক প্রকার সূর্যমুখী মাকড়সা দেখতে পাওয়া যায়। এদের চালচলন কতকটা কাঁকড়ার মতো বলে এগুলিকে কাঁকড়া-মাকড়সা বলা হয়। ফুলের রং অতুযায়ী এদের দেহের রঙেরও পার্থক্য দেখা যায়। ছোট ছোট পাখি ও কুমোরে-পোকারা এদের পরম শত্রু। সর্বদাই একস্থানে চুপ করে বসে থাকে বলে এবং ফুলের রঙের সঙ্গে মিলে যাওয়ায় শত্রুরা এদের সহজে খুঁজে বের করতে বাংলার কাঁট—৮

পারে না। তাছাড়া একুপ লুকোচুরির ফলে নিরীহ পোকামাকড়েরা মধুর লোভে নির্ভাবনায় ফুলের উপর উপবেশন করা মাত্রই এদের কবলে পতিত হয়। এদের জীবনযাত্রা প্রণালী পর্যবেক্ষণ করবার সময় বহুবার প্রত্যক্ষ করেছি, ঘণ্টার পর ঘণ্টা শিকারের আশায় একই স্থানে নিশ্চলভাবে বসে রয়েছে। কীট-পতঙ্গ ফুলের উপর বসবা মাত্রই চোখের নিম্নে তাকে ধরে ফেলবে। শিকার অপেক্ষাকৃত শক্তিশালী হলে ধরা পড়েও সময় সময় উড়ে পালায়। শিকার পলায়ন করবার সময় হয়তো সম্মুখের পা দুটি উল্লেখ্য উত্থিত হয়েছিল। আশ্চর্যের বিষয় ঠিক সেই ভাবেই উল্লেখ্য পদ হয়ে ঘণ্টার পর ঘণ্টা কাটিয়ে দেবে; একটু নড়ে বসে পা দু-খানাকে স্বস্থানে গুটিয়ে রাখবে না।

পৃথিবীতে বিভিন্ন জাতের হাজার হাজার মাকড়সা দেখা যায়। এদের মধ্যে কতকগুলি জাতের অহু করণ-শক্তির কথা শুনে বিস্ময়ে অবাক হতে হয়। এ পর্যন্ত কলকাতা ও তার আশেপাশে বিভিন্ন স্থান থেকে প্রায় ছাব্বিশ রকমের বিভিন্ন আকৃতির অহু করণকারী পিঁপড়ে-মাকড়সা সংগ্রহ করতে সক্ষম হয়েছি। আমার মনে হয় যত রকমের পিঁপড়েই আমরা দেখতে পাই, তাদের প্রায় প্রত্যেকেরই অহু করণকারী পিঁপড়ে-মাকড়সার অস্তিত্ব রয়েছে। আমাদের দেশীয় চুর্খ নালসো বা লাল-পিঁপড়েকে অন্তত তিন জাতের বিভিন্ন মাকড়সা অহু করণ করে থাকে। এদের মধ্যে দু-জাতের মাকড়সা লাল পিঁপড়ে শিকার করে জীবন ধারণ করে। পিঁপড়ে ধরবার জন্তেই ঐ দুই জাতের অহু করণকারী মাকড়সা এই কোঁশলের আশ্রয় নিয়েছে। ডেঁয়ো-পিঁপড়ে অহু করণকারী তিন-চার জাতের মাকড়সাকে কলকাতা ও তার আশেপাশে বিচরণ করতে দেখা যায়। শত্রুর কবল থেকে আত্মরক্ষার জন্তেই এদের অনেকে এই অহু করণবৃত্তির আশ্রয় নিয়েছে। কেবল এক জাতের মাকড়সা এই অহু করণ-ক্ষমতাকে বিবিধ উদ্দেশ্যে কাজে লাগিয়েছে। এরা প্রধানত ডেঁয়ো পিঁপড়ে শিকার করেই জীবনধারণ করে। ডেঁয়ো-পিঁপড়েরা নিজেদের সঙ্গী বলে ভুল করে এদের কাছে এলেই তারা তিন চার জনে মিলে তাকে কাবু করে ফেলে।

লম্বা দীপে নাকি পাতার মতো ডানাওয়ালা এক প্রকার গন্ধাকড়িও দেখা যায়। এদের ডানা দেখতে ঠিক চওড়া একটা পাতার মতো শিরতোলা। শিকার অবশেষে এরা পাতার উপরই বিচরণ করে এবং প্রায়ই শিকারের প্রতীক্ষায় এক স্থানে চুপ করে থাকে। কীট-পতঙ্গেরা এদের পাতা মনে করে নিকটস্থ হলেই আর রুকা নেই। গাঁড়ান্নির মতো সম্মুখস্থ একঝোড়া গাঁড়ার সাহায্যে তাকে চপে ধরে। পাখিরা এদের স্বাভাবিক শত্রু। কিন্তু প্রায়ই তারা এদের পাতা

মনে করে প্রতারণিত হয়ে থাকে। দক্ষিণ ভারতের গঞ্জিলাস নামক এক প্রকার গন্ধাফড়িঙের কথা শোনা যায়। গন্ধাফড়িঙের আকৃতি অতি অদ্ভুত। দেখতে ঠিক এক-একটি অর্কিড ফুলের মতো। যেমন রং তেমনই গঠন—পাতার গায়ে পিছনের পা আটকে মুখ নীচু করে ঝুলে থাকে। ফুল মনে করে ছোট ছোট কীট-পতঙ্গেরা নিকটে আসামাত্রই ধরে ধরে ফেলে। ফুল মনে করে পাখিরাও এদের আক্রমণ করে না।

শুক ডাল অথবা লতাপাতার গায়ে আর এক প্রকার অদ্ভুত গন্ধাফড়ি দেখতে পাওয়া যায়। শিকারাবেষণে যখন সরু সরু ডালের গায়ে সন্নিবেশিত হয়ে অবস্থান করে তখন সেগুলিকে শুষ্ক তৃণখণ্ড ছাড়া আর কিছুই মনে করা যায় না। এদের এই অদ্ভুত আকৃতিতে প্রতারণিত হয়ে ছোট ছোট কীট-পতঙ্গেরা নিকটে উপস্থিত হলেই এদের দ্বারা অতর্কিতে আক্রান্ত হয়ে জীবন শেষ করে।

কীট-পতঙ্গের শিল্পনৈপুণ্য

শিবপুরের বাগানে একবার প্রজাপতি ও পোকামাকড় সংগ্রহ করছিলাম। প্রকাণ্ড একটা গাছের নীচে অনেকটা জায়গা বড় বড় দুর্বাঘাসে ছেয়ে গেছে। তার মধ্যে কয়েক বকমের পিঁপড়ে-মাকড়সার আনাগোনা দেখে ক্লোরোফর্ম গ্যাস প্রয়োগে অসাড় করে সেগুলিকে ধরবার চেষ্টা করছিলাম। প্রায় ২০২৫ গজ দূরে সহসা একটা মাঝারিগাছের গাছের দিকে নজর পড়তেই অদ্ভুত বকমের ফুল দেখে কয়েকটা ফুল সংগ্রহ করবার জন্তে গাছটার দিকে অগ্রসর হলাম। গাছের কাণ্ডটা প্রায় দশ-বারো ফুট লম্বা হবে। কাণ্ডের বেড়টাও ১৬।১৭ ইঞ্চির বেশী নয়। কাণ্ডটার গায়ে কোনও ভালপালা নেই। কেবল মাথার উপরিভাগে পত্র-পল্লবগুলি ছত্রাকারে বিস্তৃত হয়ে আছে। গাছটার কাছে গিয়ে দেখলাম কাণ্ডটার চার দিকেই বাদামী রঙের বড় বড় কাঁটার ভর্তি। কাঁটাগুলি দেখে গাছটার আশ্চর্য্যকর অপূর্ব কৌশলের কথা ভাবছিলাম। হঠাৎ মনে হলো, একটা কাঁটা যেন একটু নড়ে উঠলো। বিশ্ময়ে অবাক হয়ে গেলাম। কাঁটাটাকে নড়তে দেখলাম কেন? তবে কি চোখের ভুল? বিশেষ মনোযোগের সঙ্গে লক্ষ্য করতেই নজরে পড়লো একটা কাঁটাই নয়, এখানে-সেখানে অনেক কাঁটাই মাঝে মাঝে নড়ে উঠছে। একটা কাঁটা ধরে টানতেই অতি সহজেই গাছের গা থেকে উঠে আসলো—যেন নরম আঠা দিয়ে আলতোভাবে সংলগ্ন ছিল।

কাঁটাটা তুলার মতো নরম এবং কীপা। ধারালো স্নেহ দিয়ে একটা কাঁটা চিরে ফেলতেই ভিতর থেকে স্রু এবং লম্বা একটা পোকা বেরিয়ে পড়লো। পোকাটার মুখের দিকটা গাঢ় খয়েরী রঙের, কিন্তু শরীরটার রং হালকা বাদামী। কাঁটার মতো পদার্থটা যে, পোকাটার বাসা বা বহিরাবরণ মাত্র সেটা সহজেই বোকা গেল।

দিন কয়েক বিশেষভাবে লক্ষ করে দেখা গেল—এই পোকাগুলি মুখ থেকে স্নান্ন স্রুতা বের করে তার সাহায্যে গাছের ছালের ক্ষুদ্র ক্ষুদ্র অংশ একত্রে জুড়ে কাঁটার মতো বাসার কাঠামো নির্মাণ করে। অবশেষে গাছের গা থেকে স্নান্ন স্নান্ন লালচে রঙের টুকরো সংগ্রহ করে কাঠামোর গায়ে রঙের প্রলেপের মতো সর্বত্র সমভাবে এঁটে দেয়। কাজেই স্বাভাবিক কাঁটার সঙ্গে আপাতদৃষ্টিতে কোনও পার্থক্যই উপলব্ধি হয় না। ভিতরকার পোকাটা এই কাঁটার মতো বাসাটাকে নিয়েই আহারাশ্রমণে ইতস্তত পরিভ্রমণ করে থাকে। পোকাটার মুখের সম্মুখভাগে ঝাঁকানো সাঁড়াশীর মতো দুটি ধারালো দাঁত আছে। এই দাঁতের সাহায্যেই এরা গাছের ছালের রসালো অংশ কুরে খায় এবং পরিত্যক্ত অংশটুকু দেহাবরণের গায়ে এঁটে দেয়, এবং ছাল কামড়ে ধরেই এরা এক স্থান থেকে অগ্ন স্থানে যাতায়াত করে থাকে। নির্দিষ্ট এক জাতীয় গাছের সঙ্গে এই কাঁটা-পোকার সম্পর্ক যেন পরস্পরের প্রতি সাহায্যমূলক। গাছের অনিষ্টকারী শত্রুরা কাঁটা-পোকাগুলিকে প্রকৃত কাঁটা মনে করে এর কাছে আসতে ভয় পায়। প্রতিদানে গাছগুলি যেন তাদের ছাল খেতে দিয়ে তাদের বাঁচিয়ে রাখে। যাহোক, খেতে খেতে পোকাটা পূর্ণবয়স্ক হবার পর বাসাটাকে এক স্থানে দৃঢ়ভাবে আটকে রেখে তার মধ্যেই পুতলীতে রূপান্তরিত হয়। কিছুকাল পুতলী অবস্থায় নিষ্ক্রিয়-ভাবে থাকবার পর এক প্রকার ক্ষুদ্রাকার পতঙ্গের রূপ ধারণ করে গুটি কেটে বের হয়ে যায়। যাযাবর মাহুঘের মতো ঘরবাড়ি সঙ্গে নিয়ে ঘুরে বেড়ায়—কাঁটাপোকায় মতো একরূপ অসংখ্য রকমারি পোকা আমাদের দেশে দেখা যায়। এরা সাধারণত ঝুড়ি-পোকা নামে পরিচিত। বিভিন্ন জাতীয় ঝুড়ি-পোকায় বাসা নির্মাণের কৌশল এবং কার্যকার্য দেখলে বিস্ময়ে অবাক হয়ে যেতে হয়। আরও আশ্চর্যের বিষয় এই যে, কীট-পতঙ্গের বাচ্চাগুলিই অপূর্ণ শিল্পকুশলতা এবং কর্ম-দক্ষতার পরিচয় দিয়ে থাকে। পূর্ণবয়স্ক কীট-পতঙ্গেরা কিন্তু এ বিষয়ে তাদের তুলনায় সম্পূর্ণ অক্ষম।

শিল্পচর্চায়, সৌন্দর্য্যদৃষ্টিতে মাহুঘ অসামান্য দক্ষতা অর্জন করেছে। মহুগুতর প্রাণীরা সৌন্দর্য্যদৃষ্টি অথবা শিল্পনৈপুণ্যের পরিচয় দেয় বটে, কিন্তু তা কেবল

মাকুষের দৃষ্টিতে রমণীয় ; তাদের নিজেদের কোনও সৌন্দর্যবোধ আছে কিনা— সে বিষয়ে সন্দেহ আছে। কারণ এদের শিল্পনৈপুণ্যের মধ্যে কোনও বৈচিত্র্য লক্ষিত হয় না। বাসস্থল নির্মাণেই প্রধানত এদের কর্মকুশলতার পরিচয় পাওয়া যায়। বিভিন্ন জাতীয় প্রাণীরা প্রত্যেকেই তাদের কোনও একটা স্থনির্দিষ্ট পন্থায় তাদের আশ্রয়স্থল নির্মাণ অথবা তাতে নির্দিষ্ট কার্যকার্য করে থাকে। এটা একটা স্বাভাবিক সংস্কারজাত ব্যাপার। মাকুষের শিল্পনৈপুণ্য বা সৌন্দর্যসৃষ্টির কৃতিত্ব পৌনঃপুনিক অভ্যাসের দ্বারা অর্জন করতে হয়। কাজেই সকলে একই রকম কৃতিত্বের অধিকারী হন না। কিন্তু মাকুষের প্রাণী-জগতে এর বিপরীত ঘটনাই দেখা যায়। স্বাভাবিক সংস্কারবশে প্রত্যেকেই তারা একই রকমের শিল্প-নৈপুণ্যের পরিচয় দিয়ে থাকে। সৌন্দর্যবোধের কথা বাদ দিলেও প্রয়োজনের তাগিদে মাকুষের প্রাণী, বিশেষত কীট-পতঙ্গজাতীয় প্রাণীরা যেকোন শিল্প-দক্ষতার পরিচয় দেয়—বিশেষভাবে লক্ষ করে দেখলে তাতে বিশ্বয়ের পরিসীমা থাকে না।

দৈহিক গঠনের বিষয়ে বিবেচনা করলে জীব-জগতে মাকুষের পরেই বানর জাতীয় প্রাণীদের স্থান নির্দেশ করতে হয়। এদের মধ্যে শিম্পাঞ্জি, ওরাং-উটান প্রভৃতিকে মাকুষের নিকটতম জাতি বলা যেতে পারে। হস্তপদবিশিষ্ট এই প্রাণীরা বৃক্ষের উপরিভাগে বাসস্থল নির্মাণ করে থাকে। কিন্তু তাতে না আছে কোন সৌন্দর্য, না আছে কোন কৌশল। সাধারণ একটা কাক-চিলের বাসাতেও যে নৈপুণ্যের পরিচয় পাওয়া যায়, এতে তাও নেই। কতকগুলি ভালপালা একত্রিত করে কোনও রকমে বসবার অথবা শোবার স্থান করে নেয় মাত্র। তাদের চেয়ে অনেক নিম্ন-পর্যায়ের প্রাণী মেঠো-ইঁদুর যেকোন বাসস্থল নির্মাণ করে তা অনেকাংশেই উন্নত। এরা সুবিগ্ভভাবে চতুর্দিক বন্ধ করে গোলায় বাসা নির্মাণ করে, এবং ভিতরে যাতায়াত করবার একটি মাত্র পথ রাখে। ভিতরে তুলো বা অল্প কোনও কোয়ল পদার্থের আস্তরণ দিয়ে দেয়। বিভিন্ন জাতীয় প্রাণীদের বাসস্থল নির্মাণের কৌশল দেখবার মত। কিন্তু বিভিন্ন জাতীয় পাখিরা বাসা নির্মাণে যেকোন শিল্পনৈপুণ্যের পরিচয় দেয়, তার সঙ্গে উপরিউক্ত প্রাণীদের বাসার কোনও তুলনাই চলে না। বাবুই পাখির বাসা অনেকেই দেখে থাকবেন। বাসাগুলির সৌন্দর্য এবং নির্মাণ-কৌশল দেখে বিস্মিত না হয়ে পারা যায় না। টুনটুনি পাখি অতি ক্ষুদ্র হলেও স্থানের মতো ঠোঁটের সাহায্যে অতি নিপুণভাবে পাতা সেলাই করে বাসা নির্মাণ করে। পাতা মুড়ে সেলাই করবার কায়দা দেখলে বিশ্বাসে অবাক হয়ে যেতে হয়। মিজলটো নামক পাখিরা তুলো বা পশম সংগ্রহ করে তার সাহায্যে অপূর্ণ বাসা নির্মাণ করে থাকে। তুলো বা পশম সংগ্রহ করতে না

পারলে গাছের ছাল থেকে সূক্ষ্ম তন্তু সংগ্রহ করে তার সাহায্যে বাসা নির্মাণ করে। বাইরে থেকে দেখে বাসাটাকে অপলকা মনে হলেও প্রকৃত প্রকাবে খুবই দৃঢ়ভাবে সংলগ্ন। অস্ট্রেলিয়ার ফ্যানটেল নামক পাখির বাসার নির্মাণ-কৌশল এবং গঠন-সৌন্দর্যে মুগ্ধ না হয়ে উঠায় নেই। ব্ল্যাক-বোর্ড নামক পাখির বাসার অনাড়ম্বর সৌন্দর্যেও মুগ্ধ হতে হয়। কিন্তু এরা সকলেই অভিব্যক্তির ধাপে অপেক্ষাকৃত উন্নত পর্যায়ের প্রাণী। নিম্নশ্রেণীর কীট-পতঙ্গের বিষয়-আলোচনা করলেই দেখা যাবে—সৌন্দর্য্যদৃষ্টিতে এবং শিল্পনৈপুণ্যে এরা উন্নত শ্রেণীর প্রাণীকে বহুদূর অতিক্রম করে গেছে। মাকড়সার কথাই ধরা যাক। এই ক্ষুদ্রাকার প্রাণীরা কিল্লপ ক্ষিপ্ততার সঙ্গে অপূর্ব কৌশলে এক-একখানি নিখুঁত জাল নির্মাণ করে তোলে তা সকলেই লক্ষ্য করেছেন। মাকড়সার জালের কার্যকারিতাও যেমন অদ্ভুত—গঠন-সৌন্দর্য্যও এর তেমনি অপূর্ব। তাছাড়া কয়েক জাতীয় মাকড়সা সূতা ছড়িয়ে মধ্যস্থলে গর্তের মতো করে ফাঁদ পেতে রাখে—তার গঠনকৌশল এবং কারুকার্যও কম বিস্ময়কর নয়। বোলতা, মৌমাছি, ভীমকল প্রভৃতি ক্ষুদ্রাকার পতঙ্গ কর্তৃক নির্মিত চাক পরম বিস্ময়ের বস্তু। ভ্রমরের বাসা দেখলেও বিস্ময় হতে হয়। ভ্রমরের বাসা প্রস্তুত করবার পূর্বে প্রথমত লম্বা গর্তযুক্ত অথবা ফাঁপা কোনও পুরাতন কাঠখণ্ড নির্বাচন করে সবুজ পাতার অধেষণে বহির্গত হয়। সাধারণত গোলাপ বা ওই রকমের কোন গাছের পাতা দ্বিবাং গোলাকারে কেটে নিয়ে আসে এবং চুরুটের মধ্যে তামাকের পাতা যেভাবে সাজানো থাকে অনেকটা সেভাবে পাতাগুলিকে পরপর সাজিয়ে ছোট একটা চুরুটের মতই বাসা নির্মাণ করে। পাতার ভাঁজের মধ্যস্থলে ডিম পেড়ে তার মধ্যে বাচ্চার আহ্বারের ব্যবস্থাও করে রাখে। এক-একটা সূড়ঙ্গের মধ্যে পরপর সাজিয়ে আট-দশটা পাতার গুটি রেখে দেয়। প্রত্যেকটি গুটির অভ্যন্তরেই এক-একটা করে ডিম থাকে।

ধুঁ-পোকা নামে আমাদের দেশের বনে-জঙ্গলে এক-প্রকার ক্ষুদ্রাকার পতঙ্গ দেখা যায়। এদের বাচ্চাগুলি অদ্ভুত উপায়ে শরীর থেকে বৃদবৃদের মতো প্রচুর পরিমাণ ধুঁ বের করে তার অভ্যন্তরে আত্মগোপন করে বসে থাকে। এই ধুঁর আবরণই তাদের বাসা। এর গঠন-প্রণালীরও একটা বিশিষ্ট রূপ আছে।

শুবারে পোকার মতো এক প্রকার ক্ষুদ্রাকার পতঙ্গের বাচ্চাগুলি যেকোন আর্চর্য কৌশলে এবং অপূর্ব দক্ষতার সঙ্গে বাসা নির্মাণ করে তার মধ্যে নিরুদ্বেগে বস-বাস করে, তা দেখলে বিস্ময়ে অবাক হতে হয়। পাঁচ-ছয় ইঞ্চি লম্বা পাতাকে এরা কেবল মুখের সাহায্যে মুড়ে সূতো দিয়ে সুসংবদ্ধভাবে জুড়ে দেয়। এই

পোকাদের বাসা দেখে অনেক সময় টুনটুনি পাখির বাসা বলে ভুল হবার সম্ভাবনা থাকে। বড় একটা কচুপাতাকে আগাগোড়া মুড়ে ঠিক একটা লম্বা নলের মতো গড়ে তোলে, প্রায় এক-ইঞ্চি লম্বা সাধারণ একটা ক্যাটারপিলার একাই এক্রপ অসাধ্যসাধন করে থাকে। ক্যাডিস-ফ্লাই নামে আমাদের দেশে অনেক জাতীয় ক্ষুদ্রকায় পতঙ্গ দেখা যায়। এদের বাচ্চাগুলি জাতীয় বৈশিষ্ট্য অনুযায়ী বিভিন্ন রকমের বাসা তৈরি করে। এক-একটা বাসা দেখলে মনে হয় যেন ক্ষুদ্র ক্ষুদ্র পাথর, ইটের কুচি সাজিয়ে কেউ যেন ছোট ছোট নল তৈরি করে রেখেছে। এক জাতীয় ক্যাডিস-ফ্লাই বাচ্চার কুল গাছের ক্ষুদ্র ক্ষুদ্র ডালে দলবদ্ধভাবে বাসা নির্মাণ করে। বাসাগুলি দেখতে ঠিক ক্ষুদ্র ক্ষুদ্র শামুকের মতো কুণ্ডলী পাকানো।

এতক্ষণ যে সব কীট-পতঙ্গের শিল্পনৈপুণ্যের কথা বললাম তারা সকলেই নির্দিষ্ট স্থানে বাসগৃহ তৈরি করে বসবাস করে। কিন্তু পূর্বোক্ত মাঘাবর প্রকৃতির পোকারা বাসগৃহ সঙ্গে নিয়ে ঘোরাফেরা করলেও সেগুলি নির্মাণে অপূর্ব কৃতিত্বের পরিচয় দিয়ে থাকে। যে কোনও বাগানে গোলাপ করমচা অথবা ঐ ধরনের অজ্ঞাত গাছের প্রতি একটু মনোযোগ দিয়ে দৃষ্টিপাত করলেই দেখা যাবে যে, তাদের ডালপালা বা পাতার সঙ্গে কালো রঙের তুলের মতো এখানে-সেখানে এক একটি অদ্ভুত পদার্থ ঝুলছে। প্রথম দৃষ্টিতে এগুলিকে ময়লা বা ঝুল বলেই মনে হবে। কিন্তু একটিকে তুলে এনে পরীক্ষা করলেই দেখা যাবে—লম্বা গোলাকার ঝুলের মতো পদার্থটির চতুর্দিকে এক ইঞ্চি ও দেড় ইঞ্চি লম্বা কতকগুলি শুকনো কাঠি যেন শক্ত আঠা দিয়ে বাসাটার গায়ের উপর এঁটে দেওয়া হয়েছে। সহজে কাঠিগুলিকে টেনে বের করা যায় না। কাঠিগুলি তুলে ফেললেই তুলার মতো কোমল পদার্থে নির্মিত একটি নল দেখা যাবে। তুলার আবরণ ছিঁড়ে দেখলেই তার মধ্য থেকে প্রায় তিন-চার ইঞ্চি লম্বা একটি পোকা বেরিয়ে পড়বে। এই পোকাটি এক জাতীয় ক্ষুদ্রকায় মথের বাচ্চা। এরা গাছের ছাল ও পাতা খেয়ে থাকে এবং শত্রুর দৃষ্টি এড়াবার জন্য শরীরের চতুর্দিকে আবরণ নির্মাণ করে তার উপর ছোট ছোট ডালপালার টুকরা কেটে এনে বসিয়ে দেয়। বাসার মুখটা থাকে উপরের দিকে। পোকাটা মুখ বাড়িয়ে খারালো দাঁতের সাহায্যে ডালপালা কামড়ে ধরে ঝুলতে ঝুলতেই এক স্থান থেকে অন্য স্থানে যাতায়াত করে থাকে। বিশ্রাম করবার সময় বাসার মুখের কাছে সঞ্চিত আলগা স্ততার সাহায্যে বোটার মতো করে বাসাটাকে দৃঢ়ভাবে ঝুলিয়ে রাখে। পোকাটা ভিতরে আত্মগোপন করে থাকে। ছোট ছোট পাখিরা এদের পরম শত্রু! দেখতে পেলেই তৎক্ষণাৎ ধরে গলাধঃকরণ করে। কিন্তু এই দুর্ভেদ্য আবরণের

মধ্যে তারা যেমন নিশ্চিন্ত মনে অবস্থান করতে পারে তেমনই আবার শত্রুর দৃষ্টি বিভ্রম ঘটিয়েও আত্মরক্ষা করে। পোকাটা যথেষ্ট বড় হবার পর ঝুলানো বাসার মধ্যেই পুতলীতে রূপান্তরিত হয় এবং উপযুক্ত সময়ে মথের রূপ ধারণ করে গুটি কেটে বের হয়ে যায়।

ঘাস-পাতা, লতা-গুল্মের মধ্যে ইক্ষিখানেক লম্বা এক প্রকার ঝুড়ি-বাসা দেখতে পাওয়া যায়। এরা দুর্বা ঘাসের ছোট ছোট টুকরো সংগ্রহ করে স্তরে স্তরে এমনভাবে বাসার উপরিভাগে সাজিয়ে দেয় দেখলে মনে হয় যেন কোনও নিপুণ কারিগর সূক্ষ্ম যন্ত্রের সাহায্যে সূদৃশ নকশা অঙ্কিত করে রেখেছে। স্তার মতো সরু ও লম্বাটে ধরনের পোকাটা সেই বাসাটাকে সঙ্গে নিয়ে খাড়াভাবে ইতস্তত পরিভ্রমণ করে থাকে। আত্মগোপনের কৌশল এদের এমনই নিখুঁত যে, পক্ষী তো দূরের কথা, সাবধানী চোখও এদের দ্বারা প্রভাবিত হয়ে থাকে। স্থপারি গাছের কাণ্ডে প্রায় সর্বত্রই সবুজ রঙের গোল দাগের মতো শ্রাওলা জাতীয় এক প্রকার পদার্থ জমাতে দেখা যায়। এই সকল স্থপারি গাছের গায়ে সবুজ শ্রাওলার সাহায্যে গঠিত অবিচ্ছিন্ন ডালপালাসম্বিত এক প্রকার অদ্ভুত ক্ষুদ্রাকার পদার্থকে নড়ে-চড়ে বেড়াতে দেখা যায়। প্রথমে মনে হবে—কোনও রকমে হয়তো শ্রাওলার টুকরাগুলি জমাট বেঁধে ঐরূপ একটা আকৃতি তৈরি করেছে। কিন্তু একটাকে হাতে তুলে ছিঁড়ে ফেললেই দেখা যাবে—ঐ অদ্ভুত আকৃতি-বিশিষ্ট শ্রাওলার মধ্যে স্তার মতো সূক্ষ্ম লম্বাটে একটা পোকা রয়েছে। শত্রুর চোখে ধুলি নিক্ষেপ করবার উদ্দেশ্যেই সে ঐরূপ বাসা নির্মাণ করে থাকে। ঐ বাসা নিয়ে পোকাটা এদিক-ওদিক ঘুরে বেড়ায়।

আমাদের দেশে ঘরের বেড়া অথবা দেওয়ালের গায়ে চিঁড়ে-পোকা নামে এক প্রকার অদ্ভুত পোকা বোধ হয় সকলেই দেখেছেন। ছোট, বড় এবং অন্যান্য রকমারি প্রায় পাঁচ-ছয়টি বিভিন্ন জাতীয় চিঁড়ে-পোকা দেখতে পাওয়া যায়। এরাও ঝুড়ি-পোকায়ই গোষ্ঠীভুক্ত। পোকাটার বাসা দেখতে ঠিক চ্যাপ্টা একটা চিঁড়ের মতো। দেওয়ালের গায়ে অনবরত এগুলিকে থেমে থেমে চলতে দেখা যায়। চিঁড়ে-পোকায় বাসার একটা বিশেষত্ব এই যে, অন্যান্য পোকায় বাসার মতো এদের বাসার একটা দরজা থাকে না। যাতায়াত করবার জগে দু-দিকে ছুটি মুখ রেখে দেয়। দরকার মতো যে কোনও দিক থেকেই বাসাটাকে ব্যবহার করতে পারে। চলতে চলতে সম্মুখের দিকে বাধা পেলে তৎক্ষণাৎ অপর দিকের মুখ কাছে লাগিয়ে থাকে। এক মুখ বন্ধ করে দিলে সে অপর দরজা দিয়ে মুখ বাড়িয়ে কাজ করতে থাকে। নলখাগড়া বা বাঁশের বেড়ার গায়ে অপর এক

জাতীয় খুড়ি-পোকা দেখতে পাওয়া যায়, যারা সাধারণত ছোলা-পোকা নামে পরিচিত। ছোলা-পোকা দেখতেও ঠিক একটি আস্ত ছোলার মতো। ছোলার মতো আবরণটার অভ্যন্তরে একটা সরু নলের মধ্যে পোকাটা আত্মগোপন করে থাকে। বেড়ার গায়ে যে সকল ক্ষুদ্র ক্ষুদ্র আণুবীক্ষণিক স্ত্রাওলা জাতীয় পদার্থ জন্মে এরা সেগুলিকে কুরে কুরে খায়। অবস্থাদৃষ্টে মনে হয়, এরা শ্ববোজ্য কাটা-পোকায়ই নিকটতম জাতি। এই জাতীয় পোকাগুলি সকলেই পরিণত বয়সে মধ্যজাতীয় ক্ষুদ্র ক্ষুদ্র পতঙ্গে রূপান্তরিত হয়। কয়েক জাতের খুড়ি-পোকা ক্ষুদ্র ক্ষুদ্র পালকের টুকরো ক্ষুদ্র ক্ষুদ্র আঁশ অথবা ডিমের খোলা সংগ্রহ করে সেগুলিকে এলোমেলো ভাবে আটকে দিয়ে বাসা নির্মাণ করে এবং আবর্জনার মতো সেই বাসাটাকে নিয়ে ইতস্তত ঘুরে বেড়ায়। শত্রুর দৃষ্টিবিভ্রম ঘটাবার এটি একটি প্রকৃষ্ট উপায়। আমাদের দেশে আবর্জনার মতো বাসা নির্মাণকারী যে সব খুড়ি-পোকা দেখা যায়, বাসা নির্মাণে এদের আত্মরক্ষার নিখুঁত কৌশল দেখে বিস্ময়ে অবাক হতে হয়।

জলের মধ্যে বিচরণকারী বিভিন্ন জাতীয় খুড়ি-পোকায়ও অভাব নেই। জলের মধ্যে ভাসমান পাতি-শামুকের পাতাগুলি একটু লক্ষ করলেই দেখা যাবে—পাতাগুলির অনেক স্থানই কোনও পোকায় যেন অর্ধবৃত্তাকারে কেটে নিয়ে গেছে। আরও একটু অল্পসন্ধান করলেই এই অর্ধবৃত্তাকার ছুটি পত্রখণ্ডকে হু-ভাঁজে একত্রিত অবস্থায় জলের উপর ইতস্তত চলে বেড়াতে দেখা যায়। এটি এক প্রকার খুড়ি-পোকায় কাণ্ড। পোকাটা দেখতে চ্যাপ্টা এবং অনেকটা শোঁয়া-পোকায় মতো। মুখের ধারালো চোয়ালের সাহায্যে এক টুকরো পাতা কেটে সেটাকে জলে ভাসিয়ে অল্প একটা পাতার উপর নিয়ে আসে এবং এক প্রকার আঠালো পদার্থের সাহায্যে জুড়ে দেয়, পরে নীচের পাতাটাকে ঐ মাপে কেটে নেয়। তখন ভেলার মতো জলে ভাসতে থাকে। পোকাটা উভয় পাতার মধ্যস্থলে অবস্থান করে এবং সাঁতার কাটবার মতো বাসাটাকে নিয়েই ঋতুভেদে একস্থান থেকে অল্পস্থানে যাতায়াত করে। কিছুকাল পরে বাসার অভ্যন্তরে সাদা গুটি প্রস্তুত করে পুতুলীতে পরিণত হয় এবং যথাসময়ে ক্ষুদ্র পতঙ্গরূপ ধারণ করে উড়ে যায়।

এস্থলে অল্প কয়েক রকম খুড়ি-পোকায় কথা বলা হয়েছে। কিন্তু আমাদের দেশে ঝোপঝাড় বা গাছপালার মধ্যে এক ধরনের পোকাদের বাঙিল বাঁধা শুকনো কাঠির বাসা বুনতে দেখা যায়। ছোট ছোট গাছপালার সরু ডালগুলিকে ইকিখানেকের কিছু বেশী করে কেটে নিয়ে স্তূতো দিয়ে পেলিলের মতো মোটা

বাসা তৈরি করে গাছের ডালে ঝুলিয়ে রাখে এবং প্রয়োজন মতো মুখ বের করে ডাল কামড়ে খরে ইতস্তত যাতায়াত করে। পোকাকুলিকে দেখা যায় না, কেবল বাসাটাকেই একস্থান থেকে অন্য স্থানে যাতায়াত করতে দেখা যায়। এরা বাগানের গোলাপ ও অন্যান্য গাছের ভয়ানক অনিষ্ট করে থাকে। গাছের পাতা খেয়ে বড় হয়ে পুতলীক্লপ ধারণ করে এবং যথা সময়ে খোলস বদলে পতঙ্গ-রূপ ধারণ করে উড়ে যায়। এই ধরনের আর এক প্রকার অপেক্ষাকৃত ছোট ঝুড়ি-পোকা ঘাস পাতার মধ্যে দেখা যায়। এর ঘাসের ছোট ছোট পাতা দিয়ে অতি সূক্ষ্ম বাসা তৈরি করে সেই বাসা নিয়ে খুঁজে বেড়ায়। এদের শিল্প নৈপুণ্য উচ্চ প্রশংসার বিষয়।

মাকড়সা

গর্তবাসী মাকড়সা

নিজেষ্টের আন্তর এবং বৈশিষ্ট্য বজায় রাখবার জন্তে জীব-জগতের সর্বত্র প্রতিকূল পারিপার্শ্বিক অবস্থার সঙ্গে একটা দৃষ্ণ লেগেই আছে। দৃষ্ণটা প্রধানত প্রতিকূল অবস্থার সঙ্গে সামঞ্জস্য বিধানের প্রচেষ্টা ছাড়া আর কিছুই নয়। প্রাকৃতিক অবস্থার সামঞ্জস্য বিধান করেই জীব-জগৎ অভিব্যক্তির বিভিন্ন স্তরে উন্নীত হয়েছে। এই কারণেই জীব-জগতে অসংখ্য বৈচিত্র্য আত্মপ্রকাশ করেছে। বিভিন্ন শ্রেণীর প্রাণীদের মধ্যে এই কারণেই বহু জাতি এবং ততোধিক উপজাতীয় প্রাণী দেখতে পাওয়া যায়। উন্নত পর্যায়ের প্রাণী থেকে আরম্ভ করে নিম্নতম পর্যায়ভুক্ত প্রত্যেক প্রাণীর মধ্যে বৈচিত্র্যের অন্ত নেই। কোনও কোনও শ্রেণীর প্রাণীদের মধ্যে জাতিবৈচিত্র্য এত অধিক যে, মনে হয় যেন এরা পৃথিবীতে আধিপত্য বিস্তার করবার সম্ভাব্য কোনও পথেই অগ্রসর হতে কস্বর করেনি। অপেক্ষাকৃত উন্নত স্তরের প্রাণীদের কথা বাদ দিয়ে নিম্ন স্তরের প্রাণীর মধ্যে একমাত্র মাকড়সার কথা আলোচনা করলেই দেখা যাবে—এরা এত অধিক সংখ্যক বিভিন্ন জাতি এবং উপজাতিতে বিভক্ত যে, তার প্রকৃত সংখ্যা নির্ণয় করা দুস্বর। আনাচে-কানাচে, বনে-জঙ্গলে মাকড়সার জাল প্রায়ই আমাদের চোখে পড়ে। বিভিন্ন জাতীয় মাকড়সা বিভিন্ন পদ্ধতিতে জাল বুনে থাকে। অহুসস্থান করলে দেখা যাবে—একমাত্র আমাদের দেশেই কত রকমারি জাল-বোনা মাকড়সা রয়েছে। জাল বোনে না অথচ বিচিত্র ধরনের বাসা নির্মাণ করে বসবাস করে, বিভিন্ন জাতের এক্সপ মাকড়সার সংখ্যাও অগণিত। জলাভূমিতে অথবা জলের উপরিভাগে বিচরণকারী মাকড়সার সংখ্যাও কম নয়। কেউ কেউ আবার জলের নীচেই তাদের বিজ্ঞানমূলক নির্মাণ করে থাকে। আমাদের দেশেও কয়েক প্রকার ডুবুরী ও মেছো-মাকড়সা দেখা যায়। কয়েক জাতের মাকড়সা দেয়ালে বা বৃক্ষকোটরে বাস করতেই অভ্যস্ত। মাকড়সারা যে কেবল জলে, স্থলে ও বৃক্ষ-লতাদিতেই বিচরণ করে থাকে তা নয়, বিভিন্ন জাতের মাকড়সা আকাশপথে বিচরণ করবার জন্তেও অদ্ভুত কৌশল আয়ত্ত করে নিয়েছে। এতদ্ব্যতীত কয়েক জাতীয় মাকড়সা আবার হুড়ঙ্গ এবং মৃত্তিকাতন্ত্রেরে গত নির্মাণ করে। দৈহিক গঠন এবং অঙ্গ-সংস্থানের গুরুতর পার্থক্য বিস্তারিত থাকায় মাকড়সা সাধারণ কীট-পতঙ্গ শ্রেণীভুক্ত নয়। তাছাড়া বিভিন্ন শ্রেণীতে বিভক্ত হলেও প্রত্যেক মাকড়সাই কম হোক, কি বেশী হোক—কিছু-না-কিছু হুতা বুনতে পারে। গর্তবাসী মাকড়সারাও এসব বৈশিষ্ট্যবর্জিত নয়।

তথাপি এদের জীবনযাত্রা প্রণালী অনেকটা সাধারণ কীট-পতঙ্গের মতো। পিঁপড়ে ও মোঁমাছির জায় অল্প সংখ্যক করেই জাতীয় সামাজিক মাকড়সা ব্যতীত বাকী সকলেই অসামাজিক প্রাণী। জালেই হোক কি গর্তেই হোক, এক স্থানে বহু মাকড়সা দেখা গেলেও তারা নিজ নিজ আশ্রয়স্থলে একক ভাবেই বিচরণ করে থাকে। একই জমিতে পাশাপাশি বিভিন্ন গর্তে বহুসংখ্যক মাকড়সা বাস করলেও তাদের পরস্পরের মধ্যে সন্তাব দূরে থাক দেখা-সাক্ষাৎই হয় না। পরস্পরের মধ্যে দৈবাৎ সাক্ষাৎ হলে উভয়েই উভয়কে পাশ কাটিয়ে সরে পড়ে, নচেৎ সংঘর্ষ অনিবার্য। স্ত্রী-মাকড়সারা সাধারণত জাল বা গর্ত নির্মাণ করে থাকে। পুরুষেরা আশ্রয়স্থল নির্মাণ সম্বন্ধে সম্পূর্ণ উদাসীন বললেও অতৃপ্তি হয় না। তারা স্ত্রী-মাকড়সার পরিত্যক্ত আশ্রয়স্থলে অথবা যেখানে-সেখানে কোনও রকমে মাথা গুঁজে অবসর সময়টা কাটিয়ে দেয়। গর্তবাসী মাকড়সার পুরুষদের সম্বন্ধে একথা বিশেষভাবে প্রযোজ্য। অবশ্য এই শ্রেণীর কোনও পুরুষ-মাকড়সাকে কদাচিৎ গর্ত নির্মাণ করতেও দেখা যায়।

আমাদের দেশে বিভিন্ন জাতীয় অন্তত চার-পাঁচ রকমের স্বরূপ এবং গর্ত নির্মাণকারী মাকড়সা লক্ষ্য করেছি। এরা সকলেই সর্বতোভাবে না হোক, অন্তত কতক বিষয়ে বিভিন্ন জাতের পিঁপড়ের অনুরূপ করে থাকে। এরা সকলেই নতুন আবিষ্কৃত বলে বৈজ্ঞানিক নামকরণ করেছি। ডেঁয়োপিঁপড়ের অনুরূপকারী কালো বড়ের এক জাতীয় মাকড়সা গাছের ফাটলে অথবা গাছের গুঁড়ি-সংলগ্ন ভূমিতে সামান্ত গর্ত খুঁড়ে বসবাস করে। এরা প্রধানত ডেঁয়োপিঁপড়ে উদরসাৎ করে জীবন-ধারণ করে। গর্তের মুখে পাতলা জাল বুনে এলোমেলোভাবে ছড়িয়ে রাখে। মাকড়সা গর্তের ভিতরে অবস্থান করলেও শরীরের পশ্চাভাগ থেকে নির্গত একগুণ নৃস্ন স্রুতা গর্তের বাইরে ইতস্তত বিক্ষিপ্ত স্রুতাগুলির সঙ্গে সংলগ্ন থাকে। ডেঁয়ো-পিঁপড়েগুলিকে অনেক সময় তাদের বাসার আশেপাশে উদ্বেগবিহীনভাবে ছুটাছুটি করতে দেখা যায়। ছুটাছুটি করার সময় অসতর্কভাবে একবার ইতস্তত বিক্ষিপ্ত মাকড়সার স্রুতার উপর পড়িলেই বিপদ। পায়ের সঙ্গে স্রুতা আঠার মতো লেগে যায়। ছাড়ানোর চেষ্টা করতে গিয়ে আরও জড়িয়ে পড়ে। পা আটকানোর সঙ্গে সঙ্গেই জালের বৃহৎ কল্পনে গর্তের মধ্য থেকে মাকড়সা শিকারের আগমন-বার্তা বুঝতে পেয়ে তার গতিবিধি পর্যবেক্ষণ করতে থাকে। ফাঁদ থেকে মুক্তির চেষ্টায় শিকার সম্পূর্ণরূপে জড়িয়ে না পড়া পর্যন্ত মাকড়সা ধৈর্যসহকারে অপেক্ষা করে এবং সুযোগ বুঝলেই জালসমেত শিকারটাকে গর্তের মধ্যে টেনে নিয়ে যায়। শিকার

ধরবার জন্তেই হোক বা অন্ত কোনও প্রয়োজনেই হোক বা যে কোনও কারণেই হোক এদের গর্তের বাইরে আসতে দেখা যায় না।

কলকাতার আশেপাশে বিভিন্ন অঞ্চলে প্রায় আট ইঞ্চি লম্বা, হালকা ধয়েরী রঙের এক জাতীয় মাকড়সার সন্ধান পাওয়া যায়। এরা পুরাতন দেয়াল অথবা ভগ্ন ইঁটের স্তূপের ধারে ছোট ছোট গর্ত নির্মাণ করে বাস করে। পাতলা জাল বুনে গর্তের মুখে চাঁদোয়ার মতো ঝুলিয়ে রাখে। শিকার ধরবার আশায় সন্ধ্যার পূর্বে গর্তের ধারে চাঁদোয়ার আড়ালে ওঁৎ পেতে বসে থাকে। ছোট ছোট কীট-পতঙ্গ দেখতে পেলেই ছুটে গিয়ে আক্রমণ করে এবং বাসায় নিয়ে এসে ধীরে ধীরে তার রসরস্ক চুষে খায়।

বাসপাতা সমাকীর্ণ ছায়াবৃত্ত স্থানে দেয়ালের গায়ে পুরাতন বৃক্ষের গুঁড়িতে সিকি ইঞ্চি পরিমিত গাঢ় ধয়েরী রঙের এক প্রকার মাকড়সা দেখতে পাওয়া যায়। হঠাৎ দেখলে মাকড়সাগুলিকে অনেকটা মাঝারি গোছের ডেঁয়ো-পিঁপড়ের মতো বলেই মনে হয়। এরা স্ততা, মাটি এবং অন্ত্রাত পদার্থের ক্ষুদ্র ক্ষুদ্র কণিকার সাহায্যে ধলুক অথবা কোনও কোনও ক্ষেত্রে ইউ-টিউবের আকারে হুড়ক নির্মাণ করে বসবাস করে। কলকাতার ভিতরে এবং বাইরে বিভিন্ন স্থানে এই জাতীয় মাকড়সার হুড়ক দৃষ্টিগোচর হয়। তিমিত আলোকে অথবা ছায়ার আড়ালে শিকার ধরবার জন্তে বের হলেও হুড়ক ছেড়ে সাধারণত এরা উজ্জল আলোকে বের হতে চায় না। জোর করে বাসা থেকে বের করে দিলে অতি দ্রুতগতিতে ছুটে কোনও কিছুর আড়ালে আশ্রয় গ্রহণ করতে চেষ্টা করে। কিন্তু বেশীক্ষণ ছুটেতে পারে না। ক্লান্ত হলেই মৃতের ন্যায় ভান করে। ডেঁয়োপিঁপড়ের সঙ্গে আকৃতিগত নিখুঁত সাদৃশ্য না থাকলেও দ্রুত গতিভঙ্গী দেখেই সেগুলিকে পিঁপড়ে বলে ভুল করাই স্বাভাবিক। হুড়ক নির্মাণ করবার প্রারম্ভে এই মাকড়সা ধলুকের মতো আকারে ঝাঁকানো স্ততার কাঠামো নির্মাণ করবার পর আশেপাশের বিভিন্ন স্থান থেকে ক্ষুদ্র ক্ষুদ্র মাটির টুকরো, শ্রাওলা এবং অন্যান্য পদার্থ বয়ে নিয়ে আসে এবং সেগুলিকে স্ততার কাঠামোর উপর বসিয়ে দেয়। স্ততার আঠার লেগে সেগুলি দৃঢ়তাবেসংলগ্ন হয়ে থাকে। উপরের আবরণ নির্মাণ শেষ হলে ভিতরে পুনরায় পুরু করে আস্তরণ দিয়ে দেয়। ‘ইউ-টিউবের’ মতো দুটি বাহুসম্বিত হুড়ক নির্মাণের প্রকৃত তাৎপর্য হৃদয়ঙ্গম না হলেও আশ্চর্য্যের জন্য যে দুটি কুঠুরির স্থবিধা পাওয়া যায়—তাতে কোনই সন্দেহ নেই। হুড়কটা লম্বালম্বি নির্মিত হলে এক্ষণ স্থবিধা হতো না। সবচেয়ে বড় হুড়কের দৈর্ঘ্য দেড় ইঞ্চি থেকে পোনে দু-ইঞ্চির বেশী হয় না। হুড়কের দুটি মুখেই খোলা থাকে। এক

এক মুখ দিয়ে আক্রমণ করলে অপর মুখ দিয়ে তার অগোচরেই পলায়ন কর। যায়। তাছাড়া শত্রুর দৃষ্টি এড়াবার জন্যে বাসাগুলি অনেক ক্ষেত্রেই এমনভাবে জাগলা ও অন্যান্য পদার্থের টুকরার দ্বারা আবৃত করে রাখে যে গর্তের মুখের দৃষ্টি ছিন্ন ছাড়া আর কোনও অংশই সহজে দৃষ্টিগোচর হয় না। এই জাতীয় পুরুষ মাকড়সাগুলিকে মাঝে মাঝে অপেক্ষাকৃত ক্ষুদ্রাতন সূড়ঙ্গ নির্মাণ করতে দেখা যায়। অধিকাংশ ক্ষেত্রেই পুরুষ মাকড়সা, স্ত্রী-মাকড়সার পরিত্যক্ত জীর্ণ বাসগৃহে আশ্রয় গ্রহণ করে থাকে। স্ত্রী-মাকড়সা অপেক্ষা পুরুষ-মাকড়সা কিয়ৎ-পরিমাণে ধর্বকায়। জাল-বোনা মাকড়সাদের মধ্যে স্ত্রী অপেক্ষা পুরুষেরা অসম্ভব বকম ক্ষুদ্রাতনের হয়ে থাকে; কিন্তু ভলচারী, নেকড়ে, মৎশশিকারী এবং বাসা-নির্মাণকারী অধিকাংশ মাকড়সার স্ত্রী ও পুরুষের শরীরের দৈর্ঘ্য প্রায় সমান। প্রকৃত পিঁপড়ে অম্লকরণকারী মাকড়সার পুরুষেরা স্ত্রী মাকড়সা অপেক্ষা অনেক বড় হয়ে থাকে। আমাদের দেশের বিভিন্ন অঞ্চল থেকে এ পর্যন্ত সাঁইট্রিশ বকমের বিভিন্ন জাতীয় পিঁপড়ে-মাকড়সার সন্ধান পাওয়া গেছে। এরা বিভিন্ন পিঁপড়ের আকৃতি, প্রকৃতি—এমন কি, দেহবর্ণ পর্যন্ত নিখুঁতভাবে অম্লকরণ করে থাকে। এদের প্রত্যেকেরই পরিণত বয়স্ক পুরুষের দেহাকৃতি স্ত্রী-মাকড়সার চেয়ে বড়। অবশ্য পরিণত অবস্থায় রূপান্তরিত হবার পূর্ব পর্যন্ত স্ত্রী-মাকড়সার সঙ্গে আকৃতি ও দৈর্ঘ্যে পুরুষ-মাকড়সার বাহ্যিক কোনও পার্থক্যই দৃষ্টিগোচর হয় না। আমাদের দেশের ডেঁয়ো এবং বিষ-পিঁপড়ের অম্লকরণকারী প্রায় ছয়-সাত বকমের মাকড়সা দেখতে পাওয়া যায়। এরা সকলেই কম-বেশী ভূগর্ভের অধিবাসী। কিন্তু এদের বাসা নির্মাণ প্রণালী কিঞ্চিৎ ভিন্ন ধরনের বলে এই প্রসঙ্গে আলোচনা করবো না। যাহোক, পূর্বেই বলেছি, ‘ইউ-টিউবে’র মাকড়সা উজ্জল আলোকে বাইরে আসতে চায় না। কিন্তু নিতান্ত দায়ে পড়লে অথবা প্রয়োজনের তাগিদে এই নিয়মের ব্যতিক্রম ঘটতে দেখা যায়। একবার একপ একটি ঘটনা প্রত্যক্ষ করবার সুযোগ হয়েছিল।

অনেক আগে শান্তিনিকেতনের মালধের পরিবেষ্টনীর মধ্যে একটি টিলার মতো উঁচু জায়গায় একটা বটগাছের গোড়ার দিকে একপ কয়েকটা মাকড়সার সূড়ঙ্গ দেখতে পেয়েছিলাম। গোটা তিনেক সূড়ঙ্গ ছিল খুব কাছাকাছি। একটা ছিল অনেক দূরে। ভিতরে মাকড়সা আছে কিনা দেখবার জন্যে সূড়ঙ্গটার উপর একটু চাপ দিতেই কালো রঙের একটা ক্ষুদ্রকায় মাকড়সা বাইরে ছিটকে পড়ে বিদ্যুৎগতিতে মুস্তিকাভ্যন্তরে অদৃশ্য হয়ে গেল। বোঝা গেল প্রত্যেকটি বাসাতেই মাকড়সা থাকবার সম্ভাবনা। অপর বাসাগুলির মধ্যে একটি অর্ধজিন্ন

বাসাই সৰ্বাপেক্ষা বড় ছিল। ছিন্ন বাসাটোৰ পাশেই প্ৰায় এক ইঞ্চি ব্যবধানে ছিল আৰ একটা নতুন বাসা। বটপাত্ৰৰ মধ্য থেকে শ্ৰামাপোকাৰ মতো ধূসৰ বৰ্ণৰ একটা পোকা ধৰে বটৰ আঠায় তাকে লম্বা একটা ঘাসেৰ ডগায় আটকে দিলাম। ঘাসেৰ লম্বা ডগাৰ সাহায্যে পোকাটাকে একবাৰ এ-বাসাৰ মুখে আবার ও-বাসাৰ মুখে স্পৰ্শ কৰাতেই পোকাটা পা দিয়ে বাসা ঝাঁকড়ে ধৰবাৰ চেষ্টা কৰছিল। দু-একবাৰ এৰূপ কৰতেই উভয় হুড়ঙ্গৰ মাকড়সা দুটিই বোধ হয় শিকাৰেৰ উপস্থিতি অনুভব কৰে যুগপৎ বাইৰে মুখ বাইৰে দিল। ইতিমধ্যে ঘাসেৰ ডগা সংলগ্ন পোকাটাকে উভয় বাসাৰ মধ্যস্থলে রেখে ধীৰে ধীৰে নাড়তে লাগলাম। উভয়েই বাসা থেকে বের হয়ে অতি সন্তুৰ্ণে শিকাৰেৰ দিকে অগ্ৰসৰ হলো। দুটি স্ত্ৰী-মাকড়সা, সম্মুখৰ পায়ের প্ৰান্তভাগ থেকে পিছনেৰ পায়ের প্ৰান্তভাগ পৰ্যন্ত আধ ইঞ্চিৰ বেশী হবে না। ছিন্ন বাসাৰ মাকড়সাটা শিকাৰেৰ ঘাড়ে লাফিয়ে পড়বাৰ উপক্ৰম কৰতেই পোকাটাকে সৰিয়ে দিলাম। মুখোমুখি অবস্থায় উভয়েই থমকে দাঁড়ালো। পরস্পৰেৰ মধ্য ব্যবধান তখন আধ ইঞ্চিৰ বেশী নয়। প্ৰায় মিনিট খানেক স্থিৰভাবে অবস্থান কৰবাৰ পর ছিন্ন বাসাৰ মাকড়সা সম্মুখৰ পা দুটি উঁচু কৰে অপরটাৰ দিকে অগ্ৰসৰ হলো। অপর মাকড়সাটাও ইতিমধ্যে সম্মুখৰ পা দুটি উঁচু কৰে আত্মরক্ষাৰ জন্তে প্ৰস্তুত হয়েছে। তাৰপর চললো—ঠিক যেন ৰায়বেশে কায়দায় পায়তারা কৰা। পরস্পৰ মুখোমুখি থেকেই উভয়ে একবাৰ এ-পাশে আবার ও-পাশে সৱতে লাগলো। মনে হলো যেন উভয়ে উভয়েৰ পাশেৰ দিক থেকে আক্ৰমণ কৰতে চেষ্টা কৰছে, কিন্তু এ-পাশে বা ও-পাশে সৱে গিয়ে কেউ কাউকে সেই সুযোগ দিচ্ছে না। মিনিট পাঁচেক পৰ্যন্ত এভাবে পায়তারা কৰবাৰ পর ছিন্ন বাসাৰ মাকড়সাটা অকস্মাৎ বিদ্রাঘেৰে অপর মাকড়সাটাৰ উপৰ লাফিয়ে পড়লো। তাৰপর শুরু হলো কামুড়া-কামড়ি। কিন্তু দু-চাৰ সেকেন্ড মাত্ৰ। তাৰপৰেই উভয়ে উভয়েৰে ছেড়ে দূৰে দাঁড়ালো। কিছুক্ষণ বাদেই আবার হাতাহাতি লড়াই শুরু হয়ে গেল। মিনিট খানেকের মধ্যেই ছিন্ন বাসাৰ মাকড়সা অপর মাকড়সাটাকে কাবু কৰে ফেললো এবং পৰাজিত অৰ্ণমৃত মাকড়সাটাকে নিয়ে তাৰই গৰ্ভে ঢুকে পড়লো।

আমাদেৰ দৈন্য হুড়ঙ্গ নিৰ্মাণকাৰী মাকড়সাদেৰ আৰ একটি অদ্ভুত ব্যাপাৰ লক্ষ কৰেছি। পূৰ্বেই বলেছি এদেৰ পুৰুষ-মাকড়সাৰা নিজেদেৰ বসবাসেৰ জন্তে কদাচিৎ হুড়ঙ্গ নিৰ্মাণ কৰে থাকে। অধিকাংশ ক্ষেত্ৰেই তাৰ স্ত্ৰী-মাকড়সাৰ পৰিত্যক্ত জৱাজীৰ্ণ হুড়ঙ্গেই আশ্ৰয় গ্ৰহণ কৰে। যৌন-মিলনেৰ সময় হলেই পুৰুষেৰা স্ত্ৰী-মাকড়সাৰ দৱজায় গিয়ে তাদেৰ সঙ্গে মোলাকাৎ কৰতে চেষ্টা কৰে।
বাংলাৰ কীট—২

বাসার দু-দিকের দুটি মুখ সর্বদা উন্মুক্ত থাকলেও প্রথমে সে কিছুতেই অন্তরে প্রবেশ করবে না। মাকড়সার একপ শিষ্টাচারের কথা শুনে অনেকে বিস্মিত হতে পারেন। কিন্তু প্রকৃত ব্যাপার সম্পূর্ণ বিপরীত। কারও সাক্ষাৎপ্রাপ্তী হলে আমরা যেমন তার বাড়িতে উপস্থিত হয়ে দরজার কড়া নাড়ি, পুরুষ-মাকড়সাও সেরূপ জ্ঞানী মাকড়সার স্বড়ঙ্গের দরজার কাছে উপস্থিত হয়ে সন্মুখের দুটি পায়ের সাহায্যে অতি অল্পত ভঙ্গীতে গর্তের মুখটাকে দু-তিন বার কাঁপিয়ে দেয়। ভিতরে থেকে সাড়া না পাওয়া পর্যন্ত দরজার পাশে দৈর্ঘ্য ধরে চুপ করে বসে থাকে। প্রথম সংকেতে গৃহকত্রীর সাড়া না মিললে কিছুক্ষণ বাদে পুনরায় স্বড়ঙ্গের মুখটাকে অতি সন্তর্পণে কাঁপিয়ে দেয়। অনেক স্থলেই দেখা যায়, প্রথম বারের সংকেতেই গৃহকত্রী দরজার কাছে হাজির হয়েছে। কিন্তু কোনও ক্ষেত্রে দু-তিনবার সংকেতের পরেও আগন্তুক সঙ্কল্প গৃহকত্রী কোনই উৎসাহ প্রদর্শন করে না। আগন্তুক তখন দূরে গিয়ে স্বড়ঙ্গের দরজায় উপস্থিত হয় এবং পূর্বোক্ত উপায়ে সংকেত চালিয়ে গৃহকত্রীকে তার আগমনবার্তা জ্ঞাপন করবার চেষ্টা করে। তাতে বিফলমনোরথ হলে বাধা হয়ে অপর কোনও গৃহকত্রীর দরজায় ধর্ণা দিতে যায়। পূর্বেই বলেছি, এরা স্বড়ঙ্গের অভ্যন্তরে স্বতার আন্তরণ বুনে দেয়। স্বড়ঙ্গের ভিতরে অবস্থান করলেও বাইরে থেকে উৎপন্ন এই স্বতার আন্তরণের সামান্য কম্পন থেকেই এরা কোনও কিছুই আগমনবার্তা টের পায়। সাক্ষাৎপ্রাপ্তী আগন্তুকের মৃদু কম্পন, শিকার অথবা আততায়ীর গতিভঙ্গীর পার্থক্যজনিত বিবিধ কম্পনের তারতম্য বোধ এদের অসাধারণ। যাহোক, আগন্তুকের সাড়া পেলেই গৃহকত্রী স্বড়ঙ্গের মুখে এসে উপস্থিত হয়, শরীরের অর্ধাংশ স্বড়ঙ্গের মধ্যে থেকেই সন্মুখের দুটি পা উঁচু করে আগন্তুককে অভিবাদন জ্ঞাপন করে। আগন্তুকও ঠিক সেভাবে সন্মুখের দুটি পা উঁচু করে অতি মৃদুভাবে জ্ঞানী-মাকড়সার পাদম্পর্শ করে প্রত্যভিবাদন জ্ঞাপন করে। এই অভিবাদনের ভঙ্গী থেকে পুরুষ-মাকড়সার তো কথাই নেই—দর্শকদের পর্যন্ত বুঝতে কষ্ট হয় না যে, জ্ঞানী-মাকড়সাটা এখন কী ‘মুডে’ রয়েছে। খারাপ ‘মুডে’ থাকলে অভিবাদনের ভঙ্গীটাই যেন সঙ্গে সঙ্গে আক্রমণাত্মক হয়ে দাঁড়ায় এবং তৎক্ষণাৎ আগন্তুককে তাড়া করে যায়। পুরুষ-মাকড়সাও তখন প্রাণভয়ে উদ্ভ্রাণে ছুটে পালায়; কিন্তু বিপরীত অবস্থায় অর্থাৎ ভাল ‘মুডে’ থাকলে অভিবাদনপর্ব শেষ হবার সঙ্গে সঙ্গেই জ্ঞানী-মাকড়সা নিমেষের মধ্যে ছুটে গিয়ে স্বড়ঙ্গের অভ্যন্তরে প্রবেশ করে এবং অপর দরজার কাছে মুখ বের করে থাকে। পুরুষটিও তখন বাইরের দিক দিয়ে ছুটে গিয়ে সেই দরজায় উপস্থিত হয় এবং

উভয়ে উভয়ের পাদস্পর্শ করে সন্তোষ জ্ঞাপন করে। কিন্তু এক-আধ সেকেণ্ড মাত্র একরূপ সন্তোষ জ্ঞাপন করে জ্বী-মাকড়সা হুড়ঙ্গ পথে ছুটে গিয়ে পুনরায় অপর দরজায় উপস্থিত হয়। পুরুষটিও তৎক্ষণাৎ সেই দরজায় ছুটে যায় এবং পা কাঁপিয়ে প্রীতি সন্তোষ জ্ঞাপন করে। অনেকক্ষণ একরূপ লুকোচুরি খেলা চলবার পর পুরুষ-মাকড়সা এক একবার একটু একটু করে জ্বী-মাকড়সার পিছনে পিছনে তার হুড়ঙ্গের ভিতরে প্রবেশ করবার চেষ্টা করে। অবশেষে এক সময়ে স্বেযোগ বুঝে গৃহকত্রীর পিছনে পিছনে ভিতরে ঢুকে পড়ে। প্রায় আধ ঘণ্টা থেকে এক ঘণ্টা পর্যন্ত হুড়ঙ্গের মধ্যে অবস্থান করবার পর অকস্মাৎ তাকে যেন ছিটকে বাইরে আসতে দেখা যায়। ব্যাপারটা আর কিছুই নয়—যৌন-মিলনের পর গৃহকত্রী তাকে উদরসাৎ করবার উপক্রম করবার কলেই পুরুষ মাকড়সা প্রাণভয়ে একরূপ ব্যবস্থা অবলম্বন করতে বাধ্য হয়।

মাটির নীচে গর্ত খুঁড়ে বাস করে, আমেরিকার বিভিন্ন অঞ্চলে একরূপ কয়েক জাতের মাকড়সার কথা শোনা যায়। তাদের মধ্যে গর্তের মুখে কপাট নির্মাণকারী এক জাতের মাকড়সাই সবিশেষ উল্লেখযোগ্য। এরা সাধারণত ‘ট্র্যাপ-ডোর’ মাকড়সা নামে পরিচিত। আমাদের দেশীয় গর্ত বা হুড়ঙ্গ নির্মাণকারী মাকড়সার হুড়ঙ্গের মুখে কোনও দরজার বন্দোবস্ত নেই। একমাত্র ‘ট্র্যাপ-ডোর’ মাকড়সাই হুড়ঙ্গের মুখে ঢাকনি নির্মাণ করে। বলা বাহুল্য, এদের গর্তের একটি মাত্র মুখ থাকে। ‘ট্র্যাপ-ডোর-মাকড়সা’ মাটির নীচে প্রায় দশ ইঞ্চি লম্বা ও এক ইঞ্চি থেকে দেড় ইঞ্চি চওড়া গর্ত খুঁড়ে বাসা তৈরি করে। শ্রাণ্ডলার ঘাসপাতায় আবৃত নরম মাটির মধ্যেই প্রচুর সংখ্যক ‘ট্র্যাপ-ডোর’ মাকড়সার গর্ত দেখতে পাওয়া যায়। একই স্থানে বিভিন্ন গর্তে বহুসংখ্যক ‘ট্র্যাপ-ডোর’ মাকড়সার আবাসস্থল নির্মিত হলেও এদের মধ্যে প্রতিবেশীর প্রতি হিংস্রতা বা সহানুভূতির কোনই লক্ষণ দেখতে পাওয়া যায় না। একই মাত্রার গর্তজাত মাকড়সাদের মধ্যে কোন কারণে দুজনের সাক্ষাৎ ঘটে গেলে নেহাৎ অকারণেই লড়াই বেধে যায় এবং একপক্ষ সম্পূর্ণরূপে পরাজিত না হওয়া পর্যন্ত প্রতিদ্বন্দ্বিতার অবসান ঘটে না। বাসা নির্মাণের প্রারম্ভে ‘ট্র্যাপ-ডোর’ মাকড়সা মুখের সম্মুখভাগে অবস্থিত হাতের মতো ছোট উপাঙ্গের সাহায্যে ডেলা ডেলা মাটি তুলে নিয়ে কিছু দূরে ফেলে আসে। গর্ত তিন চার ইঞ্চি গভীর হলেই মাটি তোলবার অস্ত্র অধূত উপায় অবলম্বন করে। গর্তের নীচে ডেলা-ডেলা মাটি আলাগ করে এলোমেলোভাবে বোনা কতকগুলি স্তার সঙ্গে সেগুলিকে আটকে দেয়। স্তার সঙ্গে অনেকগুলি ডেলা সংলগ্ন হলে উপর থেকে স্তার গোছা টেনে বের করে। গর্ত নির্মাণ

শেষ হবার পর যাতে দেয়ালের আলগা মাটি ঝরে গর্ত বুজবে না যায় সেজন্তে শক্ত চোয়ালের সাহায্যে দেয়ালের পাটি আগাগোড়া চেপে বসিয়ে দেয়। সেই কারণে গর্তের অভ্যন্তর ভাগ এবড়ো-খেবড়ো হলেও মাটি ধ্বসে পড়বার আশঙ্কা থাকে না। গর্তের দেয়াল স্ফুট করবার পর চতুর্দিকে বারংবার স্ততা বুনে ভেলভেটের মতো কোমল আন্তর্য্য দিয়ে দেয়। ক্ষুদ্র ক্ষুদ্র মাটির ডেলা, শ্রাওলা প্রভৃতি একত্রিত করে গর্তের উপরিভাগে একপাশে একটি গোলাকার ঢাকনা নির্মাণ করে। ঢাকনার যে দিকটা গর্তের ভিতরে থাকবে সে দিকটায় এবং তার চার-ধার ঘিরে খুব পুরু করে স্ততা বুনে দেয়। গর্তের আন্তর্য্য ও ঢাকনার স্ততার আন্তর্য্যের সঙ্গে একদিকে স্ততা বুনে কস্তার মতো জুড়ে দেবার ফলে ঢাকনাটি স্থানচ্যুত না হয়ে অনায়াসে ওঠা-নামা করতে পারে। চতুর্দিকে স্ততার আন্তর্য্য দেওয়া শেষ হলে ঢাকনাটাকে ভিতর দিক থেকে টেনে ধরে গর্তের মুখে চেপে বসায়। চতুর্দিকে স্ততার আন্তর্য্য অনেকটা আলগাভাবে থাকবার ফলে ঢাকনার পরিধি গর্তের মুখের চেয়ে কিঞ্চিৎ বড় হয়ে থাকে। কিন্তু বার বার সেটাকে গর্তের মুখে চেপে বসাবার ফলে ক্রমশ বেষ এঁটে যায়। তারপর চোয়ালের সাহায্যে ঢাকনার নীচের দিকে দুটি ফুটা করে দেয়। এই ছিদ্র দুটির সাহায্যে মাকড়সা ভিতর থেকে ঢাকনাটাকে ধরে খুলতে বা বন্ধ করতে পারে। বাসা-নির্মাণ শেষ করতে ষোল থেকে বিশ ঘণ্টা সময় লেগে থাকে। ঢাকনার উপরি-ভাগে শ্রাওলা ও লতাপাতার ক্ষুদ্র ক্ষুদ্র অংশ জুড়ে দেয়। এর ফলে ঢাকনা বন্ধ থাকলে সে স্থানটা আশেপাশের ঘাসপাতার সঙ্গে বেমানাম মিশে থাকে। বিশেষ-ভাবে লক্ষ করলেও কোথায় মাকড়সার গর্ত আছে সহজে তা বোঝা যায় না। বাইরে থেকে কেউ গর্তের ঢাকনা খুলতে চেষ্টা করলে মাকড়সা ভিতর থেকে তাকে টেনে ধরে রাখে। এই টানের জোরও বড় কম নয়। জোর করে ঢাকনা খুলে নিলে মাকড়সাটা সেটাকে কামড়ে ধরেই থাকে। কিন্তু গর্তের অন্ধকার থেকে আলোয় আসা মাত্রই বিপদ বুঝতে পেরে তৎক্ষণাৎ রূপ করে গর্তের মধ্যে পড়ে যায়। প্রধানত এরা রাতিকালেই শিকার অন্বেষণে বের হয়। গর্ত ছেড়ে দূরে গেলেই গর্তের ডালা খুলে রেখে আসে, নচেৎ ডালা বন্ধ হলে বাইরে থেকে আর খেলবার উপায় থাকে না। সাধারণত এরা গর্তের মুখে শরীরের অর্ধাংশ বের করে শিকারের প্রতীক্ষা করে। গর্তের নিকট দিয়ে কোন কীট-পতঙ্গ যাতায়াত করলেই তাকে আক্রমণ করে গর্তের ভিতরে টেনে নেয়। দরজাটাও সঙ্গে সঙ্গে আপনা-আপনি বন্ধ হয়ে যায়, তখন নিশ্চিন্ত মনে আহায়ে প্রবৃত্ত হয়। দিনের বেলায়ও অবশ্য সময়ে সময়ে এদের গর্তের ডালা অর্ধোখুলে

কৰে শিকাৱেৰ জন্তে ওঁৎ পেতে বসে থাকতে দেখা যায়। তাছাড়া শিকাৱেৰ লোভ দেখিয়ে দিনেৰ বেলায় এদেৰ গতে'ৰ বাইৰে আনাও অসম্ভব নয়। কিন্তু প্ৰথমত দু-একবাৰ একপ্ৰাণ প্ৰলোভিত হলেও প্ৰতাৰণা বুঝতে এদেৰ বেশী সময় লাগে না, তখন শত চেষ্টায়ও আৰ গত'থেকে বেৰ কৰা যায় না। 'ট্ৰাপ-ভোৱ' মাকড়সাৰা অত্যন্ত কলহপ্ৰিয়। সহজে পৰম্পৰেৰ সঙ্গ সান্ধাং ঘটে না। কোনও ক্ৰমে দুটিতে সামনাসামনি হয়ে পড়লেই লড়াই অনিবাৰ্য। সময় সময় অগ্নি বাবধানে পাশাপাশি গত'খুঁড়তে খুঁড়তে একেৰ গতে'ৰ সঙ্গ অপৰেৰ গত'নীচের দিকে গিয়ে মিলিত হয়ে যায়। তখন গত'খোঁড়া বন্ধ বেধে উভয়ে উভয়কে দৃষ্টিগোচৰ আক্ৰমণ কৰে। একটি প্ৰাণত্যাগ না কৰা পৰ্যন্ত লড়াই থামে না। এদেৰ মধো পুৰুষ-মাকড়সাৰ সংখ্যা খুবই কম। তাৰাও কদাচিৎ ছোট ছোট গত'নিৰ্মাণ কৰে। স্ত্ৰী-মাকড়সা গতে'মধোই আলাদা থলি বুনে তাতে ডিম পাড়ে। কুমাৰী অবস্থায় ডিম পাড়লে তা থেকে বাচ্চা উৎপন্ন হবে না বুঝেই বোধ হয় সেই ডিম-গুলিকে নিজেই খেয়ে ফেলে। নিষিক্ত ডিম পাড়বাৰ পৰ বাচ্চা বেৰ না হওয়া পৰ্যন্ত সৰ্বদা তা আগলে বসে থাকে। বাচ্চাগুলি দুই মাস পৰে খোলস বদলাতে শুরু কৰে এবং ছয়-সাত বাৰ খোলস বদলাবাৰ পৰ যৌবনে পদাৰ্পণ কৰে।

দিনেৰ বেলায় এদেৰ গতে'ৰ বাইৰে না আসবাৰ একটা প্ৰধান কাৰণ এই যে এক জাতীয় কুমোৱে-পোকা এদেৰ সন্ধানে ঘূৰে বেড়ায়। 'ট্ৰাপ-ভোৱ' মাকড়সাকে দিনেৰ বেলায় গতে'ৰ বাইৰে দেখতে পেলেই এই কুমোৱে-পোকা তাকে আক্ৰমণ কৰে এবং উভয়ে জড়াজড়ি কৰতে কৰতে গতে'ৰ মধো ঢুকে পড়ে। কুমোৱে-পোকাৰ সঙ্গ মাকড়সা এঁটে উঠতে পাৰে না। বাৰংবাৰ জল ফুটিয়ে তাকে অসাড় কৰে ফেলে এবং তাৰ শৰীৰে একটি ডিম পেড়ে চলে যায়। এই ডিম থেকে যথাসময়ে কীড়া ফুটে মাকড়সাৰ দেহ উদৰসাং কৰতে থাকে এবং যথাসময়ে পূৰ্ণাঙ্গ কুমোৱে-পোকা ৰূপে মাকড়সাৰ গত'থেকে বেড়িয়ে আসে। মাকড়সা বাসা ছেড়ে বাইৰে না এলে কিন্তু কুমোৱে-পোকা তাকে আক্ৰমণ কৰে না; কাৰণ অৰ্ধোমুক্ত দৰজাৰ ফাঁকে আক্ৰমণ কৰলে গতে'ৰ ডালা বন্ধ হয় কুমোৱে-পোকাৰ আৰ বেৰোবাৰ উপায় থাকে না।

ঠাটী-বো মাকড়সা

গল্পে আছে—পশুপাখি, কীটপতঙ্গেরা একবার সকলে মিলে সৃষ্টিকর্তার কাছে মাছুষের বিরুদ্ধে অভিযোগ করেছিল। সাক্ষ্য-প্রমাণ গ্রহণকালে একমাত্র মাকড়সাই নাকি বলেছিল যে, মাছুষের মতো এমন নিরীহ প্রাণী আর নেই, আমি এত বড় জাল পেতে রাখি, কই কখনও তো একটা মাছুষকে আমার জালে পড়তে দেখি নি।

গল্পে যাই থাকুক, দু-এক জাতের বিষাক্ত মাকড়সা ছাড়া সাধারণত এবং মাছুষের অপকার তো করেই না, বরং মশা মাছি প্রভৃতি অনিষ্টকারী কীট-পতঙ্গ শিকার করে মাছুষের উপকারই করে থাকে। তাছাড়া মাকড়সা সম্বন্ধে এমন অনেক কাহিনী শোনা যায় যাতে স্বভাবতই এই প্রাণীদের প্রতি একটা সহৃদয় মনোভাব জাগ্রত হওয়াই উচিত।

শোনা যায়, সিপাহী-বিদ্রোহের সময় নাকি কানপুরে কয়েকজন পলাতক ইংরেজ সিপাহীদের ভয়ে অতি কষ্টে পাঁচিল টপকে পরিত্যক্ত শস্তাগারে আশ্রয় গ্রহণ করেছিল। শস্তাগারটি অনেকদিন অব্যবহার্য অবস্থায় ছিল বলে কপাট শক্তভাবে এঁটে গিয়েছিল। অতিকষ্টে তারা একখানা মাত্র কপাট অল্প একটু ফাঁক করে তার মধ্যে ঢুকে আত্মগোপন করেছিল। ভুলেই হোক বা অসামর্থ্যের দরুণই হোক দরজাটা আর বন্ধ করা সম্ভব হয় নি। কপাটটা আধ খোলা অবস্থায়ই ছিল। উন্নত সিপাহীরা পলাতকদের সন্ধানে সেই স্থানে এসে একখানা তক্তার সাহায্যে পাঁচিলের উপর উঠে দেখলো, শস্তাগারের দরজা আধ খোলা রয়েছে। এতে তাদের দৃঢ় ধারণা হলো যে, পলাতকেরা নিশ্চয়ই ওখানে আশ্রয় নিয়েছে। কিন্তু সেখানে অবতরণ করা সহজ নয় বলে সিপাহীরা নানা প্রকার জল্পনা-কল্পনা করতে লাগলো। এমন সময় একজন সিপাহীর নজরে পড়লো—সেই অর্ধোন্মুক্ত কপাটের ফাঁকে একটা মাকড়সার জাল বিস্তৃত রয়েছে। কপাটের ফাঁকে মাকড়সার অঙ্কত জাল দেখে তাদের ধারণা হলো যে, দু-এক দিনের মধ্যে এখানে কে'নও লোক প্রবেশ করেনি। কান্ধেই তারা আর অগ্রসর না হয়ে ফিরে গেল। মাকড়সার জালই সেই যাত্রায় এতগুলি বিপন্ন লোকের প্রাণ রক্ষা করেছিল।

শোনা যায়, হজরত মোহম্মদ যখন মদিনায় এক গুহার মধ্যে লুকায়িতভাবে অবস্থান করছিলেন, তখন আততায়ীরা তাঁর সন্ধানে সেই গৃহদ্বারে উপস্থিত হ'য়ে দেখতে পায়, গুহার প্রবেশ পথে মাকড়সার জাল বিস্তৃত রয়েছে। দু-এক দিনের

মধ্যে কেউ এই গুহায় প্রবেশ করে থাকলে মাকড়সার জাল থাকতে পারতো না— একথা ভেবে আততায়ীরা তখন তাঁর সন্ধানে অগ্নি দিকে চলে গেল। মাকড়সার জালই সেই যাত্রায় মহাপুরুষের প্রাণ রক্ষার কারণ হয়েছিল।

পিঁপড়ের মতো পরিশ্রমী ও মৌমাছির মতো সক্ষম হবার উপদেশের সঙ্গে সঙ্গে মাকড়সার মতো অধ্যবসায়ী হবার উপদেশও অহোরহই শুনতে পাওয়া যায়। অধ্যবসায় স্বক্কে কিছু বলতে গেলে প্রথমেই রবার্ট ক্রস ও মাকড়সার অধ্যবসায়ের গল্পটি মনে পড়ে। স্কটল্যান্ডের অধিপতি রবার্ট ক্রস শত্রুর হাতে বার বার পরাজিত ও লাজিত হয়ে হতাশ হয়ে পড়েছিলেন। এই সময় ক্ষুদ্র একটা মাকড়সার অধ্যবসায় দৃষ্টে অনুপ্রাণিত হয়ে সর্বশেষে শত্রুর কবল থেকে দেশকে মুক্ত করতে তিনি সক্ষম হয়েছিলেন।

এসব কথা বাদ দিলেও জীবতত্ত্ব ও ব্যবহারিক জীবনের কোনও কোনও দিক থেকে মাকড়সার জীবন আলোচনার প্রয়োজনীয়তা অস্বীকার করবার উপায় নেই।

আমাদের দেশে শত শত বিভিন্ন জাতীয় মাকড়সা দেখতে পাওয়া যায়। তাদের দৈহিক গঠন ও জীবনযাত্রা প্রণালী বৈচিত্র্যময়। এদের মধ্যে অপেক্ষাকৃত বৃহদাকারের কয়েক জাতের মাকড়সা মাত্র আমাদের নজরে পড়ে, বাকী অধিক সংখ্যক মাকড়সাকেই যত্ন করে খুঁজে বার করতে হয়। এগুলো সাধারণের পরিচিত তীতী-বো নামে এ-দেশীয় এক প্রকার বিচিত্র বর্ণের মাকড়সার কথা আলোচনা করছি।

আমাদের দেশে বনে-জঙ্গলে ঝোপ-ঝাড়ের আশেপাশে অপেক্ষাকৃত ফাঁকা জায়গায় মাটি থেকে প্রায় দু-দিন হাত উঁচুতে একপ্রকার বড় বড় মাকড়সার জাল দেখা যায়। জালের মধ্যস্থলে খুব মোটা সাদা সূতায় বোনা X চিহ্নের মতো প্রায় দুই ইঞ্চি আড়াই ইঞ্চি লম্বা একটা স্থান থাকে। প্রায় তিন ইঞ্চি লম্বা একপ্রকার মাকড়সাকে দুটি পা জোড়া করে সেই X-চিহ্নিত স্থানের উপর নীচের দিকে মুখ করে বসে থাকতে দেখা যায়। মাকড়সাটি কালো হলেও তার পিঠের উপরের পাশাপাশি মোটা হলদে রঙের দাগ দুটির দৃশ্য একে খুবই সুন্দর দেখায়। দিনের বেলায় প্রায় অধিকাংশ সময়েই এরা জালের মধ্যস্থলে ঐরূপ নিশ্চেষ্টভাবে বসে থাকে। সন্ধ্যার প্রাক্কালেই এদের কর্মবাস্ততা শুরু হয়। রাত্রির কীটপতঙ্গই বেশির ভাগ এদের জালে আটকে পড়ে থাকে, অবশ্য দিনের বেলায়ও ফড়িং, প্রজাপতি প্রভৃতি যে দুই একটা জালে না-পড়ে, এমন নয়। জী-মাকড়সা দেখেই এই মাকড়সার জাতি নির্ণীত হয়ে থাকে। কারণ এদের পুং-মাকড়সা অতি ক্ষুদ্রকায় হয়ে থাকে এবং প্রায়ই নজরে পড়ে না। এদের জী-

মাকড়সাই সচরাচর আমাদের চোখে পড়ে। জালই এদের খাঙ্ক-সংগ্রহের প্রধান উপায়। কীটপতঙ্গের রস চুষে খেয়েই এরা জীবনধারণ করে, কিন্তু মৃত প্রাণীর দেহ এরা স্পর্শও করে না। কীট-পতঙ্গ ধরবার জন্তে এরা উপযুক্ত স্থান নির্বাচন করে এমন অদ্রুত দক্ষতার সঙ্গে জাল বোনে যে, দেখলে অবাক হয়ে যেতে হয়। এদের জাল বোনার কৌশল দেখেই হয়তো কেউ এই জাতীয় মাকড়সাকে তাঁতী-বৌ মাকড়সা নাম দিয়েছে। আমরাও একে এই নামেই অভিহিত করবো।

তাঁতী-বৌ ঝোপ-ঝাড় বা বড় গাছের নীচে শিকার ধরবার উপযোগী কোনও নির্জন ফাঁক। জায়গা পেলেই গাছের পাতায় এসে শরীরের পশ্চাদ্দেশ পাতার গায়ে ঠেকিয়ে আঠালো সূতা আটকে দেয় এবং মাথা নীচু করে হাত-পা ছড়িয়ে ক্রমশ সূতা ছেড়ে নীচে নামতে থাকে। নীচে নামবার সময় পিছনের এক পা দিয়ে সূতাটিকে ধরে থাকে এবং প্রয়োজনমত যে কোনও স্থানে ঝুলে থাকতে পারে। এদের পায়ের ডগায় আঁকসির মতো সূক্ষ্ম বাঁকানো নখ আছে—এই নখের সাহায্যেই হাতের আঙুলের মতো সূতা ধরে ওঠা-নামা করতে পারে।

মাকড়সাটা নীচু গাছের উপর থাকলে কোনও ভাল বা পাতার প্রান্তভাগে এসে শরীরের পশ্চাভাগ উঁচু করে হাওয়ার মধ্যে সূতা ছাড়তে থাকে। অতি মৃদু বাতাসের মধ্যেই সূতার মুক্ত প্রান্ত ইতস্তত উড়তে উড়তে উপরের বা আশে-পাশের কোনও লতাপাতার গায়ে ঠেকে আটকে যায়। তখন মাকড়সা পিছনের পা দিয়ে সূতাটিকে টেনে দেখে—কিছুতে আটকেছে কি না। ঢিলা থাকলে মধ্যের দুই পা দিয়ে সূতা গুটাতে গুটাতে তাকে টান করে শরীরের পশ্চাভাগের সাহায্যে পাতা বা অগ্নান্ত কিছুই সঙ্গে এঁটে দেয় এবং সেই সূতার উপর অতি দ্রুত গতিতে হেঁটে যায়। এবং সেই প্রান্তের বাঁধন শক্ত করে দিয়ে আবার সেই সূতা ধরেই নীচে নামতে থাকে। এবার সূতার মাঝামাঝি গিয়েই থেমে যায় এবং শরীরের পশ্চাভাগ উঁচু করে পুনরায় সূতা ছাড়তে থাকে। খুব কাছাকাছি কোনও অবলম্বন না থাকলে কখনও কখনও দশ-বারো হাত বা তারও বেশী লম্বা সূতা বের করে দেয়। সূতার মুক্ত প্রান্ত বাতাসে উড়তে উড়তে যে-কোনও একটা গাছপালার সঙ্গে আটকে যায়। এইরূপে ঘুরে ফিরে চতুর্দিকেই সূতা চালাতে থাকে। পাঁচ-সাত মিনিটের মধ্যেই ছাতার শলার মতো চতুর্দিকে টানা দিয়ে জালের একটা মোটামুটি কাঠামো তৈরি হয়ে যায়। উচু গাছে থাকলে নীচের গাছের সঙ্গে টানা দেবার প্রয়োজন হয়। মাকড়সার জাল বোনবার কৌশল প্রত্যক্ষ করার পূর্বে মোটেই ধারণা করতে পারি নি যে, দশ-বারো হাত ব্যবধানে অবস্থিত দুটি গাছের সঙ্গে প্রথমে এরা কি উপায়ে সূতা জুড়ে দেয়।

অনেক চেষ্টার ফলে পরে বোকা গেল—উচু গাছে অবস্থিত মাকড়সাটি পাতার প্রান্তভাগ পাতায় ঠেকিয়ে দিতেই স্ততার মুখটি তার সঙ্গে সিমেন্টের মতো এঁটে যায় এবং সঙ্গে সঙ্গে সে হাত-পা প্রসারিত করে স্ততা ছাড়তে ছাড়তে ধীরে ধীরে নীচে নামতে থাকে। নীচে নামবার সময় পিছনের একটা পায়ের নখ দিয়ে বরাবরই স্ততাটাকে আলতোভাবে ধরে থাকে। নামতে গিয়ে আর বেশী দূর অগ্রসর হওয়া উচিত কিনা, বোধ হয় তা ভেবে দেখবার জন্তে মাঝে মাঝে কিছুক্ষণের জন্তে থেমে থাকে। অবশেষে যে কোনও একটা লতাপাতার উপরে অবতরণ করে স্ততার প্রান্তভাগ তাতে জুড়ে দেয়। কিছুক্ষণ পরেই আবার সেই স্ততা ধরে মাঝামাঝি স্থানে উঠে যায় এবং বাতাসের মধ্যে চতুর্দিকে স্ততা ছেড়ে জালের কাঠামো তৈরি করে। যদি কোনও টানা অসমতল অবস্থায় থাকে, তাহলে সেটাকে কেটে দেয়। তবে সাধারণত একপ বড়-একটা ঘটে না। টানাগুলি সামান্য অসমতল হলে পড়েনের টানে পরে ঠিক হয়ে যায়। চতুর্দিকের টানাগুলি ঠিক হয়ে গেলে, মাকড়সা যে কোনও একটি টানা বেয়ে উপরে উঠে যায় এবং সেই টানার প্রান্তদেশে নতুন স্ততা আটকে পিছনের পা দিয়ে সেটা উচু করে ধরে জালের কেন্দ্রস্থলে নেমে আসে। তারপর নিকটবর্তী আর একটি টানা বেয়ে উপরে ওঠে এবং পায়ের সাহায্যে পূর্বোক্ত স্ততাটিকে এই টানার প্রান্তভাগে এঁটে দেয়। এইরূপ পর পর প্রত্যেকটি টানার প্রান্তভাগে বৃত্তাকারে স্ততা জুড়ে কেন্দ্রাভিমুখে বৃত্তের পরিধি ক্রমশ ছোট করতে থাকে। বাইরের দিকের সবচেয়ে বড় বৃত্তটি বুনতে একটু অস্বীধা ভোগ করতে হয়; সেই স্তত অবলম্বন করে ক্রমশ জিলিপীর প্যাচের মতো ভিতরের দিকে স্ততা বুনতে আর কোনই অস্বীধা হয় না। ধারা পাড়াগাঁয়ের তীতীদের কাপড় বোনা দেখেছেন, তাঁরা জানেন, তাঁত বোনবার পূর্বে স্ততা পাট করবার সময় চার কোণে চারটি খুঁটি পুঁতে তীতী-বোয়েরা বাঁ-হাতের একটা বড় চরকী থেকে ডান হাতে একটা লম্বা লাঠির সাহায্যে কিরূপ ক্ষিপ্ততার সঙ্গে স্ততা জড়িয়ে দেয়। টানার উপর দিয়ে জাল বোনবার সময় মাকড়সারা পিছনের একটা পায়ের সাহায্যে ঠিক তীতী-বোদের মতোই ক্ষিপ্তগতিতে স্ততা জড়াতে থাকে। জাল বোনবার সময় তার বিচিত্র অঙ্গভঙ্গী প্রত্যক্ষ করবার বিষয়। জাল বোনা হয়ে গেলে, প্রত্যেক কোণের দৃষ্টি পাশাপাশি টানাকে একত্রিত করে জালের মধ্যস্থলে ফিতার মতো চওড়া স্ততার সাহায্যে করাতের দাঁতের মতো ঝাঁকাঝাঁকা ভাবে জুড়ে দেয়। মোটা স্ততায় বোনা জালের মধ্যস্থিত এই চওড়া স্থানটিকে প্রায় আড়াই বা তিন ইঞ্চি লম্বা একটা X চিহ্নের মতো দেখায়। মাকড়সা পা জোড়া জোড় করে উক্ত চিহ্নের

সঙ্গে দেহের আকারের তারতম্য অনুসারে ঐ স্থানেই নীচের দিকে মুখ করে শিকারের জন্তে সর্বদা ওঁৎ পেতে বসে থাকে। একখানি জাল বুনে শেষ করতে আধ ঘণ্টার বেশী সময় লাগে না। এরা ইচ্ছামত মোটা, সাদা বা আঠালো স্বতা বের করতে পারে। জাল বুনে সাধারণত এই তিন প্রকারের স্বতারই প্রয়োজন হয়। টানাগুলি ও বাইরের কয়েকটি বুনের স্বতা সাদা, তাতে আঠালো পদার্থ থাকে না। তার পর থেকে কেন্দ্র পর্যন্ত সব স্বতাই আঠালো। বিশেষভাবে লক্ষ করলেই দেখা যাবে, স্বতার গায়ে বিন্দু বিন্দু অসংখ্য আঠালো পদার্থ রয়েছে, কীট-পতঙ্গ তাতে পড়লেই আটকে যায়। মধ্যস্থলে আসন তৈরি করবার জন্তে একসঙ্গে অনেকগুলি স্বতা পাশাপাশি ভাবে বের করে ফিতার মতো। সেগুলি ওদের মোটা স্বতা, ভয়ানক চট্‌চটে। শিকার জালে পড়লে প্রথমে এই মোটা স্বতার সাহায্যেই জড়িয়ে থাকে।

ফড়িং বা অন্য কোনও বৃহদাকৃতির পতঙ্গ জালে পড়বামাত্রই আটকে যায় এবং মুক্ত হবার জন্যে প্রাণপণ চেষ্টা করতে থাকে। ফলে জালটা ভয়ানক আন্দোলিত হতে থাকে। সেই আন্দোলনের তীব্রতায় মাকড়সা বুঝতে পারে—শিকার দুর্বল কী সবল। দুর্বল ও ক্ষুদ্র শিকার জালে পড়বামাত্রই সে ছুটে গিয়ে তাকে স্বতা জড়িয়ে পুটলি করে মুখে নিয়ে এসে জালের মধ্যস্থলে বসে তৎক্ষণাৎ খেতে আরম্ভ করে দেয়। শিকার বড় হলে—মাকড়সা অনেকক্ষণ পর্যন্ত চূপ করে পর্যবেক্ষণ করে অথবা সময় সময় জালের মধ্যস্থিত আসন ছেড়ে জালের এক কোণে গিয়ে গুটিসুটি হয়ে বসে থাকে। কিছুক্ষণ আশ্ফালনের পর শিকার হয়রান হয়ে একটু চূপ করবামাত্রই সে এক-পা দু-পা করে অতি সন্তর্পণে অগ্রসর হয়ে হঠাৎ তার উপর লাফিয়ে পড়ে। পিছনের দুই পায়ের সাহায্যে চওড়া স্বতার ফালিগুলি যেন ছুঁড়ে ছুঁড়ে মারতে থাকে। দেখতে দেখতে শিকারের চতুর্দিক সাদা স্বতায় জড়িয়ে যায়, তখন তার আর বেশী আশ্ফালন করবার সামর্থ্য থাকে না। তখন মধ্যের দু-পা ও পিছনের দু-পায়ের সাহায্যে শিকারটাকে চাকির মতো ঘোরাতে ঘোরাতে ফিতার মতো চওড়া স্বতায় অগাগোড়া পুটলির মতো মুড়ে ফেল। শিকার তখনও স্বতার পুটলির মধ্যে কাঁপতে থাকে; কাজেই তাকে জালের সেইস্থানেই ঝুলিয়ে রেখে একটি স্বতার লাইন গেঁথে সে নিজ স্থানে এসে এমন অদ্ভুত অঙ্গভঙ্গী করতে থাকে যে, সমগ্র জালখানি সামনে ও পিছনে কিছুক্ষণ পর্যন্ত ভয়ানকভাবে দুলতে থাকে। আট পায়ের উপর শরীরটাকে উঁচু করে তৎক্ষণাৎ আবার নামিয়ে নেয়। পাঁচ-সাত বার একরূপ করবার পর চূপ করে বসে থাকে। ব্যাপারটা যেন জয়ের উল্লাস বলেই মনে হয়। পনেরো-বিশ মিনিট পরে পুটলিটি

জালের মধ্যস্থলে নামিয়ে এনে সূত্রাবরণের ভিতর দিয়ে তীক্ষ্ণ দাঁত ফুটিয়ে বস চুষে খেতে থাকে। শরীরের রস নিঃশেষিত হলে খোলসটাকে জাল থেকে নীচে ফেলে দেয় এবং চুপ করে বিশ্রাম করে। আবার সম্ভাব্য পূর্বক্ষণে জালের ছিন্ন অংশ মেরামত করে নতুন শিকারের আশায় ওঁৎ পেতে বসে থাকে। আশ্চর্যের বিষয়—মৃত কীট-পতঙ্গ জালে ফেলে দিলে তা খাওয়া দূরে থাকুক, মোটেই গ্রাহ্য করে না। কিছুক্ষণ পরে এসে মৃত পতঙ্গটাকে জাল থেকে নীচে ফেলে দেয়। সময়ে সময়ে ছোট ছোট টিকটিকি, গিরগিটি এদের জালে আটকা পড়ে যায় এবং মাকড়সা তাদের রস চুষে খেয়ে থাকে।

মাকড়সারা অনেকদিন পর্যন্ত অনাহারে কাটিয়ে দিতে পারে। রোজই যে এদের জালে শিকার পড়ে, তা নয়। শিকারের আশায় হয়তো একাদিক্রমে কয়েকদিন জাল পেতে বসে থাকে। একটা জাল তিন-চার দিনের বেশী শিকার ধরবার উপযুক্ত থাকে না, কারণ ধূলাবালি উড়ে এসে অথবা বোদে শুকিয়ে জালের আঠা শক্ত হয়ে যায়, তখন বাধা হয়েই নতুন জাল বুনতে হয়। কোনও স্থানে দু-চারদিন শিকার না জুটলে, টানাগুলি কেটে সম্পূর্ণ জালটাকে গুটিয়ে নিয়ে অগ্নয় চলে যায়। হয়তো জালের সূতাগুলিকে খেয়ে ফেলে। সময়ে সময়ে কোনও প্রবল মাকড়সা এসে অপেক্ষাকৃত দুর্বল মাকড়সার জালে পড়ে এবং জালের মালিককে যুদ্ধে হারিয়ে তার স্থান অধিকার করে বসে। মারা-মারির ফলে উভয়েরই হয়তো দু-একখানা ঠ্যাং ছিঁড়ে যায়। কিন্তু কালক্রমে সেই স্থলে আবার নতুন ঠ্যাং গজায়।

এরা জালের যে কোনও একস্থানে ছোট্ট একটি থলি গোঁথে তার মধ্যে শতাধিক ক্ষুদ্র ক্ষুদ্র ডিম পেড়ে রাখে। থলির মধ্যেই ডিম ফুটে বাচ্চা বের হয় এবং এলোমেলো ভাবে একসঙ্গে তাদের দেহ নিঃসৃত সূক্ষ্ম সূত্রের সঙ্গে ঝুলতে থাকে। দু-তিন দিনের মধ্যেই তারা ছত্রভঙ্গ হয়ে যায়, নানা স্থানে ইতস্তত ছড়িয়ে পড়ে। একটু লক্ষ করলেই দেখা যায়, বাচ্চাগুলি যে কোনও একটু উঁচু স্থানে উঠে শরীরের পশ্চাভাগ বাতাসের দিকে উঁচু করে সূতা ছাড়তে থাকে। অনেক সময় বাতাসের টানে সে সূতা অনেক দূরে চলে যায়। সেই সূতায় ভর করে তারা বহু দূরে উড়ে গিয়ে নতুন নতুন জালের পতন করে। শরীর একটু পুষ্ট হলেই খোলস পরিত্যাগ করে। একরূপ ছয়-সাতবার খোলস বদল করে এরা পূর্ণ পরিণতি লাভ করে। পূর্ণ পরিণতির পর আর খোলস পরিত্যাগ করে না।

পরিণত বয়সে তাঁতী-বৌ মাকড়সা বেশ পোষ মানে এবং প্রায়ই নির্দিষ্ট স্থানে

জাল পেতে অবস্থান করে। জাল ছিঁড়ে দিলেও অনেক সময় পুনরায় সেই স্থানেই জাল পেতে রাখে।

বাংলা দেশের মৎস্য-শিকারী মাকড়সা

১২৩১ সালের মার্চ মাসের প্রথম ভাগে কলকাতার উপকণ্ঠে একটি বৃদ্ধ জলাশয়ে ধূসর রঙের একটি মাকড়সার প্রতি দৃষ্টি আকৃষ্ট হয়। জলাশয়টি নানা রকম জলজ উদ্ভিদ ও একপ্রকার বড় বড় শালুক পাতায় পরিপূর্ণ ছিল, তাইই একটি পাতার উপর মাকড়সাটা ভিন্ন জাতীয় একটা মাকড়সাকে তীক্ষ্ণ দাঁত ফুটিয়ে অসাড় করে আঙুলে আঙুলে তার রস চুষে খাচ্ছিল। এই অবস্থায় মাকড়সাটাকে ধরবার উপক্রম করতেই সেটা ছুটে পালিয়ে গেল। তার উপর দৃষ্টি নিবদ্ধ রেখে তাকে অনুসরণ করতে লাগলাম। অনেকক্ষণ ছুটাছুটির পর ক্লান্ত হয়ে মাকড়সাটা পা গুটিয়ে মৃত্যুর ভাণ করে জলের উপর চিৎ হয়ে ভাসতে লাগলো। তখন সেটাকে ধরবার জন্যে যেই হাত বাড়িয়েছি, অমনি আমার চোখের সামনে হঠাৎ কোথায় যেন সেটা অদৃশ্য হয়ে গেল। এই হঠাৎ অদৃশ্য হবার কারণ অনুসন্ধান করে জানতে পেরেছি যে, এই উভচর মাকড়সা স্বদক্ষ ডুবুরী; দশ-পনেরো মিনিট পর্যন্ত অবলীলাক্রমে ডুবে থাকতে পারে।

দিনের বেলায় অধিকাংশ সময় এরা জলের উপর কাটায়। অনেক সময় জলজ উদ্ভিদের পাতার উপর বিশ্রাম করে, আবার কখনও কখনও জলের উপর ছুটাছুটি করে বেড়ায়। দিবাবসানে সাধারণত এরা জলাশয়ের পাড়ে ঘাসপাতার মধ্যে আশ্রয় গ্রহণ করে। কখনও কখনও আবার পুকুর ধারে ইতস্তত বিক্ষিপ্ত ইঁট, কাঠ বা খোলামকুচির তলায় অথবা ছোট ছোট গর্তে লুকিয়ে থাকে। দিনের আলো এরা খুবই ভালবাসে, কিন্তু দুপুরের প্রখর রোদের সময় ঝোপ-ঝাড়ের অন্তরালে বা ছায়ার নীচে অবস্থান করে। পুকুরের পরিষ্কার জলের উপর দিয়ে সময় সময় দ্রুতগতিতে লাফিয়ে লাফিয়ে বহুদূর অতিক্রম করে যেতে পারে। চলবার সময় জলের উপর থেমে থাকলে শরীরের ভায়ে পায়ের নীচে জল একটু টোল খেয়ে যায় মাত্র, জলের উপরের পাতলা পর্দা ছিন্ন করে পা জলের ভিতর ডুবে যায় না। পূর্বেই বলা হয়েছে যে, এদের জলের নীচে ডুবে থাকবার অদ্ভুত ক্ষমতা আছে। কোন প্রকার ভয়ের কারণ উপস্থিত হলে অথবা শত্রুর নিকট থেকে আত্মরক্ষার নিমিত্ত এরা জলের নীচে ডুব দিয়ে ঘাসপাতা আঁকড়ে ধরে

থাকে। শরীরের চতুর্দিকের বাতাসের আন্তরণ ভেদ করে জল এদের গায়ে লাগতে পারে না এবং এইজন্তে জলের নীচে রূপালী রঙের মতো স্বকমকে দেখায়। খাদ্যী মাকড়সাও ভয় পেলে তার অথবা পিঠের উপর অবস্থিত বাচ্চাগুলিকে নিয়ে জলের তলায় ডুব দিয়ে জলজ লতাপাতার গা বেয়ে এক স্থান থেকে অন্য নিরাপদ স্থানে গিয়ে অনেক সময় পর্যন্ত আত্মগোপন করে থাকে।

এরা সাধারণত ছোট ছোট পতঙ্গ এবং একপ্রকার জল-মক্ষিকা শিকার করে বেড়ায়। এই জল-মক্ষিকাগুলিকে অনেক সময় দলবদ্ধভাবে জলের উপর ভেসে বেড়াতে দেখা যায়। এই মাকড়সারা প্রায়ই দুর্বল স্বজাতীয় মাকড়সাদের খেয়ে ফেলে। স্ত্রী-মাকড়সারাই এই বিষয়ে বিশেষ অগ্রণী, এমন কি, স্বযোগ পেলেই তারা পুরুষ মাকড়সাকে ধরে উদরস্থ করে।

এই মাকড়সারা হৃদঙ্গ শিকারী, এদের কৌশলও অদ্ভুত। এরা কিরূপ ধৈর্যের সঙ্গে শিকারের উপর লাফিয়ে পড়বার স্বযোগের অপেক্ষায় বসে থাকে এবং কিরূপ সন্তর্পণে শিকারকে অঙ্গসরণ করে, তা বিশেষ প্রণিধানযোগ্য। আরও বিস্ময়ের বিষয় এই যে, এই ক্ষুদ্র প্রাণী কিরূপ অব্যর্থ কৌশলে নিজের শরীরের অঙ্গপাতে বড় শিকারকে দীর্ঘ ফুটিয়ে অনায়াসে আয়ত্ত করে ফেলে।

দমদমের নিকটতী একটি জলাশয়ে এই জাতীয় অনেক ডুবুরী মাকড়সা দেখে তাদের গতিবিধি লক্ষ করছিলাম। দেখলাম, ছোট ছোট অনেক তেচোখো মাছও পুকুরের আশেপাশে সাঁতার কেটে বেড়াচ্ছে। একটু ভয়ের কারণে মাছগুলি ভাসমান শালুক পাতার নীচে গিয়ে লুকিয়ে পড়ছিল এবং একটু পরেই আবার বেরিয়ে আসছিল। এক জায়গায় দেখলাম ছোট্ট একটা শালুক পাতার চারিদিকে কয়েকটি ছোট-ছোট মাছ কি যেন খুঁটে খুঁটে থাকছে। আর পাতাটার উপর প্রায় মধ্যস্থলে একটা খাদ্যী মাকড়সা অনেকক্ষণ ধরে চুপটি করে বসে তাদের লক্ষ করছে। হঠাৎ কেউ দেখলে মাকড়সাটার ত্রুভিসন্ধির কোন লক্ষণই খুঁজে পেত না, নিশ্চয়ই মনে হতো যেন মাছগুলির উপর তার মোটেই লক্ষ নেই। কিন্তু প্রকৃত ব্যাপারটি সম্পূর্ণ বিপরীত; কারণ একটু অপেক্ষা করবার পরেই লক্ষ করলাম—মাকড়সাটা মাঝে মাঝে থেমে থেমে খুব সন্তর্পণে পা ফেলে আশ্বে আশ্বে পাতার ধারের দিকে অগ্রসর হচ্ছে। খুব কাছে এসেই হঠাৎ একটা মাছের উপর লাফিয়ে পড়ে বিষ-দীর্ঘ ফুটিয়ে দিল। ছাড়াবার জন্তে মাছটাও আশ্রয় চেষ্টা করেও কিছুতেই কৃতকার্য হতে পারলো না। অবশেষে মাকড়সা মাছটাকে পাতার উপর টেনে তুলে কামড়ে ধরেই রইলো। আরও

কিছুক্ষণ ছটফট করে মাছটা ক্রমশ নিস্তেজ হয়ে মৃত্যু বরণ করলো। এই মাছটা প্রায় পৌনে এক ইঞ্চি লম্বা ছিল।

আরও বিশদভাবে পর্যবেক্ষণ কবরার জন্তে একটা কাচের চৌবাচ্চার মধ্যে কিছু জলজ উদ্ভিদ ও অল্প জলের মধ্যে কয়েকটি তেচোখো মাছ রেখে কয়েকটা মাকড়সা ধরে এনে ছেড়ে দিলাম। কাচের চৌবাচ্চাটির মশণ গা বেয়ে উঠে মাকড়সাগুলির পালিয়ে যাবার উপায় ছিল না। তৃতীয় দিনে দেখলাম, একটি মাছ কমে গেছে। মাছের সংখ্যা ক্রমশ কমতে কমতে দশ দিন পর দেখা গেল একটি মাছও অবশিষ্ট নেই। এতে পরিস্কারভাবে বোঝা গেল যে মাকড়সারাই মাছগুলিকে নিঃশেষ করেছে।

স্বাভাবিক অবস্থায় এদের মাছ ধরা ও খাবার আলোকচিত্র গ্রহণ করা নানা কারণে অত্যন্ত অসুবিধাজনক এবং একরূপ অসম্ভব বলেই মনে হয়েছিল। অবশেষে নিম্নোক্ত উপায়ে এদের এই অবস্থার ছবি তুলতে সফল হয়েছিলাম। জলভর্তি একটা কাচের চৌবাচ্চার মধ্যে কয়েকটা মাকড়সা রেখে দিয়ে বেশ কয়েক দিন অভুক্ত অবস্থায় রেখে দিলাম। কয়েকদিন কিছু খেতে না পেয়ে ওরা অতিমাত্রায় ক্ষুধার্ত হয়ে উঠেছিল। তখন ঐ পাত্রেই মাছ কয়েকটা তেচোখো মাছ ছেড়ে দেবার পর অল্পক্ষণের মধ্যেই দুটি মাকড়সা দুটি মাছকে বিষদাত দিয়ে বিদ্ধ করে পাতার উপর ভুলে ফেললো। পূর্বেই ক্যামেরাটিকে সুবিধামতো ভাবে কাচপাত্রেই উপর বসিয়ে দেওয়া হয়েছিল, কাজেই সঙ্গে সঙ্গে ছবি তুলে নিতে আর কোন অসুবিধাই ঘটেনি। •

মাছটাকে পাতার উপর টেনে তোলবার পর জোরে শব্দ করায়, মাকড়সাটা ভয় পেয়ে মাছটাকে ছেড়ে দিয়ে এক পাশে বসে রইলো।

মাকড়সার নাচ

ময়ূর, পায়রা ও চড়ুই পাখির নাচ দেখে আমরা মুগ্ধ হয়ে যাই। বিশেষ করে কবিরাজ তো ময়ূরের নৃত্যের প্রশংসায় পঞ্চমুখ। কিন্তু কীটপতঙ্গ শ্রেণীর মধ্যে মাকড়সার নৃত্যভঙ্গী দেখলে বিশ্বাসের আর সীমা থাকে না। আমাদের দেশে খাল, বিল, পুকুরে জলজ ঘাসপাতার উপরে, পায়ে ডোরা-কাটা, ধূসর রঙের এক প্রকার ডুবুরি মাকড়সা দেখা যায়। এই জাতের পুরুষ মাকড়সারা স্ত্রী-মাকড়সা অপেক্ষা আকারে কিছুটা ছোট। পুরুষ মাকড়সার গায়ের রং কালো। পা

ছাড়া মুখের কাছে হাতের মতো ছোট ছোট দুটি উপাঙ্গ আছে। তাদের অগ্র-ভাগ মিশমিশে কালো ; কিন্তু গোড়ার দিকটা ধবধবে সাদা। স্ত্রী-মাকড়সা দেখতে পেলেই এরা ছুটাছুটি বন্ধ করে অতি সন্তর্পণে পিছন দিক থেকে তার নিকটে অগ্রসর হতে থাকে। স্ত্রী-মাকড়সার নিকট থেকে চার-পাঁচ ইঞ্চি দূরে থাকতেই শরীরটাকে একবার উঁচু করে স্ত্রী-মাকড়সার চারদিকে ঘুরে ঘুরে নাচ শুরু করে দেয়। সেই অদ্ভুত ভঙ্গীর নাচ প্রত্যক্ষ না করলে লিখে বোঝানো সম্ভব নয়। এইভাবে প্রায় ২৩ ইঞ্চি দূরত্ব রক্ষা করে বার বার স্ত্রী-মাকড়সাকে প্রদক্ষিণ করতে থাকে। স্ত্রী-মাকড়সাটি কিন্তু একস্থানে চূপ করে বসেই এই নাচ দেখে। নৃত্য করতে করতে বৃত্তের পরিধি ক্রমশ কমাতে থাকে। অপেক্ষাকৃত নিকটে এলেই মুখের সম্মুখস্থ ক্ষুদ্র উপাঙ্গ দুটিকে ঠিক হাত-জোড়ের মতো করে উপরে তোলে এবং পরস্পরই দুটিকে হৃদিকে প্রসারিত করে নীচে নামিয়ে আনে। আগেকার দিনে নবাব-বাদশাদের দরবারে যেকোন কুণ্ঠিত করবার প্রথা ছিল, যেন জব্ব্ব সেই কুণ্ঠিতের কায়দায় পুরুষ-মাকড়সা, মাকড়সা-রানীর তোয়াজ করে। এইরূপ কুণ্ঠিত করতে করতে মাঝে মাঝে নৃত্যভঙ্গী বদল করে পাণ্ডুলি কঁপাতে কঁপাতে একটু একটু করে তার কাছে ঘেঁষতে থাকে।

চোর মাকড়সা

নেকড়ে-মাকড়সা

আমাদের দেশে প্রায় সর্বত্রই ঘরের দেয়াল, মেঝে বা বেড়ার গায়ে আধ ইঞ্চি লম্বা, পিঠের উভয়পার্শ্ব কালো ভোরাওয়ালো নেকড়ে-মাকড়সা নামে ছোট ছোট একপ্রকার মাকড়সা দেখতে পাওয়া যায়। সাধারণত এরা দিনের বেলায় মাছি শিকার করেই জীবনধারণ করে। সন্ধ্যার পূর্বেই এরা নিজ নিজ বাসায় প্রত্যাবর্তন করে অথবা কোনও নিরাপদ স্থানে চূপ করে বসে বিশ্রাম করে। এদের শিকার ধরবার কৌশল অতি অদ্ভুত। মেঝেতে মাছি বসতে দেখলেই মাকড়সা এক-পা ছুপা করে অতি সন্তর্পণে তার দিকে অগ্রসর হয়। কাছে এলে মাছির নজর এড়াবার জন্যে ঘুর গিয়ে তার পিছন দিকে উপস্থিত হয় এবং সেখান থেকে শিকারের ঘাড়ের উপরে লাফিয়ে পড়ে। এই মাকড়সা প্রায় পনেরো-ষোলটি ডিম পাড়ে। ডিম ফুটে বাচ্চা বের হবার পর সেগুলি কয়েক দিন বাসার মধ্যেই অবস্থান করে। বাসা থেকে বেরিয়ে গেলে এদের পরম্পরের মধ্যে আবার কোনও

লক্ষ্য থাকে না। অধিকাংশ বাচ্চাই প্রয়োজনানুসার শিকার ধরবার সুযোগ হয় না; কাজেই অনেকে অগ্নাহারে বা অনাহারে মৃত্যুমুখে পতিত হয়। এই অবস্থায় বাধ্য হয়েই এরা চুরি করতে প্রবৃত্ত হয়।

আমাদের দেশে সর্বত্রই হলদে রঙের একপ্রকার ক্ষুদ্র পিঁপড়ে দেখা যায়। তারা দলে দলে সার বেঁধে এক স্থান থেকে অন্য স্থানে যাতায়াত করে। প্রায়ই দেখা যায় হাজার হাজার পিঁপড়ে সার বেঁধে খাণ্ডকণা অথবা ক্ষুদ্র ক্ষুদ্র ডিম মুখে করে এক স্থান থেকে অন্য স্থানে যাতায়াত করছে। বিশেষ ভাবে লক্ষ্য করলে দেখা যাবে, এই পিঁপড়ের সারের আশেপাশে পূর্বোক্ত বাচ্চা মাকড়সার দু-একটা অতি তীক্ষ্ণ দৃষ্টিতে পিঁপড়ের যাবতীয়-আসা পর্যবেক্ষণ করছে অথবা কোন সুযোগের অপেক্ষায় এদিক-ওদিক ঘোরাফেরা করছে। কোন একটি পিঁপড়ে যেই ডিম অথবা খাণ্ড-কণা মুখে নিয়ে তাদের কারোর কাছ দিয়ে চলে যায়, অমনি মাকড়সাটা চক্ষের নিম্নে ছুটে গিয়ে তার মুখের জিনিসটি কেড়ে নিয়ে ঊর্ধ্বস্থানে চম্পট দেয়। পিঁপড়ের সারের মধ্যে তখন ভলস্থূল পড়ে যায়। ইতস্তত ছুটাছুটি করে তারা অপহরণকারীর পিছে তাড়া করে, কিন্তু মাকড়সার মতো ক্ষুদ্রবেগে ছুটতে পারে না বলেই কোনও লাভ হয় না। ইতিমধ্যে মাকড়সা ক্ষিপ্ৰগতিতে অপছত্ত বস্তু নিয়ে সরে পড়ে এবং সেটা উদরস্থ করে কিছুক্ষণ পরে আবার এসে খাবার ছিনিয়ে নেবার জন্তে অপেক্ষা করতে থাকে।

মাকড়সার লড়াই

ঘরো মাকড়সা

আমাদের দেশে ঘরের দেয়ালে অথবা পরিত্যক্ত নির্জন স্থানে ধূসর রঙের বড় বড় একপ্রকার মাকড়সা দেখতে পাওয়া যায়। দিনের বেলায় এরা প্রায়ই এক-স্থানে পা ছড়িয়ে চুপ করে বসে থাকে। এরা রাত্রির প্রাণী; রাতের অন্ধকারে আরশোলা, উইচিংড়ি প্রভৃতি শিকার করে বেড়ায়। অনেক সময় দেখা যায়—স্ত্রী-মাকড়সা গোল বিস্কুটের মতো সাদা সাদা একটা ডিমের থলে বুকে আঁকড়ে ধরে এক জায়গায় চুপ করে বসে আছে। বুকে আটকানো বিস্কুটের মতো গোলাকার জিনিসটা ডিম রাখবার থলে। এই থলের মধ্যে ১৫০ থেকে ২০০ হলদে রঙের ডিম থাকে। ডিম থেকে বাচ্চা বের না হওয়া পর্যন্ত এরা থলে বুকে করে ঘোরাফেরা করে। কিছুদিন আগে একটা অপরিষ্কার ঘরের মধ্যে

দুকে দেয়ালের দিকে তাকাতেই দেখা গেল, দুটো মাকড়সা প্রায় ৩৭ ইঞ্চি বাবধানে অবস্থান করে মুখোমুখি চেয়ে আছে। দুটোর বুকই ডিম আটকানো ছিল। অনেকক্ষণ পর্যন্ত দুজনে একইভাবে আছে, কেউই নড়ছে না। তারপর হঠাৎ একটা মাকড়সা সামনের পা দুটো উঠু করে অপরটার দিকে অগ্রসর হতেই সেটা একটু এদিক-ওদিক ঘুরে যেন পালাবার উত্তোাগই করছিল। কিন্তু শেষ পর্যন্ত পালালো না। সেখানে থেকেই সম্মুখের পা দুটোকে উঠু করে অপেক্ষা করতে লাগলো। সেই অবস্থায় উভয়েই আরো কিছুক্ষণ চুপ করে ছিল। তারপর প্রথম অগ্রগামী মাকড়সাটা হঠাৎ ছুটে এসে অপর মাকড়সাটার উপর পড়লো। প্রায় তিন-চার সেকেন্ড ধরে উভয়ের মধ্যে খুব কামড়কামড়ি চললো। তারপর আবার দুজনেই সরে দাঁড়ালো। দু-তিন মিনিট যেতে না যেতেই দুজনের মধ্যে আবার ভীষণ লড়াই বেধে গেল। ডিম কিন্তু কেউ ছাড়ে না। মুখের সম্মুখস্থ হকের মতো দুটি উপাঙ্গের সাহায্যে ডিম আঁকড়ে আছে। নীচে দেয়ালের গা ঘেঁষে একটা বড় এনামেলের গামলা ছিল। এই অবস্থায় উভয়ে জড়াজড়ি করে নীচের সেই গামলাটার মধ্যে পড়ে গেল। গামলার মধ্যে পড়েও জড়াজড়ি অবস্থায় অনেকক্ষণ পর্যন্ত কামড়া-কামড়ি চললো। কামড়া-কামড়ির ফলে একটা মাকড়সার একটা ঠাং ছিঁড়ে গেল, তবুও কিন্তু কোন পক্ষের পরাজয় স্বীকারে কোন লক্ষণই দেখা গেল না। কিছুক্ষণ পরে উভয়ে উভয়কে ছেড়ে দিয়ে পুনরায় নতুনভাবে আক্রমণ করবার জন্তে একটু দূরে গিয়ে মুখোমুখি ভাবে অপেক্ষা করতে লাগলো। প্রায় সাত-আট মিনিট এভাবে কাটবার পর আবার লড়াই শুরু হলো। ছিন্নপদ মাকড়সাটা বড়ই কাবু হয়ে পড়েছিল। অপর মাকড়সাটা সেটাকে চিৎ করে ফেলে বুকের কাছে দাঁত ফুটিয়ে অনেকক্ষণ ধরে কামড়ে রইলো। পরাজিত মাকড়সার পাগুলি থরথর করে কাঁপছিল। কতক্ষণ পরে পাগুলিকে কাঁপিয়ে কাঁপিয়ে সংকুচিত ও প্রসারিত করতে লাগলো। তখনও কিন্তু ডিমটি তার বুকের উপরই চেপে ধরা ছিল। কিছুক্ষণ পর বিজ্ঞতা, পরাজিত মাকড়সাটার বুক থেকে ডিমটি কেড়ে নিয়ে পিছনের একটা ঠাং দিয়ে আঁকড়ে ধরে পলায়নের উপক্রম করতে লাগলো; কিন্তু এনামেলের গামলার খাড়া পাড় বেয়ে উঠতে না পারায় অনেকক্ষণ পর্যন্ত তাকে সেখানেই বন্দি হয়ে থাকতে হয়েছিল।

প্যারাসুটিস্ট মাকড়সা

আগুন লাগলে উঁচু জায়গা থেকে লাফিয়ে নিরাপদে নীচে অবতরণ করবার জ্ঞান সর্বপ্রথম প্যারাসুট ব্যবহৃত হয় ১৭৮৩ খৃস্টাব্দে। অবশেষে ১৭৮৫ খৃস্টাব্দে বেলুন থেকে নিরাপদে লাফিয়ে পড়বার জন্যে প্যারাসুট ব্যবহারের পরিকল্পনা গৃহীত হয়। সেই থেকে আজ পর্যন্ত নানা বাধাবিঘ্ন অতিক্রম করে আকাশে উড়তে এবং এরোপ্লেন থেকে আরোহীদের ভূতলে অবতরণ করবার জন্যে প্যারাসুটের যথেষ্ট উন্নতি সাধিত হয়েছে। প্রকৃতি মানুষকে উড্ডয়নক্ষম করে গঠন করে নি। বুদ্ধিকৌশলে তারা আকাশে আধিপত্য বিস্তার করেছে তাদের প্রয়োজনের তাগিদে। কিন্তু বংশবিস্তার ও পৃথিবীর সর্বত্র পরিব্যাপ্ত হবার জন্যে একটা দুর্দমনীয় আকাঙ্ক্ষা জীবজগতে সর্বত্রই পরিলক্ষিত হয়। প্রত্যেকটি উদ্ভিদ, প্রত্যেকটি প্রাণী এই সহজাত সংস্কারবশে পরিচালিত হয়ে থাকে। এটাই জীবজগতের একটা সাধারণ নিয়ম। ওই উদ্দেশ্য সিদ্ধির জন্যে প্রকৃতি বিভিন্ন উদ্ভিদ ও প্রাণীকে বিভিন্ন কৌশলের অধিকারী করেছে। ওড়বার ক্ষমতা তার মধ্যে অন্যতম। প্রকৃতির উপর আধিপত্য বিস্তারের জন্যে মানুষের উদ্ভাবিত কৌশলসমূহ বুদ্ধিবৃত্তির অর্ধ উৎকর্ষতার পরিচায়ক সন্দেহ নেই; কিন্তু পক্ষবিহীন হয়েও প্রকৃতিদত্ত অদ্ভুত কৌশলে কোনও কোনও উদ্ভিদ-বীজ ও প্রাণী বাতাসে ভর করে যেভাবে দূরদূরান্তে আধিপত্য বিস্তার করে, তা যেমন বিস্ময়কর তেমনই কোতূহলোদ্দীপক। আকন্দ, সোনালী, তুলা প্রভৃতির মতো অনেক উদ্ভিদ-বীজের নাম করা যেতে পারে, যারা প্রকৃতিদত্ত অর্ধ কৌশলে বাতাসে ভর করে দূরদূরান্তে বংশবিস্তার করে থাকে। কাঁটপতঙ্গের মধ্যে মাকড়সাদের একরূপ অদ্ভুত ক্ষমতা দেখা যায়। যারা মাকড়সার জীবনযাত্রাপ্রণালীর সঙ্গে বিশেষভাবে পরিচিত নন, তারা একথা শুনে নিশ্চয় বিস্মিত হবেন যে, ডানাশূন্য প্রাণী হয়েও মাকড়সা আকাশে ভেসে বেড়াতে পারে। গ্লাইডারের সাহায্যে মানুষ যেমন বাতাসে ভেসে দীর্ঘপথ অতিক্রম করে, বিমান ছত্রিকার সাহায্যে প্যারাসুটিস্ট যেমন বাতাসে ভর করে ধীরে ধীরে ভূতলে অবতরণ করে, পক্ষবিহীন হলেও মাকড়সা সেরূপ তার স্বত্র অবলম্বনে হাওয়ায় ভেসে ইচ্ছামত যে কোনও দূরবর্তী স্থানে গিয়ে বসতি স্থাপন করে থাকে। কিন্তু আশ্চর্যের বিষয় এই যে, ক্ষুদ্রকায় এবং বাচ্চা মাকড়সারাই কেবল একরূপ উড্ডয়নক্ষমতার অধিকারী। সাধারণ পরিণত বয়স্ক মাকড়সারা কিন্তু বাচ্চাদের মতো একরূপ হাওয়ায় ভেসে বেড়াতে পারে না। অবশ্য পরিণত বয়স্ক মাকড়সারা ইচ্ছা করলেই অল্প সময়ের মধ্যে স্বত্রের সাহায্যে দূরতর স্থানের চলে যেতে কিছুমাত্র অসুবিধা বোধ করে না।

মাকড়সা এক অদ্ভুত জীব। সাধারণ কীট-পতঙ্গের সঙ্গে এদের আকৃতি বা প্রকৃতিগত কোনই সামঞ্জস্য নেই। সাধারণ কীট-পতঙ্গের শরীর যেমন মাথা বুক ও পেট—এই তিন ভাগে বিভক্ত, মাকড়সার শারীরিক গঠন কিন্তু সেরূপ নয়। মাথা ও পেটই এদের শরীরের প্রধান অংশ। আটটি পা, আবার চোখও আটটি। পুং-জননেঞ্জিয় দুটি; তাও আবার মস্তকের উভয় পার্শ্বে অবস্থিত। সর্বোপরি বৈশিষ্ট্য হচ্ছে—শরীরের পশ্চাদ্দেশ থেকে স্ত্রী বের করে শিকার ধরবার উপযোগী হৃদয় জাল বোনবার ক্ষমতা এবং স্ত্রীর সাহায্যে দ্রুতগতিতে স্থানান্তর গমনা-গমন করবার অপরূপ ক্ষমতা।

‘বুড়ির-স্ত্রী’ হয়তো অনেকেই দেখেছেন, ইংরেজীতে যাকে বলে—Gossamer। অনেক সময় দেখা যায়—অতি সুন্দর লম্বা একফালি স্ত্রী অথবা এলোমেলোভাবে একসঙ্গে জড়িত কতকগুলি স্ত্রীর ফালি হাওয়ায় ভেসে বেড়াচ্ছে। গল্পে আছে—চাঁদের মা বুড়ি বসে বসে রাত-দিন চরকায় স্ত্রী কাটে। সেই স্ত্রীর বিচ্ছিন্ন বা কণ্ঠিত অংশ হাওয়ায় উড়ে আসে। এগুলিই হলো বুড়ির স্ত্রী। প্রকৃত প্রস্তাবে এই বুড়ির স্ত্রীই বাচ্চা মাকড়সার প্যারাস্টিট। এই প্যারাস্টিট অবলম্বন করে বাচ্চা মাকড়সারা দেশ বিদেশে ছড়িয়ে পড়ে।

শ্রবণেন্দ্রিয় সম্পর্কিত গবেষণার ব্যাপারে মাকড়সা পোষবার প্রয়োজন হয়েছিল। জাল বুনো যাতে স্বচ্ছন্দ মনে বাস করতে পারে, সেই উদ্দেশ্যে পরীক্ষাগারে কতকগুলি ঝুলনো ফ্রেমের ব্যবস্থা করে তাদের প্রত্যেকটিতে এক একটি মাকড়সা ছেড়ে দিয়েছিলাম। কিন্তু এক রাত্রি পার হতেই দেখি—জাল বোনা তো দূরের কথা, প্রত্যেকটি ফ্রেম থেকেই মাকড়সাগুলি অদৃশ্য হয়ে গেছে। অল্পসন্ধানের পর পরীক্ষাগারের দেয়ালের এক কোণে তাদের ছুটির মাত্র সন্ধান পাওয়া গেল। বাকিগুলির কোনই সন্ধান মিললো না। একমাত্র ঝুলনো তার বেয়ে উপরে উঠে যাওয়া ছাড়া মাকড়সাগুলির পলায়ন করবার অশ্রু কোন রাস্তাই ছিল না। কাজেই পুনরায় পরীক্ষার উদ্দেশ্য ঝুলনো তারের সঙ্গে এমন একটা বৈজ্ঞানিক কোর্শল সংযোগ করে দিলাম, যাতে তার বেয়ে উপরে উঠতে গেলেই বৈজ্ঞানিক ‘শক’ লেগে মাকড়সা নীচে অবতরণ করতে বাধ্য হয়। এইভাবে ফ্রেম থেকে পলায়নের পথ বন্ধ করে পুনরায় এক-একটি মাকড়সা ফ্রেমে ছেড়ে দিলাম। ভেবেছিলাম, ফ্রেম থেকে পলায়ন করবার উপায় না দেখলে এক দিনেই হোক বা দু-দিনেই হোক, পেটের দায়ে অবশেষে জাল বুনতে বাধ্য হবে। কিন্তু পরদিন পরীক্ষাগারে প্রবেশ করেই অবাক হয়ে গেলাম। এবারেও প্রত্যেকটি ফ্রেম খালি। কোথাও একটিও মাকড়সা পাওয়া গেল না। ফ্রেম থেকে বের হবার কোন

রাস্তা না থাকে সত্ত্বেও এরা উধাও হলো কেমন করে? কোতূহল বেড়ে উঠলো। আবার নতুন মাকড়সা ধরে এনে ফ্রেমে বসিয়ে দিলাম। এবারেও ঠিক পূর্বের মতো অবস্থা ঘটলো। কিন্তু এবার এক দিকের দেয়ালের কোণে একটা মাকড়সা মস্ত একটা জাল বুনছে দেখতে পেলাম। ফ্রেম থেকে পলায়ন করে মাকড়সাটা শিকার ধরবার আশায় জাল বুনছিল। আমার নির্দেশিত স্থানে না হোক, একটা মাকড়সাও অন্তত ল্যাবরেটরির মধ্যেই জাল পেতেছে—আপাতত এতেই কিঞ্চিৎ স্বস্তি অনুভব করলাম এবং তার সাহায্যেই পরীক্ষা চালাতে উত্তোষী হলাম। কিন্তু মনের মধ্যে সর্বদাই এই কথাটা উকিঝুকি মারতে লাগলো যে, বাইরের কোনও কিছুই সঙ্গে যোগাযোগ না থাকা সত্ত্বেও ফ্রেম থেকে মাকড়সা অদৃশ্য হলো! কেমন করে? তবে কি স্থতার সাহায্যে নীচে ঝুলে পড়ে? কিন্তু তাও সম্ভব মনে হলো না, কারণ অস্বাভাবিক অবস্থায় পড়লে কীটপতঙ্গেরা সাধারণত উদ্বিগ্নময়ী ছাড়া যেমন নিয়মগামী হতে চায় না, এদের স্বভাবও সেক্ষেপ। তথাপি কোতূহল নিবৃত্তির জন্তে পুনরায় পরীক্ষায় প্রবৃত্ত হলাম। এবারে ঝুলানো ফ্রেমগুলির ঠিক নীচে ঘেরের উঁচু কানাওয়ালা বড় বড় কতকগুলি মক্ষণ জলপাত্র রেখে দিলাম উদ্দেশ্য, বৈজ্ঞানিক ‘শকে’র ভয়ে মাকড়সা উপরের দিকে তো উঠতেই পারবে না, আবার নীচে নামতে গেলেও জলে ডুবতে হবে। কারণ সঁাতার কেটে কোনক্রমে কিনারায় যেতে পারলে খাড়া কানার মক্ষণ গা বেয়ে উপরে ওঠবার উপায় থাকবে না। আশ্চর্যের বিষয় এই যে, এই ব্যবস্থায়ও মাকড়সাগুলিকে ফ্রেমে বন্দী রাখতে পারা গেল না। জলের পরিবর্তে নীচে তাড়িতিক জাল পেতে রাখা হলো, যেন সেখানে অবতরণ করবামাত্রই তড়িতাহত হয়ে তার মৃত্যু ঘটে। কিন্তু কিছুতেই কিছু হলো না। এক্ষণ অবস্থা অবলম্বনের পরেও দেখা গেল, মাকড়সারা ফ্রেম থেকে বেরিয়ে দেওয়াল বা ছাতের কড়িবরগার গায়ে দিবি স্থস্থ শরীরে অবস্থান করছে। একমাত্র ওড়বার ক্ষমতা থাকলে এক্ষণ ঘটনা সম্ভব হতে পারতো, কিন্তু সেক্ষেপ ক্ষমতা তো মাকড়সার নেই। ব্যাপারটা হতবুদ্ধিকর হলেও কোনক্রমেই তাদের আয়ত্তে আনতে না পেরে অবশেষে চতুষ্কোণ ট্যাঙ্কের মত বড় বড় কতকগুলি কাচের জারে মাকড়সা রেখে তারের জালে তাদের মুখ বদ্ধ করে দিলাম। পূর্বাপেক্ষা অধিকতর অস্বাভাবিক অবস্থার দৃষ্টিই হোক অথবা বদ্ধ পাত্রের তাপাধিকের ফলেই হোক, দু-তিন দিন পর্যন্ত তাদের জাল পাতবার কোনই লক্ষণ দেখা গেল না। তারা কাচপাত্রের এক কোণে গুটিমুটি হয়ে বসে রইলো। খাবার লোভ দেখিয়ে জাল পাতবার জন্তে উৎসাহিত করার অভিপ্রায়ে প্রত্যেক পাত্রের অভ্যন্তরে এক-একটি জীবন্ত

ফড়িং ছেড়ে দিলাম। কিন্তু মাকড়সারা সেটা গ্রাসের মধ্যেই আনলো না। আশঙ্কা হচ্ছিল, খেতে না পেলে মাকড়সাগুলি শীঘ্রই মরে যাবে। কারণ জাল বুনতে না পারলে শিকার মুখের কাছে ধরলেও তারা তাকে স্পর্শ করে না। পরে অবশ্য বুঝতে পেরেছিলাম যে, এরা অনেক দিন পর্যন্ত না খেয়ে বেঁচে থাকতে পারে। চার-পাঁচ দিন পরে দেখা গেল; একটা মাকড়সা কাচপাত্রে অভ্যন্তরে আড়াআড়িভাবে দু-চারটি স্ততার টানা দিয়েছে। মনে হলো এবার নিশ্চয়ই জাল বুনবে, কিন্তু ঐ পর্যন্ত। জাল আর বুনলো না, ঐ স্ততার টানার নীচের দিকে ঝুলে রইলো। আরও দু-তিন দিন কেটে গেল। একদিন দেখলাম, ঐ স্ততার সঙ্গে একটা খলি বনে মাকড়সাটা তাতে ডিম পেড়েছে। ডিম পাড়বার পর চার দিন অতিক্রান্ত হয়েছে। মাকড়সা সমেত কাচ পাত্রটিকে টেবিলের উপর রেখে যন্ত্র সহযোগে ডিমের খলিটির বয়নকৌশল পরীক্ষা করছিলাম। পাত্রের ঢাকনাটি খোলাই ছিল। কিছু দূরে টেবিল-ফ্যান চলছিল। প্রথমে মাকড়সাটা এক কোণে হাত-পা গুটিয়ে বসেছিল। খানিক বাদেই সে যেন চাক্ষা হয়ে উঠলো। পাগুলি কিকিৎ প্রসারিত করে দু-এক বার এদিক-ওদিক ঘুরে কাটালো। আরও কিছুক্ষণ অতিবাহিত হবার পর কাচের গা বেয়ে মাকড়সাটা ধীরে ধীরে উপরে উঠে এসে এসে পাত্রের কানার উপর বসবার চেষ্টা করতে লাগলো। কিন্তু অতবড় লম্বা পা নিয়ে অপ্রশস্ত জায়গায় বসবার সুবিধা হচ্ছিল না বলে দু-তিন বার পিছলে পড়েও অবশেষে টাল সামলে শরীরের পশ্চাভাগ হাওয়ার মধ্যে উঁচু করে তুললো। পাখাটা মাঝমাঝি বেগে চলছিল। আমার চোখেমুখে স্তম্ভ আশের মতো কিছু জড়িয়ে যাচ্ছে অস্বভব করলাম। যতই মুছে ফেলি ততই যেন আরও বেশী বেশী করে জড়ায়। লক্ষ করে দেখলাম মাকড়সাটা শরীরের পশ্চাদ্দেশ উঁচু করে বাতাসে স্ততা ছাড়ছে—প্রথম দিকের স্ততাটা এত সূক্ষ্ম যে মোটেই নজরে পড়ে নি। পরে ক্রমশ মোটা স্ততা বের করছিল। তখন একপাশে সরে গেলাম। ক্রমশ দ্রুতবেগে লম্বা হতে হতে স্ততার প্রান্তভাগ দেয়ালে ঠেকে আটকে গেল। স্ততাটা কিছুতে আটকেছে কিনা বোঝবার জন্য মাকড়সা তার পিছনের পা দিয়ে কয়েকবার টেনে দেখলো। যেমন করেই হোক সে বুঝলো যে, স্ততাটা কিছুতে আটকে থাকলেও টিলা ভাবে রয়েছে। তখন সে পিছনের দুই পায়ের সাহায্যে ধীরে ধীরে স্ততাটাকে গোটাতে লাগলো। কিছুক্ষণ গোটাবার পর স্ততাটা বেশ টান হতেই সেই কাচ-পাত্রের গায়ে স্ততাটা জুড়ে দিয়ে সেই স্ততা বেয়ে নীচের দিকে ঝুলতে ঝুলতে দেয়ালে গিয়ে উপস্থিত হলো। ক্রম থেকে মাকড়সা

গুলি কেমন করে পালিয়ে যেত, এ ব্যাপার দেখে তা পরিষ্কার হয়ে গেল। পর্যবেক্ষণের ফলে আরও বুঝতে পারলাম যে, সন্ধ্যার পূর্ব পর্যন্ত এরা প্রায়ই নিষ্ক্রিয় অবস্থায় বসে থাকে। অবশু জালে শিকার পড়লে আলাদা কথা। কিন্তু শিকার বেশীর ভাগ রাত্রিতেই জালে পড়ে। কদাচিৎ কোনও গতিকে দু-একটা শিকার দিনের বেলায় জালে আটকাতে দেখা যায়। এই জন্তেই পূর্বোক্ত পরীক্ষায় এগুলিকে সূতার সাহায্যে পালাতে দেখি নি। এই ঘটনা প্রত্যক্ষ করবার পর মাকড়সাগুলিকে দিয়ে ইচ্ছানুযায়ী ক্রমে জাল পাতবার ব্যবস্থা করতে আর কোনই অসুবিধা ঘটেনি।

যাহোক, এই ঘটনার প্রায় দিন দশেক পর কাচ-পাত্রটার মধ্যেই মাকড়সার ডিমগুলি ফুটে বাচ্চা বের হলো। সংখ্যায় তারা এক শতেরও বেশী হবে। কতক গুলি বাচ্চা ডিমের খলিটার উপর, কতকগুলি কাচের গায়ে বসেছিল এবং কতকগুলি আবার সূক্ষ্ম সূতা থেকে ঝুলছিল।

এতগুলি বাচ্চাকে কী খায়ে কেমন করে বাঁচিয়ে রাখবো, কিছুই স্থির করতে পারছিলাম না। ভাবলাম—দেখা যাক, যদি দু-একটা বাচ্চাকে অনাহারে মরতে দেখা যায়, তখন ছেড়ে দিলেই হবে। তারপর অগ্ন্যাগ্ন মাকড়সাগুলিকে নিয়ে পরীক্ষাকার্ষে ব্যাপৃত হওয়ায় বাচ্চাগুলির কথা এক রকম ভুলেই গিয়েছিলাম। দিন পাঁচেক পর হঠাৎ মনে পড়তেই দেখলাম—বাচ্চাগুলি অনাহারে মরা দুয়ে থাক কাচের জারের মধ্যে অজস্র সূতা বুনে অনেকগুলি পাতলা সাদা কাগজের ফালির মতো পদার্থে সেটিকে ভর্তি করে ফেলেছে। কাচের পাত্রটা এখন অর্ধস্বচ্ছই বোধ হচ্ছিল। হাওয়ার মধ্যে সূতা ছাড়বার পূর্বোক্ত স্বভাবের কথা স্মরণ করে বাচ্চাগুলির সম্বন্ধেও কৌতূহল জাগ্রত হলো। পাত্রটাকে তখন টেবিল-ফানের বিপরীত দিকে বসিয়ে জালের ঢাকনা খুলে দিলাম। আশ্চর্য ব্যাপার। বায়ুপ্রবাহের সন্ধান পেয়েই বাচ্চাগুলি একে একে উঠে এসে পাত্রের কানার উপর জামায়েৎ হবার চেষ্টা করতে লাগলো, কিন্তু হাওয়ার ভোরে স্থির থাকতে পারছিল না। পাখার ঘূর্ণনবেগ যথাসম্ভব কমিয়ে দিতেই দেখি—বাচ্চাগুলি কানার উপর উঠে শরীরের পশ্চাঙ্গাগ উচু করে পূর্বোক্ত উপায়ে বাতাসে সূতা ছাড়তে আরম্ভ করলো। সূতা এত সূক্ষ্ম যে সহজে তা নজরেই পড়ে না। এরপর যা ঘটলো তা দেখে বিস্ময়ে অবাক হয়ে গেলাম। শরীরের পশ্চাঙ্গাগ উচু করবার প্রায় সঙ্গে সঙ্গেই বাচ্চাগুলি যেন হাওয়ায় উড়ে পাখার বিপরীত দিকের দেয়ালে বসতে লাগলো।—বড় মাকড়সাটা যেমন সূতা বেয়ে দেয়ালে গিয়েছিল, এগুলিকে সেক্ষেপে কিছুই করতে দেখা গেল না। প্রায় ১০।১৫ মিনিটের মধ্যেই সবগুলি

বাচ্চা দেয়ালের ধানিকটা স্থান অধিকার করে ফেললো। এই ব্যাপার প্রত্যক্ষ করবার পর বাচ্চাগুলির এক স্থান থেকে অন্য স্থানে যাতায়াতের কৌশল সম্যক অবগত হবার জন্যে বিবিধ পরীক্ষার ফলে তাদের সম্বন্ধে অনেক বিষয় অবগত হতে পেরেছিলাম।

মোটের উপর বাচ্চা মাকড়সাগুলিকেই প্যারাসুটিস্ট আখ্যা দেওয়া যায়। কারণ এরা নিঃস্রব্দে নিঃস্রব্দে স্থানান্তর করে অল্পকাল বায়ুশোষে দূরদূরান্তে ভেসে যেতে পারে। কয়েক জাতীয় মাকড়সা ছাড়া পরিণত বয়স্ক মাকড়সারা মোটেই হাওয়ায় ভেসে বেড়াতে পারে না। খোলা জায়গায় একটু বাতাস বইতে থাকলেই বাচ্চা মাকড়সাগুলি লতাপাতা বেয়ে উপরে উঠে উন্মুক্ত স্থানে উপস্থিত হয় এবং বায়ুশোষের দিকে মুখ করে পাগুলিকে প্রায় একত্রিতভাবে উঁচু করে তোলে। তারপর শরীরের পশ্চাভাগ উঁচু করে স্থতা ছাড়তে থাকে। বাতাসের টানে স্থতাটা কিছু দূর প্রসারিত হলেই যখন বুঝতে পারে স্থত্যয় যথেষ্ট বাতাস আটকাচ্ছে, তখন অবলম্বন ছেড়ে দিয়ে স্থতার সঙ্গে বাতাসে উড়ে যায়। অল্পকাল বায়ুতরে স্থত্যয় ভর করে বাচ্চাগুলি বহু দূরে চলে যেতে পারে। একপাশেই স্থতা অবলম্বনে মাকড়সাকে উপকূল ভাগ থেকে প্রায় দু'শ মাইল দূরে জাহাজের উপর অবতরণ করতেও দেখা গেছে। উড়তে উড়তে এরা ইচ্ছামতো যে কোন স্থানে অবতরণ করতে পারে। এই কৌশলটি আরও অদ্ভুত। কোনও স্থানে নামতে ইচ্ছা হলেই পায়ের সাহায্যে অতি ক্ষিপ্রতায় স্থতাটাকে গোটাতে থাকে। স্থতার দৈর্ঘ্য কমে গেলেই তাতে আর বেশী বাতাস আটকাতে পারে না, তখন প্যারাসুটিস্টের মতো ধীরে ধীরে নিবিষ্টে নিচে অবতরণ করে। অবশ্য প্রতিকূল আবহাওয়ার ফলে অথবা স্থান নির্বাচনের ভুলে অনেকে বেঘোরে প্রাণ হারাতে বাধ্য হয়; কিন্তু সেটা ভিন্ন কথা। উপর থেকে নীচে নামবার কালে তাদের মোটেই বিপদগ্রস্ত হতে হয় না। নতুন স্থানে উপস্থিত হয়ে তারা অতি ক্ষুদ্রাকৃতি অথচ নিখুঁত জাল বুনে ক্ষুদ্র ক্ষুদ্র কীটপতঙ্গ শিকার করবার আশায় বসে থাকে। শিকারের প্রাচুর্যের সঙ্গে সঙ্গেই এদের শরীর দ্রুত বর্ধিত হতে থাকে এবং শরীর বৃদ্ধি পেলে এরা খোলস বদলায়। তখন দেহের ওজন বৃদ্ধির দরুণ অধিকাংশ ক্ষেত্রেই তারা আর গগনপর্ষটনে সক্ষম হয় না। কাজেই তখন দূরবর্তী স্থানে স্থতা আটকে গমনাগমন করে থাকে। কিন্তু বাতাসে চলাচল করতে পারে না। একপাশে আবহ কুঠুরি বা পাত্রে মধ্য থাকলে বাচ্চা মাকড়সারা একই স্থানে জড়াজড়ি করে অবস্থান করে এবং যদৃচ্ছ স্থতা বের করে এলোমেলো ভাবে পাতলা চাদরের মতো আশ্রয় স্থল গড়ে তোলে। কারণ,

বাতাসের সাহায্য বাতিরেকে বড়ই হোক বা ছোটই হোক, কোনও মাকড়সাই জালের প্রাথমিক কাঠামো তৈরী করতে পারে না। বায়ুশোত রহিত কোনও স্থানে আবদ্ধ থাকলে বাচ্চাগুলি জয়গত সংস্কারবশে জাল বুনতে চেষ্টা করলেও সেগুলি জাল না হয়ে কতকগুলি এলোমেলো স্ততার স্তূপে পরিণত হয়। আমাদের দেশীয় এপিরা, নেফিলা ও বিভিন্ন গণভুক্ত বহু জাতীয় মাকড়সার বাচ্চা নিয়ে পরীক্ষার ফলে প্রায় প্রত্যেক ক্ষেত্রেই এক্রূপ অবস্থা প্রত্যক্ষ করেছি! বন্ধপাত্র থেকে উন্মুক্ত স্থানে ছেড়ে দিলে একটু বায়ুপ্রবাহ অল্পভব করলেই তৎক্ষণাৎ স্ততা ছেড়ে আকাশে উঠে যায়। কখনও কখনও আবার বিভিন্ন স্ততা একসঙ্গে জড়াজড়ি করে কয়েকটি একত্রে বাতাসে ভেসে বেড়ায়। ডিম থেকে বের হবার পর বাচ্চাগুলিকে প্রায়ই দলবদ্ধভাবে স্ততা থেকে ঝুলতে দেখা যায়। চার-পাঁচ দিন পর ক্রমশ স্ততার সাহায্যে চতুর্দিকে ছড়িয়ে পড়তে থাকে। বাচ্চাদের পক্ষে বিভিন্ন স্থানে আধিপত্য বিস্তারের প্রথম গোণ হতে পারে। কিন্তু আত্মরক্ষার জন্তে ছড়িয়ে পড়ার একান্ত প্রয়োজন। কারণ মাকড়সার স্তবিধা পেলেই একে অন্ধকে ধরে খেয়ে ফেলে। একই মাতৃগর্ভসমুদ্ভূত বাচ্চাদের মধ্যেও এই নিয়মের ব্যতিক্রম দেখা যায় না। এমন কি, স্তবিধা পেলে মা-ও সন্তানদের রেহাই দেয় না। তাছাড়া অগ্নাগ্ন শত্রুরও অভাব নেই। কাজেই আত্মরক্ষা ও বংশবিস্তারের জন্তে এই প্রাণীদের বহুবিধ কৌশল অবলম্বন করতে হয়। তার মধ্যে উদ্ভয়ন কৌশল ও অমুকরণ-ক্ষমতাই সর্বাপেক্ষা বিষয়কর হলে মনে হয়।

পিঁপড়ে-মাকড়সা

প্রাণী-জগতে নিম্নশ্রেণীর কীটপতঙ্গের মধ্যেই অত্যধিক পরিমাণে অমুকরণ-প্রিয়তা পরিলক্ষিত হয় এবং অনেক ক্ষেত্রেই তারা এমন নিখুঁত অমুকরণ-শক্তির পরিচয় দেয় যে, বিশেষভাবে লক্ষ করেও তাদের স্বরূপ উপলব্ধি করা কষ্টসাধ্য ব্যাপার। বিভিন্ন জাতের ফড়িং, প্রজাপতি, টিকটিকি, ব্যাঙ ও অন্যান্য বিচিত্র কীটপতঙ্গ, পোকামাকড় নানাভাবে অবস্থান করে অথবা পারিপার্শ্বিক বর্ণাবলীর সঙ্গে দেহবর্ণের সামঞ্জস্য সাধন করে আত্মরক্ষার উদ্দেশ্যে সর্বদাই শত্রুকে ফাঁকি দিতে চেষ্টা করে থাকে। আবার কোনও কোনও প্রাণী যেন জয়গত সংস্কারবশেই অমুকরণপ্রিয় হয়ে থাকে; যদিও তাদের অমুকরণপ্রণালী অনেকটা নিকট ধরনের।

দিনরাত শত্রুর ভয়ে উষ্ম থেকে এবং শত্রুর হাতে নানা ভাবে লাহিত হয়ে কোন কোন কীটপতঙ্গ এমন অদ্ভুত অহুকরণশক্তি আয়ত্ত করেছে যে, তাদের শারীরিক গঠন ও গতিবিধি লক্ষ করলে বিস্ময়ে অবাক হতে হয়। কৃষ্টাস্ত্ররূপ মাকড়সাদের কথা বলি। মাকড়সার পদে পদে শত্রু। ঘরের দেয়ালে, কার্নিসে অথবা কপাটের আড়ালে, বোলতায় মতো আকৃতিবিশিষ্ট নানা জাতের বিচিত্র পোকাকে নরম মাটি দিয়ে বাসা তৈরী করতে দেখতে পাওয়া যায়। এরা সাধারণত কুমোরে-পোকা নামে পরিচিত। হাজার হাজার বিভিন্ন শ্রেণীর বিচিত্র মাকড়সার মতো বিভিন্ন জাতের কুমোরে পোকারও অভাব নেই। মাকড়সার প্রধান শত্রু এই কুমোরে-পোকা। এরা সর্বদাই মাকড়সার সন্ধানে ঘুরে বেড়ায় এবং হঠাৎ মাকড়সাকে একবার দেখতে পেলেই তৎক্ষণাৎ উড়ে গিয়ে তাড়া করে, ধরতে পারলে কামড়ে ধড়ে মাকড়সার শরীরে একপ্রকার বিষ ফুটিয়ে দেয়। বিষের প্রভাবে মাকড়সাটা মরে যায় না বটে, কিন্তু একেবারে অসাড় ও নিষ্পন্দ হয়ে পড়ে। কুমোরে পোকা তখন তাকে টেনে অথবা মুখে করে বাসায় নিয়ে যায়। এক্ষেপে পাঁচ-সাতটা মাকড়সা সংগ্রহ করে এক-একটা কুঠুরিতে একটা ডিম পাড়ে এবং কুঠুরির মুখ মাটি দিয়ে বন্ধ করে চলে যায়। ডিম ফুটে বাচ্চা (কীড়া) বের হলে তারা সেই নিষ্পন্দ মাকড়সাকুলিকে খেয়ে বড় হতে থাকে। খাওয়া নিঃশেষ হলে কীড়া মুখ থেকে স্রুতা বের করে গুটি প্রস্তুত করে এবং তার মধ্যে নিশ্চেষ্টভাবে অবস্থান করে। কিছুদিন এভাবে থাকবার পর গুটির মধ্যেই কীড়া পুতুলিতে পরিণত হয় এবং অবশেষে পূর্ণাঙ্গ কুমোরে পোকার রূপান্তরিত হয়ে কুঠুরির মুখে ছিঁদ্র করে বাইরে উড়ে পালায়। যে মাকড়সা ভাল বা ফাঁদ পেতে অবস্থান করে তাদের চেয়ে যারা শিকারাবেষণে ইতস্তত ঘুরে বেড়ায় তাদেরই কুমোরে পোকার আক্রমণের ভয় বেশী। এই ভ্রমণশীল মাকড়সারাও বহু সংখ্যক বিভিন্ন শ্রেণী ও উপশ্রেণীতে বিভক্ত। হয়তো শত্রুর হাত থেকে আত্মরক্ষার নিমিত্ত এই জাতের মাকড়সার মধ্যে অনেকেই ক্রমবিকাশের ফলে বিভিন্ন জাতের পিপড়ের দৈহিক গঠন অতি নিপুণভাবে অহুকরণ করেছে। এদের অহুকরণশক্তি এতই নিখুঁত যে, গায়ের রং দৈহিক গঠন এবং চাল-চলন দেখে সহজে পিপড়ে ছাড়া মাকড়সা বলে চিনবার উপায় নেই।

বাংলা দেশের বিভিন্ন অঞ্চল থেকে এ পর্যন্ত বিভিন্ন জাতের ত্রিশটির অধিক পিপড়ে-মাকড়সার সন্ধান পেয়েছি। কলকাতা এবং তার আশেপাশের বহু স্থানে বিভিন্ন ধরনের পিপড়ে-মাকড়সার অভাব নেই। মনে হয়, যত রকম বিভিন্ন

জাতের পিঁপড়ে দেখা যায়, প্রায় তত রকমেরই পিঁপড়ে-মাকড়সার অস্তিত্ব রয়েছে। অনেক ক্ষেত্রে দেখা যায়, দুই বা আরও বেশি বিভিন্ন জাতের মাকড়সা একই জাতের পিঁপড়ের শারীরিক গঠন, গায়ের রং এবং চালচলনের ভঙ্গী অনুকরণ করেছে। আশ্চর্য্যমূলক অনুকরণপ্রিয়তার প্রসঙ্গে একথা বলা আবশ্যক যে, যদিও কোন কোন জাতের কুমোরে পোকাকে কেবল বেছে বেছে পিঁপড়ের-মাকড়সাই সংগ্রহ করতে দেখা যায় তথাপি এই অদৃষ্ট অনুকরণশক্তি তাদের নানাভাবে আশ্চর্য্যকায় সাহায্য করে থাকে। কারণ অনুকরণকারী পিঁপড়ে মাকড়সারা সাধারণত পিঁপড়ের মতোই চলাফেরা করে থাকে। এতে পিঁপড়ের ভয়েও শত্রুরা তাদের সহজে আক্রমণ করতে সাহসী হয় না এবং অনেক সময়ে ভুলও করে থাকে। এদেশে লাল, কালো, হলদে ও নানাবর্ণ বিচিত্র বর্ণের বহুবিধ পিঁপড়ের অনুকরণ মাকড়সার অভাব নেই। এগুলো আমাদের দেশীয় নালসো বা লাল-পিঁপড়ে অনুকরণকারী মাকড়সার কথা আলোচনা করবো।

বাংলা দেশের প্রায় সর্বত্র এবং কলকাতার আশেপাশে বিভিন্ন অঞ্চলে গাছের উপর বহু সংখ্যক লাল রঙের এক প্রকার পিঁপড়ে দেখা যায়। সাধারণত এরা নালসো-পিঁপড়ে নামে পরিচিত। এদের দংশন অত্যন্ত যন্ত্রণাদায়ক। আম্র, জাম প্রভৃতি গাছের উঁচু ভালে অনেক সবুজ পাতা একত্রে জুড়ে গোলাকার বাসা নির্মাণ করে এবং হাজার হাজার পিঁপড়ে তার মধ্যে এক পরিবারভুক্ত হয়ে বাস করে। গাছপালার উপরেই তারা সার বৈধ দলে দলে যাতায়াত করে এবং সময় সময় মাটির উপরও নেমে আসে। বিষাক্ত দংশনের ভয়ে কেউ এদের কাছে ঘেঁষতে ভরসা পায় না। এরা এমনই দুর্ব্বল যে, শত্রু প্রবল হোক, কি দুর্ব্বলই হোক, আয়ত্তের মধ্যে পেলে তাকে আক্রমণ করবেই, মোটেই তারা প্রাণের ভয় পায় না। প্রবল শত্রুর আক্রমণে এরা দলে দলে মৃত্যুবরণ করে, তবু বিনা বাধায় তাদের একচুলও অগ্রসর হতে দেবে না। ফড়িং বা প্রজাপতিকে কোন রকমে একবার কায়দায় পেলেই হলো, দলে দলে এগিয়ে গিয়ে আক্রমণ করে। কিন্তু তাদের তুলনায় অতবড় একটা প্রাণীর সঙ্গে তারা প্রথমে বড় একটা স্তব্ধতা করতে না পারলেও হতাশ হয়ে পিছু হটে না। একটাই হোক বা দু-তিনটিই হোক—ভানা, লেজ বা পায়ে কামড়ে ধরে থাকে; ফড়িং এই অবস্থায় যন্ত্রণায় অস্থির হয়ে কেবল ছুটোছুটিই করে থাকে, অবশেষে ক্লান্ত হয়ে প্রাণত্যাগ করে। এদের উগ্র প্রকৃতির স্বযোগ নিয়ে কোন কোন মাকড়সা শত্রুকে ফাঁকি দেবার জন্তে তাদের চেহারার হুবহু অনুকরণ করে। এ-পর্যন্ত যতদূর

জানা গেছে তাতে দেখা যায়, তিন জাতীয় বিভিন্ন প্রায়মান মাকড়সা এই নালসো-পিঁপড়েকে অত্যাচার করে থাকে। 'প্লাটালিয়ডস্' নামক এক জাতীয় মাকড়সার অত্যাচারশক্তি খুবই বিস্ময়কর। নালসো-পিঁপড়ে বা 'প্লাটালিয়ডস্' মাকড়সার গায়ের রঙে কোনও পার্থক্য দেখা যায় না। উভয়ের গায়ের রঙই ইটের রঙের মতো লাল। একমাত্র গলদেশ ব্যতীত উভয়ের দৈহিক গঠনে সম্পূর্ণ সাদৃশ্য বিদ্যমান। কিন্তু পিঁপড়ে-মাকড়সার পা ও চোখের সংখ্যা সমান নয়। পিঁপড়ে প্রভৃতি কীট-পতঙ্গের তিন জোড়া পা ও এক জোড়া চোখ থাকে। মাকড়সাদের কিন্তু চার জোড়া পা ও সাধারণত চার জোড়া চোখ থাকে। পিঁপড়ে-মাকড়সাদের মাথার উপর চারটি এবং সম্মুখভাগে চারটি চোখ আছে। সম্মুখের এই চারটি চোখের মধ্যে মাঝের চোখ দুটি সব চেয়ে বড়। মনে হয় যেন মোটরের হেড লাইটের মতো জ্বল জ্বল করছে। এই চোখ দুটির রং প্রায়ই বদলাতে দেখা যায়। কখনও উজ্জল নীল, কখনও ঈষৎ লাল, আবার কখনও বা কালো মনে হয়। পোকামাকড় বা যে কোন শিকার এই উজ্জল চোখ দুটির সামনে পড়লে যেন ভয়ে অভিভূত হয়ে পড়ে। মাকড়সা ও পিঁপড়ের মধ্য চোখ ও পায়ের সংখ্যায় পার্থক্য থাকলেও এই মাকড়সারা অতি অদ্ভুত কৌশলে পিঁপড়ের দৈহিক গঠনের সঙ্গে সামঞ্জস্য রক্ষা করে চলে। পিঁপড়ের মাথার উপর এক জোড়া করে শুঁড় থাকে, কিন্তু মাকড়সার ঐরূপ কোনও শুঁড় নেই। পিঁপড়েরা সর্বদাই শুঁড় নেড়ে নেড়ে চলে এবং এই শুঁড় সম্পৃষ্টরূপে দৃষ্টিগোচর হয়। শুঁড় দেখে সহজেই অগাধ কীটপতঙ্গ থেকে পিঁপড়েকে চিনে নিতে পারা যায়। অত্যাচারকারী মাকড়সারা অতি সহজ উপায়ে এই শুঁড়ের ব্যবস্থা করে নিয়েছে। চলবার সময় সম্মুখের দু-খানা পা সর্বদাই তারা পিঁপড়ের শুঁড়ের মতো মাথার উপর তুলে ধরে নাচাতে থাকে। একে তো পিঁপড়ের গায়ের ও আকৃতির সঙ্গে এদের কোনই তফাৎ নেই, তাতে শুঁড়ের মতো করে ঠ্যাং দুটাকে নাচাতে থাকলে শত্রু-মিত্র কারও সাধ্য নেই যে, সহজে এই অত্যাচারকারী মাকড়সাকে চিনে উঠতে পারে। লাল পিঁপড়েরা যেখানে চলাফেরা করে অথবা যে গাছে বাসা বাঁধে, তার আশে পাশেই এবং অনেক সময় এক প্রকার তাদের দলে মিশে এই 'প্লাটালিয়ডস্' মাকড়সারা ঘোরাফেরা করে থাকে। কাজেই সাধারণত লোকে এগুলিকে পিঁপড়ে বলেই মনে করে থাকে। কিন্তু এদের কতকগুলি চাল-চলন পিঁপড়ের থেকে স্বতন্ত্র। এরা যেকোনো দ্রুতবেগে চলাফেরা করতে পারে, নালসো-পিঁপড়েরা সঙ্কপে পারে না। সাধারণত আশে আশে ঘোরাফেরা করতে করতে হঠাৎ আবছাগোছের কিছু দেখলেই তৎক্ষণাৎ দাঁড়িয়ে পড়ে এবং বিপদ বুঝলে চক্ষের

নিমেষে ছুটে পালায় অথবা পাতার আড়ালে আশ্রয়গোপন করে, কিন্তু নালসো-পিঁপড়েরা সেক্ষণ কিছুই করে না। অনেক সময় এদের গতিবিধি দেখে লোকে অবাক হয়ে ভাবে—হু একটা নালসো-পিঁপড়ের এক্ষণ অদ্ভুত গতিবিধির কারণ কি? তারা বুঝতেই পারে না যে, এরা মোটেই পিঁপড়ে নয়। চলতে চলতে আবার সময় সময় ঘাড় বাঁকিয়ে এদিক-ওদিকে দেখে নেয়। কেউ অহুসরণ করলে হয়রান হবার ফলে পাতা অথবা ডালের গায়ে স্ততা আটকে নীচে ঝুলে পড়ে।

‘জী-প্ল্যাটালিয়ডস’ মাকড়সার আকৃতি, পরিণত ও অপরিণত উভয় বয়সেই ঠিক নালসো-পিঁপড়েরই মতো; কিন্তু পুরুষ মাকড়সা অপরিণত বয়সে ঠিক জী-মাকড়সার মত হলেও শেষবার খোলস পরিত্যাগের পর সম্পূর্ণ বিপরীত মূর্তি ধারণ করে। প্রায় ছয়বার খোলস পরিত্যাগের পর এরা পরিণত বয়সে উপনীত হয়ে থাকে। পঞ্চমবার খোলস বদলাবার পরেও জী ও পুরুষ-মাকড়সার মধ্যে কিছুই পার্থক্য দেখা যায় না—সবাইকে জী-মাকড়সা বলেই মনে হয়। ষষ্ঠবার খোলস পরিত্যাগের সময় জীকৃপী পুরুষ-মাকড়সার হঠাৎ একটা অদ্ভুত পরিবর্তন দেখতে পাওয়া যায়। এই সময় মাকড়সা কিছু স্ততা বুনে তার উপর চূপ করে বসে থাকে। তারপর সেই জীকৃপী পুরুষ-মাকড়সার মাথার দিকের শক্ত খোলসটি যেন কঙ্কড়াগালা ঢাকনার মতো উপরের দিকে উঠে আসে। তার মধ্য থেকে প্রায় ৫.৭ মিনিটের মধ্যেই ডবল নালসো-পিঁপড়ের মতো অদ্ভুত একটা বিরাটাকার প্রাণী বের হয়ে আসে। প্রত্যক্ষ না করলে ব্যাপারটা বিশ্বাস করতেই প্রস্তুতি হয় না যে, এক্ষণ একটা চেহারার প্রাণী, মুণ্ডরের মতো একজোড়া লম্বা ঠোঁট নিয়ে এই ছোট্ট খোলসটার মধ্য থেকে বের হয়ে আসতে পারে। ব্যাপারটা এমনই অদ্ভুত যে, আরব্যোপস্তাসের সেই কলসীর দৈত্যের কথাই স্মরণ করিয়ে দেয়। ছোট ছোট বিষদাঁত দুটির মধ্যে থেকে বেরিয়ে আসে প্রকাণ্ড মুণ্ডরের মতো দুটি যন্ত্র। কুমীরের লম্বা ঠোঁটের দু-দিকের দাঁতের মতো এই মুণ্ডরের প্রত্যেকটিতে লম্বালম্বি দু-সার দাঁত থাকে। মুণ্ডরের মাথায় সঁরাশীর মতো বাঁকানো লম্বা লম্বা দুটি বৃহৎ আকারের স্ফটিক। এই বৃহৎ স্ফটিক দুটিকে মুণ্ডরের খাঁজে ভাঁজ করে রাখে। কাকেও আক্রমণ করবার সময় এই বিরাট ঠোঁট দুটিকে পাশাপাশি ভাবে হাঁ করে অগ্রসর হয়। বড় করে দেখলে এই বিরাট মুখগহ্বরটি দেখে অতি বড় সাহসী ব্যক্তিরও ভীতির সঞ্চার হয়। পূর্বেই বলেছি পুরুষ-মাকড়সার শেষবার খোলস ছেড়ে এই নব কলেবর ধারণ করতে ৫.৭ মিনিটের বেশী সময় লাগে না। এইরূপ অভিনব আকৃতি ধারণ করবার পর পুরুষ-মাকড়সা প্রায় একঘণ্টা কি দেড়-ঘণ্টাকাল চূপ করে বসে

থাকে। ইতিমধ্যে শরীর ক্রমশ শক্ত হয়ে গায়ের রং গাঢ় লাল হয়ে ওঠে। এর পর সে আহারাঙ্ঘষণে বের হয় এবং জ্বী-মাকড়সার সন্ধান করে। এরা স্তম্ভিত করতে পারলেও বাসা নির্মাণের ধার ধারে না, পুরনো পরিভাস্ত্র বাসায় অথবা জ্বী-মাকড়সার সন্ধান পেলে তারই বাসায় অনেক সময় কাটিয়ে দেয়। জ্বী-মাকড়সা সাধারণত সবুজ পাতার অপর দিকে স্তম্ভিত বৃনে একটু লম্বাটে ধরনের গোলাকার বাসা নির্মাণ করে এবং তার মধ্যে দশ-বারোটা ছোট ছোট সর্ষের মতো হলদে রঙের ডিম পাড়ে। ডিম না ফোটা পর্যন্ত বাসার উপরেই অবস্থান করে, অবশ্য জ্বী-মাকড়সাকে আলাদা করে রাখলেও সময়মত ডিম থেকে বাচ্চা বের হয়ে থাকে। দশ পনেরো দিন পরে ডিম ফুটে বাচ্চা বের হয়। বাচ্চাগুলি দেখতে হব্বা ক্ষুদ্রে পিঁপড়ের মতো। কোনও কিছু না খেয়ে বাচ্চাগুলি বাসার মধ্যে পাঁচ-সাত দিন অবস্থান করবার পর আহারাঙ্ঘষণে ইতস্তত ঘোরাফেরা করতে থাকে। পরিণত বয়স্ক মাকড়সা অপেক্ষা এই বাচ্চাগুলি অধিকতর দ্রুতগতিতে ছুটাছুটি করে থাকে। এদের শরীরের গঠন পরিণত বয়স্কদের মতো হলেও গায়েরও রং থাকে সম্পূর্ণ ভিন্ন রকমের। মাথার দিকটা কালো, কিন্তু পিছনের দিকের অর্ধেক হলদে ও অর্ধেক কালো - ঠিক ক্ষুদ্রে পিঁপড়ের মতো। তৃতীয়বার খোলস পরিত্যাগের সময় পর্যন্ত বাচ্চাগুলি ক্ষুদ্রে পিঁপড়ের অনুরূপ করে চলে। তৃতীয়বার খোলস বদলাবার পর থেকেই এদের শরীরের রং সম্পূর্ণ লাল হয়ে যায়। তখন এরা উইরাজ নামক এক জাতীয় পিঁপড়ের অনুরূপ করে তাদের সঙ্গেই ঘোরাফেরা করে। চতুর্থ অথবা কোন কোন ক্ষেত্রে পঞ্চমবার খোলস পরিত্যাগের পর এরা নালসো-পিঁপড়েকে অনুরূপ করে এবং তাদের দলের আশেপাশেই ঘোরাঘুরি করে থাকে। এদের হালচাল দেখে মনে হয়, কেবলমাত্র শত্রুর চোখে ধুলি নিক্ষেপের জগ্গেই এই অনুরূপশক্তির উন্মেষ ঘটেছে।

লাল পিঁপড়ের অনুরূপকারী অপর এক জাতীয় লাল মাকড়সা আমাদের দেশের বনে-জঙ্গলে সচরাচর দেখতে পাওয়া যায়। এদের নাম—ফরটিসেপ্‌স্‌ মাকড়সা। এদের দেহের গঠন ঠিক পিঁপড়ের মতো না হলেও এমনভাবে চলাফেরা করে যে, হঠাৎ দেখে নালসো-পিঁপড়ে বলেই ভ্রম হয়। গায়ের রং নালসোর মতই লাল। শরীরের পশ্চাঙ্গে এমন ভাবে দুটি কালো ফোটা অবস্থিত যে, দেখে ঠিক নালসো-পিঁপড়ের চোখ দুটির মতই মনে হয়। এদের অনুরূপপ্রিয়তা ঠিক আশ্চর্যকামূলক নয়। পরিণত বয়সে এই ফরটিসেপ্‌স্‌ মাকড়সারা লাল পিঁপড়ের শরীরের রং চূঁবে খেয়েই জীবনধারণ করে থাকে।

কিন্তু এদের পক্ষে নালসো-পিঁপড়ে শিকার করা খুব সহজসাধ্য নয়। বিশেষত এরা নালসোকে এত ভয় করে যে, সহজে তাদের কাছে ঘেঁষতে ভরসা পায় না। এই জন্তেই বোধ হয় এদের অম্লকরণপ্রিয়তা-শক্তির উদ্দেশ্য ঘটেছে। যেখানে নালসোরা দলে দলে বিচরণ করে, তাদের আশেপাশেই ফস্টিসেপ্‌স্‌ মাকড়সা সম্মুখের চারখানা ঠ্যাং উচু করে চুপ করে বসে থাকে। ঘণ্টার পর ঘণ্টা এই ভাবে ফস্টিসেপ্‌স্‌কে নালসো শিকারের প্রত্যাশায় চুপ করে বসে থাকতে দেখা যায়। এক স্থান থেকে অন্য স্থানে যেতে হলে এরা একটানা চলে না—থেমে অগ্রসর হয়। নালসোদের কেউ কেউ দল ছেড়ে মাঝে মাঝে এদিক-ওদিক ঘুরে ফিরে আশেপাশের অবস্থা তদারক করে, তাছাড়া নতুন খাণ্ডের সন্ধানেও কেউ কেউ দল ছেড়ে বের হয়—কিন্তু বেশী দূরে যায় না। দূর থেকে এক্সপ-দু-একটা দল-ছাড়া নালসো ভুল করে ফস্টিসেপ্‌স্‌কে দেখে স্বজাতীয় পিঁপড়ে বলে ভুলক্রমে কাছে অগ্রসর হলেই আর রক্ষা নেই। ফস্টিসেপ্‌স্‌ সুযোগ বুঝে তার উপর পড়েই একেবারে ঘাড় কামড়ে ধরে। তখন অনেক ধস্তাধস্তির পর মাকড়সার বিবেক্রমশ নির্জীব হয়ে পড়লে শিকারী তাকে মুখে করে কোন নির্জন স্থানে নিয়ে গিয়ে তার রস চুষে খেয়ে দেহটা ফেলে দেয়। সময় সময় ডালের উপর পিঁপড়ের সারের মধ্যে থেকেও এরা এক-একটা পিঁপড়েকে ছৌ মেবে ধরে আনে, তখন কিন্তু অন্য পিঁপড়েরা দুকৃতকারীর পশ্চাদ্ধাবন করে। বেগতিক দেখে তখন পিঁপড়েটাকে মুখে নিয়ে হুতা ছেড়ে ডাল থেকে ঝুলে পড়ে। অম্লকরণকারী পিঁপড়ে তখন হতভস্ত হয়ে কিছুক্ষণ নীচের দিকে চেয়ে থাকে, অবশেষে হতাশ-ভাবে ফিরে যায়।

যে গাছে নালসো-পিঁপড়ে বাসা বাঁধে তার আশে পাশে ছোট ছোট গাছের পাতার উপর হুতা বুনে এরা গোলাকার বাসা নির্মাণ করে। এদের স্ত্রী-পুরুষ উভয়কে দেখতে প্রায় একই রকম। তবে পুরুষেরা অপেক্ষাকৃত ক্ষুদ্রকায় হয়। এদের মস্তক গোলাকার এবং তাতে চার জোড়া চোখ আছে। কিন্তু মাথের চোখ জোড়াই সর্বাপেক্ষা বৃহৎ এবং তার সাহায্যেই দেখাশোনা করে থাকে। একযোগে এদের দশ-পনেরোটি করে বাচ্চা হয়। বাচ্চাগুলির গায়ের রং জন্মের পর সাধারণত সবুজাভ থাকে। তারপর দু-তিন বার খোলস পরিত্যাগের পর সম্মুখের দু-জোড়া পায়ের রং সবুজ ও মাঝেটা রঙের মতো ভোরাকাটা দেখায়। শেষবার খোলস পরিত্যাগের পর এদের দেহের রং সম্পূর্ণ লাল হয়ে যায়, কেবল পায়ের অগ্রভাগ সাদা থাকে। চলবার সময় থেমে থেমে যখন পা কাঁপাতে থাকে, তখন খুব সুন্দর দেখায়।

আমাদের দেশে আর এক জাতীয় লাল মাকড়সা দেখতে পাওয়া যায়—এগুলিকে ‘রেনাই’ নামে অভিহিত করা হয়েছে। এরা দেখতে কতকটা ফস্টিসেপ্‌স্‌ মাকড়সারই মতো।

পরিশিষ্ট

জীবনপঞ্জী

নাম : গোপালচন্দ্র ভট্টাচার্য

জন্মতারিখ : 1 আগস্ট, 1895, গ্রাম—লোনসিং, জেলা—ফরিদপুর, বাংলাদেশ।

মৃত্যু তারিখ : 8 এপ্রিল 1981

পিতার নাম : অম্বিকাচরণ ভট্টাচার্য

মাতার নাম : শশীমুখী দেবী

ঠিকানা : 41, হরিশ নিয়োগী রোড, কলকাতা 700 067

বাল্য এবং কর্মজীবন : দরিদ্র পরিবারে জন্ম। পিতার পেশা যজমানী ও পৌরোহিত্য; কখনো বা জমিদারের কাছারীতে কাজ। গোপালচন্দ্র জ্যেষ্ঠ পুত্র। তিনি 1913 খৃঃ ১ম বিভাগে ম্যাট্রিকুলেশন পাশ করে আই. এ. পড়তে শুরু করেন, কিন্তু আর্থিক কারণে পাঠ অসম্পূর্ণ। এর পর গ্রামের স্কুলের শিক্ষকতা। অল্প বয়স থেকেই প্রকৃতির প্রতি কৌতূহল ও অকৃত্রিম ভালবাসা। সাহিত্যের প্রতি অমুরাগ থেকে হাতে-লেখা পত্রিকা প্রকাশ, সমাজসেবা, জারি গান রচনা ও পালা গানের দল তৈরি, কবিতা ও ছড়া লেখা, পত্রিকা সম্পাদনা, উদ্ভান-চর্চার মাধ্যমে সংকল্প ফল ও ফুল তৈরীর চেষ্টা ইত্যাদি।

জৈব জাতির উপর নামকরা পত্রিকা ‘প্রবাসী’তে প্রথম লেখা প্রকাশিত হয় যা আচার্য জগদীশচন্দ্রের দৃষ্টিতে আসে 1918 খৃস্টাব্দে। পুলিনবিহারী দাসের সঙ্গে তিনি ছিলেন পরিচিত। জগদীশচন্দ্র পুলিন দাসের মাধ্যমে ডেকে পাঠান গোপালচন্দ্রকে। তখন গোপালচন্দ্র কলকাতার এক সওদাগরী অফিসের টেলিফোন অপারেটর। 1921 খৃস্টাব্দে জগদীশচন্দ্রের আহ্বানে গোপালচন্দ্র যোগ দেন বঙ্গ বিজ্ঞান মন্দির। পদ—রিসার্চ অ্যাসিস্ট্যান্ট। রুটিন মাসিক কাজের মধ্যেই কেটে যায় সাত-আট বৎসর। এরই ফাঁকে চালাতেন কিছু কিছু বৈজ্ঞানিক তথ্যসম্ভার। ক্রমশ কীটবিজ্ঞান নিয়ে পর্যবেক্ষণ ও গবেষণার শুরু। প্রথম গবেষণা পত্র প্রকাশিত হয় 1932 খৃস্টাব্দে।

গবেষণার বিষয় : উদ্ভিদের শারীরবৃত্তীয় ঘটনা, জৈবজাতি, মাছ ও অগ্ন্যস্ত্র প্রাণী এবং কীট-পতঙ্গের আচার-আচরণ, মেটামরফোসিস সম্পর্কীয় গবেষণা। সরকারীভাবে বঙ্গ বিজ্ঞান মন্দিরের গবেষণা থেকে অবসর নেন 1965 খৃস্টাব্দে।

বিজ্ঞান জনপ্রিয়করণ : 1920 খৃস্টাব্দ থেকে আমৃত্যু একনিষ্ঠ বিজ্ঞান-সাধক হিসাবে গবেষণা ছাড়াও বিজ্ঞান-প্রচারমূলক নানা কাজে গোপালচন্দ্র বাংলার কীট—১১

ছিলেন পথিকৃৎপ্রতিম। বিজ্ঞান-শিক্ষার্থীদের জন্য তাঁর লেখা বই ‘করে দেখ’ এখনও সমাদৃত।

১৯৪৪ খৃস্টাব্দে বঙ্গীয় বিজ্ঞান পরিষদ প্রতিষ্ঠায় আচার্য সত্যেন্দ্রনাথ বসুর অগ্রতম সহযোগী। তখন থেকেই পরিষদ মুখপত্র ‘জ্ঞান ও বিজ্ঞান’ পত্রিকার অধোদিত সম্পাদক। ১৯৫০ খৃস্টাব্দে পূর্ণ সম্পাদক। ১৯৭৪ খৃস্টাব্দে প্রধান সম্পাদক এবং ১৯৭৭ খৃস্টাব্দে পত্রিকাটির প্রধান উপদেষ্টা। লেখার সংখ্যা আনুমানিক হাজার খানেকের মতো। বাংলা ভাষার প্রায় সব কাগজেই প্রবন্ধ প্রকাশিত হয়েছে। ‘ভারত কোষ’-এর সম্পাদকমণ্ডলীর সদস্য। ‘সরকারী পরিভাষা সংসদ’-এর সদস্য। বঙ্গীয় সাহিত্য পরিষদের সঙ্গে আয়ত্ব ঘনিষ্ঠভাবে যুক্ত ছিলেন। বাংলা ভাষায় বিজ্ঞান সাহিত্যের ক্ষেত্রে তাঁর দান অপরিমিত।

প্রাপ্ত সন্মান এবং স্বীকৃতি : ১৯৫১ খৃঃ—প্যারিসে সামাজিক পতঙ্গ বিষয়ক আন্তর্জাতিক আলোচনা চক্রে ভারতীয় শাখা পরিচালনার জন্য আমন্ত্রিত।

১৯৬৪ খৃঃ—আনন্দবাজার গোষ্ঠী কর্তৃক প্রদত্ত বাংলা সাহিত্যে অবদানের জন্য ‘আনন্দ পুরস্কার’।

১৯৭৪ খৃঃ—বহু বিজ্ঞান মন্দিরের বক্তৃতা কক্ষে নাগরিক, সাহিত্যিক ও বিজ্ঞানী এবং গুণগ্রাহীদের দ্বারা সম্বর্ধনা।

১৯৭৪ খৃঃ—বঙ্গীয় বিজ্ঞান পরিষদ থেকে বাংলা ভাষায় বিজ্ঞান প্রচারে বিশিষ্ট অবদানের জন্য আচার্য সত্যেন্দ্রনাথ বসু ফলক।

১৯৭৫ খৃঃ—‘বাংলার কীট-পতঙ্গ’ গ্রন্থের জন্য পশ্চিমবঙ্গ সরকার থেকে রবীন্দ্র পুরস্কার।

১৯৭৭ খৃঃ—বহু বিজ্ঞান মন্দির-এর হীরক জয়ন্তী উপলক্ষ্যে জুবিলী মেডেল।

১৯৮০ খৃঃ—কলকাতা বিশ্ববিদ্যালয় কর্তৃক সাম্মানিক ডি. এসসি. ডিগ্রি।

গ্রন্থ তালিকা

১. আধুনিক আবিষ্কার, জেনারেল প্রিন্টার্স অ্যান্ড পাবলিশার্স।
২. বাঙলার মাঁকড়সা, প্রথম প্রকাশ ১৯৪৭, দ্বিতীয় সংস্করণ ১৯৭৫।
৩. করে দেখ, দেজ পাবলিসিং তিন খণ্ডে।
৪. আচার্য জগদীশচন্দ্র বসু (জীবনী), বহু বিজ্ঞান মন্দির আচার্য জগদীশচন্দ্র জন্ম শতবার্ষিকী প্রকাশনী সংস্থা, প্রথম খণ্ড ১৯৬৩, (সহলেখক : মনোজ রায়)।
৫. বাঙলার কীট-পতঙ্গ, দেজ পাবলিসিং।
৬. মনে পড়ে, গোপালচন্দ্র ভট্টাচার্য বিজ্ঞান প্রসার সমিতি প্রকাশিত, ১৯৭৭.

7. পশুপাখি জীবজন্তু : শৈব্যা।

8. বিজ্ঞানের আকস্মিক আবিষ্কার, শৈব্যা।

9. অছবাদ গ্রন্থ : আগবিক বোমা, মহাশূন্য অভিযান।

প্রকাশিত গবেষণা প্রবন্ধ :

1. Fish-eating spiders of Bengal. Bose Research Institute, Transactions Vol VII 1931-32.
2. Peculiar habits of an antmimicking spider, *Amyciaea forticeps*, Camb. Bombay Natural History Society, Vol. XXXVII, No. I. 1934.
3. Lizard-eating spiders of Bengal, Scientific Monthly (U S.A), Vol. XXXIX. August, 1934.
4. A gragarious spider of Bengal, mimicking *Camponotus compressus*. Science and Culture, Vol. I No. 3, 1935,
5. A new spider of Bengal that mimicks the ant *Cecophylla smaragdina*, Fabr. Bombay Natural History Society, Vol, XXXVII, No. 4. 1935.
6. Diving spiders of Bengal, Natural History Magazine, New York Vol. XXXVII, No. I, 1936.
7. Tadpoles of *Rana tigrina* feeding on mosquito larvae, Current Science, Vol, V No. 48. 1936
8. Some peculiar Habits of *Marpissa melangostictus*, Bombay Natural History Society, Vol, XXXIX, 1936.
9. Description of habits and nuptial flight *Diacamma vagans*, Smith, Current Science, Vol. V, No. 8, 1937.
10. On the moulting and metamorphosis of *Myrmarachne plateleods*, Camb, B. R. I. Transactons, Vol. XII, 1936-37.
11. Moulting process of *Myrmarachne plateleoids*. Bombay Natural History Magazine Society, April, 15, 1937.
12. Fighting of agressive red-ants, *Cecophylla smaragdina*, Fabr. Wild life (Agra), 1937.
13. The Life cycle of butterfly, Modern Review, April, 1937.

14. Reproductive role of *Diacamma vagans*, Smith, B. R. I. Transactions, Vol. XIII, 1937-38.
15. The Death expedition of *Hibiscus* Caterpillars, Bombay Natural History Society, Vol. XLII, No. I, Dec. 1940.
16. The food habits of *H. Venatoria*, Linn, Bombay Natural History Society. Vol. XLII, No. 4, 1941.
17. *Heteropoda venatoria* preying on *pipistrella* bat, Current Science Vol. 10, No. 3, 1941.
18. Reproduction and Caste differentiation in aggressive red-ants *Ecophylla smaragdina*. B. R. I. Transactions, Vol. XV. 1942-43.
19. On the chemical nature of substances which are (i) effective in the transmission of excitation in *Mimosa pudica* and (ii) Active in the contraction of its pulvinus [Co-author B. Banerjee & D. M. Bose] B. R. I. Transactions, Vol. XVI, 1944-46.
- 20 Retardation of metamorphosis in tadpoles by antibiotic treatment, Science and Culture, Vol. 11, May, 1954.
21. On the action of penicillin in the retardation of metamorphosis of tadpoles, Science and Culture, Vol. 22, Sep., 1956.
- 22, Induced metamorphosis of tadpoles (*Bufo melanostictus*. Science and Culture, Vol. 22, January, 1958.

গোপালচন্দ্রের বৈজ্ঞানিক গবেষণা : রতনলাল ব্রহ্মচারী

পৃথিবীতে কিছু কিছু মানুষ জন্মেছেন। যারা সারাজীবন ধরেই প্রকৃতির নানা বৈচিত্র্য, গাছপালা, পশুপাখি, কীট-পতঙ্গের রহস্য নিয়ে মেতে থাকেন।

এমনি মানুষ ছিলেন চার্লস ডারউইন, জঁ অঁরি ফাবার (Jean Henri Fabre), ওজিন মারে (Eugene Maris);—গোপালচন্দ্র ভট্টাচার্য।

বিবর্তনবাদ বা ইভোল্যুশন থিয়োরীর প্রবক্তা হিসাবে ডারউইনের নাম সবাই জানে। কিন্তু এছাড়াও তাঁর অসংখ্য কাজ, যেমন—বিলাতের অর্কিডের পরাগ

সংযোজন, কঁচোর ওপর গবেষণা, পতঙ্গভুক উদ্ভিদের জীবন-ইতিহাস, উদ্ভিদের সাড়া দেওয়া (এ বিষয়ে তাঁর বইখানিকে জগদীশচন্দ্রের সাধনার পূর্বসূরী বলা যায়), মানুষ ও অগ্ন প্রাণীদের মানসিক প্রবৃত্তির তুলনা,—প্রতিটিই অসাধারণ মূল্যবান এবং সুখপাঠ্য ভাষায় রচিত। সারা বিশ্বেই এগুলি সুপরিচিত, কারণ বইগুলি বর্তমান জগতের সবচেয়ে বহুল প্রচলিত ভাষা—ইংরেজিতে রচিত হয়েছিল। ফ্যাবার, যাকে মেটারলিংক বলেছিলেন ‘পতঙ্গ জগতের হোমার,’ ফ্রান্সের প্রোভান্স অঞ্চলে ছুং-দারিদ্র্যের সঙ্গে সংগ্রাম করে শেষ জীবনে একটু স্বাচ্ছন্দ্য পেয়ে ‘Souvenirs Entomologiques’ নামে একটি গ্রন্থাবলী সমাপ্ত করে গিয়েছিলেন। অপর কাব্য-সুধমায় ভরা এই বৈজ্ঞানিক রচনাবলী বিশ্ববিখ্যাত হয়েছিল,—তারও কারণ—এর ভাষা ছিল ফরাসী, পৃথিবীর সুধীমহলে যার কদর খুব বেশি।

এদিক দিয়ে ব্যতিক্রম মারে এবং গোপাল ভট্টাচার্য। মারে তাঁর প্রবন্ধগুলি লিখেছিলেন Afrikaner ভাষায়। ডাচ এবং ফ্লেমিশ থেকে উদ্ধৃত এই ভাষায় লেখা প্রবন্ধগুলি দক্ষিণ আফ্রিকার সংবাদপত্রে প্রকাশিত হয়েছিল, বাইরের দুনিয়ায় তার বিশেষ কোন ছাপ পড়েনি। উগাণ্ডার মাকেরের বিশ্ববিদ্যালয়ে মারের কতকগুলি প্রবন্ধের একটি ইংরেজি সংস্করণ পড়ে বুঝেছিলাম, কি অসাধারণ প্রতিভা বনফুলের মতো ফুটেছিল পৃথিবীর এক নির্জন প্রান্তে। পরবর্তীকালে মারে একাকী, একটি তাঁবু ও রাইফেল নিয়ে দক্ষিণ আফ্রিকার অরণ্যে গিয়ে দীর্ঘকাল গবেষণা করেন। আজকাল রবার্ট আড্রে’র বহুল-পঠিত বইগুলির মাধ্যমে অনেকে মারের খবর জানতে পেরেছেন।

গোপাল ভট্টাচার্য তাঁর অধিকাংশ রচনাই লিপিবদ্ধ করেছেন বাংলা ভাষায়। তাতে অনেক বাঙালী পাঠক উপকৃত হয়েছেন, কিন্তু বিশ্বের দরবারে সে খবর পৌঁছায় নি। টেকনিকাল পর্যায়ে তিনি উজ্জ্বলখানেক প্রবন্ধ লিখেছিলেন ইংরেজি ভাষায় এবং তার মধ্যে দু-চারটি বিদেশী জার্নালে।

জীববিজ্ঞানী হিসাবে তাঁর গবেষণার ক্ষেত্র ছিল খুবই বিস্তীর্ণ। বায়োলুমিনি-সেন্স বা জৈবজ্বালিতা নিয়ে তার আরম্ভ। যদিও জার্মান বিজ্ঞানী Mollisch-এর সঙ্গে তিনি কিছু কাজ করেছিলেন, গোপালচন্দ্রের নিজের কোন গবেষণাপত্র এ-বিষয়ে প্রকাশিত হয় নি। তাঁর প্রথম বৈজ্ঞানিক প্রবন্ধ জলের মাকড়সা নিয়ে।

সে সময় ‘আমেরিকান মিউজিয়াম অফ ন্যাচারাল হিস্ট্রি’ সারা পৃথিবীর মাকড়সা সম্বন্ধে বিবরণ সংগ্রহ করছিলেন। বলা বাহুল্য, তখন ভারতে এ-ধরনের পর্যবেক্ষণ প্রায় কেউই করতেন না। যে দেশে প্রকৃতির সঙ্গে মানুষের নিবিড়

সম্পর্ক ছিল, যে দেশে তপোবনের সৃষ্টি হয়েছিল, পঞ্চতন্ত্রের মতো কাহিনী রচিত হয়েছিল—সেখানেই সাম্প্রতিককালে লোকেরা প্রকৃতির সঙ্গে সকল সংযোগ হারিয়ে ফেলেছেন এবং আধুনিক বিজ্ঞানের এই অংশটিকে গ্রহণ করেন নি। তাই এদেশে প্রকৃতি-বিজ্ঞানের পথিকৃৎ হলেন কুখ্যাত সাম্রাজ্যবাদী স্ত্রাব এলিজ ইম্পে প্রমুখ বিদেশীরা। ভারতীয় চিত্রকরদের শিখিয়ে-পড়িয়ে তাঁদের সাহায্যে এই বিদেশীরা প্রকাশ করেছিলেন অতি সুন্দর সচিত্র পুস্তক—ভারতীয় পশুপক্ষী, সাপ ইত্যাদির বিবরণ দিয়ে।

যাই হোক, গোপাল ভট্টাচার্য মেছো-মাকড়ার ওপর সুদীর্ঘ পর্যবেক্ষণ করে দেশী ও বিদেশী (আমেরিকান মিউজিয়াম অব ন্যাচারাল হিস্ট্রীর জার্নাল—ন্যাচারাল হিস্ট্রী) পত্রিকায় প্রবন্ধ ছাপালেন। এর পর তিনি প্রধানত পোকা-মাকড় নিয়ে অসংখ্য পর্যবেক্ষণ করে গেছেন।

আজ আমি শুধু তাঁর তিনটি আবিষ্কারের কথা বলব, যা আমার মতে পৃথিবীর মধ্যে প্রথম সারির কাজ। প্রথমেই বলছি নালসো পিঁপড়ের ওপর এক ধরনের গবেষণার কথা।

নালসো পিঁপড়ে (বড় বড় গেছো-পিঁপড়ে) আম ইত্যাদি গাছে পাতা জুড়ে বাসা তৈরি করে। দূর থেকে দেখলে মনে হয় যেন পাখির বাসা। বাসার মধ্যে পিঁপড়ের হাল-চাল স্বভাব-প্রকৃতি লক্ষ করার জন্য তিনি এক ‘টেকনিক’ উদ্ভাবন করেন। এটিই একটি মূল্যবান আবিষ্কার বলে গণ্য হতে পারে। স্বচ্ছ সেলোফেন (cellophane)-এর সাহায্যে তৈরি বাসার মধ্যে পিঁপড়ের দখল দেখতে দিয়ে তাঁদের ওপর অনেক পর্যবেক্ষণ চালানো হলো—২৩ বছর ধরে। এক একটি বাসায় কতগুলি রাজা, রানী, কর্মী, সৈনিক পিঁপড়ের জন্ম হলো তার সংখ্যাও নির্ণয় করা হলো। পিঁপড়ের সমাজে এই চার শ্রেণী আছে। রাজা, রানী, বা পুরুষ ও স্ত্রী থাকতেই পারে; কিন্তু তাছাড়া, এই কর্মী বা সৈনিকের উৎপত্তি হয় কেমন করে? তাদের চেহারা ও শারীরবৃত্তের পার্থক্য কি করে সৃষ্টি হতে পারে? জেনেটিক্স বা বংশাণুক্রমতা—বিজ্ঞানের ক্ষেত্রে এটি একটি বিরাট প্রশ্ন। কেউ কেউ বলতেন, বোধ হয় বিশেষ ধরনের বা পরিমাণের খাদ্যের ওপর নির্ভর করে কোন কোন লার্ভা স্ত্রী বা রানী পিঁপড়ে হয়, কোনটা কর্মী হয়। এইভাবে জেনেটিক থিয়োরীর এবং ট্রফিক (trophic—খাদ্যনির্ভর) থিয়োরীর দৃষ্টি চলছিল। তৎকালীন বিশ্বের ‘সামাজিক পতঙ্গ’-এর ক্ষেত্রে সবচেয়ে বিখ্যাত বিজ্ঞানী Wheeler, এই খাদ্যনির্ভর থিয়োরীর ওপর বিশেষ গুরুত্ব দেন নি। গোপালচন্দ্র অনেক পরীক্ষা-নিরীক্ষা করে দেখলেন যে শুধুমাত্র কিছু বিশেষ

ধরনের খাত্ত পেলেই নালসো পিঁপড়ের বাসায় নতুন রাজা ও রানী জন্মাতে পারে। পিঁপড়াদের চড়ে বেড়িয়ে স্বাভাবিক খাত্ত খেতে না দিয়ে, খুব প্রোটিন-সমৃদ্ধ খাত্ত দিলেও বাসাতে শুধুই কর্মী পিঁপড়ের উৎপত্তি হয়। কিন্তু গ্রীষ্মকালে (অন্য সময়ে নয়) আম এবং আরও কয়েক জাতীয় গাছের পাতা, কোড়ক ইত্যাদি খাত্ত হিসাবে দিলে নতুন রাজা ও রানী পিঁপড়ের জন্ম হয়। প্রাকৃতিক পরিবেশে পিঁপড়েরা এই সময় এ ধরনের পাতা ও কোড়ক খায়। কাজেই গোপালচন্দ্রের গবেষণায় প্রমাণ হলো যে, ট্রফিক থিয়োরীই সত্য, বিশেষ গুণসম্পন্ন খাত্ত পেলে তবেই বিশেষ শ্রেণীর পিঁপড়ে জন্ম নিতে পারে।

আজকের দিনে জেনেটিক্স বিজ্ঞান আণবিক পর্যায়ে বহুদূর চলে গেছে, কিন্তু সেই জ্ঞানের পরিপ্রেক্ষিতেও ট্রফিক থিয়োরী একটি আকর্ষণীয় মতবাদ, যার নিগূঢ় তাৎপর্য গভীরভাবে পর্যালোচনা করা দরকার। এই সূত্রে বলা যেতে পারে যে, কোন কোন সামুদ্রিক শায়কের ক্ষেত্রেও দেখা গেছে—লার্তাগুলিকে বিশেষ ধরনের খাত্ত দিতে পারলে তবেই তাদের রূপান্তর (metamorphosis) সম্ভব হয়। এখাত্ত কোথাও বিশেষ ধরনের শ্রাওলা, কোন ক্ষেত্রে বিশেষ ধরনের একনালী প্রাণী। এই খাত্ত থেকে নানা রাসায়নিক পদার্থ নিষ্কাশিত করে কোষের ওপর বা কোষের DNA অণুর ওপর তার প্রভাব সম্বন্ধে গবেষণা হয়তো অদূর-ভবিষ্যতে মলিকুলার বায়োলজীর একটি উল্লেখযোগ্য কর্মসূচী হয়ে দাঁড়াতে পারে।

যাই হোক, দ্বিতীয় মহাযুদ্ধের সময় নালসো পিঁপড়ে নিয়ে গোপালচন্দ্রের এই গবেষণা বিশ্বের দরবারে প্রায় অজানাই রয়ে গেল। এইগুলি Transaction of Bose Institute পত্রিকায় প্রকাশিত হয়, কিন্তু যুদ্ধকালীন অবস্থার জগুই বোধ হয় জার্মানী, ইংলও ও আমেরিকায় এবং বিশেষ করে জার্মানীতে প্রচারিত হয় নি। ১৯৩৭ থেকে ১৯৪৭ খৃস্টাব্দ পর্যন্ত জার্মান বিজ্ঞানী গোয়েৎস (Goetsch) যে গবেষণা করেন তাতে তিনি গোপালচন্দ্রের মতবাদের কাছাকাছি পৌঁছেছিলেন। গোপালচন্দ্রের পরে তিনি দেখিয়েছিলেন ছত্রাক, ইস্ট এবং অন্যান্য উৎস থেকে উদ্ভূত কোন কোন পদার্থ পিঁপড়ের লার্তাকে বিশেষ শ্রেণীতে পরিণত করতে সাহায্য করে। তাঁর এই মতবাদও অবশ্য উত্তরসূরী বিজ্ঞানীরা সন্দেহাতীতভাবে প্রতিষ্ঠা করে যেতে পারেন নি। ১৯৪০ খৃস্টাব্দে Wesson হলদে ও কালো রঙের দুই প্রজাতির পিঁপড়ে নিয়ে এক পরীক্ষা করেন। রঙের পার্থক্যের জগু এক প্রজাতির বাসায় অগ্নটিকে আলাদা করে চেনা যেত। বেশি খাত্তসমৃদ্ধ বাসায় রেখে দিলে লার্তাগুলি থেকে বেশি সংখ্যক রানী জন্মায়। Wesson-এর গবেষণার ফলও কতকটা গোপালচন্দ্রের কাছাকাছি, কিন্তু কলকাতার বিজ্ঞানী

আরও অনেক দূর অগ্রসর হয়েছিলেন। আজকের দিনে পতঙ্গ-বিজ্ঞানের ছাত্রদের অবশ্যপাঠ্য অতি বিখ্যাত পুস্তক—Wilson কৃত Social Insects (১৯৭১)। এই বইখানাতে Wesson এবং Goetsch-এর কাজের উল্লেখ আছে, কিন্তু গোপালচন্দ্রের গবেষণাপত্র Wilson কোন দিনই দেখেন নি।

এবার ২নং গবেষণার কথায় আসা যাক। এটা বোঝাবার জন্য প্রথমে চল আস্থন আফ্রিকায়। আস্থন আমার সঙ্গে, কল্লনার রথে চড়ে। আশা করি ভালভাবেই আপনাদের গাইডের কাজ করতে পারবো, কারণ আমি আটবার আফ্রিকায় গিয়েছি বন্যপ্রাণী পর্যবেক্ষণ করতে।

চলুন, সোমালিয়ার উষর প্রান্তর পেরিয়ে, কেনিয়া টানজানীয়ার ঘাসবন আর আর কাঁটাঝোপ উজিয়ে উগাণ্ডার কিগেলী অঞ্চল ছাড়িয়ে, আস্থন লেক কিভুর পারে, কাহঞ্জীর গহন অরণ্যে, আয়েগিরির রাজ্যে, রোয়ান্ডা, উগাণ্ডা, জাইর (প্রাক্তন বেলজিয়ান কঙ্গো)—এই তিন রাজ্যের সীমানায়। ঐ পর্বতের ‘অগ্নিদেবতা’ নীরাগংগোর ধূমকেতন, রাতের আকাশে লক্ষ রংমশাল তুলে ধরেছে তার অগ্নিগর্ভ জালামুখ (দু-বছর আগে নিভে গেছে)। পার্ক নাসিয়ুনালা জু ভলকাঁ, রোয়ান্ডার গরিলা রাজ্য। এদিকে জাইরে, কিভুর অরণ্যে, কাহঞ্জীবন্য গরিলা পর্যবেক্ষণ করেছেন শালার, কাসিমির, এ্যালান গুভাল, আমিও দু-বার গিয়েছি সেখানে—উগাণ্ডার দিকে জিল ওয়ার্ডস্‌ওয়ার্থ প্রথম মহিলা বিজ্ঞানী যিনি গরিলা নিয়ে গবেষণা করেন, আর রোয়ান্ডায় ভায়ান ফসী, বছরের পর বছর রয়ে গেছেন গরিলা পর্যবেক্ষণের জন্য। তারপর আস্থন টানজানিয়ার গণ্ডে রিসার্ট স্টেশনে। এখানে জেন গুভাল ছাত্রছাত্রী নিয়ে অনেক বছর গবেষণা করেছেন শিম্পাঞ্জি নিয়ে।

এসব পর্যবেক্ষণের ফলে জানা গেছে, ‘যন্ত্র’ ব্যবহার করবার প্রবণতা, অর্থাৎ, বাইরে পড়ে থাকা কোন জিনিসকে ধরে নিয়ে তার সাহায্যে কোন কাজ করে নেওয়া—এই ক্ষমতা শিম্পাঞ্জির মধ্যে ভালভাবেই আছে, গরিলায় মধ্যে নেই (বা এখনও দেখা যায় নি)। এ শতাব্দীর প্রথম দিকে বিজ্ঞানী কোহলার পোষা শিম্পাঞ্জির বেলায় এধরনের অনেক ঘটনা লিপিবদ্ধ করেছেন। বন্য শিম্পাঞ্জি একটি গাছের ডাল নিয়ে তার পাতা ভেঙে নিয়ে একটি লাঠির মতো তৈরি করে নেয় এবং তার পর তার সাহায্যে উইটিবির কাছে গিয়ে উই খুঁচিয়ে বের করে খায় বা ছোট ডাল নিয়ে, তার পাতা চিবিয়ে স্পঞ্জের মতো করে নিয়ে তার সাহায্যে গর্তে জমে-থাকা জল শুষে নিয়ে ঐ পাতা থেকে সেটা চুষে খায়,—জেন গুভালের এধরনের পর্যবেক্ষণ খুবই উল্লেখযোগ্য। টানজানিয়ার বিরাট প্রান্তরে

তিনি নিওফ্রন ভালচারকে (এই 'সাদা শকুন' ভারতেও আছে) দেখলেন দূর থেকে পাথরখণ্ড এনে তাই ছুড়ে উটপাখির ডিম ভেঙে খেতে। এটাও এক ধরনের tool using বা যন্ত্রের ব্যবহার, যদিও tool making বা যন্ত্র তৈরি নয়।

পতঙ্গের জগতে বুদ্ধিবৃত্তি কম, সহজাত প্রবৃত্তি বেশি। সেই সহজাত প্রেরণার ফলে তথাকথিত যন্ত্রের ব্যবহার পতঙ্গজগতেও আছে। পেক্‌হাম দম্পতি এক ধরনের কুমুড়ে-পোকা বা হাটিং ওয়াস্প্ দেখেছিলেন—যারা ডিম পাড়বার পর গর্তের মুখ বন্ধ করবার সময় একটি পাথরকুঁচি মুখে নিয়ে তার সাহায্যে হাতুড়ির মতো গর্তের মুখে মাটি পিটিয়ে গর্ত বন্ধ করে দেয়। ঠিক এই ঘটনা গোপালচন্দ্র প্রত্যক্ষ করেছিলেন বাংলার এক কুমুড়ে পোকার বেলায়। এছাড়া তিনি লিখে রেখেছেন কানকোটারির জীবনের এক অশ্চর্য ইতিহাস। কাটকোটারি নামটি আমার কাছে অপরিচিত কিন্তু বিবরণ দেখে বোঝা যায় কানকোটারি মানে earwig পোকা। এই পোকা ডিমের যত্ন নেয় অনেকেই দেখেছেন। গোপালচন্দ্র লক্ষ করলেন, ডিম রক্ষা করবার সময় এরা পায়ে কাদা লাগায়। এই কাদা শুকিয়ে শক্ত হয়, তখন কোন শত্রু কাছে এলেই, পোকাটি পেছনের পা দিয়ে লাথি মারে, যেন লাথি জোরালো করবার জন্তু বুট পরে নিয়েছে। জল দিয়ে তখন ঐ কাদা ধুয়ে দিলে সে আবার কাদা মাখিয়ে নিয়ে আসে। কিন্তু ডিম পাড়বার পর (বা রক্ষা করবার) সময় ছাড়া তার এই প্রবণতা দেখা যায় না।

এবার ৩নং গবেষণার কথা। ব্যাঙাচি থেকে ব্যাঙ হওয়ার ঘটনা সবাই জানেন। একটু চিন্তা করলে বোঝা যাবে ব্যাপারটা হান্স আণ্ডারসনের বিখ্যাত গল্প (দি লিট্‌স মারমেড)—একটি মৎস্যকণ্ঠার মাছুষের মেয়ের রূপ নেওয়ার চেয়ে কম আশ্চর্য নয়। ব্যাঙাচির এই পরিবর্তন বিজ্ঞানীর দৃষ্টি আকর্ষণ করেছে। অ্যামোডিনঘটিত থাইরক্সিন হরমোনের প্রভাবে এই পরিবর্তন সাধিত হয়। কিন্তু গোপালবাবু লক্ষ করলেন যে, পেনিসিলিনের প্রভাবে এই পরিবর্তন বন্ধ হয়ে যায়, ব্যাঙাচিগুলি বড় ব্যাঙাচি থেকে যায়—আর ব্যাঙ হয় না। সে সময় বিখ্যাত বিজ্ঞানী Julian Huxley কলকাতায় এসেছিলেন, তাঁকে দেখানো হয় গবেষণার ফল। তিনি বলেন ব্যাপারটা খুবই রহস্যময় ঠেকছে, তবে একটা রিপোর্ট 'Nature' (বিখ্যাত বিজ্ঞান সাময়িকী)-এ দেওয়া উচিত এখনই (সেটা কিন্তু আর কখনই করা হয় নি)।

যাই হোক গোপালবাবু পরে সহকারী নিয়ে আরও গবেষণা করে দেখেন যে কয়েক রকম ভিটামিন-বি_{১২} সংশ্লেষণকারী ব্যাক্টেরিয়া ব্যাঙাচির দেহে বাসা বৈধ এবং পেনিসিলিনের প্রভাবে তারা ধ্বংস হয়ে যায়। পেনিসিলিন প্রয়োগে

যারা ব্যাঙাচিই রয়ে গেল, ব্যাঙ হলো না—তাদের ক্ষেত্রে ভিটামিন-বি_{১২} দিয়ে দেখা গেল—এটা metamorphosis আনতে সাহায্য করে। আবার এই সব ব্যাঙাচির ক্ষেত্রে thyroxine দিয়ে নানা কৌতূহলোদ্দীপক সব গবেষণা করেন গোপালচন্দ্র ও মেদা। একটা বিশেষ বয়সের ব্যাঙাচির ওপর এই পরীক্ষা করে দেখা গেল, এর ফলে তাদের আংশিক রূপান্তর (metamorphosis) হয়। ব্যাঙের মতো পা বের হয়, কিন্তু লেজ ও কান্কে থেকে যায়। রমা ঘোষ লক্ষ করলেন যে পেনিসিলিন দেওয়ার ফলে যকৃতে acid এবং alkaline phosphatase-এর পরিমাণ কমে যায়। কিন্তু ভিটামিন-বি_{১২}-এর প্রয়োগে এর পরিমাণ বেড়ে যায়। পেনিসিলিন এবং ভিটামিন-বি_{১২} প্রয়োগের ফল পরস্পরের উন্টোটা হওয়া উচিত। গোপালচন্দ্রের সহকারী মেদা ও রমা ঘোষ এ-বিষয়ে আরও কাজ করেন। (এসব কাজ Science and Culture-এ প্রকাশিত হয়েছে।) ব্যাঙাচির রূপান্তর সম্বন্ধে বিজ্ঞানী Waber-এর সঙ্গে পত্রালাপ করি। গোপালচন্দ্রের কাজের কথা জেনে তিনি সে বিষয়ে গভীর আগ্রহ প্রকাশ করেছিলেন এবং পরে তাঁর 'Biochemistry of Animal Development' পুস্তকটিতে 'Science And Culture'-এ প্রকাশিত গোপালচন্দ্রের প্রবন্ধাবলীর উল্লেখ করেন।

যাই হোক, মূল কথাটি হলো—তাহলে বাইরের এই ব্যাক্টেরিয়ার ব্যাঙাচির জীবনের সবচেয়ে গুরুত্বপূর্ণ শারীরবৃত্তিক কাজটি করতে সাহায্য করে। এ-বিষয়ে গবেষণার একটি নতুন দিগন্ত এভাবে খুলে গেছে। এই পরিপ্রেক্ষিতে সালো-জেনিক অর্থাৎ স্বাস্থ্যদায়িনী ব্যাক্টেরিয়ার কথা চিন্তা করবার অবকাশ আছে (প্যাথোজেনিক ব্যাক্টেরিয়া অর্থাৎ রোগজীবাণুর কথা সকলেই জানেন)। গরু বা গরিলার পেটে বা অন্ত্রে এমন সব ব্যাক্টেরিয়া আছে যা তাদের ঘাসপাতা হজমের কাজে লাগে, এটাও অনেকেই জানেন। কিন্তু অনেকেই জানেন না 1934 খৃষ্টাব্দে হেনরীর গবেষণার কথা। তিনি দেখলেন আর্শোলার ডিমের মধ্যে কিছু ব্যাক্টেরিয়া আছে, যেগুলি মেরে ফেললে সেই ডিম থেকে জাত আর্শোলার স্বাভাবিক বৃদ্ধি হয় না, সেগুলি আকারে অনেক ছোট থেকে যায়। আবার 1978 খৃষ্টাব্দে হারিগান এবং আলফন কিছু প্রমাণ উপস্থাপিত করেছেন যে, কিছু ব্যাক্টেরিয়ার জন্মই এক রকম সামুদ্রিক শামুকের পূর্ণাঙ্গ বৃদ্ধিলাভ সম্ভব! আজকাল জেনেটিক ইঞ্জিনিয়ারিং সম্বন্ধে অনেকের কৌতূহল ও আগ্রহ লক্ষ করা যাচ্ছে। আমি বলি, উন্নয়নশীল দেশে তার চেয়ে বেশি আগ্রহ থাকা উচিত এসব প্রাকৃতিক কিন্তু অনেক পরিমাণে অজানা ব্যাক্টেরিয়া সম্বন্ধে।

গোপালচন্দ্র তাঁর ‘মনে পড়ে’-তে লিখে গেছেন যোগেন মাস্টারের কথা। অথাত এক পল্লীগ্রামের বিদ্যালয়ের এক শিক্ষক—তাঁর কাছে প্রেরণা পেয়েছিলেন গোপালচন্দ্র। আর গোপালচন্দ্রের লেখা প্রবন্ধ পড়ে ছেলেবেলায় কিছুটা প্রেরণা পেয়েছিলাম আমি।....আত্মার অমরত্বে বিশ্বাস করি না, কিন্তু অল্প অর্থে ডারউইন, ফ্যাবার, মারে আর যোগেন মাস্টার আজ এই মুহূর্তে আমাদের মধ্যেই বেঁচে আছেন। ক্ষুদ্র স্বার্থ মানুষের সঙ্গেই মরে—মহন্তর মর্মবাণী প্রকাশ পায় জীবনের উত্তরণে, এক সূর্যোদয় থেকে আর এক সূর্যাস্তে, এক সোনার সিংহদ্বার থেকে আর এক সোনার সিংহদ্বারে।

অপকল্প রূপকথার জগতের রূপকার

বাংলাভাষায় বিজ্ঞান রচনার উপকারিতা বহুকথিত; প্রচেষ্টা সে ভুলনায় অল্প (সম্ভব কারণেই) এবং প্রচেষ্টার সফল সম্বন্ধে অনেকে সন্দেহান। এই পরিশ্রমিতে এক অসাধারণ ব্যতিক্রম গোপালচন্দ্র ভট্টাচার্য। প্রবাসী ইত্যাদি পত্রিকার পুরোনো পাঠকদের কাছে নামটি অতি সুপরিচিত যদিও তাঁদের অনেকেই হয়ত জানতে পারেন নি কত বড় একটি প্রতিভা সাধারণ বাঙালী পাঠককে পৌঁছে দেবার চেষ্টা করছিলেন সে অপকল্প রূপকথার জগতে—যার নাম ‘প্রকৃতি’।

আজকের দিনে সারা বিশ্বেই ইথোলজি বা অ্যানিম্যাল বিহেভিয়ার একটি সুপরিচিত বিজ্ঞানের শাখা এবং তিন জন বিজ্ঞানী নোবেল প্রাইজ পেয়ে এ বিষয়টিকে ‘জাতে তুলেছেন’। কিন্তু শ্রী ভট্টাচার্যের গবেষণাকালে এর কদর সামান্যই ছিল, বিশেষ করে পোকামাকড়ের প্রকৃতি পর্যবেক্ষণ সাধারণ লোকের কাছে ছিল পাগলামির আর এক নাম। উনবিংশ শতাব্দীর শেষভাগে এবং বিংশ শতাব্দীর প্রথম দিকে ইউরোপে পতঙ্গজগতের দিকপাল ছিলেন ফ্যাবার। তিনিই প্রথম বিপুল উত্তম শত বাধাবিঘ্নের মধ্য দিয়ে ফ্রান্সের নানা কীট-পতঙ্গের স্বভাব পর্যবেক্ষণ করে কাব্যিক ভাষায় তা পরিবেশন করেন। ঘটীর পর ঘটী মোঠো পথে বসে থাকতে দেখে গ্রাম্য স্ত্রীলোকেরা তাঁকে মনে করত জড়বুদ্ধিসম্পন্ন বা পাগলাটে এক ব্যক্তি। নিঃসন্দেহে বলা যায় গোপাল বাবুকেও এ ধরনের সমস্ত সন্মুখীন হতে হয়েছে এবং নিঃসন্দেহে এও বলা যায় বাংলাভাষায় গোপালবাবুর প্রবন্ধগুলি ফ্যাবারের রচনাবলীর সঙ্গে তুলনীয়—সহজ এবং কাব্যিক ধাঁচে মৌলিক পর্যবেক্ষণের ফল মাতৃভাষায় পরিবেশিত। কিন্তু ফ্যাবারের রচনাবলী যেমন ইংরেজি ভাষার আরও বৃহৎ দরবারে ছড়িয়ে দিয়েছিলেন সার্থক

অনুবাদক Alexander Teixeira de Mattos, গোপালবাবুর এ লেখাগুলি তেমন ইংরেজিতে অনুবাদ হওয়ার সম্ভাবনা অনেক কম অথবা আদৌ নেই আর সেজন্যই বিশ্বের অল্প ভাষাভাষীরা হবেন বঞ্চিত। অবশ্য ইংরেজি ভাষায় প্রকাশিত তাঁর বৈজ্ঞানিক প্রবন্ধগুলির জন্য গোপালবাবু কিছুটা আন্তর্জাতিক স্বীকৃতি পেয়েছিলেন। গোপালবাবুর আটশত প্রবন্ধের গুটি তিরিশেক মাত্র রবীন্দ্র পুরস্কার প্রাপ্ত ‘বাংলার কীটপতঙ্গ’ পুস্তকে স্থান পেয়েছে। এর ভেতরেই আছে ‘কানকোটারী’র ওপর পর্যবেক্ষণ। শুধু এই কাজটির জন্যই তিনি অ্যানিম্যাল বিহেভিয়ার বিজ্ঞানে বিশ্ববিখ্যাত হয়ে থাকতে পারেন। কিন্তু কানকোটারী একটি স্থানীয় নাম, কেবল এরকম নাম দিয়ে একটি প্রাণীর পরিচয় দেওয়ার একটু অসুবিধা আছে। অল্প অঞ্চলের, অল্প গ্রামের, অল্প সমাজের লোকেরা এ থেকে কিছুই বুঝতে পারে না। এ নামটি আমিও আগে শুনি নি। বিবরণ থেকে বোকা যাচ্ছে এটাই হল Earwig। শুধু কানকোটারী নয়, গোপালবাবুর লেখা বেশীরভাগ বাংলা প্রবন্ধেই এই অসুবিধের পড়তে হয়।

ডিম পাহারা দেবার সময় কানকোটারী তার পেছনের পায়ে কাদা মেখে শুকিয়ে নেয়, ফলে পা ছুটো আরও বড়, শক্ত মুণ্ডরের মতো হয়ে দাঁড়ায়। বিরক্ত-বোধ হলেই পা দিয়ে লাথি মারে। সরু পিপেট-এর সাহায্যে জল দিয়ে পায়ের কাদা ধুয়ে দিয়েছেন গোপালবাবু। কানকোটারী আবার কাদা লাগিয়ে এনেছে। ডিম রক্ষা করার সময় ছাড়া অর্থাৎ ডিমপাড়ার আগে এবং বাচ্চা ফুটে যাবার পরে কানকোটারী পায়ের কাদা লাগায় না। ডিম রক্ষা করার সময় পাটা আরও জোরদার করে নিচ্ছে লাথি মারার জন্তে, যেন ফুটবল খেলোয়াড় বুট পরে নিচ্ছে।

এখানে প্রশ্ন ওঠে tool using এবং tool making সম্বন্ধে,—ইথোলজির এক অতি গূঢ় প্রশ্ন। আগে ধারণা ছিল মানুষই একমাত্র প্রাণী যারা tool using করে, অর্থাৎ শরীরের বাইরের কোন জিনিস নিয়ে শারীরিক কাজে ব্যবহার করতে পারে। প্রায় ষাট বছর ধরে পোষা শিম্পাঞ্জিকে এবং বুনো শিম্পাঞ্জিকে সহজে tools ব্যবহার করতে দেখা গেছে। এছাড়া হাতি,—এক জাতের সাগর-ভোঁদড়, হুঁপ্রজাতির পক্ষি ইত্যাদি কয়েকটি প্রাণীর বেলায় এই ব্যবহার দেখা যায়। পোকামাকড়ের বেলায় এরকম একটি উদাহরণই জানা ছিল। সেটা হল এক ধরনের Hunting Wasp বা শিকারি বোলতা বা কুমোরে পোকা। মাটির বাসায় ডিম পেড়ে, বাসাটির মুখ বন্ধ করার সময় একটি ছোট পাখরের কুচি সংগ্রহ করে এই বোলতা হাতুড়ির মত সেটাকে পিটিয়ে গর্তের

মুখ আরও ভাল করে বন্ধ করে দেয়। বিজ্ঞানীদম্পতি পেকহাম-এর এই অবিকার অবিদিত। দেখা যাচ্ছে, গোপালবাবুও এটা লক্ষ করেছিলেন। তিনি একটি প্রবন্ধে লিখেছেন “ভিন্ন পাড়বার পর গর্তের মুখ বন্ধ করে দেয় এরা এক অদ্ভুত কাণ্ড করে। এক খণ্ড ভারী মাটির টুকরা সংগ্রহ করে তাকে গর্তের মুখে বার বার আছাড় মারতে থাকে। এতে নরম মাটি চেপে বসে গিয়ে গর্তের স্থানটি আশেপাশের জায়গার সঙ্গে বেমানাম মিশে যায়।” শ্রী ভট্টাচার্য এ ব্যাপারটি প্রথম কোন সালে লক্ষ্য করেছিলেন তার উল্লেখ কোথাও নেই, এ প্রবন্ধটি কোন সালে প্রথম প্রকাশিত হয়েছিল তাও জানা যায় নি। [ডঃ পরিশিষ্ট] পেকহামদের বই প্রকাশিত হয়েছিল ১৯০৫ খ্রীষ্টাব্দে। মনে হচ্ছে গোপালবাবু এদেশে একাধিক প্রজাতির কুমোড়ে পোকাকর বেলায় এ স্বভাবটি লক্ষ করেছেন।

পিঁপড়ের বুদ্ধি নিয়ে অনেক গল্প, অনেক পর্যবেক্ষণ এবং অনেক বাকবিতণ্ডা আছে। সাধারণত ‘বুদ্ধিমান’ কীটপতঙ্গরা মাত্র একটি ছুটি বিশেষ ব্যাপারেই তাদের ‘বুদ্ধি’ খেলাতে পারে, একটু পরিবর্তিত অবস্থার সঙ্গে খাপ খাইয়ে নিয়ে নতুন ‘চিন্তা’ করতে পারে না। তাই এদের ‘বুদ্ধি’ না বলে সহজাত প্রবৃত্তি বলা ঠিক। কিন্তু তবুও কোন কোন পর্যবেক্ষক মনে করেন কখনও কখনও এরা প্রকৃত বুদ্ধির পরিচয় দেয়। এগুলি পর্যবেক্ষণ ও অনুধাবন করতে অসীম ধৈর্যের প্রয়োজন এবং পর্যবেক্ষণটাও হওয়া দরকার খুবই তীক্ষ্ণ। গোপালবাবুর এ ক্ষমতা ছিল, তাই তার বিবরণগুলি ভুল বা অনবধানতার ফল বলে উড়িয়ে দেওয়া যায় না। ‘পিঁপড়ের বুদ্ধি’ নামক একটি প্রবন্ধে তিনি কয়েকটি কৌতূহল উদ্দীপক ঘটনা লিখে গেছেন। যেমন একবার পিঁপড়েরা আঠার ওপর ছোটো ছোটো কাঁকর ফেলে একটা পথ করে নিল, তারপর তার ওপর দিয়ে হেঁটে গিয়ে একটা মরা আরশোলার দেহ খণ্ড খণ্ড করে নিয়ে চলে গেল। এখানে উল্লেখযোগ্য যে প্রথমে কয়েকটা পিঁপড়ে আঠার ওপর দিয়ে যেতে চেষ্টা করে আঠায় ডুবে মারা যায়, তারপর অল্প পিঁপড়েরা কাঁকর ফেলতে আরম্ভ করে। তাই কাঁকর ফেলে পথ করাটা সহজাত প্রবৃত্তি নয়, বরং ‘দেখে শেখার’ অর্থাৎ বুদ্ধির লক্ষণ। আর একবার জল পার হবার সময় বহু পিঁপড়ে জলে পড়ে মরে যায়, তাদের মৃতদেহগুলি জলে ভাসতে থাকে। নতুন পিঁপড়েরা তার ওপর ছোটো ছোটো ঘাস নিচে ফেলে দিয়ে মৃতদেহ এবং ঘাসের একটা পথ তৈরি করে তার ওপর দিয়ে হেঁটে আসে।

যাঁরা শ্রী ভট্টাচার্যের ‘বাংলার মাকড়সা’ বইটি আগেই পড়েছেন তাঁরা ভাল করেই জানেন কত অধ্যবসায় নিয়ে, পুরোনো দিনের ক্যামেরা নিয়ে এই বিজ্ঞানী

তঁার অল্পসন্ধান চালিয়েছেন। ফটো তোলাবার চেষ্টা করেছেন মাছ-শিকারী মাকড়সার, চামচিকে শিকারী মাকড়সার। আজকের দিনের দামী বিলিতি-মার্কিনি বই আর জার্নালের ছবির তুলনায় এগুলি খেলো মনে হতে পারে বটে কিন্তু তখনকার অবস্থা কল্পনা করলে এই ছবি দেখলেই বিশ্বয়ে অভিভূত হতে হয়। দ্বিতীয় বিশ্বযুদ্ধের সময় গোপালবাবু 'প্যারাহুটিস্ট মাকড়সা' নাম দিয়ে একটি প্রবন্ধ লেখেন। সে সময় এই নামের জন্তই অনেকে লেখাটি পড়ে দেখেন। বাচ্চা মাকড়সারা স্মৃতি ছেড়ে স্মৃতির সঙ্গে বাতাসে ভেসে যায়। এই ঘটনাই তিনি সুন্দরভাবে বর্ণনা করেছেন নিজের পর্যবেক্ষণের পরিপ্রেক্ষিতে।

গাছের পাতা জুড়ে বাসা তৈরি করে যে লাল পিঁপড়েরা তাদের নিয়ে গোপালবাবু অনেক গবেষণা করেছেন, তেমনি করেছেন পিঁপড়ে অল্পকরণকারী মাকড়সার সম্বন্ধে। তঁার কাজের পরিধি Natural History ছাড়িয়ে Experimental Science পর্যন্ত পৌঁছেছিল। বসন্তের সময় এফিডস-রা (গাছ-উকুন) যখন নতুন পত্র-পল্লব থেকে প্রচুর রস পান করে এবং ক্ষরণ করে, তখন এই এফিডস্‌ এবং কুঁড়ি ও পত্র-পল্লব যোগান দিয়ে তিনি কৃত্রিম উপায়ে পুরুষ ও স্ত্রী পিঁপড়ের জন্ম দিতে পেরেছিলেন; এই পদার্থগুলির অভাবে শুধু অমিক পিঁপড়ে জন্মায়। এফিডস্‌-এর রসে প্রচুর ভিটামিন বি_১ আছে এটাও তিনি লক্ষ করেন।

গোপালবাবু যখন একা একা তঁার কাজ করে যাচ্ছিলেন, তখন বিজ্ঞানের শাখার মূল ধারা ছিল জার্মানিতে। যদি তিনি এই মূল ধারার অংশ হয়ে যেতে পারতেন, তাহলে তিনি হয়ত পৃথিবীর প্রথম জৈবী বিজ্ঞানীরূপে সারা বিশ্বে সুপরিচিত হতে পারতেন, নোবেল পুরস্কার বিজয়ীত্রয়ী—লরেঞ্জ, টিনবার্গেন বা ফন ফ্রিণ-এর সমগোত্রী হয়ে যেতেন। পরিশেষে বলতে চাই গোপালচন্দ্রের রচনাবলী প্রকৃতি বিজ্ঞানের ছাত্রদের পক্ষে অবশ্য পাঠ্য। [ডঃ ব্রহ্মচারীর একটি বক্তৃতা ও 'বাংলার কীট-পতঙ্গ'-এর সমালোচনা-প্রবন্ধ 'জ্ঞান ও বিজ্ঞান' গোপালচন্দ্র বিশেষ সংখ্যা থেকে সংগৃহীত।]

গবেষক গোপালচন্দ্র : ডঃ অজিতকুমার মেদা

গোপালচন্দ্রের মৌলিক গবেষণা প্রধানত মাকড়সা, পিঁপড়ে, প্রজাপতি শোয়া-পোকা, মাছ ও ব্যাঙাচি নিয়ে। আমাদের দেশের মাকড়সা যে মাছ, ব্যাঙাচি, চামচিকা, টিকটিকি, আরশোলা, কঁকড়াবিছা, এমন কি ছোট সাপ ধরে খায়, তা গোপালচন্দ্রই প্রথম লক্ষ করেন। বহু বিজ্ঞান মন্দিরের গবেষণাগারে স্বাভাবিক পরিবেশ তৈরি করে তার মধ্যে তিনি মাকড়সা, পিঁপড়ে, প্রজাপতি প্রভৃতি

প্রতিপালন করেই এদের পরীক্ষা-নিরীক্ষা করেছিলেন। মাকড়সার যৌন-মিলনের পূর্বে স্ত্রী-মাকড়সার চার দিকে পুরুষ মাকড়সার ঘুরে ঘুরে নৃত্য, যৌন-মিলনের পরে পুরুষ মাকড়সার সর্বাঙ্গ স্ত্রী-মাকড়সা চিবিয়ে খেয়ে ফেলে, মাকড়সার ভিন্ন পাড়া। ডিমের খলির প্রতি স্ত্রী-মাকড়সার মাতৃমূলভ আকর্ষণ, ডুবুরী-মাকড়সার জলের তলায় লুকানো ও আবার ১৫।২০ মিনিট পরে জলের উপর ভেসে ওঠা এবং এদের মাছ ধরে খাওয়া, মাকড়সার ঝগড়াটে স্বভাব ও তাদের মারামারি এবং মারামারির ফলে অগ্নহানি বা মৃত্যু, লাল ও কালো পিঁপড়ে-অনুকরণকারী মাকড়সার স্বভাব ও পিঁপড়ের দেহরস শোষণ করা, তাদের খোলসত্যাগ বা নির্মোচন (Moulting) এবং রূপান্তর প্রভৃতি মৌলিক তথ্যগুলি বিভিন্ন বৈজ্ঞানিক পত্রিকায় প্রকাশ করেছেন। মৎস্যাহারী মাকড়সার বিশেষত্ব-গুলি প্রবন্ধাকারে প্রথম প্রকাশিত হয় ১৯৩১-৩২ খ্রীস্টাব্দে বন্য বিজ্ঞান মন্দিরের “ট্রানজ্যাকশনে”। তিনি ৪৬টি পিঁপড়ে-অনুকরণকারী মাকড়সার জীবনেতিহাস পর্যবেক্ষণ করেছেন। কয়েকটি নতুন প্রজাতিও আবিষ্কার করেছেন।

প্রকাশিত বৈজ্ঞানিক প্রবন্ধগুলি থেকে দেখা যায় গোপালচন্দ্র প্রায় একই সঙ্গে মাকড়সা, পিঁপড়ে ও প্রজাপতি নিয়ে গবেষণা আরম্ভ করেন। পথে-ঘাটে যেখানেই তিনি যেতেন সব জায়গায় তাঁর তীক্ষ্ণ কৌতূহলী দৃষ্টি পড়তো। পোকা মাকড়েরা কোথায় কি করছে, কি খাচ্ছে প্রভৃতি খুঁটিয়ে খুঁটিয়ে দেখতেন। এই সব কীট-পতঙ্গের গতিবিধি অনুসরণ করতে করতে কখনও তিনি পৌঁছতেন কারও ঘরের জানালার ধারে, আবার কখনও পুকুর-ঘাটের নিকটে। তাঁর অল্প কোন খেয়াল থাকতো না, শুধু তাঁর মনপ্রাণ পড়ে থাকত এই ভাগ্যবান কীট-পতঙ্গের উপর। প্রকৃতি-বিজ্ঞানীর গতিবিধি সন্দেহ করায় তাঁকে অনেক স্থানে নিগৃহীত হতে হয়েছিল। বিক্রপ, অপমান ও দৈহিক লাঞ্ছনা ভোগ করেও গোপালচন্দ্র কোন দিনই দমে ঘান নি। কৌতূহলী মানুষ তাঁর কৌতূহল নিবৃত্ত করার কত চেষ্টাই না করতেন। প্রজাপতির জীবনেতিহাস সম্বন্ধে তিনি অতি চমৎকার বর্ণনা দিয়েছেন। গাছের পাতায় প্রজাপতির ভিন্ন থেকে শোঁয়াপোকায় পরিণত হওয়া, শোঁয়াপোকা থেকে কয়েকবার নির্মোচনের পর পূর্ণবয়স্ক সুন্দর প্রজাপতিতে রূপান্তর সত্যই এক অদ্ভুত ব্যাপার। শোঁয়াপোকা কত কুৎসিত, দেখলেই যেন ভয় হয়। এই শোঁয়াপোকায় সুন্দর প্রজাপতিতে পরিণত হওয়া হর্যোন দ্বারা কিরূপে প্রভাবান্বিত বা নিয়ন্ত্রিত হয়, তা আজ জানা গেলেও চল্লিশ বছর পূর্বে অজানা ছিল। গোপালচন্দ্রের গবেষণা ও প্রকাশিত প্রবন্ধ থেকে প্রমাণ পাওয়া যায় এবং একথা বললে অতুক্তি হবে না যে, মাকড়সা,

পিঁপড়ে ও প্রজাপতির উপর মৌলিক তথ্যগুলি ভবিষ্যতে শারীরবিদদের ও প্রাণ-রসায়নবিদদের গবেষণার পথ বহু দিকে উন্মুক্ত করে দিয়েছে। তিনি শোঁয়া-পোকার মৃত্যু-অভিযান যা নিরীক্ষণ করেছেন সেটা সত্যিই এক অদ্ভুত ব্যাপার। তাদের ভ্রমণের উদ্দেশ্য সম্ভবত এক—শাখাঘেষণ। গড্ডলিকাপ্রবাহের মত একটি শোঁয়াপোকা যে দিকে যায় সকলেই দলে দলে তাকে অনুসরণ করে, সে পথ যতই বিপজ্জনক হোক না কেন। তিনি দেখেছিলেন এক লজ্জাবতী লতার টবের কিনারার উপরে কতকগুলি শোঁয়াপোকা খাচ্চাঘেষণের জন্তে উঠেছিল। তারা টবের কিনারার উপরে দিনের পর দিন-যুগে চলেছিল, তাদের আর বিজ্ঞান ছিল না। তারা এতই নির্বোধ যে, টবের গা বেয়ে পালিয়ে যাবার চেষ্টাও করে নি। কয়েক দিন অনাহারে অবিরাম ঘুরতে ঘুরতে নিদারুণ ক্লান্তিতে সকলেরই ৫৬ দিনের মধ্যে একে একে মৃত্যু হলো। শোঁয়াপোকার এই ভ্রমণ-প্রবণতার কারণ জানতে হলে তাদের স্বাস্থ্যতত্ত্বের গঠন-কৌশল ও এর কর্মক্ষমতা বিষয়ে গবেষণা করা প্রয়োজন। এ পথও গোপালচন্দ্র উন্মুক্ত করে দিয়েছেন। অত্যাশ্চর্য প্রাণীদের মধ্যেও অস্বাভাবিক মৃত্যু-অভিযানের কথা জানা আছে।

আপনারা তো বড় বড় যুদ্ধের কথা শুনেছেন, কিন্তু আমি বলব অনেকেই পিঁপড়ের যুদ্ধ দেখেন নি। হাজার হাজার পিঁপড়ের সে কি ভীষণ যুদ্ধ ঘটেছিল দ্বিতীয় বিশ্বযুদ্ধের পূর্বে এই কলকাতারই কাছে, সোনারপুরের একটি বাগানে, ১৯৩৪ খ্রিস্টাব্দের জুন মাসে। যুদ্ধ আরম্ভ হয়েছিল বৈকালে এবং চলেছিল প্রায় দুই দিন। হাজার হাজার সৈন্য নিহত হয়েছিল এই যুদ্ধে। সত্যি তাদের যুদ্ধে নিপুণতা প্রশংসনীয়। যুদ্ধের সময় সৈনিক পিঁপড়েরা শরীরের পশ্চাৎদিক থেকে মাঝে মাঝে এক ঝাঁঝালো গ্যাস বের করে দিয়ে শত্রুদের নিস্তেজ করে দিচ্ছিল। গেরিলাযুদ্ধ ও হাতাহাতি প্রচণ্ড যুদ্ধ তো চলেছিলই। যুদ্ধের কিছুক্ষণের মধ্যেই যখন বিচক্ষণ সৈনিকেরা আর একটি ফ্রন্ট বা রণাঙ্গণ খুলে যখন সেই দিকে ধাবিত হলো তখন দেখা গেল হাজার হাজার লাল পিঁপড়ের মৃতদেহে পূর্বকার রণভূমি লাল হয়ে উঠেছিল। চোখে না দেখলে সে দৃশ্য বিশ্বাস করা যায় না। পরিত্যক্ত রণভূমি থেকে এক তীব্র গন্ধ আসছিল, সে গন্ধ ঐ বিষাক্ত গ্যাসের গন্ধ। এই ঘটনার পরও তিনি বহুবার পিঁপড়ের রণকৌশল নিরীক্ষণ করেছেন। এটা স্পষ্ট যে, প্রতিটি প্রাণীর শরীরে আত্মরক্ষার ও আক্রমণের জন্তে ব্যবস্থা আছে। তবে বহু তথ্যই আমাদের অজানা। এই সমস্ত রহস্য উদ্ঘাটন করার জন্তে প্রয়োজন শুধু এই প্রকৃতি বিজ্ঞানীর জ্ঞান নিরলস প্রচেষ্টা, অধ্যবসায়, কৌতূহলী এবং বিশ্লেষণী দৃষ্টিভঙ্গী।

পিঁপড়ের প্রজাতি নির্ণয় এবং যৌন পরিবর্তন সম্বন্ধে মৌলিক তথ্য—গোপাল-চন্দ্র যা দিয়েছেন, সেগুলি প্রাণীশারীরবৃত্তে গবেষণার পথ আরও এক দিকে উন্মুক্ত করেছে। পিঁপড়ের পুরুষ, রানী ও অমিকের জন্ম বা তাদের মধ্যে যৌন পরিবর্তন সম্বন্ধে তিনি যে তথ্যগুলি প্রকাশিত করেছেন, সেগুলি এখনও গবেষণার বিষয়। ১৯৪২-৪৩ খ্রিষ্টাব্দে তিনি একটি বৈজ্ঞানিক প্রবন্ধে উল্লেখ করেছেন রানী-পিঁপড়ের নিষিক্ত ডিম থেকে অমিক এবং অনিষিক্ত ডিম থেকে পুরুষ পিঁপড়ের জন্ম হয়। অমিক পিঁপড়েরা সারা বছর অনিষিক্ত ডিম পাড়ে। কাজেই এই ডিমগুলি থেকেই কেবলমাত্র অমিকের জন্ম হয়। পিঁপড়ের বাসায় সাধারণত অমিকেরাই বাস করে। ফেব্রুয়ারী থেকে এপ্রিল মাসের মধ্যে পুরুষ ও রানী-পিঁপড়ের আবির্ভাব হয়। গ্রীষ্মকালে গাছে যখন নতুন মঞ্জরী বা ফুলের কুঁড়ি দেখা যায় এবং অ্যাক্টিড্‌স ও অগ্নাত্ত পোকামাকড় আসে। সে সময় অমিক পিঁপড়েগুলি অ্যাক্টিড্‌সের ক্ষরিত রস সংগ্রহ করে এনে বাচ্চাদের খাওয়ায়। লাল পিঁপড়ের কৃত্রিম বাসায় ফুলের কুঁড়ি ও অ্যাক্টিড্‌স সরবরাহ করে তিনি পুরুষ ও রানী-পিঁপড়ে জন্মাতে দেখেছেন। এই পরীক্ষা-নিরীক্ষা থেকে তাঁর ধারণা হলো লাল পিঁপড়ের মধ্যে পুষ্টিকর পদার্থের তারতম্যের জন্তে এদের যৌন-পরিবর্তন সম্ভব হতে পারে। উপরিউক্ত ক্ষরিত রসবিহীন খাদ্য দিয়ে তিনি দেখেছেন সেই বাসায় কেবলমাত্র অমিক পিঁপড়ের জন্ম হয়। পিঁপড়ের শরীরের দৈর্ঘ্য নির্ভর করে খাদ্যের পরিমাণ ও উপাদানের উপর। রাসায়নিক বিশ্লেষণের দ্বারা তিনি পরীক্ষা করে দেখেছেন অ্যাক্টিড্‌সের ক্ষরিত রসে প্রচুর ভিটামিন B_১ আছে। তবে শুধু ভিটামিন B_১ প্রয়োগ করলেই পিঁপড়ের একপ যৌন-পরিবর্তন হয় না। সম্ভবত ভিটামিন B_১ সমেত অগ্নাত্ত পুষ্টিকর পদার্থ ও ভিটামিন দিয়ে পিঁপড়ের গ্রন্থিগুলিকে উদ্দীপিত করিয়ে প্রকৃত পুরুষ ও স্ত্রীর বিশেষ গাঠনিক ও শারীরবৃত্তীয় পরিবর্তন ঘটানোর জন্তে প্রয়োজন। পিঁপড়ের মধ্যে প্রকৃতপক্ষে যৌন-পরিবর্তন হয় কিনা বলা কঠিন। তবে এটুকু বলা যেতে পারে যে, গোপালচন্দ্রের নির্দেশিত গবেষণার পথে গবেষকগণ অগ্রসর হলে বহু রহস্য উন্মোচন করতে পারবেন। আমাদের দেশে যে পিঁপড়েগুলি পাওয়া যায়, তাদের ভিটামিন বা হরমোন নিয়ন্ত্রিত শারীরবৃত্তীয় পদ্ধতি খুব বেশী জানা নেই।

পিঁপড়ের প্রণয় ও প্রকৃতি-বিজ্ঞানীর দৃষ্টি এড়াতে পারে নি। কোন এক প্রজাতির পিঁপড়ের মধ্যে (*Diacamma vagans*, Smith) যে স্ত্রী-পিঁপড়ে আছে সেটা পূর্বে জানা ছিল না। ১৯১০ খ্রিষ্টাব্দে একটি নিবন্ধে হুইলার (W. Wheeler) মত প্রকাশ করেছিলেন ডায়াকামা (*Diacamma*) জাতের পিঁপড়ের বাংলার কীট—১২

মধ্যে কোন কোন শ্রমিকেরা (Gynaecoid workers) স্ত্রী-পিঁপড়ের কাজ করে। ছইলারের এই মত তিনি সমর্থন করলেন না। বহু বিজ্ঞান মন্দিরের গবেষণাগারে স্বাভাবিক পরিবেশে পিঁপড়ে প্রতিপালন করে এবং তাদের খাণ্ড নিয়ন্ত্রণ করে তিনি পরীক্ষা করতে লাগলেন যে তাদের মধ্যে স্ত্রী-জাতীয় পিঁপড়ে পাওয়া যায় কিনা। তিনি লক্ষ করলেন যে, পিঁপড়েগুলিকে অল্প খাণ্ড দিলে সেই দলের বাইরে থেকে পুরুষ পিঁপড়ে এসে হাজির হয়। কিছুক্ষণ পর দেখা যেত কোন কোন শ্রমিকের সঙ্গে পুরুষ পিঁপড়ের যৌন-মিলন। এই দৃশ্য দেখে তিনি ধারণা করলেন এই বিশেষ শ্রমিকেরা হয়তো প্রকৃত শ্রমিক পিঁপড়ে নয়, তারা প্রকৃত পক্ষে স্ত্রী-পিঁপড়ে।

গোপালচন্দ্রের কাজের আর শেষ নেই, বৌরভাগ গবেষণা তিনি একাই করেছেন। এক কাজের ফাঁকে ফাঁকে তিনি অণু কাজও করতেন। যদিও প্রধানত বিভিন্ন প্রাণীদের স্বভাব-ধর্ম ইত্যাদি পরীক্ষানিরীক্ষা করতেন, তারই ফাঁকে পুনরায় উদ্ভিদ নিয়ে কাজ করে যেতেন। উদ্ভিদ থেকে কীট-পতঙ্গ কীট-পতঙ্গ থেকে প্রোটোজোয়া (এককোষী প্রাণী), মাছ, ব্যাঙাচি, সাপ ও বেজী, আবার উদ্ভিদ, আবার কীট-পতঙ্গ, এভাবেই আসা যাওয়া চলেছিল। প্রোটোজোয়া সম্বন্ধে তাঁর বিচিত্র অভিজ্ঞতা আছে। কত রকমের যে অতুত প্রোটোজোয়া আছে তার যেন আর ইয়ত্তা নেই। ডায়টমের (Bacillaria paradoxa) সম্বন্ধে তাঁর অভিজ্ঞতা এখানে বিশেষ উল্লেখযোগ্য। আলোর সংস্পর্শে বা অণু কোন উদ্ভীপনায় ডায়টমের দেহ প্রসারিত হয়ে মালার আকার ধারণ করে এবং পরক্ষণেই পূর্ব আকৃতিতে ফিরে যাবার প্রচেষ্টা আরম্ভ হয়। মাছ জলে বাস করে, আবার কোন কোন মাছের জলে ডুবেই মৃত্যু ঘটে। গোপালচন্দ্র দাবী করেন কৈ মাছের ‘জল ডুবি’ পরীক্ষা তিনিই প্রথমে করেন। সাপের বিষ নিয়ে তিনি গবেষণা করেছেন। সাপ ও বেজীর লড়ায়ে তাৎপর্য তিনি পরীক্ষা করে জানাবার চেষ্টাও করেছেন। এই সমস্ত কাজের মধ্যেও লজ্জাবতী লতার পাতার সংকোচন-প্রসারণের কারণ সম্বন্ধে তিনি অল্পসন্ধান করেছিলেন। সহকর্মীদের সঙ্গে যখন লজ্জাবতী লতার পালভাইনাসের নির্ধাসের কার্যকারিতা পরীক্ষা করে সক্রিয় পদার্থটি অল্পসন্ধান করেছিলেন, সে সময় তিনি লক্ষ করেন পালভাইনাসের সংকোচনের উপর জলের ভূমিকাই প্রধান। জেনী-রেনৎসের মাইমোসিন মতবাদ তিনি যেনে দিতে পারলেন না। ...

...গোপালচন্দ্র বহু বৈজ্ঞানিক সমস্যা সৃষ্টি করেছেন এবং গবেষণার পথ বহু দিকে উন্মুক্ত করে দিয়েছেন। তার গবেষণালব্ধ বিষয়বস্তু আন্তর্জাতিক খ্যাতি লাভ

করেছিল। ডুবুরী মাকড়সার স্বভাব-ধর্ম এবং অন্যান্য কীট-পতঙ্গের জীবনযাত্রা, যেগুলি তিনি প্রকাশ করেছিলেন, সেগুলি আমেরিকায় এবং অন্যান্য দেশেও বিশেষ সমাদৃত হয়েছিল। এর প্রমাণ বিভিন্ন দেশ-বিদেশের পত্রিকায় পাওয়া যায়। ১৯৫১ খ্রিস্টাব্দে প্যারিসে কীট-পতঙ্গের উপর আন্তর্জাতিক আলোচনা-চক্র (International Union of the study on social insects) ভারতীয় শাখা পরিচালনা করার জন্য আমন্ত্রণ পেয়েছিলেন।

গোপালচন্দ্রের গবেষণার শেষ অধ্যায়

১৯৫২ খ্রিস্টাব্দে, এম. এসসি. শারীরবৃত্তের (ফিজিওলজি) ছাত্র ছিলাম। বিজ্ঞান কলেজের শারীরবৃত্তের শিক্ষক ডঃ নগেন্দ্রনাথ দাস আমাদের নিয়ে বিভিন্ন ল্যাবরেটরি, হাসপাতাল প্রভৃতি বহু জায়গায় নিয়ে যেতেন এবং সেখানকার গবেষণা সংক্রান্ত কাজকর্ম জানার সুযোগ করে দিতেন। তিনি নিজেই যোগাযোগ করে ছাত্রদের জন্য এ ধরনের শিক্ষামূলক ভ্রমণের ব্যবস্থা করতেন। ডঃ দাস বহু বিজ্ঞান মন্দিরে আচার্য জগদীশচন্দ্র বসুর অধীনে প্রায় দশ বৎসর গবেষণা করেছিলেন। বহু বিজ্ঞান মন্দিরে তিনি... পরিচয় করিয়ে দিলেন শ্রীবিনয়কৃষ্ণ দত্ত, শ্রীআনুতোষ গুহঠাকুরতা এবং শ্রীগোপালচন্দ্র ভট্টাচার্যের সঙ্গে। এঁরা তিনজনই আচার্য জগদীশচন্দ্র বসুর সহকর্মী। বিনয়কৃষ্ণ দত্ত ও শ্রীগুহঠাকুরতা আচার্য বসুর উদ্ভাবিত যন্ত্রপাতি নিয়ে পরীক্ষা-নিরীক্ষা করতেন। তাদের গবেষণার বিষয়বস্তু আমাদের বুঝিয়ে দিলেন। সে সময়ে একই স্বরের মধ্যে একটা অংশে গোপালচন্দ্র ভট্টাচার্য গবেষণা করতেন। আমরা গোপালচন্দ্র ভট্টাচার্যের কাছে এলাম। উনি কি নিয়ে গবেষণা করছেন তা আমাদের বুঝিয়ে দেবার জন্য ডঃ দাস অস্বরোধ করলেন।

টেবিলের উপর একটি ক্লাসের ফরমালিনের মধ্যে অনেকগুলি বিভিন্ন আকারের ব্যাঙাচি দেখলাম। কোন ব্যাঙাচির পা নেই, কারও পিছনের দুটি পা, আবার কারও চারটি পা। কয়েকটি খুব ছোট ব্যাঙও ফরমালিনের মধ্যে ছিল। জীববিজ্ঞা (বায়োলজি) পড়ে ব্যাঙের জীবনকাহিনী সম্বন্ধে কিছুটা ধারণা হয়েছিল। মনে হলো ল্যাবরেটরিতে কাঁচের জারের মধ্যেই কোন কোন ব্যাঙাচির আংশিক রূপান্তর এবং কারও সম্পূর্ণ রূপান্তর হয়েছে, আবার কারও দেহের কোন পরিবর্তন হয় নি। ব্যাপারটা প্রথমে ঠিক-উপলব্ধি করতে পারলাম না। গোপালচন্দ্র ভট্টাচার্য কিছুক্ষণ চুপ করে থেকে কি যেন ভেবে নিয়ে বলতে আরম্ভ করলেন ব্যাঙাচি নিয়ে কি গবেষণা করছেন।

ব্যাঙাচিগুলি (*Rana tigrina*) প্রায় 5-6 সপ্তাহের মধ্যে ক্রমশ দৈহিক পরিবর্তনের ফলে পূর্ণাঙ্গ ব্যাঙে রূপান্তরিত হয়। মোটামুটিভাবে বলা যায় এদের দেহের বৃদ্ধির সঙ্গে প্রথম পিছনের পা দুটি বের হয়। পা দুটি ক্রমশ বড় হতে থাকে, তারপর সামনের পা-দুটি দেহের ভিতর থেকে বেরিয়ে আসে। সামনের পা-দুটি বের হবার পরই লেজটি ক্রমশ ছোট হতে থাকে এবং অবশেষে দেহের সঙ্গে মিশে যায়। ব্যাঙাচির এই অবস্থায় পৌঁছানকে রূপান্তর বা মেটামরফোসিস (*metamorphosis*) বলে। এক্ষণে পরিবর্তনের ফলেই ব্যাঙাচি পূর্ণাঙ্গ ব্যাঙে পরিণত হয়। রূপান্তরের সময় ব্যাঙাচির দেহের মধ্যে বহু প্রকার গাঠনিক, শারীরবৃত্তীয় ও প্রাণরাসায়নিক পরিবর্তন ঘটে, যেগুলি ব্যাঙকে স্থলে বাস করার উপযোগী করে তোলে। জানা ছিল—পেনিসিলিন, স্ট্রেপটোমাইসিন প্রভৃতি অ্যান্টিবায়োটিক যদি শুকর ও মোরগ-মুরগীর খাত্তের সঙ্গে মিশিয়ে দেওয়া হয় তাহলে এসব প্রাণীদের দেহের বৃদ্ধি বেশি হয় এবং ফলে এদের শরীরের ওজন বাড়ে। আরও জানা ছিল এবং গোপালচন্দ্র ভট্টাচার্য ও পরীক্ষা-নিরীক্ষা করে দেখেছিলেন, এক জাতের পিপড়ে খাত্তের পুষ্টিকর পদার্থের তারতম্যের জন্য পিপড়েটি রানী হবে না শ্রমিক হবে সেটা নির্ধারিত হয়ে থাকে। পিপড়াদের তিনি অ্যান্টিবায়োটিক খাইয়েও কিছু পরীক্ষা-নিরীক্ষা করেছিলেন। সে সময়—সম্ভবত 1951 খৃস্টাব্দের মে মাস—বহু বিজ্ঞান মন্দিরের তৎকালীন ডিরেক্টর ডঃ দেবেন্দ্রমোহন বসুর পরামর্শ অনুসারে এবং কৌতূহলবশত ব্যাঙাচির জলে তিনি বিভিন্ন পরিমাণ পেনিসিলিন মিশিয়ে দেখতে লাগলেন ব্যাঙাচির দেহের কি পরিবর্তন হয়। আশ্চর্যের বিষয়, ব্যাঙাচির রূপান্তর অনেক দেরীতে হতে লাগল, কোন কোন ক্ষেত্রে প্রায় এক-দেড় বৎসর পর্যন্ত ব্যাঙাচির রূপান্তর সম্পূর্ণ হচ্ছিল না। ব্যাঙাচির জলে স্ট্রেপটোমাইসিন দিয়েও একই ফল লক্ষ্য করলেন। অ্যান্টিবায়োটিক প্রয়োগে যে সব ব্যাঙাচির রূপান্তর হয়নি তাদের জলে ভিটামিন বি_{১২} মিশিয়ে দেওয়ায় প্রায় 10-12 দিনের মধ্যে ব্যাঙাচিগুলি ছোট পূর্ণাঙ্গ ব্যাঙে পরিণত হতে লাগল।

পেনিসিলিন ও স্ট্রেপটোমাইসিন প্রয়োগে যখন একই ফল পাওয়া গেল, অর্থাৎ ব্যাঙাচির রূপান্তর বন্ধ বা দেরীতে হতে লাগল, তখন ধারণা করা হয়েছিল যে এটি বস্তুর প্রভাব অস্ত্রের জীবাণুর উপর। কারণ সে সময় জানা ছিল—শুকর ও মোরগ-মুরগীদের অ্যান্টিবায়োটিক খাওয়ালে দেহের যে ওজন বাড়ে সেটা হয় অস্ত্রের ক্ষতিকর জীবাণুগুলির বংশবৃদ্ধি বাহত হওয়া বা তাদের মৃত্যুর জন্য কিংবা ক্ষতিকর নয় অথচ অ্যান্টিবায়োটিকের দ্বারা মৃত্যু হয় না এক্ষণে

জীবাণুগুলি বেশি পরিমাণ ভিটামিন (ভিটামিন বি-গ্রুপের) তৈরি করার ফলে । এটাও জানা ছিল অ্যান্টিবায়োটিক খাওয়ালে এইসব প্রাণীদের খাদ্য গ্রহণের পরিমাণ বেড়ে যায়, যেটা দেহের ওজন বাড়ার একটা কারণ বলে অনেক মনে করতেন । যাই হোক, ব্যাঙাটির ক্ষেত্রে কিন্তু বিপরীত ফল পাওয়া গেল । ধারণা করা হলো, সম্ভবত পেনিসিলিন ও স্ট্রেপটোমাইসিন প্রয়োগ করলে ব্যাঙাটির অঙ্গের ভিটামিন-বি₁₂ প্রস্তুতকারী জীবাণুগুলি মরে যায়, ফলে তাদের দেহে এই ভিটামিনের অভাব ঘটে । তখন বাইরে থেকে ভিটামিন-বি₁₂ দেওয়ার প্রয়োজন হয় ।

....ঘটনাচক্রে ব্যাঙাচি নিয়ে গোপালচন্দ্র ভট্টাচার্যের সঙ্গে গবেষণা করার সুযোগ পেলাম 1951 খৃস্টাব্দের জুলাই মাসে ।

....গোপালচন্দ্র ভট্টাচার্যের সঙ্গে ব্যাঙাচির রূপান্তর সমস্যা নিয়ে গবেষণা করার সময় আমরা ব্যাঙাচির মধ্যে আরও একটা অদ্ভুত পরিবর্তন লক্ষ্য করলাম । ডিম ফুটে বাচ্চা বের হবার 6-7 দিনের মধ্যেই এই ছোট ব্যাঙাচিগুলির জলে দৈনিক পেনিসিলিন মিশিয়ে দেওয়া হতে লাগল । আবার কতকগুলি অপেক্ষাকৃত বড় ব্যাঙাচি, যেগুলির বয়স প্রায় 15-20 দিন, নেওয়া হলো এবং তাদের জলেও ঐ একই দিন থেকে একই পরিমাণ পেনিসিলিন দেওয়া আরম্ভ করা হলো । নিয়মমিত সব ক্ষেত্রেই কতকগুলি ব্যাঙাচিকে শুধু জলে রাখা হয়েছিল । পেনিসিলিন প্রয়োগের ফলে ওরা 3-4 মাসে ব্যাঙাচি অবস্থাতেই রয়ে গেল । তখন এই ব্যাঙাচিগুলিকে বিভিন্ন উপদলে ভাগ করে তাদের জলে থাইরক্সিন মিশিয়ে দেওয়া হলো । যে বড় ব্যাঙগুলির (যাদের বয়স পরীক্ষা আরম্ভের পূর্বে 15-20 দিন ছিল) পেনিসিলিন প্রয়োগে রূপান্তর বন্ধ ছিল তারা থাইরক্সিনের প্রভাবে কয়েক দিনের মধ্যেই সম্পূর্ণভাবে পূর্ণাঙ্গ ব্যাঙে রূপান্তরিত হলো । পেনিসিলিন প্রয়োগের পূর্বে যাদের বয়স 6-7 দিন ছিল, সেই সব ব্যাঙাচির বাধাপ্রাপ্ত রূপান্তর থাইরক্সিনের দ্বারা উদ্দীপিত হলো বটে কিন্তু তাদের রূপান্তর সম্পূর্ণ হলো না ; অর্থাৎ তাদের চারটি পা বেরুলো, লেজ মোটেই ছোট হলো না, দেহের ও মুখের আকৃতি, ফুলকা ইত্যাদি ব্যাঙাচির মত রয়ে গেল, ফুসফুসের পরিষ্করণ হলো না, ফলে তারা জল থেকে ভাসায় আসতে পারল না । এই লেজবুজ ছোট ব্যাঙ জলের মধ্যেই মাসাধিকাল রয়ে গেল । সমস্যা হলো এরা এই এই অবস্থায় কিছুই খায় নি । ভিটামিন ও হাইড্রোলাইজড প্রোটিন ইত্যাদি দিয়ে এদের বাঁচিয়ে রাখার চেষ্টা করেছিলাম । কিন্তু 10-12 দিনের মধ্যে একে একে সকলেই মারা গেল ।

এই লেজযুক্ত ছোট ব্যাঙগুলি অ্যাক্সলটল (axoltol)-এর কথাই স্মরণ করিয়ে দেয়। মেক্সিকোর হ্রদে এই প্রাণীগুলি পাওয়া যায়, অ্যাক্সলটলের বৈশিষ্ট্য হচ্ছে লার্বা অবস্থাতেই এদের জনন ক্ষমতা আছে। থাইরক্সিন প্রয়োগে এদের ফুলকার এবং লেজের উপরে ও নিচের কিনারায় যে পাতলা পর্দার মত অংশ থাকে যাকে টেল ফিন (tail fin) বলে তার ক্ষয় হতে থাকে ফলে অ্যাক্সলটল জল ত্যাগ করে স্থলে চলে আসে। ব্যাঙের জীবন-ইতিহাসে ব্যাঙাচি হচ্ছে লার্বা দশা। ব্যাঙাচির জনন ক্ষমতা নেই। যখন আমরা থাইরক্সিন প্রয়োগে উপরিউক্ত ব্যাঙ পেলাম তখন আমাদের চেষ্টা চলছিল সেই ব্যাঙগুলিকে জলের মধ্যেই বাঁচিয়ে রেখে যদি তাদের দেহের বৃদ্ধি ও যৌন হর্যোন প্রয়োগে যৌনাস্থের পরিপূরণ ঘটান যায়। তাহলে হয়তো ব্যাঙাচির মধ্যবর্তী কোন প্রাণী সৃষ্টি করা সম্ভব হতে পারে, যেগুলির স্বভাব ও বৈশিষ্ট্য কতকটা অ্যাক্সলটলের গ্রন্থ হবে। এ চেষ্টায় আমরা সফল হতে পারি নি, অসুবিধা অনেক ছিল। যাই হোক, আমরা কিছুটা সফল হয়েছিলাম। ব্যাঙাচি ও ব্যাঙের মধ্যবর্তী এক প্রকার রূপান্তরিত প্রাণী পেয়েছিলাম, যেগুলির মধ্যে কতকগুলিকে আমরা 42 দিন পর্যন্ত এই অবস্থায় বাঁচিয়ে রাখতে সক্ষম হয়েছিলাম।....

ব্যাঙাচি নিয়ে গোপালচন্দ্র ভট্টাচার্যের শেষ গবেষণা। আমি তাঁর গবেষণা জীবনের শেষ অধ্যায়ের একজন সহকর্মী ছিলাম।....ব্যাঙাচি নিয়ে যতটুকু কাজই তিনি করে থাকুন তার মূল্য যাই হোক না কেন, এটা নিঃসন্দেহে বলা যায় তাঁর পর্যবেক্ষণের ফলাফল ভবিষ্যৎ গবেষণার পথ কিছুটা উন্মুক্ত করে দিয়েছিল। গবেষকদের কাজের সার্থকতা সম্ভবত এখানেই। প্রকৃতপক্ষে নিজের চেষ্টা ও অধ্যবসায়ের ফলে গোপালচন্দ্রের গবেষণা-জীবন প্রতিষ্ঠিত হয়েছিল।.... বিজ্ঞানের সঙ্গে তিনি সাহিত্যকেও ভালবেসেছিলেন। তাঁর অসাধারণ নিষ্ঠা, অমুসন্ধিৎসা ও বিজ্ঞান-জিজ্ঞাসা কোনও বিশেষ সম্মান বা অর্থ লাভের আশায় ছিল না। গবেষণার পর্যবেক্ষণের ফলাফল ইংরাজী ও অসংখ্য বাংলা প্রবন্ধের মাধ্যমে প্রকাশিত হওয়ায় তাই আজ অগণিত মানুষের কাছে গোপালচন্দ্র ভট্টাচার্য এত পরিচিত ও সম্মানিত।

[ডঃ মেদার হুটি প্রবন্ধ যথাক্রমে গোপালচন্দ্র সম্বর্ধনার স্মারক গ্রন্থ ও 'জ্ঞান বিজ্ঞান' গোপালচন্দ্র বিশেষ সংখ্যা থেকে গৃহীত হয়েছে। বর্জিত অংশ চিহ্ন দ্বারা বোঝানো হয়েছে।]

গ্রন্থ পরিচয়

১ম প্রকাশ : মার্চ ১৯৭৫। শীলা ভট্টাচার্য, আশা প্রকাশনী। প্রচ্ছদ : পরিমল চৌধুরী। লেখক কর্তৃক গৃহীত ২০টি আলোকচিত্রের প্রতিলিপি। পৃষ্ঠা ২২৫+৮। দাম : কুড়ি টাকা।

প্রথম সংস্করণে ২৮টি প্রবন্ধ পিঁপড়ে, প্রজাপতি, মাকড়সা ও বিবিধ এই চারটি পর্যায়ে বিভক্ত ছিল, পরিশিষ্ট অংশে ডঃ অজিতকুমার মেদ্যার ‘গবেষক গোপালচন্দ্র’ প্রবন্ধের কিছুটা অংশ উৎকলিত হয়েছিল। ডঃ মেদ্যার প্রবন্ধটি ১৯৭৪ সালে গোপালচন্দ্রকে বস্তু বিজ্ঞান মন্দিরে প্রদত্ত নাগরিক সংবধনা উপলক্ষে প্রকাশিত স্মারকপত্র থেকে নেওয়া।

২য় সংস্করণ : জানুয়ারি ১৯৭৬। শীলা ভট্টাচার্য, আশা প্রকাশনী, ৭৪, মহাত্মা গান্ধী রোড, কলকাতা ৭০০০০২। প্রচ্ছদ : অজয় গুপ্ত। পৃষ্ঠা ২০৮। দাম : কুড়ি টাকা।

এই সংস্করণে প্রবন্ধগুলির বিজ্ঞাসের পরিবর্তন ঘটে। মাকড়সা বিষয়ক প্রবন্ধগুলিকে পিঁপড়ে, প্রজাপতি ও বিবিধ কীট-পতঙ্গ বিষয়ক প্রবন্ধগুলির পরে বিস্তৃত করা হয়েছে। তাছাড়াও ‘মাকড়সার নৃত্য’, ‘চোর মাকড়সা’ ও ‘মাকড়সার লড়াই’ প্রবন্ধ তিনটি ‘মাকড়সার কথা’ শিরোনামে বিস্তৃত করা হয়েছে। মাকড়সা বিষয়ক প্রবন্ধগুলিকে পৃথক করার কারণ ‘মাকড়সা’ কীট-পতঙ্গ নয়। মাকড়সা হচ্ছে সন্ধিপদ গোষ্ঠীর (ফাইলাস আর্থ্রোপোদা) অন্তর্ভুক্ত আরাকনিদা শ্রেণীর অমেরুদণ্ডী প্রাণী।

এই সংস্করণের পরিশিষ্ট অংশে গোপালচন্দ্রের প্রথম বৈজ্ঞানিক রচনা ‘পচা গাছপালার আশ্চর্য আলো বিকিরণ করবার ক্ষমতা’ প্রবাসী থেকে পুনর্মুদ্রিত এবং প্রবন্ধগুলির প্রথম প্রকাশকাল বিবৃত করা হয়।

তৃতীয় সংস্করণ বা প্রথম সাক্ষরতা সংস্করণ। ২৪ মার্চ ১৯৮১। দীন মহম্মদ। সাক্ষরতা প্রকাশন, ৬০ পটুয়াটোলা লেন, কলকাতা ৭০০০০২। প্রচ্ছদ : স্নবোধ দাশগুপ্ত। দশটি আলোক চিত্র। ১৩৮ পৃষ্ঠা। দাম : পনেরো টাকা/গ্রাহক মূল্য : বারো টাকা। এই সংস্করণটি আশার দ্বিতীয় সংস্করণের অনুরূপ। পরিশিষ্টে গোপালচন্দ্রের প্রথম বৈজ্ঞানিক রচনাটি বর্ণিত।

প্রসঙ্গত, বলা দরকার আশা প্রকাশনীর দ্বিতীয় সংস্করণ ও সাক্ষরতা সংস্করণে বহু প্রবন্ধে ছাড় থেকে গেছে।

প্রবন্ধাবলীর প্রথম প্রকাশের তারিখ

এই সংস্করণে সংকলিত সমস্ত প্রবন্ধই “প্রবাসী” পত্রিকায় প্রথম প্রকাশিত হয়েছিল। নিচে প্রবন্ধের নাম, মাস ও সাল এই গ্রন্থে যে ভাবে বিন্যস্ত হয়েছে সেই ক্রম অনুসারে উল্লেখিত হলো।

ঐমিক পিঁপড়ের জন্মরহস্য	আবণ	১৩৫১
পিঁপড়ের বুদ্ধি	আখিনি	১৩৪৯
পিঁপড়ের লড়াই	পৌষ	১৩৪৪
স্কুদে-পিঁপড়ের ব্লিংসক্রিগ	আবণ	১৩৪৮
দুখলতা প্রজাপতির জন্মকথা	ফাল্গুন	১৩৪৩
শোঁয়াপোকাকার মৃত্যু অভিযান	কার্তিক	১৩৪৪
মথ ও রেশম কীট	মাঘ	১৩৪৮
নিশাচর প্রজাপতি	মাঘ	১৩৪৬
প্রজাপতির লুকোচুরি	কার্তিক	১৩৪৩
মৌমাছির জীবন রহস্য	চৈত্র	১৩৪৯
বোলতার জীবন রহস্য	চৈত্র	১৩৫০
ভীমকলের রাহাজানি	চৈত্র	১৩৪৪
নেউলে পোকাকার জন্মরহস্য	মাঘ	১৩৪৯
কুমোরেপোকাকার সম্ভানরক্ষার কৌশল	ফাল্গুন	১৩৪৫
পঙ্গপাল	আখিনি	১৩৫১
গঙ্গাকড়ি	ভাদ্র	১৩৪৪
কানকোটারীর জীবনকথা	কার্তিক	১৩৫১
কীটপতঙ্গের বাজনা	ভাদ্র	১৩৪৬
কীটপতঙ্গের লুকোচুরি	পৌষ	১৩৪৭
কীটপতঙ্গের আত্মরক্ষা কৌশল	পৌষ	১৩৪৩
কীটপতঙ্গের শিল্পনৈপুণ্য	আষাঢ়	১৩৫১
গর্তবাদী মাকড়সা	বৈশাখ	১৩৫০
ঠাণ্ডী-বোঁ মাকড়সার জীবন কথা	ভাদ্র	১৩৪৫
বাংলাদেশের মৎস্যশিকারী মাকড়সা	বৈশাখ	১৩৪০
মাকড়সার নৃত্য	আবণ	১৩৪৩
চোর মাকড়সা	আখিনি	১৩৪৩
মাকড়সার লড়াই	ঐ	
প্যারাসুটিস্ট মাকড়সা	আষাঢ়	১৩৪৮
পিঁপড়ে-মাকড়সার জীবনবৈচিত্র্য	আবণ	১৩৪৪



আজকের দিনে সারাবিশ্বেই ইথোলজি বা অ্যানিম্যাল বিহেভিয়ার একটি সুপরিচিত বিজ্ঞানের শাখা। লরেঞ্জ, টিনবার্গেন, ফন ফ্রিন এই তিন বিজ্ঞানি নোবেল প্রাইজ পেয়ে বিষয়টিকে 'জাতে তুলেছেন।' কিন্তু গোপালচন্দ্রের পোকামাকড় নিয়ে গবেষণাকালে এর কদর তো ছিলই না, বরং পোকামাকড় পর্যবেক্ষণটা ছিল পাগলামির অপরাধ নাম।

বাংলার কীটপতঙ্গ-এর লেখাগুলি ফরাসী বৈজ্ঞানিক ফাবারের রচনার সঙ্গে তুলনীয়। পুরনো দিনের ক্যামেরা নিয়ে মাঠে-ঘাটে ঝোপ-ঝাড়ে যে সব পর্যবেক্ষণ তিনি করেছিলেন তারই ফসল এই গ্রন্থের প্রবন্ধগুলি। বিশেষজ্ঞদের মতে আজ পর্যন্ত বাংলা ভাষায় প্রকাশিত সেরা দশটি বিজ্ঞানগ্রন্থের একটি 'বাংলার কীট-পতঙ্গ'।